

Khuddakanikāye Vinayapiṭake

Bhadantamahābuddhaghosattherena katā

PĀRĀJIKAKAṄḌA-AṬṬHAKATHĀ

(Paṭhamo bhāgo)



Buddhavasse 2552

Marammavasse 1370

AD. 2008

Romanized from Myanmar version published in 1986

© Buddhasāsana Society

Aṭṭhakathā Series 01

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

| | | | | |
|------|-------|------|-------|------|
| က ka | ခ kha | ဂ ga | ဃ gha | င ṅa |
| စ ca | ဆ cha | ဇ ja | ဈ jha | ည ṇa |
| ဋ ta | ဌ tha | ဍ ḍa | ဎ ḍha | ဏ ṇa |
| တ ta | ထ tha | ဒ da | ဓ dha | န na |
| ပ pa | ဖ pha | ဗ ba | ဘ bha | မ ma |

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

| | | | | | | | |
|-------|--------|--------|--------|--------|--------|--------|-------------|
| က ka | ကာ kā | ကိ ki | ကီ kī | ကု ku | ကူ kū | ကေ ke | ကော ko |
| ခ kha | ခါ khā | ခိ khi | ခီ khī | ခု khu | ခု khū | ခေ khe | ခေါ kho ... |

CONJUNCT-CONSONANTS

| | | | | | |
|--------|---------|---------|---------|--------|---------|
| ကက kka | ဃ န္ဂha | ဏ န္ဓha | ဈ သ္ဃa | ဠ ပla | ဣ လla |
| က့ kka | ဣ ငca | ဣ န္ဓa | ဣ သ္ဃa | ဣ ပba | ဣ လya |
| ကျ kya | ဣ ငcha | ဣ န္ဓa | ဣ န္ဓa | ဣ ဗbha | ဣ လha |
| ကြ kri | ဣ ဣja | ဣ န္ဓa | ဣ န္ဓa | ဣ ဗya | ဣ ဝvha |
| ကလ kla | ဣ ဣjha | ဣ တta | ဣ န္ဓa | ဣ ဗra | ဣ ဘsta |
| က့ kva | ဣ ဣṅha | ဣ တta | ဣ န္ဓa | ဣ မpa | ဣ ဘstra |
| ဈ က္ဃa | ဣ ဣṅha | ဣ တta | ဣ န္ဓa | ဣ မpha | ဣ သ္ဓa |
| ဣ က္ဃa | ဣ ဣṅca | ဣ တta | ဣ န္ဓa | ဣ မba | ဣ သ္ဓa |
| ဣ ငga | ဣ ဣṅcha | ဣ တtra | ဣ န္ဓa | ဣ မbha | ဣ သssa |
| ဣ ငgha | ဣ ဣṅja | ဣ ဒdda | ဣ န္ဓa | ဣ မma | ဣ သsma |
| ဣ ငya | ဣ ဣṅjha | ဣ ဒddha | ဣ န္ဓa | ဣ မya | ဣ သsva |
| ဣ ငra | ဣ တta | ဣ သdya | ဣ ပppa | ဣ မmha | ဣ တtaha |
| ဣ ṅka | ဣ တtṅha | ဣ ဒdra | ဣ ပppha | ဣ ယyya | ဣ တtaha |
| ဣ ṅkha | ဣ ဒdṅha | ဣ ဒdva | ဣ ပpya | ဣ ယyha | ဣ ဠḷha |
| ဣ ṅga | | | | | |

| | | | | | | | | | |
|---|---|---|---|---|---|---|---|---|---|
| ၁ | ၂ | ၃ | ၄ | ၅ | ၆ | ၇ | ၈ | ၉ | ၀ |
| 1 | 2 | 3 | 4 | 5 | 6 | 7 | 8 | 9 | 0 |

Nidānakathā

Sirimatā amhākaṃ Buddhena Bhagavatā Arahatā Sammāsambuddhena sakalalokapatthaṭamahākaruṇāsinehasiniddhahadayena sabbattha appaṭihatasabbaññūtānāvarenaḍiñāḅobhāsasamujjalitena sanarāmaralokagurunā sadevakassa lokassa atthāya hitāya sukhāya dhammo ca vinayo ca desito pañṅatto, so pariyattipaṭipattipaṭivedhavasena vibhatesu tīsu saddhammesu pariyattisaddhammo nāma, tadeva ca sāsanatṭhitiyā pamāṇaṃ, satiyeva hi tasmīṃ itare uppajjanti, nāsati, vuttañhetāṃ **Aṅguttaraṭṭhakathāyaṃ**— (Am-Ṭṭha 1. 72 piṭṭhe)

“Suttantesu asantesu, pamuṭṭhe vinayamhi ca.

Tamo bhavissati loko, sūriye atthaṅgate yathā.

Suttante rakkhite sante, paṭipatti hoti rakkhitā.

Paṭipattiyāṃ ṭhito dhīro, yogakkhemā na dhamasati”ti.

Teneva ca saddhammaciraṭṭhitikāmino theravarā Mahākassapādayo pariyattisaddhammasaṅkhātāṃ Tepiṭakāṃ Buddhavacanaṃ saṅgītimāropetvā Buddhasāsanāṃ samrakkhimsu, taṃkālikā ca rāḅāno saddhammābhivuddhikāmā tesāṃ saṅgītikārānāmanubalappadānena sahāyattamupāgamuṃ.

Tathā hi catūhādhikatimāsaparinibbute Bhagavati Mahākassapattherappamukhehi pañcahi arahantasatehi Rāḅagahe **paṭhamā dhammasaṅgīti** katā rañño Māgadhasa Ajātasattuno visesānuggahamādāya.

Vassasataparinibbute ca Bhagavati Mahāyasattherappamukhehi sattahi arahantasatehi Vesāliyaṃ **dutiyā dhammasaṅgīti** katā, tadā ca Kālāsoko mahīpati tesāṃ sahāyattamupāgato.

Tathāgataparinibbānato pana dvinnaṃ vassasatānamupari pañcattimsatime vasse Mahāmoggaliputtatissattherappamukhehi arahantasahashehi Pāṭaliputte **tatiyā dhammasaṅgīti** katā sakalalokapatthaṭayasassa Dhammāsokassa bhūpatino niratisayānuggaham laddhāna.

Sammāsambuddhapariniḅbutito pana catunnaṃ vassasatānamupari paṇṇāse vasse Laṅkāḁīpe Vaṭṭagāmaṇirājino kāle Mātulajanapade Ālokalene **catutthī dhammasaṅgīti** katā pañcahi arahantasatehi Mahādhammarakkhitattherappamukhehi, yā loke “pothakāropanasaṅgīti”ti pākaṭā.

Buddhavasṣe pana catussatādhikadvisahassānamupari pannarasamasāṅkhyāṃ sampatte imasmimpi Marammaraṭṭhe **Mindonnā**massa mahādhammarājino kāle Mandalay itipākaṭe Ratanāpuñjanagare **pañcamī dhammasaṅgīti** katā catussatādhikadvisahassattherehi Dakkhiṇārāmaṁvāsītipīṭakadharabhadantaajāgarattherappamukhehi tasṣeva rañño anavaṣesaṅgahamaḁāya, yā loke “selakkharāropanasaṅgīti”ti vuccati.

Itthaṃ sudāṃ Buddhassa Bhagavato sāsaṇaṃ iddhañceva hoti phītañca vitthārikāṃ bāhujaññaṃ puthubhūtaṃ yāvajjatanā.

Cirakālato panetaṃ Buddhavacaṇaṃ lekhaṇaṃ parāya ceva muddaṇaṇaṃ parāya ca anekakkhattuṃ parivattiyābhaṭaṃ na sakkā dāni vattuṃ “paṭhamadutiyaṭṭiyādisaṅgītimāropitākāreṇeva sabbaso parisuddhaṇ”ti, aññaḁatthu paṇādhunikapothakesu saṃvijjamaṇehi kehici paṃādalekhādisaṅgīṭakhalitādhikaparibhaṭṭhapāṭhehi malīnamevetāṃ, tathā hi nāṇadesiyapothakesu aññaṃaññaṃ saṃsandiyaṃānesu anekā visadisapāṭhā dissanti.

Tatoyeva ca Buddhavacaṇassa suparisuddhabhāvakāmino mahātherā sasatthantaṇaṭṭakattayakovidā dhammavinayaṃ vācentāyeva te khalitādhikaparibhaṭṭhapāṭhe disvā evaṃ samacintesuṃ kathesuṃ ca—

“Advayaṁvādino suparisuddhavacaṇassa tassa Bhagavato pāvacaṇaṃ advayaṃ suparisuddhaṃ nimmalamevassa, imesu pana pāvacaṇapothakesu aññaṃaññaṃ visadisā ceva aparisuddhā ca pāṭhā dissanti, nissaṃsayāṃ kho ayameva mūlapāṭho, yo nesāṃ yuttisampanno, tadañño pana paṃādalekhaṇapāṭhoyeva, tādisā ca dissanti ādhunikapāvacaṇapothakesu kismiṇci kismiṇci ṭhāne.

Kāmañcetedāni na tāva bahutarā, yāva yathābhūtaṃ pāḁiyā atthaṃ paṭisedheyyuṃ, etarahi pana asodhiyaṃānā te gacchante gacchante

kāle bahutarā bahutarā jāyeyyūṃ, taṃkālikā ca pacchimā janā te sodhetuṃ asamatthā yathādhippetāṃ pāḷiyā atthaṃ na sammā jāneyyūṃ, evamete saddhammassa sammosāya antaradhānāya saṃvatteyyuṃ.

Vuttaṃ hetāṃ **Āṅguttaranikāye**— (Am 1. 60 piṭṭhe)

‘Dveme bhikkhave dhammā saddhammassa sammosāya antaradhānāya saṃvattanti, katame dve, dunnikkhittaṃ ca padabyañjanaṃ attho ca dunnīto, dunnikkhittassa bhikkhave padabyañjanassa atthopi dunnayo hoti, ime kho bhikkhave dve dhammā saddhammassa sammosāya antaradhānāya saṃvattanti’ ti.

Yaṃnūna mayāṃ te sodhetvā nimmalaṃ parisuddhaṃ Buddhavacanaṃ sampatiṭṭhāpeyyāma, tadassa saddhammaciraṭṭhitiyā bahujanahitāya bahujanasukhāya ca, taṃ pana na sukaraṃ sampādetuṃ aññatra dhammikaṃrājūnāmanuggahenā” ti.

Sā paṇāyaṃ kathā patthaṭā sādhujanaparamparāya, sutā ca **U Nu** nāmadheyyaggamahāmacappamukhehi Marammaratṭhissarehi, sutvāna te evaṃ samacintesuṃ sammantayīṃsu ca “na kho panetaṃ amhākaṃ patirūpaṃ, ye mayāṃ pubbakehi dhammikehi dhammarājūhi samanuggahitassa Buddhasāsanassa parihānikāraṇaṃ passamānāyeva ajjupekkhitvā appossukkā vihareyyāma, yaṃnūna mayāṃ sāsānopakārupāye sampādetvā visesato ca ādhunikapāvācanapotthakesu dissamāne saṃsayaṭṭhāniye pamādalekhapāṭhe saṃsodhetukāmānaṃ mahātherānaṃ ajjhāsayaṃ paripūretvā Buddhasāsanāṃ anuggaṇheyyāmā” ti, atha te sabbepi sāsānānuggahāya katasanniṭṭhānā ahesuṃ.

Anuggahitukāmehipi ca tehi na sakkā āṇāya kātuṃ vinā mahājanacchandasañjātopadesena, mahājanappatinidhibhūtā hi etarahi Marammikā rājāno, upadeso ca santhāgārasamitiyaṃ mahājanappatinidhibhūtānaṃ matisajīvānaṃ chandeneva samuppajjati, tasmā Buddhasāsanānuggahāya santhāgārasamitiyaṃ ekaṃ dhammupadesaṃ paññāpetvā **Buddhasāsanāsamiti** nāma mahāsamiti samuṭṭhāpitā. Tassā kho pana samitiyā sabhāpati hoti *Thadosirīsudhammopādhidhārī* **Sīr U Thwin**vhayo mahāseṭṭhi, upasabhāpati pana *Thadosirīsudhammopādhidhārī*veva **U Thein Maung**vhayo padhānaḍḍavinicchayamandiramhi mahākkhadassādhipati, sabbakammavidhāyako pana

hitadharo *Thadomahāsa*resīthūpādhiko **U Chan Htun**vhayo upadesikādhipatipadhānanīvedimahāmantī. Bhaṇḍuppādako pana raṭṭhissarānaṃ patinidhibhūto **U Win** nāmadheyyo sāsanaṭṭhānikamahāmatto.

Atha te Buddhasāsanasamitikā “yāyeva kho panatthāya samuṭṭhāpitāyaṃ samiti, tadatthamidāni visesato kāhāmā”ti Marammaraṭṭhebbipākaṭaḡaḡasamudayasamudite tattha tattha padhānanāyakabhūte paropaṇṇāsamahāthere dīghadassino nimantiya evamārocesuṃ “ayaṃ bhante amhākaṃ Buddhasāsanamahāsamiti Buddhasāsanānuggahatthāyeva raṭṭhissarānaṃ dhammupadesena samuṭṭhāpitā, sacedāni bhante pubbe viya dhammasaṅgītiṃ katvā sāsanaṃ paggaṇhituṃ yujjeyya, mahātherā ca tathā kātumiccheyyūṃ, vissatthāva bhante karontu, mayaṃ tattha kāyañāṇapaccayabalehi niravasesaṃ byāvaṭā bhavissāmā”ti.

Atha kho te mahātherā “dhammasaṅgītiṃ karissāmā”ti katasanniṭṭhānā evaṃ pativedesuṃ “kattabbāyevesā dhammasaṅgīti, nesā na kattabbā, tasmā mayaṃ dāni piṭakapotthakāni pañcamasaṅgītisilālekhāya samānetvā tāniyeva sarīraṃ katvā pāḷisaṃsodhanapubbaṅgamaṃ dhammasaṅgītiṃ kassāma, yāya ādhunikapotthakesu paramparāparivattanavasena saṅjātā pamādalekhaṇā ca nirākarīyissanti, visodhitaṅca suparisuddhaṃ pāvacaṇamūlaṃ labhitvā taṃ muddāpetvā sakalaloke nānāraṭṭhesu nānādesesu byāpanavasena Buddhasāsanassa ciraṭṭhiti ca sādhiyissati, sabbe ca Theravādīkā raṭṭhā Marammaraṭṭhasahitā ekato hutvā Buddhasāsanāṃ abhūtapubbapaggahena paggaṇhituṃ labhissanti, sā ca purimikā pañca saṅgītiyo upanidhāya **chaṭṭhasaṅgīti** nāma bhavissati, taṅca sabbaṃ bhavissati bahujaṇahitāya bahujaṇasukhāya atthāya hitāya sukhāya devamanussānaṃ, bahūni panettha āvassakakiccāni paṭikacceva samādapetabbāni tumhākamāyattāni, tasmā saṅgītikālavavattānādikiccaṃ tumhākaṃyeva bhāro hotū”ti.

Atha te Buddhasāsanasamitikā sāsanaṇālakānaṃ mahātherānaṃ chandaṅca ruciṅca samādāya ovādaṅca sirasā sampaṭicchitvā therānaṃ ceva attano ca kattabbakiccānaṃ pariniṭṭhānasamayaṃ sallakkhetvā “ayaṃ chaṭṭhasaṅgīti Sammāsambuddhapariniṇbānato catussatādhikānaṃ dvinnaṃ vassasahassānamupari

aṭṭhanavutime vasse vesākhapuṇṇamito paṭṭhāya ārabhitabbā, dve ca vassāni kattabbā, pañcannaṃ ca sāsana-vassasahassānamupaḍḍhavasve vesākhapuṇṇamiyaṃyeva pariniṭṭhāpetabbā”ti saṅgītikālaṃ vavatthapesuṃ.

Tato paṭṭhāya ca te punappunaṃ sannipatitvā sammantayitvā saṅgītiyā pubbakiccesu nirantaraṃ byāvaṭṭaṃ honti, “mahantaṃ kho Jinasāsanaṃ mahatiyāyevetaṃ pūjāya pūjanīyaṃ”ti mantvā tehi kārapitāni mahantamahantāni sāsana-mandiraṃ, tattha saṅgītiṃ kurumānassa bhikkhusaṅghassa sukhasannisajjattaṃ sannipātaṭṭhānabhūtaṃ mahantaṃ saṅgīti-mandiraṃ Yangon nāma rājadhāniyaṃ **Sirīmaṅgalatthale Kaba Aye** (Lokasāma) nāmakassa cetiyassa āsanne selapabbataguḥāvesena kārapitaṃ tibhūmakāṃ pāyaso silā-iṭṭhakāyomaṃ, evaṃ mahantampetaṃ ekasaṃvacchareneva pariniṭṭhāpitaṃ iddhiyā maññe nimmitaṃ, taṅca bahi ṭhatvā apekkhattaṃ sayamañjāselapabbato viya dissati, anto pavisitvā olokayataṃ pana olokitolokitaṭṭhānato dassanīyaṃ pāsādikaṃ ramaṇīyaṃ atittikameva hutvā devavimānaṃmiva khāyati. Tassa panāvidūre aḍḍhateyyānaṃ saṅgītikārabhikkhusahassānaṃ nivāsappahonakā cattāro iṭṭhakamayā mahāpāsādā ceva iṭṭhakamayāyeva bhojanamahāsālā ca mahāsīmāpāsādādayo ca muddaṇayantasālā ca tatheva kārapitā.

Mahātherāpi ca “saṅgītikiccaṃ nāma therādheyyaṃ, therānaṃ ovādeneva kattabbaṃ, na vinā tena, tasmā bhikkhusaṅghassa ceva upāsakānaṃca sabbampi saṅgītipaṭibaddhamovādaṃ dātuṃ bhavitabbamettha ovādadāyaka-saṅghasabhāyapī”ti Marammaraṭṭhadhajūpame aggama-hāpaṇḍitopādhidhārino ca raṭṭhovādācariyasammate ca raṭṭhavinayadharasammate ca aññe cābhipākaṭagarubhāvanīyādiguṇagaṇasamaṅginoti parosataṃ nāyakamahāthere uccinitvā “chaṭṭhasaṅgīti-ovādācariya-saṅghanāyaka-sabhaṃ” nāmekāṃ padhānamahāsaṅghasabhaṃ patiṭṭhāpesuṃ, te ca nāyakamahātherā Sambuddhavadanaratanākarapārage vividhasatthantaragahanāsaṅgacārīne therānuthere pañcavīsati-matte samuccinitvā “chaṭṭhasaṅgītidhurandharasabhā”ti ca sammantitvā tassā sabhāya bhāraṃ niyyātesuṃ sabbāni saṅgītipaṭibaddhakiccāni saṃvidahitūṃ. Te ca saṅgītidhurandharasabhikā therā sakalamarammaraṭṭhe **Nyaung Yan Sayadaw**ti abhipākaṭaṃ “Aggama-hāpaṇḍito” pādhiṇā ceva “Abhidhajama-hāraṭṭhagurū” pādhiṇā cāti

dvīhi Marammaraṭṭhissarasamappitopādhīhi virājitam jātiyā āsītivassikam upasampadāya saṭṭhivassam “Bhadantarevataṃ” nāma mahātheravaram sabhāpatim katvā Tepiṭake Buddhavacane ceva nānāsatthesu ca kovide dhammācariyakavipadappatte bhikkhū uccinitvā aṭṭhadasādivaggavasena parosataṃ pāḷivisodhakavagge ceva sambahule ca paṭivisodhakavagge bandhāpetvā visodhanappaṭivisodhanehi Buddhavacanam suparisuddhattam paṭipāpetvā dhammasaṅgītimakamsu yathā tam porāṇakasaṅgītikārā.

Evam saṅgītimāropitassa Tepiṭakassa Buddhavacanassa atthasaṃvaṇṇanābhūtā Aṭṭhakathāyo ca saṃvijjanti manoramāya tantinayānucchavikāya bhāsāya Ācariyabuddhaghosādīhi theravarehi katā.

Tāsampi Aṭṭhakathānam sadesīyamūlehi ceva videsīyamūlehi ca saṃsanditvā Tepiṭakassa viya Buddhavacanassa visodhanappaṭivisodhanavasena mahātherā pāvacanadassino saṃvaṇṇanākovidā pāṭhasodhanamakamsu.

Icevamaṭṭhakathāyo ca pamādakhalitādhika paribhaṭṭhapāṭhānam nirākaraṇavasena visodhitā ceva paṭivisodhitā ca hutvā Buddhasāsanamuddaṇayantālaye samappitā suṭṭhu muddāpaṇāya.

Muddāpaṇakāle ca Piṭakattayamuddāpaṇe viya mahātheravarā mūlasodheyypattapāṭhakehi gahaṭṭhapaṇḍitehi ceva dhammācariyabhikkhupaṇḍitehi ca anekavāram parisodhitam osānasodheyypattam paṭivisodhitamūlapotthakena ceva aññehi sadesa desantarika Aṭṭhakathāpotthakehi ca vividhabyākaraṇādisatthehi ca punappunam saṃsandetvā suvisada paribyattakaṇḍavāra vākyaccheda saṅketatañca sampāpetvā mahatā parissamena osānasodhanamakamsu.

Evametā Aṭṭhakathāyo theravādīnekāyika vibudhappamukhānam sathhāgamaratanālaya sārāgāhīnam veyyākaraṇakesarīnam accantanimmalañānavārīnaṃ paridhovitā, tā vibudhappavarekagocarā vimuttirasassādādāyiniyo Piṭakattayassattham paribyattam pakāsentiyo ciraṃ vilasantiyo lokatthasiddhim sādhayantūti.

Tenetaṃ vuccati—

1. Mūlakam pariyaṭṭiva, sāsanaṃ Mahesino.
Pariyaṭṭipamāṇo hi, ciraṃ saddhammasaṅghiti.
2. Tasmā taṃ rakkhituṃ therā, dhammasaṅghakā purā.
Rājāno upanissāya, akaṃsu dhammasaṅgahe.
3. **Paṭhamam** dhammasaṅgītiṃ, **Ajātasattur**ājino.
Anuggahena katvāna, pālayuṃ Jinasāsanam.
4. **Dutiyaṃ** tu tathā katvā, **Kālāsokassa** rājino.
Kāle tamupanissāya, pālayuṃ Jinasāsanam.
5. **Tatiyaṃ** pica katvāna, **Dhammāsokassa** rājino.
Anuggahena Buddhassa, sāsanaṃ abhipālayuṃ.
6. **Catutthim** pana Laṅkāyaṃ, **Vaṭṭagāmaṇi**rājino.
Kālamhi potthakāruḷhaṃ, katvāna pālayuṃ tathā.
7. Imasmiṃ Marammaraṭṭhepi, **Mindonnāma** narādhipaṃ.
Rajjaṃ samanussāntaṃ, ratanattayamāmakam.
8. Sannissāya mahātherā, thirasilā guṇākarā.
Pañcamim dhammasaṅgītiṃ, karontā sāsanaṭṭhitiṃ.
9. Patthayantā likhāpetvā, silāpaṭṭesu peṭakam.
Vāyāmena mahantena, pālayuṃ Jinasāsanam.
10. Itthaṃ purā mahātherā, rājāno cāpi dhammikā.
Sāsanaṃ paripālesuṃ, jīvitam viya attano.
11. Tathāpi khalitādāni, dissanti Piṭakattaye.
Paramparāya lekhāya, sañjātā muddaṇena ca.
12. Disvāna te mahātherā, vācentāva Tipētakam.
Vuccamānanayenevaṃ, cintesuṃ mantayimsu ca.
13. “Katvāna sādhuḥkaṃ gantha-suddhikaṃ sāsanaṇyukaṃ.
Yamṇūna dhammasaṅgītiṃ, kareyyāma mayaṃ” iti.

14. Etamatthaṃ suṇitvāna, **U Nu** nāma mahāsayo.
Marammavisaye **agga-mahāmacca**dhurandharo.
15. “Sāsanāyattakiccāni, sampādentā visesato.
Saṅgītiyañca therānaṃ, sampūrentā manorathaṃ.
16. Yathā rakkhimsu porāṇā, surājāno tathā mayāṃ.
Saṃrakkheyāma Sambuddha-sāsanaṃ” iti cintiya.
17. Mahāmaccehi aññehi, saṅgamehi ca mantiya.
Suppatiṭṭhāpayitvāna, **Buddhasāsana**saṅgamaṃ.
18. Mahātherānamādāya, chandaṃ idha nivāsinaṃ.
Aññesu Sīhaḷādīsu, videsesu ca vāsinaṃ.
19. Kāretvā dhammasaṅgītiṃ, sodhetvā Satthusāsanaṃ.
Saddhammānuggahatthāya, karaṃ daḷhaparakkamaṃ.
20. **Sirīmaṅgala**vikhyaṭe, thalasmim pavare subhe.
Cetiyaśāvidūramhi, **Kaba Aye** itisaññino.
21. Guhāvesena kāretvā, mahāsaṅgītimandiraṃ.
Āvāsādiñca bhikkhūnaṃ, kāresi muddaṇālayaṃ.
22. Ganthasaṃsodhanaṃ dhamma-saṅgītiyā tu paṇḍitā.
Mahātheravarākaṃsu, satimantā punappunaṃ.
23. Muddāpente ca passivā, mahātherehi pañcahi.
Sodheyypattamosānaṃ, nimmalattaṃ supāpitaṃ.
24. Katvā suvisadaṃ Buddha-bhāsitaṃ Piṭakattayaṃ.
Yathā muddāpitaṃ āsi, sāsanaṭthaṃ Mahesino.
25. Tathā Aṭṭhakathāyo ca, saṃsodhetvā punappunaṃ.
Suṭṭhu muddāpitā honti, sabbalokatthasiddhiyāti.

Pārājikakaṇḍa-aṭṭhakathā

Paṭhamabhāga

Mātikā

Piṭṭhānka

Ganthārambhakathā

Bāhiranidānakathā

| | | | |
|-------------------------|-----|-----|----|
| Paṭhamamahāsaṅgītikathā | ... | ... | 4 |
| Dutiyasaṅgītikathā | ... | ... | 25 |
| Tatīyasaṅgītikathā | ... | ... | 29 |
| Verañjakaṇḍavaṇṇanā | ... | ... | 79 |

1. Pārājikakaṇḍa

| | | | |
|--|-----|-----|-----|
| 1. Paṭhamapārājika Sudinnabhāṇavāraṇṇanā | ... | ... | 169 |
| Makkaṭṭivattukathā | ... | ... | 192 |
| Catubbidhavinayakathā | ... | ... | 195 |
| Bhikkhupadabhājanīyavaṇṇanā | ... | ... | 203 |
| Sikkhāsājīvapadabhājanīyavaṇṇanā | ... | ... | 209 |
| Sikkhāpaccakkhānavibhaṅgavaṇṇanā | ... | ... | 211 |
| Mūlapaññattivaṇṇanā | ... | ... | 221 |
| Paṭhamacatukkakathāvaṇṇanā | ... | ... | 226 |
| Ekūnasattatidvisatacatukkakathā | ... | ... | 227 |
| Santhatacatukkabhedaḍḍakathā | ... | ... | 231 |
| Bhikkhupaccatthikacatukkabhedaḍḍavaṇṇanā | ... | ... | 232 |
| Āpattānāpattivāraṇṇanā | ... | ... | 233 |
| Pakiṇṇakakathā | ... | ... | 235 |
| Vinītavatthuvaṇṇanā | ... | ... | 236 |
| 2. Dutīyapārājika dhaniyavatthuvaṇṇanā | ... | ... | 247 |

| Mātikā | | | Piṭṭhaṅka |
|--------------------------|-----|-----|-----------|
| Pālimuttakavinicchaya | ... | ... | 251 |
| Padabhājanīyavaṇṇanā | ... | ... | 259 |
| Pañcavīsati-avahārakathā | ... | ... | 263 |
| Bhūmaṭṭhakathā | ... | ... | 269 |
| Thalaṭṭhakathā | ... | ... | 280 |
| Ākāsaṭṭhakathā | ... | ... | 281 |
| Vehāsaṭṭhakathā | ... | ... | 283 |
| Udakaṭṭhakathā | ... | ... | 285 |
| Nāvaṭṭhakathā | ... | ... | 289 |
| Yānaṭṭhakathā | ... | ... | 290 |
| Bhāraṭṭhakathā | ... | ... | 293 |
| Ārāmaṭṭhakathā | ... | ... | 294 |
| Vihāraṭṭhakathā | ... | ... | 296 |
| Khettaṭṭhakathā | ... | ... | 296 |
| Vatthuṭṭhakathā | ... | ... | 298 |
| Araññaṭṭhakathā | ... | ... | 298 |
| Udakakathā | ... | ... | 300 |
| Dantaponakathā | ... | ... | 302 |
| Vanappatikathā | ... | ... | 303 |
| Haraṇakakathā | ... | ... | 304 |
| Upanidhikathā | ... | ... | 306 |
| Suṅkaghātakathā | ... | ... | 314 |
| Pāṇakathā | ... | ... | 316 |
| Apadakathā | ... | ... | 317 |
| Dvipadakathā | ... | ... | 318 |
| Catuppadakathā | ... | ... | 318 |
| Bahuppadakathā | ... | ... | 320 |
| Ocarakakathā | ... | ... | 320 |

| Mātikā | | Piṭṭhaṅka | |
|--------------------------|-----|-----------|-----|
| Oṇirakkhakathā | ... | ... | 321 |
| Saṁvidāvahāarakathā | ... | ... | 321 |
| Saṅketakammakathā | ... | ... | 322 |
| Nimittakammakathā | ... | ... | 323 |
| Āṇattikathā | ... | ... | 323 |
| Āpattibheda | ... | ... | 325 |
| Anāpattibheda | ... | ... | 326 |
| Pakiṇṇakakathā | ... | ... | 328 |
| Vinītavatthuvaṇṇanā | ... | ... | 329 |
| Kusasaṅkāmanavatthukathā | ... | ... | 330 |

Pārājīkakaṇḍa-aṭṭhakathāya paṭhamabhāge mātikā niṭṭhitā.

Vinayapiṭaka

Pārājikakaṇḍa-aṭṭhakathā

Namo tassa Bhagavato Arahato Sammāsambuddhassa.

Ganthārambhakathā

Yo kappakoṭhipi appameyyaṃ,
Kālaṃ karonto atidukkarāni.
Khedam gato lokahitāya Nātho,
Namo Mahākāruṇikassa tassa.

Asambudham Buddhanisevitaṃ yaṃ,
Bhavābhavaṃ gacchati jīvaloko.
Namo avijjādikilesajāla-
Viddhamino dhammavarassa tassa.

Guṇehi yo sīlasamādhipaññā-
Vimuttiñāṇappabhuṭhi yutto.
Khettaṃ janānaṃ kusalatthikānaṃ,
Tamariyasaṃghaṃ siraṣā namāmi.

Icevamaccantanamassaneyyaṃ¹,
Namassamāno ratanattayaṃ yaṃ.
Puññābhisandaṃ vipulaṃ alatthaṃ,
Tassānubhāvena hatantarāyo.

1. Namassanīyaṃ (Sī)

Yasmiṃ ṭhite sāsanaṃaṭṭhitassa,
 Paṭiṭṭhitaṃ hoti susaṅṭhitassa.
 Taṃ vaṇṇayissaṃ vinayaṃ amissaṃ,
 Nissāya pubbācariyānubhāvaṃ.

Kāmañca pubbācariyāsabhehi,
 Ñāṇambuniddhotamalāsavehi.
 Visuddhavijjāpaṭisambhedehi,
 Saddhammasaṃvaṇṇanakovidehi.

Sallekhiye nosulabhūpamehi,
 Mahāvihārassa dhajūpamehi.
 Saṃvaṇṇitoayaṃ vinayo nayehi,
 Cittehi sambuddhavaravayehi.

Saṃvaṇṇanā Sīhaḷadīpakena,
 Vākyena eṣā pana saṅkhatattā¹.
 Na kiñci atthaṃ abhisambhuṇāti,
 Dīpantare bhikkhujanassa yasmā.

Tasmā imaṃ Pāḷinayānurūpaṃ,
 Saṃvaṇṇanaṃ dāni samārabhissaṃ.
 Ajjesanaṃ Buddhasirivhayassa,
 Therassa sammā samanussaranto.

Saṃvaṇṇanaṃ tañca samārabhanto,
 Tassā Mahā-aṭṭhakathaṃ sarīraṃ.
 Katvā Mahāpaccariyaṃ tatheva,
 Kurundināmādisu vissutāsu.

Vinicchayo Aṭṭhakathāsu vutto,
 Yo yuttamatthaṃ apariccajanto.
 Tatopi antogadhatheravādaṃ,
 Saṃvaṇṇanaṃ samma samārabhissaṃ.

1. Saṅkhatattā (Sī)

Taṃ me nisāmentu pasannacittā,
 Therā ca bhikkhū navamajjhimā ca.
 Dhammappadīpassa Tathāgatassa,
 Sakkacca dhammaṃ patimānayaṃtā.

Buddhena dhammo vinayo ca vutto,
 Yo tassa puttehi tatheva ñāto.
 So yehi tesaṃ matimaccajantā,
 Yasmā pure Aṭṭhakathā akaṃsu.

Tasmā hi yaṃ Aṭṭhakathāsu vuttaṃ,
 Taṃ vajjayitvāna pamādalekhaṃ.
 Sabbampi sikkhāsu sagāravānaṃ,
 Yasmā pamāṇaṃ idha paṇḍitānaṃ.

Tato ca bhāsantameva hitvā
 Vitthāramaggañca samāsavitvā.
 Vinicchayaṃ sabbamasesavitvā,
 Tantikkamaṃ kiñci¹ avokkamitvā.

Suttantikānaṃ vacanānamatthaṃ,
 Suttānurūpaṃ paridīpayantī.
 Yasmā ayaṃ hessati vaṇṇanāpi,
 Sakkacca tasmā anusikkhitabbāti.

1. Kañci (Sī)

Bāhīranidānakathā

Tattha **taṃ vaṇṇayissaṃ vinayanti** vuttattā vinayo tāva vavattthapetabbo¹. Tenetaṃ vuccati “vinayo nāma idha sakalaṃ Vinayaṇṇaṃ adhippetan”ti. Saṃvaṇṇanattamaṃ paṇassa ayaṃ **mātikā**.

Vuttaṃ yena yadā yasmā, dhāritaṃ yena cābhatam.
Yatthapattitṭhitañceta, metaṃ vatvā vidhiṃ tato.

Tenāti-ādipāṭhassa, attham nānappakārato.
Dassayanto karissāmi, Vinayassatthavaṇṇananti.

Tattha **vuttaṃ yena yadā yasmāti** idam tāva vacanam “tena samayena Buddho Bhagavā Verañjāyam viharatī”ti evamādivacanam sandhāya vuttaṃ. Idañhi Buddhassa Bhagavato attapaccakkhavacanam na hoti, tasmā vattabbametam “idam vacanam kena vuttaṃ, kadā vuttaṃ, kasmā ca vuttan”ti. āyasmatā Upāliththerena vuttaṃ, tañca pana paṭhamamahāsaṅgītikāle.

Paṭhamamahāsaṅgītikathā

Paṭhamamahāsaṅgīti nāma cesā kiñcāpi pañcasatikasaṅgītikkhandaḥ vuttā, nidānakosallattamaṃ pana idhāpi iminā nayena veditabbā. Dhammacakkappavattanañhi ādim katvā yāva Subhaddaparibbājakavinayanā katabuddhacicca Kusinārāyam upavattane Mallānam sālavane yamakasālānamantare visākhapuṇṇamadivase² paccūsasamaye anupādisesāya nibbānadhātuyā parinibbute Bhagavati Lokanāthe Bhagavato parinibbāne sannipatitānam sattannaṃ bhikkhusatasahassānam saṅghatthero āyasmā Mahākassapo sattāhāparinibbute Bhagavati Subhaddena vuḍḍhapabbajitena “alam āvuso mā socittha, mā paridevittha, sumuttā mayam tena mahāsamaṇena, upaddutā ca homa³ ‘idam vo kappati, idam vo na kappati’ti, idāni pana mayam yam icchissāma, tam karissāma, yam na icchissāma, na tam karissāma”ti⁴ vuttavacanam anussaranto “ṭhānam kho panetaṃ vijjati yam pāpabhikkhū ‘atītasatthukam pāvacaṇan’ti

1. Vavattthapetabbo ko so vinayoti (Syā)

3. Mayam homa (Vi 4. 480 piṭṭhe)

2. Visākhapuṇṇamādivase (Syā)

4. Vi 4. 480; Dī 2. 134 piṭṭhe.

maññamānā pakkhaṃ labhitvā nacirasseva saddhammaṃ antaradhāpeyyuṃ.
Yāva ca dhammavinayo tiṭṭhati tāva anatītasatthukameva pāvacaṇaṃ hoti.
Vuttañhetarṃ Bhagavatā—

‘Yo vo Ānanda mayā dhammo ca vinayo ca desito paññatto, so vo
mamaccayena Satthā’ti¹.

Yannūnāhaṃ dhammañca vinayañca saṅgāyeyyaṃ, yathayidaṃ
sāsaṇaṃ addhaniyaṃ assa ciraṭṭhitikaṃ.

Yañcāhaṃ Bhagavatā—

‘Dhāressasi pana me tvaṃ Kassapa sāṇāni paṃsukūlāni
nibbasanāni’ti vatvā cīvare sādharmaṇaparibhogena ceva,

‘Ahaṃ bhikkhave yāvade² ākaṅkhāmi vivicceva kāmehi -pa-
paṭhamam jhānaṃ upasampajja viharāmi, Kassapopi bhikkhave yāvade
ākaṅkhati vivicceva kāmehi -pa- paṭhamam jhānaṃ upasampajja
viharatī’ti—

Evamādinā nayena navānupubbaviharachaḷabhiññāppabhede
uttarimanussadhamme attanā samasamaṭṭhapanena ca anuggahito, tassa³
kimaññaṃ āṇanyaṃ⁴ bhavissati, nanu maṃ Bhagavā rājā viya sakakavaca-
issariyānuppādānena attano kulavaṃsappatiṭṭhāpakaṃ puttaṃ
‘saddhammavaṃsappatiṭṭhāpako me ayaṃ bhavissatī’ti mantvā iminā
asādhāraṇena anuggahena anuggaheṣī’ti cintayanto
dhammavinayasaṅgāyanatthaṃ bhikkhūnaṃ ussāhaṃ janesi. Yathāha—

“Atha kho āyasmā Mahākassapo bhikkhū āmantesi, ekamidāhaṃ
āvuso samayaṃ Pāvāya Kusināraṃ addhānamaggappaṭipanno mahatā
bhikkhusaṃghena saddhiṃ pañcamattehi bhikkhusatehi”ti⁵ sabbaṃ
Subhaddakaṇḍam vitthārato veditabbaṃ.

1. Dī 2. 126 piṭṭhe. 2. Yāvadeva (Sī, Syā, Saṃ 1. 412 piṭṭhe) 3. Tassa me (Sī, Syā)

4. Āṇanyaṃ (Sī), āṇanyaṃ (Syā)

5. Dī 2. 133 piṭṭhe.

Tato param āha—

“Handa mayam āvuso dhammañca vinayañca saṅgāyeyyāma, pure adhammo dippati¹, dhammo paṭibāhiyyati², avinayo dippati, vinayo paṭibāhiyyati, pure adhammavādino balavanto honti dhammavādino dubbalā honti, avinayavādino balavanto honti, vinayavādino dubbalā hontī”ti³.

Bhikkhū āhaṃsu “tena hi bhante thero bhikkhū uccinatū”ti. Thero sakalanavaṅgasatthusāsanapariyattidhare puthujjana sotāpannasakadāgāmi-anāgāmisukkhavipassakakhīṇāsavabhikkhū anekasate anekasahassee ca vajjetvā Tipiṭakasabbapariyattippabhedadhare paṭisambhidāppatte mahānubhāve yebhuyyena Bhagavatā etadaggaṃ āropite teviṃjādibhede khīṇāsavabhikkhūyeva ekūnapañcasate pariggahesi. Ye sandhāya idaṃ vuttaṃ “atha kho āyasmā Mahākassapo ekenūnāni⁴ pañca arahantasatāni uccinī”ti⁵.

Kissa pana thero ekenūnamakāsīti. Āyasmato Ānandattherassa okāsakaraṇattham. Tena hāyasmatā sahāpi vināpi na sakkā dhammasaṅgīti kātum. So hāyasmā sekkho sakaraṇīyo, tasmā sahāpi na sakkā, yasmā panassa kiñci Dasabaladesitaṃ Suttageyyādikaṃ Bhagavato asammukhā paṭiggahitaṃ nāma natthi, tasmā vināpi na sakkā. Yadi evaṃ sekkhopi samāno dhammasaṅgītiyā bahukārattā Therena uccinitabbo assa, atha kasmā na uccinitoti? Parūpavādavivajjanato. Thero hi āyasmante Ānande ativiya vissattho ahoṣi. Tathā hi naṃ sirasmiṃ palitesu jātesupi “na vāyaṃ Kumārako mattamaññāsī”ti⁶ kumārakavādena ovadati. Sakyakulappasuto cāyaṃ āyasmā Tathāgatassa bhātā cūḷapituputto. Tatra hi bhikkhū chandāgamaṇaṃ viya maññamānā “bahū asekkhapaṭisambhidāppatte bhikkhū ṭhapetvā Ānandaṃ sekkhapaṭisambhidāppattaṃ thero uccinī”ti upavadeyyum, taṃ parūpavādaṃ parivajjento “Ānandaṃ vinā

1. Dibbati (Ka)

2. Paṭibāhiyyati (Sī, Syā)

3. Vi 4. 481 piṭṭhe.

4. Ekenūna... (Ka)

5. Vi 4. 481 piṭṭhe.

6. Saṃ 1. 418 piṭṭhe.

saṅgīti na sakkā kātuṃ, bhikkhūnaṃyeva anumatiyā gahessāmi”ti na uccini¹.

Atha sayameva bhikkhū Ānandassatthāya therāṃ yācimsu. Yathāha—

“Bhikkhū āyasmantaṃ Mahākassapaṃ etadavocuṃ—‘ayaṃ bhante āyasmā Ānando kiñcāpi sekkho, abhabbo chandā dosā mohā bhayā agatiṃ gantuṃ, bahu cānena Bhagavato santike dhammo ca vinayo ca pariyatto, tena hi bhante thero āyasmantampi Ānandaṃ uccinatū’ti. Atha kho āyasmā Mahākassapo āyasmantampi Ānandaṃ uccinī”ti².

Evam bhikkhūnaṃ anumatiyā uccinitena tenāyasmataṃ saddhiṃ pañca therasatāni ahesuṃ.

Atha kho therānaṃ bhikkhūnaṃ etadahosi “kattha nu kho mayaṃ dhammañca vinayañca saṅgāyeyyāma”ti. Atha kho therānaṃ bhikkhūnaṃ etadahosi “Rājagahaṃ kho mahāgocaraṃ pahūtasenāsaṇaṃ, yannūna mayaṃ Rājagahe vassaṃ vasantā dhammañca vinayañca saṅgāyeyyāma, nāññe bhikkhū Rājagahe vassaṃ upagaccheyyun”ti². Kasmā pana nesaṃ etadahosi. Idaṃ amhākaṃ thāvarakammaṃ, koci visabhāgapuggalo saṃghamajjhaṃ pavisitvā ukkoṭeyyāti. Athāyasmā Mahākassapo ñattidutiyena kammena sāvesi. Taṃ **Saṅgītikkhandaḥake** vuttanayeneva ñātappaṃ.

Atha Tathāgatassa parinibbānato sattasu sādhuḥkīḷanadivasesu sattasu ca dhātupūjādivasesu vītivattesu “aḍḍhamāso atikkanto, idāni gimhānaṃ diyaḍḍho māso seso, upakaṭṭhā vissūpanāyikā”ti mantvā Mahākassapatthero “Rājagahaṃ āvuso gacchāma”ti upaḍḍhaṃ bhikkhusaṃghaṃ gahetvā ekaṃ maggaṃ gato. Anuruddhattheropi upaḍḍhaṃ gahetvā ekaṃ maggaṃ gato, Ānandatthero pana Bhagavato pattacīvaraṃ gahetvā bhikkhusaṃghaparivuto Sāvattiṃ gantvā Rājagahaṃ gantukāmo yena Sāvatti, tena cārikaṃ pakkāmi³. Ānandattherena gatagataṭṭhāne mahāparidevo ahosi “bhante Ānanda kuhiṃ Satthāraṃ ṭhapetvā

1. Taṃ na uccini (Sī, Syā)

2. Vi 4. 481 piṭṭhe.

3. Pakkami (Ka)

āgatosī”ti. Anupubbena pana Sāvattthim anuppatte there Bhagavato parinibbānadivase viya mahāparidevo ahosi.

Tatra sudam āyasmā Ānando aniccatādipaṭisaṃyuttāya dhammiyā kathāya tam mahājanam saññāpetvā Jetavanam pavisitvā Dasabalena vasitagandhakuṭiyā dvāram vivaritvā mañcapīṭham niharitvā papphoṭevā gandhakuṭim sammajjitvā milātamālākacavaram chaḍḍetvā mañcapīṭham atiharitvā puna yathāṭhāne ṭhapetvā Bhagavato ṭhitakāle karaṇīyam vattam sabbamakāsi. Atha thero Bhagavato parinibbānato pabhuti ṭhānanisajjabahulattā ussannadhātukam kāyam samassāsetum dutiyadivase khīravirecanam pivitvā vihāreyeva nisīdī, yam sandhāya Subhena māṇavena pahitam māṇavakam etadavoca—

“Akālo kho māṇavaka, atthi me ajja bhesajjamattā pītā, appeva nāma svepi upasaṅkameyyāmā”ti¹.

Dutiyadivase Cetakattherena pacchāsamaṇena gantvā Subhena māṇavena puṭṭho Dīghanikāye **Subhasuttam** nāma dasamam suttamabhāsi.

Atha thero Jetavanavihāre khaṇḍaphullappaṭisaṅkharāṇam kārapetvā upakaṭṭhāya vassūpanāyikāya Rājagaham gato. Tathā Mahākassapatthero Anuruddhatthero ca sabbam bhikkhusaṅgham gahetvā Rājagahameva gato.

Tena kho pana समयena Rājagahe aṭṭhārasa mahāvihārā honti. Te sabbepi chaḍḍitapatita-uklāpā ahesum, Bhagavato hi parinibbāne sabbe bhikkhū attano attano pattacīvaram gahetvā vihāre ca pariveṇe ca chaḍḍetvā agamaṃsu. Tattha therā Bhagavato vacanapūjanattham titthiyavādaparimocanattāṅca “paṭhamam māsam khaṇḍaphullappaṭisaṅkharāṇam karomā”ti cintesum, titthiyā hi evam vadeyyum “samaṇassa Gotamassa sāvakā Satthari ṭhiteyeva vihāre paṭijaggiṃsu, parinibbute chaḍḍesun”ti. Tesam vādaparimocanattāṅca cintesunti vuttam hoti. Vuttampi hetam—

1. Dī 1. 188 piṭṭhe.

“Atha kho therānaṃ bhikkhūnaṃ etadahosi—Bhagavatā kho āvuso khaṇḍaphullappaṭisaṅkharāṇaṃ vaṇṇitaṃ, handa mayaṃ āvuso paṭhamāṃ māsaṃ khaṇḍaphullappaṭisaṅkharāṇaṃ karoma, majjhimaṃ māsaṃ sannipatitvā dhammañca vinayañca saṅgāyissāma”¹.

Te dutiyadivase gantvā rājadvāre aṭṭhaṃsu. Ajātasattu rājā āgantvā vanditvā “kiṃ bhante āgatattā”²ti attanā kattabbakiccaṃ paṭipucchi. Therā aṭṭhārasa mahāvihārapaṭisaṅkharāṇattāya hatthakammaṃ paṭivedesuṃ. “Sādhu bhante”³ti rājā hatthakammakārake manusse adāsi. Therā paṭhamāṃ māsaṃ sabbavihāre paṭisaṅkharāpetvā rañño ārocesuṃ “niṭṭhitaṃ mahārāja vihārapaṭisaṅkharāṇaṃ, idāni dhammavinayasaṅgahaṃ karomā”⁴ti. Sādhu bhante vissattā² karotha, mayhaṃ āṇacakkaṃ, tumhākaṃ dhammacakkaṃ hotu, āṇāpetha bhante kiṃ karomīti. Saṅgahaṃ karontānaṃ bhikkhūnaṃ sannisajjaṭṭhānaṃ mahārājāti. Kattha karomi bhanteti. Vebhārapabbatapasse Sattapaṇṇi³ guhādvāre kātuṃ yuttaṃ mahārājāti. “Sādhu bhante”³ti kho rājā Ajātasattu Vissakammunā⁴ nimmitasadisāṃ suvibhattabhittitthambhasopānaṃ nānāvidhamālākammalatākammavicittaṃ abhibhavantamiva rājabhavanavibhūtiṃ avahasantamiva devavimānasiriṃ siriyaṃ nicketamiva ekanipātattitthamiva ca devamanussanayanavihaṅgānaṃ lokarāmaṇeyyakamiva sampiṇḍitaṃ daṭṭhabbasāramaṇḍaṃ maṇḍapaṃ kārapetvā vividhakusumadāmōlambaka viniggalantacāruvitānaṃ ratanavicittamaṇikotṭimatalamiva ca naṃ nānāpupphūpahāraviccitasupariniṭṭhitabhūmikammaṃ brahmavimānasadisāṃ alaṅkaritvā tasmīṃ mahāmaṇḍape pañcasatānaṃ bhikkhūnaṃ anaggāni pañca kappiyapaccattharaṇasatāni pañṇāpetvā dakkhiṇabhāgaṃ nissāya uttarābhimukhaṃ therāsaṇaṃ maṇḍapamajjhe puratthābhimukhaṃ Buddhassa Bhagavato āsanārahaṃ dhammāsaṇaṃ pañṇāpetvā dantakhacitaṃ bījaniṅcettha ṭhapetvā bhikkhusaṃghassa ārocāpesi “niṭṭhitaṃ bhante mama kiccaṃ”⁵ti.

⁵ Tasmīṃ kho pana samaye ekacce bhikkhū āyasmantaṃ Ānandaṃ sandhāya evamāhaṃsu “imasmiṃ bhikkhusaṃghe eko bhikkhu vissagandhaṃ vāyanto vicarati”⁵ti. Thero taṃ sutvā imasmiṃ bhikkhusaṃghe añño vissagandhaṃ

1. Vi 4. 482 piṭṭhe.

2. Visatṭhā (Ka)

3. Sattapaṇṇa (Syā)

4. Visukammunā (Ka)

5-5. Ettako pāṭho (Sī-Syā-potthakesu na dissati.)

vāyanto vicaraṇakabhikkhu nāma natthi. Addhā ete maṃ sandhāya vadantīti saṃvegaṃ āpajji. Ekacce bhikkhū āyasmantaṃ Ānandaṃ āhaṃsu “sve āvuso sannipāto, tvañca sekkho sakaraṇīyo, tena te na yuttam sannipātaṃ gantuṃ, appamatto hohī”ti.

Atha kho āyasmā Ānando “sve sannipāto, na kho pana metaṃ patirūpaṃ, yvāhaṃ sekkho samāno sannipātaṃ gaccheyyan”ti bahudeva rattim kāyagatāya satiyā vītināmetvā rattiyā paccūsasamayaṃ caṅkamā orohitvā vihāraṃ pavisitvā “nipajjissāmī”ti kāyaṃ āvajjesi. Dve pādā bhūmito muttā, appattañca sīsaṃ bimbohanaṃ¹, etasmim antare anupādāya āsavehi cittaṃ vimucci. Ayañhi āyasmā caṅkamena bahi vītināmetvā visesaṃ nibbattetuṃ asakkonto cintesi “nanu maṃ Bhagavā etadavoca ‘katapuññosi tvaṃ Ānanda, padhānamanuyuñja, khippaṃ hohisi anāsavo’². Buddhānañca kathādosso nāma natthi, mama accāraddhaṃ vīriyaṃ, tena me cittaṃ uddhaccāya saṃvattati, handāhaṃ vīriyasamathaṃ³ yojemī”ti caṅkamā orohitvā pādadhovanaṭṭhāne ṭhatvā pāde dhovitvā vihāraṃ pavisitvā mañcake nisīditvā “thokaṃ vissamissāmī”ti kāyaṃ mañcake upanāmesi. Dve pādā bhūmito muttā, sīsañca bimbohanaṃ asampattaṃ. Etasmim antare anupādāya āsavehi cittaṃ vimuttaṃ. Catu-iriyāpathavirahitaṃ therassa arahattaṃ ahosi. Tena “imasmim sāsane anipanno anisinno aṭṭhito acaṅkamanto ko bhikkhu arahattaṃ patto”ti vutte “Ānandatthero”ti vattuṃ vaṭṭati.

Atha kho therā bhikkhū dutyadivase katabhattakiccā pattacīvaraṃ paṭisāmetvā dhammasabhāyaṃ sannipatitā. Ānandatthero pana attano arahattappattim nāpetukāmo bhikkhūhi saddhim na gato. Bhikkhū yathāvuddhaṃ attano attano pattāsane nisīdantā Ānandattherassa āsanaṃ ṭhapetvā nisinnā. Tattha kehici “etaṃ āsanaṃ kassā”ti vutte Ānandattherassāti. Ānando pana kuhiṃ gatoti. Tasmim samaye thero cintesi “idāni mayhaṃ gamanakālo”ti. Tato attano ānubhāvaṃ dassento pathaviyaṃ nimujjitvā attano āsaneyeva attānaṃ dassesi. Ākāsenāgantvā nisīdītipi eke.

1. Bibbohanaṃ (Abhidhānappadīpikāṭikā)

2. Dī 2. 119 piṭṭhe.

3. Vīriyasamataṃ (bahūsu) Aṃ-Ṭṭha 3. 124; Abhi-Ṭṭha 2. 251 piṭṭhesu passitabbaṃ.

Evam nisinne tasmim āyasmante Mahākassapatthero bhikkhū āmantesi “āvuso kim paṭhamam saṅgāyāma dhammam vā vinayam vā”ti. Bhikkhū āhamsu “bhante Mahākassapa **vinayo nāma Buddhasāsanassa āyu, vinaye ṭhite sāsanaṃ ṭhitaṃ hoti**, tasmā paṭhamam vinayam saṅgāyāmā”ti. Kam dhuram katvāti. Āyasmantaṃ Upālinti. Kim Ānando nappahotīti. No nappahoti, api ca kho pana Sammāsambuddho dharamānoyeva vinayapariyattim nissāya āyasmantaṃ Upālim etadagge ṭhapesi “etadaggaṃ bhikkhave mama sāvakanam bhikkhūnam vinayadharānam yadidaṃ Upālī”ti¹. Tasmā Upālitheraṃ pucchivā vinayam saṅgāyāmāti. Tato thero vinayam pucchanaṭṭhāya attanāva attānam sammanni. Upālithero pi vissajjanatṭhāya sammanni. Tatrāyam Pāli—

Atha kho āyasmā Mahākassapo saṅgham nāpesi—

“Suṇātu me āvuso saṅgho, yadi saṅghassa pattakallaṃ, aham Upālim vinayam puccheyyan”ti.

Āyasmāpi Upāli saṅgham nāpesi—

“Suṇātu me bhante saṅgho, yadi saṅghassa pattakallaṃ, aham āyasmatā Mahākassapena vinayam puṭṭho vissajjeyyan”ti.

Evam attanāva attānam sammannitvā āyasmā Upāli uṭṭhāyāsanaṃ ekaṃsam cīvaram katvā there bhikkhū vanditvā dhammāsane nisīdi dantakhacitaṃ bījanim² gahetvā, tato āyasmā Mahākassapo therāsane nisīditvā āyasmantaṃ Upālim vinayam pucchi “paṭhamam āvuso Upāli pārājikam kattha paññattan”ti. Vesāliyam bhanteti. Kam ārabbhāti. Sudinnaṃ Kalandaputtaṃ ārabbhāti. Kismim vatthusminti. Methunadhammeti.

Atha kho āyasmā Mahākassapo āyasmantaṃ Upālim paṭhamassa pārājikassa vatthumpi pucchi, nidānampi pucchi, puggalampi pucchi, paññattimpi pucchi, anupaññattimpi pucchi, āpattimpi pucchi, anāpattimpi pucchi. Yathā ca paṭhamassa, tathā dutiyassa, tathā tatiyassa, tathā catutthassa pārājikassa vatthumpi pucchi -pa- anāpattimpi pucchi. Puṭṭho puṭṭho Upālithero vissajjesi.

1. Am 1. 25 piṭṭhe.

2. Vījanim (Sī, Syā)

tato imāni cattāri pārājikāni “Pārājikakaṇḍam nāma idan”ti saṅghamā
 āropetvā ṭhapesum. Terasa saṅghādisesāni “terasakan”ti ṭhapesum. Dve
 sikkhāpadāni “aniyatāni”ti ṭhapesum. Timsa sikkhāpadāni
 “nissaggiyapācittiyāni”ti ṭhapesum. Dvenavuti sikkhāpadāni “pācittiyāni”ti
 ṭhapesum. Cattāri sikkhāpadāni “pāṭidesanīyāni”ti ṭhapesum. Pañcasattati
 sikkhāpadāni “sekhiyāni”ti ṭhapesum. Satta dhamme “adhikaraṇasamathā”ti
 ṭhapesum.

Evam Mahāvibhaṅgam saṅghamā āropetvā Bhikkhunīvibhaṅge aṭṭha
 sikkhāpadāni “pārājikakaṇḍam nāma idan”ti ṭhapesum. Sattarasa
 sikkhāpadāni “sattarasakan”ti ṭhapesum. Timsa sikkhāpadāni
 “nissaggiyapācittiyāni”ti ṭhapesum. Chasatṭhisatasikkhāpadāni
 “pācittiyāni”ti ṭhapesum. Aṭṭha sikkhāpadāni “pāṭidesanīyāni”ti ṭhapesum.
 Pañcasattati sikkhāpadāni “sekhiyāni”ti ṭhapesum. Satta dhamme
 “adhikaraṇasamathā”ti ṭhapesum. Evam Bhikkhunīvibhaṅgam saṅghamā
 āropetvā eteneva upāyena Khandhakaparivārepi āropesum. Evametam sa-
 ubhatovibhaṅgakhandhakaparivāram Vinayapiṭakam saṅghamārūḷham
 sabbam Mahākassapatthero pucchi. Upālitthero vissajjesi.
 Pucchāvissajjanapariyosāne pañca arahantasatāni saṅghamā āropitanayeneva
 gaṇasajjhāyamakamsu. Vinayasāṅghāvasāne Upālitthero dantakhacitam
 bījanim nikkhipitvā dhammāsana orohitvā vuḍḍhe bhikkhū vanditvā attano
 pattāsane nisīdi.

Vinayam saṅgāyitvā dhammam saṅgāyitukāmo āyasmā Mahākassapo
 bhikkhū pucchi “dhammam saṅgāyantehi kam puggalam dhuram katvā
 dhammo saṅgāyitabbo”ti. Bhikkhū “Ānandattheram dhuram katvā”ti
 āhamasu.

Atha kho āyasmā Mahākassapo saṅghamā nāpesi—

“Suṇātu me āvuso saṅgho, yadi saṅghassa pattakallam, aham
 Ānandam dhammam puccheyyan”ti.

Atha kho āyasmā Ānando saṅghamā nāpesi—

“Suṇātu me bhante saṅgho, yadi saṅghassa pattakallam, aham
 āyasmatā Mahākassapena dhammam puṭṭho vissajjeyyan”ti.

Atha kho āyasmā Ānando utṭhāyāsanaṃ ekaṃsaṃ cīvaraṃ katvā there bhikkhū vanditvā dhammāsane nisīdi dantakhacitaṃ bījanīṃ gahetvā. Atha Mahākassapattothero Ānandattheraṃ dhammaṃ pucchi, “Brahmajālaṃ āvuso Ānanda kattha bhāsitaṃ”ti. Antarā ca bhante Rājagahaṃ antarā ca Nālandaṃ Rājāgāraḷe Ambalaṭṭhikāyanti. Kaṃ ārabbhāti. Suppiyaṅca paribbājakaṃ Brahmaḍattaṅca māṇavanti. Kismiṃ vatthusminti. Vaṇṇāvaṇṇeti. Atha kho āyasmā Mahākassapo āyasmantaṃ Ānandaṃ Brahmajālassa nidānampi pucchi, puggalampi pucchi. (Vatthumpi pucchi)¹ Sāmaññaphalaṃ paṇāvuso Ānanda kattha bhāsitaṃ. Rājagahe bhante Jīvakambavaneti. Kena saddhinti. Ajātasattunā Vedehiputtana saddhinti. Atha kho āyasmā Mahākassapo āyasmantaṃ Ānandaṃ Sāmaññaphalassa nidānampi pucchi, puggalampi pucchi. Etenevupāyena paṅca nikāye pucchi.

Pañcanikāyā nāma Dīghanikāyo Majjhimanikāyo Saṃyuttanikāyo Aṅguttaranikāyo Khuddakanikāyoti. Tattha Khuddakanikāyo nāma cattāro nikāye ṭhapetvā avasesaṃ Buddhavacanaṃ. Tattha vinayo āyasmatā Upālittherena vissajjito, sesakhuddakanikāyo cattāro ca nikāyā Ānandattherena. Tadeṭaṃ sabbampi Buddhavacanaṃ rasavasena ekavidhaṃ, dhammavinayavasena duvidhaṃ, paṭhamamajjhimapacchimavasena tividhaṃ, tathā piṭakavasena, nikāyavasena pañcavidhaṃ, aṅgavasena navavidhaṃ, dhammakhandhavasena caturāsītisahassavidhanti veditabbaṃ.

Kathaṃ **rasavasena ekavidhaṃ**. Yaṅhi Bhagavatā anuttaraṃ sammāsambodhiṃ abhisambujjhivā yāva anupādisesāya nibbānadhātuyā parinibbāyati, etthantare pañcacattālīsavassāni devamanussanāgayakkhādayo anusāsantena paccavekkhantena vā vuttaṃ, sabbaṃ taṃ ekarasaṃ vimuttirasameva hoti. Evaṃ rasavasena ekavidhaṃ.

Kathaṃ **dhammavinayavasena duvidhaṃ**. Sabbameva cetāṃ dhammo ceva vinayo cāti saṅkhyāṃ gacchati. Tattha Vinayaṭīkaṃ **vinayo**, avasesaṃ Buddhavacanaṃ **dhammo**, tenevāha “yannūna mayaṃ āvuso dhammaṅca vinayaṅca saṅgāyeyyāmaṃ”ti

1. () Sabbatthapi natthi.

“ahaṃ Upāliṃ vinayaṃ puccheyyaṃ, Ānandaṃ dhammaṃ puccheyyaṃ”ti ca. Evaṃ dhammavinayavasena duvidhaṃ.

Kathaṃ **paṭhamamajjhimapacchimavasena tividhaṃ**. Sabbameva hidaṃ paṭhamabuddhavacanaṃ majjhimbuddhavacanaṃ pacchimabuddhavacanaṃ tippabhedhaṃ hoti. Tattha—

Anekajātisamsāraṃ, sandhāvissaṃ anibbisāṃ.
Gahakāraṃ gavesanto, dukkhā jāti punappunaṃ.
Gahakāraṃka diṭṭhosi, puna gehaṃ na kāhasi.
Sabbā te phāsukā bhaggā, gahakūṭaṃ visaṅkhatāṃ.
Visaṅkhāragataṃ cittaṃ, taṇhānaṃ khayamajjhagātī¹—

Idaṃ **paṭhamabuddhavacanaṃ**.

Keci “Yadā have pātubhavanti dhammā”ti **Khandhake** udānagāthaṃ āhu. Esā pana pāṭipadadivase sabbaññubhāvappattassa somanassamayañāṇena paccayākāraṃ paccavekkhantassa uppannā udānagāthāti veditabbā.

Yaṃ pana parinibbānakāle abhāsi, “handa dāni bhikkhave āmantayāmi vo, vayadhammā saṅkhārā, appamādena sampādethā”ti², idaṃ **pacchimabuddhavacanaṃ**.

Ubhinnaṃantare yaṃ vuttaṃ, etaṃ **majjhimbuddhavacanaṃ** evaṃ paṭhamamajjhimapacchimavasena tividhaṃ.

Kathaṃ **piṭakavasena tividhaṃ**. Sabbampi hetāṃ Vinayapiṭakaṃ Suttantapiṭakaṃ Abhidhammapiṭakanti tippabhedameva hoti. Tattha paṭhamasaṅgītiyaṃ saṅgītaṃca asaṅgītaṃca sabbampi samodhānetvā ubhayāni Pātimokkhāni dve Vibhaṅgāni dvāvīsati Khandhakāni soḷasaparivārāti idaṃ **Vinayapiṭakaṃ** nāma.

Brahmajālādicatuttiṃsasuttasaṅgaho Dīghanikāyo, Mūlapariyāyasuttādi diyaḍḍhasatadvesuttasaṅgaho Majjhimanikāyo,
Oghataraṇasuttādisattasuttasahassa sattasatadvāsaṭṭhisuttasaṅgaho Saṃyuttanikāyo, Cittapariyādānasuttādinavasuttasahassa pañcasatasattapaññāsuttasaṅgaho Aṅguttaranikāyo, Khuddakapāṭha Dhammapada Udāna Itivuttaka

1. Khu 1. 36 Dhammapade.

2. Dī 2. 128 piṭṭhe.

Suttanipāta Vimānavatthu Petavatthu Theragāthā Therīgāthā Jātaka Niddesa
Paṭisambhidā Apadāna Buddhavaṃsa Cariyāpiṭakavasena
pannarasappabhedo Khuddakanikāyoti idaṃ **Suttantapiṭakam** nāma.

Dhammasaṅgaho Vibhaṅgo Dhātukathā Puggalapaññatti Kathāvatthu
Yamakam Paṭṭhānanti idaṃ **Abhidhammapiṭakam** nāma. Tattha—

Vividhavisesanayattā, vinayanato ceva kāyavācānaṃ.

Vinayatthavidūhi ayaṃ, vinayo vinayoti akkhāto.

Vividhā hi ettha pañcavidhapātīmokkhuddesapārājikādi satta-
āpattikkhandhamātikāvibhaṅgādippabhedā nayā, visesabhūtā ca
daḥhīkammasithilakaraṇappayojanā anupaññattinayā, kāyikavācasika-
ajjhācāranisedhanato cesa kāyaṃ vācaṅca vineti, tasmā vividhanayattā
visesanayattā kāyavācānaṅca vinayanato vinayoti akkhāto. Tenetametassa
vacanatthakosallattham vuttam—

“Vividhavisesanayattā, vinayanato ceva kāyavācānaṃ.

Vinayatthavidūhi ayaṃ, vinayo vinayoti akkhāto”ti.

Itaraṃ pana—

Atthānaṃ sūcanato, suvuttato savanatotha sūdanato.

Suttāṇā suttasabhā-gato ca suttanti¹ akkhātaṃ.

Taṅhi attatthaparatthādibhede atthe sūceti, suvuttā cettha atthā
veneyyajjhāsayanulomena vuttattā. Savati cetam atthe sassamiva phalaṃ,
pasavatīti vuttam hoti. Sūdati cetam² dhenu viya khīraṃ, paggharatīti
vuttam hoti. Suṭṭhu ca ne tāyati, rakkhatīti vuttam hoti. Suttasabhāgañcetaṃ.
Yathā hi tacchakānaṃ suttam pamāṇam hoti, evametampi viññūnaṃ. Yathā
ca suttana saṅgahitāni pupphāni na vikiriyanti na viddhamsiyanti, evametena
saṅgahitā atthā. Tenetametassa vacanatthakosallattham vuttam—

“Atthānaṃ sūcanato, suvuttato savanatotha sūdanato.

Suttāṇā suttasabhā, gato ca suttanti akkhātan”ti.

1. Suttam suttanti (Sī, Syā)

2. Sūdati ca (Syā)

Itaro pana—

Yaṃ ettha vuḍḍhimanto, salakkhaṇā pūjitā paricchinnā.

Vuttādhikā ca dhammā, abhidhammo tena akkhāto.

Ayañhi abhi-saddo vuḍḍhilakkhaṇa¹ pūjita-paricchinnādhikesu dissati. Tathā hesa “bāḷhā me āvuso dukkhā vedanā abhikkamanti, no paṭikkamanti”ti-ādīsu² vuḍḍhiyaṃ āgato. “Yā tā rattiyo abhiññātā abhilakkhitā”ti-ādīsu³ lakkhaṇe⁴. “Rājābhirājā manujindo”ti-ādīsu⁵ pūjite. “Paṭibalo vinetuṃ abhidhamme abhivinaye”ti-ādīsu⁶ paricchinne, aññamañña-saṅkaravirahite dhamme ca vinaye cāti vuttaṃ hoti. “Abhikkantena vaṇṇenā”ti-ādīsu⁷ adhike.

Ettha ca “rūpūpapattiyā maggaṃ bhāveti, mettāsahagatena cetasā ekaṃ disaṃ pharivā viharatī”ti-ādīna⁸ nayena vuḍḍhimantopi dhammā vuttā. “Rūpārammaṇaṃ vā saddārammaṇaṃ vā”ti-ādīnaṃ nayena ārammaṇādīhi lakkhaṇīyattā⁹ salakkhaṇāpi. “Sekkhā dhammā asekkhā dhammā lokuttarā dhammā”ti-ādīnaṃ nayena pūjitāpi. Pūjārahāti adhippāyo. “Phasso hoti vedanā hotī”ti-ādīnaṃ nayena sabhāvaparicchinnattā paricchinnāpi. “Mahaggatā dhammā appamaṇā dhammā anuttarā dhammā”ti-ādīnaṃ nayena adhikāpi dhammā vuttā. Tenetametassa vacanatthakosallatthaṃ vuttaṃ—

“Yaṃ ettha vuḍḍhimanto, salakkhaṇā pūjitā paricchinnā.

Vuttādhikā ca dhammā, abhidhammo tena akkhāto”ti.

Yaṃ panettha avasiṭṭhaṃ, taṃ—

Piṭakaṃ piṭakatthavidū, pariyattibbhājanatthato¹⁰ āhu.

Tena samodhānetvā, tayopi vinayādayo ñeyyā.

1. Vuḍḍhisalakkhaṇa (sabbattha)

3. Ma 1. 25 piṭṭhe.

5. Ma 2. 351; Khu 1. 368 piṭṭhe.

7. Khu 2. 10 piṭṭhe.

9. Sallakkhaṇīyattā (Sī, Syā)

2. Ma 3. 307; Saṃ 3. 71 piṭṭhādīsu.

4. Salakkhaṇe (sabbattha)

6. Vi 3. 97 piṭṭhe.

8. Abhi 1. 44 piṭṭhādīsu.

10. Pariyattibhājanatthato (Sī, Syā)

Pariyattipi hi “mā piṭakasampadānenā”ti-ādīsu¹ piṭakanti vuccati. “Atha puriso āgaccheyya kudālapīṭakam ādāyā”ti-ādīsu² yaṃ kiñci bhājanampi. Tasmā piṭakam piṭakatthavidū pariyattibbhājanatthato āhu.

Idāni **tena samodhānetvā tayopi vinayādayo ñeyyāti** tena evaṃ duvidhatthena piṭaka-saddena saha samāsam katvā vinayo ca so piṭakañca pariyattibhāvato tassa tassa atthassa bhājanato cāti Vinayapiṭakam. Yathāvutteneva nayena suttantañca tam piṭakañcāti Suttantapiṭakam. Abhidhammo ca so piṭakañcāti Abhidhammapiṭakanti evamete tayopi vinayādayo ñeyyā.

Evam ñatvā ca³ punapi tesveva piṭakesu nānappakāraḥkosallattham—

Desanāsāsanakathā, bhedaṃ tesu yathārahaṃ.

Sikkhāpahānagambhīra, bhāvañca paridīpaye.

Pariyattibhedaṃ sampattim, vipattiñcāpi yaṃ yahim.

Pāpuṇāti yathā bhikkhu, tampi sabbaṃ vibhāvaye.

Tatrāyaṃ paridīpanā vibhāvanā ca: Etāni hi tīṇi piṭakāni yathākkamaṃ āṇā vohāraparamatthadesanā, yathāparādha yathānuloma yathādhammasāsanāni, samvarāsamvara diṭṭhiviniveṭhana nāmarūpaparicchedakathāti ca vuccanti.

Ettha hi Vinayapiṭakam āṇārahena Bhagavatā āṇābāhullato desitattā **āṇādesanā**, Suttantapiṭakam vohāraḥkusaleṇa Bhagavatā vohārabāhullato desitattā **vohāradesanā**, Abhidhammapiṭakam paramatthakusaleṇa Bhagavatā paramatthabāhullato desitattā **paramatthadesanāti** vuccati.

Tathā paṭhamam ye te pacurāparādhā sattā te yathāparādham ettha sāsītāti **yathāparādhasāsanam**, dutiyam anekajjhāsāyānusayacariyādhimuttikā sattā yathānulomam ettha sāsītāti **yathānulomasāsanam**, tatiyam dhammapuñjamatte “aham mamā”tisaññino sattā yathādhammam ettha sāsītāti **yathādhammasāsananti** vuccati.

1. Am 1. 189 piṭṭhādīsu.

2. Ma 1. 178; Am 1. 205 piṭṭhe.

3. Ñatvāva (Sī, Ka)

Tathā paṭhamam̐ ajjhācārapaṭipakkhabhūto samvarāsamvaro ettha kathitoti **samvarāsamvarakathā**, dutiyam̐ dvāsaṭṭhidiṭṭhipaṭipakkhabhūtā diṭṭhiviniveṭhanā ettha kathitāti **diṭṭhiviniveṭhanakathā**, tatiyam̐ ragādipatipakkhabhūto nāmarūpaparicchedo ettha kathitoti **nāmarūpaparicchedakathā**ti vuccati.

Tisupi cetesu tisso sikkhā tīṇi pahānāni catubbidho ca gambhīrabhāvo veditabbo. Tathā hi Vinayaṭṭake visesena **adhisiḷasikkhā** vuttā, Suttantaṭṭake **adhicittasikkhā**, Abhidhammaṭṭake **adhipaññāsikkhā**.

Vinayaṭṭake ca **vītikamappahānam̐** kilesānam̐ vītikmapaṭipakkhattā sīlassa, Suttantaṭṭake **pariyuṭṭhānappahānam̐** pariyuṭṭhānapaṭipakkhattā samādhissa, Abhidhammaṭṭake **anusayappahānam̐** anusayapaṭipakkhattā paññāya.

Paṭhame ca **tadaṅgappahānam̐** kilesānam̐, itaresu **vikkhambhanasamucchedappahānāni**. Paṭhame ca **duccaritasamkilesassa** pahānam̐, itaresu **tanhādiṭṭhisamkilesānam̐**.

Ekamekasmiñcetta catubbidhopi dhammatthadesanāpaṭivedhagambhīrabhāvo veditabbo. Tattha **dhammoti** Pāḷi. **Atthoti** tassā yevattho. **Desanāti** tassā manasāvavatthāpitāya Pāḷiyā desanā. **Paṭivedhoti** Pāḷiyā Pāḷi-atthassa ca yathābhūtāvabodho. Tisupi cetesu ete dhammatthadesanāpaṭivedhā yasmā sasādīhi viya mahāsamuddo mandabuddhīhi dukkhogāhā alabbhaneyyapaṭiṭṭhā ca, tasmā gambhīrā. Evaṃ ekamekasmim̐ ettha catubbidhopi gambhīrabhāvo veditabbo.

Aparo nayo. **Dhammoti** hetu, vuttañhetam̐ “hetumhi ñāṇam̐ dhammapaṭisambhidā”ti. **Atthoti** hetuphalam̐, vuttañhetam̐ “hetuphale ñāṇam̐ atthapaṭisambhidā”ti. **Desanāti** paññatti, yathādhammam̐ dhammābhilāpoti adhippāyo. **Paṭivedhoti** abhisamayo. So ca lokiyalokuttaro visayato asamohato ca atthānurūpaṃ dhammesu dhammānurūpaṃ atthesu paññattipathānurūpaṃ paññattisu avabodho.

Idāni yasmā etesu ṭṭakesu yaṃ yaṃ dhammajātam̐ vā atthajātam̐ vā, yā cāyam̐ yathā yathā ñāpetabbo attho sotūnam̐ ñāṇassa abhimukho hoti, tathā tathā tadatthajotikā desanā, yo

cettha aviparītāvabodhasaṅkhāto paṭivedho, sabbametaṃ
anupacitakusalasambhārehi duppaññehi sasādīhi viya mahāsamuddo
dukkhogāhaṃ alabbhaneyyapatiṭṭhañca, tasmā gambhīraṃ. Evampi
ekamekasmim ettha catubbidhopi gambhīrabhāvo veditabbo.

Ettāvata ca—

Desanāsāsanakathā, bhedaṃ tesu yathārahaṃ.
Sikkhāpahānagambhīra, bhāvañca paridīpayeti—

Ayaṃ gāthā vuttatthā hoti.

Pariyattibhedaṃ sampattim, vipattiñcāpi yaṃ yaṃ.
Pāpuṇāti yathā bhikkhu, tampi sabbaṃ vibhāvayeti—

Ettha pana tisu piṭakesu tividho **pariyattibhedo** daṭṭhabbo. Tisso hi
pariyattiyo alagaddūpamā nissaraṇatthā bhaṇḍāgārikapariyattīti.

Tattha yā duggahitā, upārambhādīhetu pariyāpuṭā, ayaṃ **alagaddūpamā**.
Yaṃ sandhāya vuttam, “seyyathāpi bhikkhave puriso alagaddatthiko
alagaddagavesī alagaddapariyesanaṃ caramāno, so passeyya mahantaṃ
alagaddam, tamenam bhoge vā naṅguṭṭhe vā gaṇheyya, tassa so alagaddo
paṭiparivattitvā hatthe vā bāhāya vā aññatarasmim vā aṅgapaccānge
ḍamseyya. So tatonidānaṃ maraṇaṃ vā nigaccheyya maraṇamattaṃ vā
dukkham. Tam kissa hetu? Duggahitattā bhikkhave alagaddassa. Evameva
kho bhikkhave idhekacce moghapurisā dhammaṃ pariyāpuṇanti Suttaṃ -pa-
Vedallaṃ. Te tam dhammaṃ pariyāpuṇitvā tesam dhammānaṃ paññāya
atthaṃ na upaparikkhanti. Tesam te dhammā paññāya atthaṃ
anupaparikkhataṃ na nijjhānaṃ khamanti. Te upārambhānisamsā ceva
dhammaṃ pariyāpuṇanti itivādappamokkhānisamsā ca. Yassa catthāya
dhammaṃ pariyāpuṇanti, tañcassa atthaṃ nānubhonti. Tesam te dhammā
duggahitā dīgharattaṃ ahitāya dukkhāya samvattanti. Tam kissa hetu?
Duggahitattā bhikkhave dhammānaṃ”¹.

1. Ma 1. 186 piṭṭhe.

Yā pana suggahitā, sīlakkhandhādīpāripūrim yeva ākaṅkhamānena pariyāpuṭā, na upārambhādihetu. Yaṃ **nissaraṇatthā**. Yaṃ sandhāya vuttam, “tesam te dhammā suggahitā dīgharattam hitāya sukhāya samvattanti. Tam kissa hetu? Suggahitattā bhikkhave dhammānan”¹.

Yaṃ pana pariññātakkhando pahīnakilesa bhāvitamaggo paṭividdhākuppo sacchikatanirodho khīṇāsavo kevalam pavenīpālanatthāya vaṃsānurakkhaṇatthāya pariyāpuṇāti. Yaṃ **bhaṇḍāgārikapariyattī**.

Vinaye pana suppaṭipanno bhikkhu sīlasampattim nissāya tisso vijjā pāpuṇāti, tāsam yeva ca tattha pabhedavacanato. Sutte suppaṭipanno samādhisampadam nissāya cha abhiññā pāpuṇāti, tāsam yeva ca tattha pabhedavacanato. Abhidhamme suppaṭipanno paññāsampadam nissāya catasso paṭisambhidā pāpuṇāti. Tāsañca tattheva pabhedavacanato. Evametesu suppaṭipanno yathākkamena imam vijjāttayachābhiññācatupaṭisambhidābhedaṃ sampattim pāpuṇāti.

Vinaye pana duppaṭipanno anuññātasukhasamphassa-attharaṇapāvuraṇādīphassasāmaññato paṭikkhittesu upādinnaḥassādīsu² anavajjasāññi hoti. Vuttampi hetam “tathāham Bhagavatā dhammam desitam ājānāmi, yathā yeme antarāyikā dhammā vuttā Bhagavatā, te paṭisevato nālam antarāyāyā”³. Tato dussīlabhāvam pāpuṇāti. Sutte duppaṭipanno “cattārome bhikkhave puggalā santo samvijjamānā”⁴ ti-ādīsu⁴ adhippāyam ajānanto duggahitam gaṇhāti. Yaṃ sandhāya vuttam, “attanā duggahitena amhe ceva abbhācikkhati, attānañca kanati, bahuñca apuññaṃ pasavatī”⁵. Tato micchādīṭṭhitam pāpuṇāti. Abhidhamme duppaṭipanno dhammacintam atidhāvanto acinteyyānīpi cinteti, tato cittakkhepaṃ pāpuṇāti. Vuttañhetam, “cattārimāni bhikkhave acinteyyāni na cintetabbāni, yāni cinto ummādassa vighātassa bhāgi assā”⁶. Evametesu duppaṭipanno yathākkamena imam dussīlabhāvamicchādīṭṭhitācittakkhepabhedaṃ vipattim pāpuṇātīti.

1. Ma 1. 187 piṭṭhe.

3. Vi 2. 175; Ma 1. 182 piṭṭhe.

5. Vi 2. 177; Ma 1. 185 piṭṭhe.

2. Upādinnaḥassādīsu (Dī-Ṭṭha 1. 22 piṭṭhe.)

4. Am 1. 311 piṭṭhādīsu.

6. Am 1. 392 piṭṭhe.

Ettāvata ca—

Pariyattibhedam sampattim, vipattiñcāpi yaṃ yaṃ.

Pāpuṇāti yathā bhikkhu, tampi sabbam vibhāvayeti—

Ayampi gāthā vuttatthā hoti. Evaṃ nānappakārato piṭakāni ñatvā tesam vasenetam Buddhavacanam tividhanti ñātabbam.

Katham nikāyavasena pañcavidham? Sabbameva cetam Dīghanikāyo Majjhimanikāyo Saṃyuttanikāyo Aṅguttaranikāyo Khuddakanikāyoti pañcappabhedam hoti. Tattha katamo **Dīghanikāyo**? Tivaggasaṅgahāni Brahmajālādīni catuttimsa suttāni.

Catuttimseva suttantā, tivaggo yassa saṅgaho.

Esa Dīghanikāyoti, paṭhamo anulomiko.

Kasmā panesa Dīghanikāyoti vuccati? Dīghappamāṇānam suttānam samūhato nivāsato ca. Samūhanivāsā hi nikāyoti vuccanti. “Nāham bhikkhave aññam ekanikāyampi samanupassāmi evam cittam, yathayidam bhikkhave tiracchānagatā pāṇā¹. Poṇikanikāyo cikkhallikanikāyo”ti evamādīni cettha sādhakāni sāsānato ca lokato ca. Evaṃ sesānampi nikāyabhāve vacanattho vedītabbo.

Katamo **Majjhimanikāyo**? Majjhimappamāṇāni pañcadasavaggasaṅgahāni Mūlapariyāyasuttādīni diyaddhasatam dve ca suttāni.

Diyaddhasatam suttantā, dve ca suttāni yattha so.

Nikāyo Majjhimo pañcadasa-vaggapariggaho.

Katamo **Saṃyuttanikāyo**? Devatāsaṃyuttādivasena tīṭhāni Oghataraṇādīni satta suttasahassāni satta ca suttasatāni dvāsaṭṭhi ca suttāni.

Satta suttasahassāni, satta suttasatāni ca.

Dvāsaṭṭhi ceva suttantā, eso Saṃyuttasaṅgaho.

1. Saṃ 2. 123 piṭṭhe.

Katamo **Aṅguttaranikāyo**? Ekeka-aṅgāṭirekavasena ṭhitāni
Cittapariyādānādīni nava suttasahassāni pañca suttasatāni sattapaññāsañca
suttāni.

Nava suttasahassāni, pañca suttasatāni ca.
Sattapaññāsa suttāni, saṅkhyā Aṅguttare ayaṃ.

Katamo **Khuddakanikāyo**? Sakalaṃ Vinayapiṭakaṃ
Abhidhammapiṭakaṃ Khuddakapāṭhādayo ca pubbe nidassitā
pannarasabhedā, ṭhapetvā cattāro nikāye avasesaṃ Buddhavacananti.

Ṭhapetvā caturo pete, nikāye Dīgha-ādike.
Tadaññāraṃ Buddhavacanaṃ, nikāyo Khuddako matoti.

Evam nikāyavasena pañcavidham.

Kathaṃ aṅgavasena navavidham? Sabbameva hidaṃ Suttaṃ Geyyaṃ
Veyyākaraṇaṃ Gāthā Udānaṃ Itivuttakaṃ Jātaṃ Abbhutadhammaṃ
Vedallanti navappabhedam hoti. Tattha
ubhatovibhaṅganiddesakhandhakapariyāra Suttanipāte
Maṅgalasuttaratanasuttanālakasuttatuvattakasuttāni aññampi ca
suttanāmakam Tathāgatavacanaṃ **Suttanti** veditabbaṃ. Sabbampi
sagāthakam suttaṃ **Geyyanti** veditabbaṃ. Visesena Saṃyuttake sakalopi
Sagāthāvaggo, sakalaṃ Abhidhammapiṭakaṃ, niggāthakam suttaṃ, yañca
aññampi aṭṭhahi aṅgehi asaṅgahitam Buddhavacanaṃ, tam **Veyyākaraṇanti**
veditabbaṃ. Dhammapadam Theragāthā Therīgāthā Suttanipāte
nosuttanāmikā suddhikagāthā ca **Gāthāti** veditabbā.

Somanassaññāmayikagāthāpaṭisaṃyuttā dvāsīti suttantā **Udānanti**
veditabbaṃ. “Vuttañhetam Bhagavatā”ti-ādinayappavattā
Dasuttarasatasuttantā **Itivuttakanti** veditabbaṃ. Apaṇṇakajātakādīni
paññāsādhikāni pañca jātakasatāni **Jātakanti** veditabbaṃ. “Cattārome
bhikkhave acchariyā abbhutā dhammā Ānande”ti¹ādinayappavattā sabbepi
acchariya-abbhutadhammapaṭisaṃyuttā suttantā **Abbhutadhammanti**
veditabbaṃ.

Cūlavedallamahāvedallasammādiṭṭhisakkapañhasaṅkhārabhājanīyamahāpuṇṇ
amasuttādayo sabbepi vedañca tuṭṭhiñca laddhā laddhā pucchitasuttantā
Vedallanti veditabbaṃ. Evam aṅgavasena navavidham.

Katham dhammakkhandhavasena caturāsītisahassavidhaṃ. Sabbameva cetam Buddhavacanam—

Dvāsīti¹ Buddhato gaṇhiṃ, dve sahasāni bhikkhuto.
Caturāsīti sahasāni, ye me dhammā pavattinoti²—

Evam paridīpitadhammakkhandhavasena caturāsītisahassappabhedam hoti. Tattha ekānusandhikam suttaṃ eko dhammakkhandho. Yam anekānusandhikam, tattha anusandhivasena dhammakkhandhagaṇanā. Gāthābandhesu pañhāpucchanaṃ eko dhammakkhandho, vissajjanaṃ eko. Abhidhamme ekamekaṃ tikadukabhājanaṃ ekamekañca cittavārabhājanaṃ eko dhammakkhandho. Vinaye atthi vatthu, atthi mātikā, atthi padabhājanīyam, atthi antarāpatti, atthi āpatti, atthi anāpatti, atthi tikacchedo. Tattha ekameko koṭṭhāso ekameko dhammakkhandhoti vedītabbo. Evam dhammakkhandhavasena caturāsītisahassavidham.

Evametam abhedato rasavasena ekavidham, bhedato dhammavinayādivasena duvidhādibhedam Buddhavacanam saṅgāyanta Mahākassapappamukhena vasīgaṇena ayam dhammo, ayam vinayo, idam paṭhamabuddhavacanam, idam majjhimabuddhavacanam, idam pacchimabuddhavacanam, idam Vinayapiṭakam, idam Suttantapiṭakam, idam Abhidhammapiṭakam, ayam Dīghanikāyo -pa- ayam Khuddakanikāyo, imāni Suttādīni navaṅgāni, imāni caturāsītīdhammakkhandhasahasānīti imam pabhedam vavatthapetvāva saṅgītam. Na kevalaṅca ettakameva, aññampi uddānasaṅgahavaggasaṅgaha peyyāla saṅgaha ekakanipāta dukanipātādīnīpātasāṅgahasamūttasaṅgaha paṇṇāsasaṅgahādi-anekavidham tisu piṭakesu sandissamānam saṅgahappabhedam vavatthapetvā-eva sattahi māsehi saṅgītam. Saṅgītipariyosāne cassa “idam Mahākassapattherena dasabalassa sāsanam pañcavassasahasaparimāṇam kalam pavattanasamattham katan”ti sañjātapamodā sādhuḥkaram viya dadamānā ayam mahāpathavī udakapariyantam katvā anekappakaram kampi saṅkampi sampakampi sampavedhi, anekāni ca acchariyāni pāturaheṣunti ayam **paṭhamamahāsaṅgīti** nāma. Yā loke—

Satehi pañcahi katā, tena pañcasatāti ca.

Thereheva katattā ca, therikāti pavuccatīti.

1. Dvāsītīm (Sī)

2. Khu 2. 347 Theragāthāyam.

Imissā pana paṭhamamahāsaṅgītiyā pavattamānāya vinayaṃ
pucchantena āyasmatā Mahākassapena “paṭhamam āvuso Upāli pārājikam
kattha paññattan”ti-evamādivacanapariyosāne “vatthumpi pucchi, nidānampi
pucchi, puggalampi pucchi”ti ettha nidāne pucchite taṃ nidānam ādito
pabhuti vitthāretvā yena ca paññattam, yasmā ca paññattam, sabbametam
kathetukāmena āyasmatā Upālittherena vuttam “tena samayena Buddho
Bhagavā Verañjāyam viharatī”ti sabbam vattabbam. Evamidam āyasmatā
Upālittherena vuttam, tañca pana paṭhamamahāsaṅgītikāle vuttanti
veditabbam. Ettāvata ca “idam vacanam kena vuttam kadā vuttan”ti etesam
padānam attho pakāsito hoti.

Idāni kasmā vuttanti ettha vuccate, yasmā ayamāyasmatā
Mahākassapattherena nidānam puṭṭho, tasmānena taṃ nidānam ādito pabhuti
vitthāretum vuttanti. Evamidam āyasmatā Upālittherena
paṭhamamahāsaṅgītikāle vadantenāpi iminā kāraṇena vuttanti veditabbam.
Ettāvata ca “**Vuttam yena yadā yasmā**”ti imesam mātikāpadānam attho
pakāsito hoti.

Idāni **dhāritam yena cābhataṃ, yatthappatiṭṭhitañcetametam vatvā
vidhim tatoti** etesam atthappakāsanattham idam vuccati. Tam panetaṃ “tena
samayena Buddho Bhagavā Verañjāyam viharatī”ti-
evamādivacanapaṭimaṇḍitanidānam Vinayapiṭakam kena dhāritam,
kenābhataṃ, kattha patiṭṭhanti. Vuccate, ādito tāva idam Bhagavato
sammukhā āyasmatā Upālittherena dhāritam, tassa sammukhato
aparinibbute Tathāgate chaḷabhiññādibhedehi anekehi bhikkhusahashehi
parinibbute Tathāgate Mahākassapappamukhehi dhammasaṅgāhakattherehi.
Kenābhatanti Jambudīpe tāva Upālittheramādimkatvā ācariyaparamparāya
yāva tatiyasaṅgīti, tāva ābhataṃ. Tatrāyam **ācariyaparamparā—**

Upāli Dāsako ceva, Soṇako Siggavo tathā.
Tisso Moggaliputto ca, pañcete vijitāvino.
Paramparāya vinayam, dīpe jambusirivhaye.
Acchijjamānamānesum, tatiyo yāva saṅgaho.

Āyasmā hi Upāli imaṃ vinayavaṃsaṃ vinayatantiṃ vinayapaveṇiṃ
 Bhagavato sammukhā uggahetvā bahūnaṃ bhikkhūnaṃ hadaye patiṭṭhāpesi,
 tassa hāyasmato santike vinayavaṃsaṃ uggahetvā vinaye pakataññutaṃ
 pattesu puggalesu puthujjanasotāpannasakadāgāmi-anāgāmino
 gaṇanapathaṃ vītivattā, khīṇāsavānaṃ saḥassamekaṃ ahoṣi. Dāsakattheropi
 tasseva saddhivihāriko ahoṣi, so Upālittherassa sammukhā uggahetvā
 tatheva vinayaṃ vācesi, tassāpi āyasmato santike uggahetvā vinaye
 pakataññutaṃ pattā puthujjanādayo gaṇanapathaṃ vītivattā, khīṇāsavānaṃ
 saḥsameva ahoṣi. Soṇakattheropi Dāsakattherassa saddhivihāriko ahoṣi,
 sopi attano upajjhāyassa Dāsakattherassa sammukhā uggahetvā tatheva
 vinayaṃ vācesi, tassāpi āyasmato santike uggahetvā vinaye pakataññutaṃ
 pattā puthujjanādayo gaṇanapathaṃ vītivattā, khīṇāsavānaṃ saḥsameva
 ahoṣi. Siggavattheropi Soṇakattherassa saddhivihāriko ahoṣi, sopi attano
 upajjhāyassa Soṇakattherassa santike vinayaṃ uggahetvā arahantasahassassa
 dhuraggāho ahoṣi, tassa panāyasmato santike uggahetvā vinaye
 pakataññutaṃ pattā puthujjanasotāpannasakadāgāmi-anāgāminopi
 khīṇāsavāpi “ettakāni satāni”ti vā “ettakāni saḥassāni”ti vā aparicchinnā
 ahesuṃ. Tadā kira Jambudīpe atimahā bhikkhusamudāyo¹ ahoṣi.
 Moggaliputtatissattherassa pana ānubhāvo tatiyasaṅgītiyaṃ pākaṭṭo
 bhavissati. Evamidaṃ Vinayapiṭakaṃ Jambudīpe tāva imāya
 ācariyaparamparāya yāva tatiyasaṅgīti, tāva ābhatanti vedittabbaṃ.

Paṭhamamahāsaṅgītikathā niṭṭhitā.

Dutiyasaṅgītikathā

Dutiyasaṅgītivijānanatthaṃ pana ayamanukkamo vedittabbo. Yadā hi—

Saṅgāyitvāna saddhammaṃ, jotayitvā ca sabbadhi.

Yāva jīvitapariyantaṃ, ṭhatvā pañcasatāpi te.

1. Samūho (Sī), samudāyo (Syā)

Khīṇāsavā jutīmanto, therā Kassapa-ādayo.

Khīṇasnehapadīpāva, nibbāyimsu anālayā.

Athānukkamena gacchantesu rattindivesu vassasatapariniibbute Bhagavati Vesālikā Vajjiputtakā bhikkhū Vesāliyaṃ “kappati siṅgiloṇakappo, kappati dvaṅgulakappo, kappati gāmantarakappo, kappati āvāsakappo, kappati anumatikappo, kappati āciṅṅakappo, kappati amathitakappo, kappati jaḷogim̄ pātuṃ, kappati adasakaṃ nisīdanam̄, kappati jātarūparajatan”ti imāni dasa vatthūni dīpesuṃ. Tesam̄ Susunāgaputto Kālāsoko nāma rājā pakkho ahoṣi.

Tena kho pana samayena āyasmā Yaso Kākaṇḍakaputto Vajjīsu cārikaṃ caramāno “Vesālikā kira Vajjiputtakā bhikkhū Vesāliyaṃ dasa vatthūni dīpentī”ti sutvā “na kho panetaṃ patirūpaṃ, yvāham̄ dasabalassa sāsanaṅvappatim̄ sutvā apposukko bhavēyyaṃ, handāham̄ adhammavādino niggahetvā dhammaṃ dīpemi”ti cintento yena Vesālī tadavasari. Tatra sudam̄ āyasmā Yaso Kākaṇḍakaputto Vesāliyaṃ viharati Mahāvane Kūṭāgārasālāyaṃ.

Tena kho pana samayena Vesālikā Vajjiputtakā bhikkhū tadahuposathe kaṃsapātīm̄ udakena pūretvā majjhe bhikkhusaṃghassa ṭhapetvā āgatāgate Vesālike upāsake evaṃ vadanti “dethāvuso saṃghassa kahāpaṇampi aḍḍhampi pādampi māsaṅkarūpampi, bhavissati saṃghassa parikkhārena karaṇīyaṃ”ti sabbaṃ tāva vattabbaṃ, yāva “imāya pana vinayaṅgītiyā satta bhikkhusatāni anūnāni anadhikāni ahesuṃ, tasmā ayaṃ dutiyaṅgīti sattasatikāti vuccatī”ti.

Evaṃ tasmim̄ ca sannipāte dvādasa bhikkhusatasahassāni sannipatimsu āyasmatā Yasena samussāhitā. Tesam̄ majjhe āyasmatā Revatena puṭṭhena Sabbakāmittherena vinayaṃ vissajjentena tāni dasa vatthūni vinicchitāni, adhikaraṇam̄ vūpasamitaṃ. Atha therā “puna dhammaṅca vinayaṅca saṅgāyissāmā”ti Tipiṭakadhare pattapaṭisambhīde sattasate bhikkhū uccinitvā

Vesāliyaṃ Vālikārāme¹ sannipatitvā Mahākassapattherena
saṅgāyitasadisameva sabbaṃ sāsanaṃ sāsanaṃ sodhetvā puna piṭakavasena
nikāyavasena aṅgavasena dhammakhandhavasena ca sabbaṃ dhammañca
vinayañca saṅgāyimsu. Ayaṃ saṅgīti aṭṭhahi māsehi niṭṭhitā. Yā loke—

Satehi sattahi katā, tena sattasatāti ca.

Pubbe kataṃ upādāya, dutiyāti ca vuccatīti.

Sā panāyaṃ—

Yehi therehi saṅgītā, saṅgīti tesu vissutā.

Sabbakāmī ca Sāḷho ca, Revato Khujjasobhito.

Yaso ca Sāṇasambhūto, ete saddhivihārikā.

Therā Ānandatherassa, diṭṭhapubbā Tathāgataṃ.

Sumano Vāsabhagāmī ca, ñeyyā saddhivihārikā.

Dve ime Anuruddhassa, diṭṭhapubbā Tathāgataṃ.

Dutiyo pana saṅgīto, yehi therehi saṅgaho.

Sabbepi pannabhārā te, katakiccā anāsavāti.

Ayaṃ dutiyasaṅgīti.

Evamimaṃ dutiyasaṅgītiṃ saṅgāyitvā therā “uppajjissati nu kho
anāgatepi sāsanaṃ evarūpaṃ abbudaṃ”ti olokayamānā imaṃ addasaṃsu
“ito vassasatassa upari aṭṭhārasame vasse Pāṭaliputte **Dhammāsoko** nāma
rājā uppajjitvā sakalajambudīpe rajjaṃ kāressati, so Buddhasāsane pasīditvā
mahantaṃ lābhasakkāraṃ pavattayissati, tato titthiyā lābhasakkāraṃ
patthayamānā sāsane pabbajitvā sakaṃ sakaṃ diṭṭhiṃ paridīpessanti, evaṃ
sāsane mahantaṃ abbudaṃ uppajjissati”ti. Atha nesaṃ etadahosi “kiṃ nu
kho mayaṃ etasmiṃ abbude uppanne sammukhā bhavissāma na
bhavissāmā”ti. Atha te sabbeva tadā attano asammukhabhāvaṃ ñatvā “ko nu
kho taṃ adhikaraṇaṃ vūpasametum samattho bhavissati”ti sakalaṃ
manussalokaṃ chakāmāvacaradevalokañca oloketā na kañci disvā,
Brahmaloke **Tissaraṃ** nāma mahābrahmānaṃ

1. Vālukārāme (Sī)

addasaṃsu parittāyukaṃ uparibrahmalokūpapattiyā bhāvitamaggaṃ, disvāna nesaṃ etadahosi—“sace mayaṃ etassa brahmuno manussaloke nibbattanatthāya ussāhaṃ kareyyāma, addhā esa Moggalibrāhmaṇassa gehe paṭisandhiṃ gahessati, tato ca mantehi palobhito nikkhamitvā pabbajjissati, so evaṃ pabbajitvā sakalaṃ Buddhavacanaṃ uggahetvā adhigatapaṭisambhido hutvā titthiye madditvā taṃ adhikaraṇaṃ vinicchitvā sāsanaṃ paggaṇhissati”¹ti.

Te brahmalokaṃ gantvā Tissaṃ mahābrahmānaṃ etadavocum “ito vassasatassa upari aṭṭhārasame vasse sāsane mahantaṃ abbudaṃ uppajjissati, mayaṃca sakalaṃ manussalokaṃ chakāmāvacaradevalokaṃca olokayamānā kañci sāsanaṃ paggahetuṃ samatthaṃ adisvā brahmalokaṃ vicinantā bhavantameva addasāma, sādhu sappurisa manussaloke nibbattitvā Dasabalassa sāsanaṃ paggaṇhituṃ paṭiññaṃ dehi”¹ti.

Evaṃ vutte mahābrahmā “ahaṃ kira sāsane uppannaṃ abbudaṃ sodhetvā sāsanaṃ paggahetuṃ samattho bhavissāmi”¹ti haṭṭhapahaṭṭho udaggudaggo hutvā sādhuṭi paṭissuṇitvā paṭiññaṃ adāsi. Therā brahmaloke taṃ karaṇiyaṃ tīretvā puna paccāgamiṃsu.

Tena kho pana samayena Siggavatthero ca Caṇḍavajjitthero ca dvepi navakā honti daharabhikkhū Tipiṭakadharā pattapaṭisambhidā khīṇāsavā, te taṃ adhikaraṇaṃ na sampāpuṇiṃsu. Therā “tumhe āvuso amhākaṃ imasmim̐ adhikaraṇe no sahāyakā ahuvattha, tena vo idaṃ daṇḍakammaṃ hotu—Tisso nāma brahmā Moggalibrāhmaṇassa gehe paṭisandhiṃ gaṇhissati, taṃ tumhākaṃ eko nīharitvā pabbājetu, eko Buddhavacanaṃ uggāṇhāpetu”¹ti vatvā sabbepi yāvatāyukaṃ ṭhatvā—

Sabbakāmippabhutayo, tepi¹ therā mahiddhikā.

Aggikkhandhāva lokamhi, jalitvā parinibbutā.

Dutiyaṃ saṅghaṃ katvā, visodhetvāna sāsanaṃ.

Anāgatepi katvāna, hetuṃ saddhammasuddhiyā.

1. Yepi (Ka)

Khīṇāsavā vasippattā, pabhinnapaṭisambhidā.
 Aniccatāvasaṃ therā, tepi nāma upāgatā.
 Evaṃ aniccatam jammim, ñatvā durabhisambhavam.
 Tam pattum vāyame dhīro, yaṃ niccam amataṃ padanti.

Ettāvata sabbākārena **dutiyasaṅgītiyaṇṇanā** niṭṭhitā hoti.

Tatīyasaṅgītikathā

Tissopi kho **mahābrahmā** brahmalokato cavitvā Moggalibrāhmaṇassa gehe paṭisandhim aggahisi, Siggavattheropi tassa paṭisandhiggahaṇato pabhuti satta vassāni brāhmaṇassa gehaṃ piṇḍāya pāvisi, ekadivasampi uḷunkamattaṃ vā yāguṃ kaṭacchumattaṃ vā bhattaṃ nālattha. Sattannaṃ pana vassānaṃ accayena ekadivasam “aticchatha bhante”ti vacanamattaṃ alatta, taṃdivasameva brāhmaṇopi bahiddhā kiñci karaṇīyaṃ katvā āgacchanto paṭipathe theram disvā “bho pabbajita amhākaṃ gehaṃ agamitthā”ti āha. Āma brāhmaṇa agamimhāti. Api kiñci labhitthāti. Āma brāhmaṇa labhimhāti. So gehaṃ gantvā pucchi “tassa pabbajitassa kiñci adatthā”ti. Na kiñci adamhāti. Brāhmaṇo dutiyadivase gharadvāreyeva nisīdi “ajja pabbajitam musāvādena niggahessāmī”ti. Thero dutiyadivase brāhmaṇassa gharadvāram sampatto. Brāhmaṇo theram disvāva evamāha “tumhe hiyyo amhākaṃ gehe kiñci aladdhāyeva ‘labhimhā’ti avocuttha, vaṭṭati nu kho tumhākaṃ musāvādo”ti. Thero āha “mayam brāhmaṇa tumhākaṃ gehe satta vassāni ‘aticchathā’ti vacanamattampi alabhitvā hiyyo ‘aticchathā’ti vacanamattaṃ labhimha, athetaṃ paṭisanthāram upādāya evamavocumhā”ti.

Brāhmaṇo cintesi “ime paṭisanthāramattampi labhitvā ‘labhimhā’ti pasaṃsanti, aññaṃ kiñci khādanīyaṃ bhojanīyaṃ labhitvā kasmā na pasaṃsanti”ti pasīditvā attano atthāya paṭiyāditabhattato kaṭacchumattaṃ bhikkham tadupiyaṅca byañjanaṃ dāpetvā “imaṃ bhikkham sabbakālam tumhe labhissathā”ti

āha. So punadivasato pabhuti upasaṅkamantassa therassa upasamaṃ disvā bhiyyoso mattāya pasīditvā theram niccakālam attano ghare bhattavissaggakaraṇatthāya yāci. Thero adhivāsetvā divase divase bhattakiccaṃ katvā gacchanto thokaṃ thokaṃ Buddhavacanaṃ kathetvā gacchati. Sopi kho māṇavako soḷasavassuddesikoyeva tiṇṇaṃ vedānaṃ pāragū ahoṣi. Brahmaloḷato āgatasuddhasattassa āsane vā sayane vā añño koci nisajjitā vā nipajjitā vā natthi. So yadā ācariyagharaṃ gacchati, tadāssa mañcapīṭhaṃ setena vatthena paṭicchādetvā laggetvā ṭhapenti. Thero cintesi “samayo dāni māṇavakaṃ pabbājetum, cirañca me idhāgacchantassa, na ca kāci māṇavakena saddhim kathā uppajjati, handa dāni iminā upāyena pallaṅkaṃ nissāya uppajjisati”ti gehaṃ gantvā yathā tasmiṃ gehe ṭhapetvā māṇavakassa pallaṅkaṃ aññaṃ na kiñci āsanaṃ dissati, tathā adhiṭṭhāsi. Brāhmaṇassa gehajano theram disvā aññaṃ kiñci āsanaṃ apassanto māṇavakassa pallaṅkaṃ attharivā therassa adāsi. Nisīdi thero pallaṅke. Māṇavakopi kho taṅkhaṇaññaeva ācariyagharā āgamma theram attano pallaṅke nisinnaṃ disvā kupito anattamano “ko mama pallaṅkaṃ samaṇassa paññapesi”ti āha.

Thero bhattakiccaṃ katvā vūpasante māṇavakassa caṇḍikkabhāve evamāha “kiṃ pana tvaṃ māṇavaka kiñci mantam jānāsī”ti. Māṇavako “bho pabbajita mayi dāni mante ajānante añña ke jānissanti”ti vatvā theram pucchi “tumhe pana mantam jānāthā”ti. Puccha māṇavaka, pucchitvā sakkā jānitunti. Atha kho māṇavako tisu vedesu sanighaṇḍukeṭubhesu sakkharappabhedesu itihāsapañcomesu yāni yāni gaṇṭhiṭṭhānāni, yesam yesam nayam neva attanā passati, nāpissa ācariyo addasa, tesu tesu theram pucchi. Thero pakatīyāpi tiṇṇaṃ vedānaṃ pāragū, idāni pana paṭisambhidāppatto, tenassa natthi tesam pañhānaṃ vissajjane bhāroti tāvadeva te pañhe vissajjetvā māṇavakaṃ āha “māṇavaka aham tayā bahum pucchito, ahampi dāni tam ekaṃ pañham pucchāmi, byākarissasi me”ti. Āma bho pabbajita puccha, byākarissāmīti. Thero **Cittayamake** imam pañham pucchi—

“Yassa cittaṃ uppajjati na nirujjhati, tassa cittaṃ nirujjhissati nuppajjissati. Yassa vā pana cittaṃ nirujjhissati nuppajjissati, tassa cittaṃ uppajjati na nirujjhati”ti.

Māṇavo uddham vā adho vā harituṃ asakkonto “kiṃ nāma bho pabbajita idan”ti āha. Buddhamanto nāmāyaṃ māṇavāti. Sakkā panāyaṃ bho mayhampi dātunti. Sakkā māṇava amhehi gahitapabbajjaṃ gaṇhantassa dātunti. Tato māṇavo mātāpitaro upasaṅkamtivā āha “ayaṃ pabbajito Buddhamantaṃ nama jānāti, na ca attano santike apabbajitassa deti, ahaṃ etassa santike pabbajitvā mantam uggaṇhissāmi”ti.

Athassa mātāpitaro pabbajitvāpi no putto mante gaṇhatu, gahetvā puna āgamissatīti maññamānā “uggaṇha puttā”ti anujānimsu. Thero dāraḥkaṃ pabbājetvā dvattimsākāraḥkammaṭṭhānaṃ tāva ācikkhi. So tattha parikammaṃ karonto nacirasseva sotāpattiphale patiṭṭhahi. Tato thero cintesi “sāmaṇero sotāpattiphale patiṭṭhito, abhabbo dāni sāsanaṭo nivattitum, sace panassāhaṃ kammaṭṭhānaṃ vaḍḍhetvā katheyyaṃ, arahattaṃ pāpuṇeyya, appossukko bhaveyya Buddhavacanaṃ gahetum, samayo dāni naṃ Caṇḍavajjittherassa santikaṃ pesetun”ti. Tato āha “ehi tvaṃ sāmaṇera therassa santikaṃ gantvā Buddhavacanaṃ uggaṇha, mama vacanena taṅca ārogyaṃ puccha, evaṅca vadehi ‘upajjhāyo maṃ bhante tumhākaṃ santikaṃ paṇiṇi’ti, ‘ko nāma te upajjhāyo’ti ca vutte ‘Siggavatthero nāma bhante’ti vadeyyāsi, ‘ahaṃ ko nāmā’ti vutte evaṃ vadeyyāsā’ ‘mama upajjhāyo bhante tumhākaṃ nāmaṃ jānāti’ti”.

“Evaṃ bhante”ti kho Tisso sāmaṇero theram abhivādetvā padakkhiṇaṃ katvā anupubbena Caṇḍavajjittherassa santikaṃ gantvā vanditvā ekamantaṃ aṭṭhāsi. Thero sāmaṇeraṃ pucchi “kuto āgatosī”ti. Upajjhāyo maṃ bhante tumhākaṃ santikaṃ paṇiṇi. Ko nāma te upajjhāyoti. Siggavatthero nāma bhanteti. Ahaṃ ko nāmāti. Mama upajjhāyo bhante tumhākaṃ nāmaṃ jānātīti. Pattacīvaraṃ dāni paṭisāmeḥīti. “Sādhu bhante”ti sāmaṇero pattacīvaraṃ paṭisāmetvā punadivase pariveṇaṃ sammajjitvā udakadantaponaṃ upaṭṭhāpesi. Thero tassa sammajjitaṭṭhānaṃ puna

sammajji, taṃ udakaṃ chaḍḍetvā aññaṃ udakaṃ āhari, tañca dantakaṭṭhaṃ apanetvā aññaṃ dantakaṭṭhaṃ gaṇhi, evaṃ satta divasāni katvā sattame divase puna pucchi. Sāmaṇero punapi pubbe kathitasadisameva kathesi. Thero “so vatāyaṃ¹ brāhmaṇo”ti sañjānitvā “kimatthaṃ āgatosī”ti āha. Buddhavacanaṃ uggaṇhatthāya bhanteti. Thero “uggaṇha dāni sāmaṇerā”ti vatvā puna divasato pabhuti Buddhavacanaṃ paṭṭhapesi. Tisso sāmaṇero va hutvā ṭhapetvā Vinayapiṭakaṃ sabbaṃ Buddhavacanaṃ uggaṇhi saddhiṃ Aṭṭhakathāya, upasampannakāle pana avassikova samāno Tipiṭakadharo ahosi. Ācariyupajjhāyā Moggaliputtatissattherassa hatthe sakalaṃ Buddhavacanaṃ patiṭṭhāpetvā yāvatāyukaṃ ṭhatvā parinibbāyimsu. Moggaliputtatissattheropi aparena samayena kammaṭṭhānaṃ vadḍhetvā arahattappatto bahūnaṃ dhammavinayaṃ vācesī.

Tena kho pana samayena Bindusārassa rañño ekasataputtā ahesuṃ. Te sabbe asoko attanā saddhiṃ ekamātikaṃ Tissakumāraṃ ṭhapetvā ghātesi, ghātento ca cattāri vassāni anabhisittova rajjaṃ kāretvā catunnaṃ vassānaṃ accayena Tathāgatassa parinibbānato dvinnaṃ vassasatānaṃ upari aṭṭhārasame vasse sakalajambudīpe ekarajjābhisekaṃ pāpuṇi. Abhisekānubhāvena cassa imā rājiddhiyo āgatā—mahāpathaviyā heṭṭhā yojanappamāṇe āṇā pavattati, tathā upari ākāse. Anotattadahato aṭṭhahi kājehi soḷasa pāṇiyaghaṭe divase divase devatā āharanti, yato sāsane uppannasaddho hutvā aṭṭha ghaṭe bhikkhusaṃghassa adāsi, dve ghaṭe saṭṭhimattānaṃ Tipiṭakadharabhikkhūnaṃ, dve ghaṭe aggamahesiyā asandhimittāya, cattāro ghaṭe attanā paribhuñji. Devatā-eva Himavante nāgalatādantakaṭṭhaṃ nāma atthi siniddhaṃ mudukaṃ rasavantam, taṃ divase divase āharanti, yena rañño ca mahesiyā ca soḷasannañca nāṭakitthisahassānaṃ saṭṭhimattānañca bhikkhusahassānaṃ devasikaṃ dantaponakiccaṃ nippajjati. Devasikameva cassa devatā agadāmalakaṃ agadaharītaṃ suvaṇṇavaṇṇaṃ gandharasasampannaṃ ambapakkam āharanti. Tathā Chaddantadahato pañcavaṇṇanivāsanapāvuraṇaṃ pītakavaṇṇahatthapuñchanapaṭakaṃ dibbañca pānakaṃ āharanti. Devasikameva panassa

1. Suvaco vatāyaṃ (Syā)

nhānagandham anuvilepanagandham pārupanatthāya asuttamayikam
 sumanapupphapaṭam mahārahaṇca añjanam nāgabhavanato nāgarājāno
 āharanti. Chaddantadaheva uṭṭhitassa sālino nava vāhasahassāni divase
 divase sukā āharanti. Mūsikā nitthusakaṇe karonti, ekopi khaṇḍataṇḍulo na
 hoti. Rañño sabbaṭṭhānesu ayameva taṇḍulo paribhogam gacchati.
 Madhumakkhikā madhum karonti. Kammārasālāsu acchā kūṭam paharanti.
 Karavīkasakuṇā āgantvā madhurassaram vikūjantā rañño balikammaṃ
 karonti.

Imāhi iddhīhi samannāgato rājā ekadivasam
 suvaṇṇasaṅkhalikabandhanam pesetvā catunnam Buddhānam
 adhigatarūpadassanam kappāyukam Kālam nāma nāgarājānam ānayitvā
 setacchattassa heṭṭhā mahārahe pallaṅke nisīdāpetvā anekasatavaṇṇehi jalaja
 thalajapupphehi suvaṇṇapupphehi ca pūjam katvā
 sabbālaṅkārapaṭimaṇḍitehi soḷasahi nāṭakitthisahashehi samantato
 parikkhipitvā “anantañāṇassa tāva me saddhamavaracakkavattino
 Sammāsambuddhassa rūpam imesam akkhīnam āpātham karohī”ti vatvā
 tena nimmitam sakalasarīravippakiṇṇapuññappabhāvanibbattāsītānubyañjana
 paṭimaṇḍita dvattimsamahāpurisalakkhaṇasassirikatāya
 vikasitakamaluppapūṇḍarīkapaṭimaṇḍitamiva salilatalam
 tārāgaṇarasmijālavisadavipphuritasobhāsamujjalitamiva gaganatalam nīla
 pīta lohītādibhedavicitravaṇṇaramsi vinaddhabyāmappabhā parikkhepa
 vilāsītāya sañjhāppabhānurāga-indadhanuvijjulatāparikkhittamiva
 kanakagirisikharam
 nānāvīrāgavimalaketumālāsamujjalitacārumatthakasobham
 nayanarasāyatanamiva brahmadevamanujanāgayakkhagaṇānam
 Buddharūpam passanto satta divasāni akkhipūjam nāma akāsi.

Rājā kira abhisekam pāpuṇitvā tīṇīyeva samvaccharāni
 bāhirakapāsaṇḍam pariggaṇhi, catutthe samvacchare Buddhasāsane pasīdi.
 Tassa kira pitā Bindusāro brāhmaṇabhatto ahoṣi. So brāhmaṇānaṇca
 brāhmaṇajātiyapāsaṇḍānaṇca paṇḍaraṅgaparibbājakādīnam
 saṭṭhisahassamattānam niccabhattam paṭṭhapesi. Asokopi pitarā pavattitam
 dānam attano antepure tatheva dadamāno ekadivasam sīhapaṅjare ṭhito te
 upasamaparibāhirena ācārena bhūñjamāne asaṃyatindriye avinīta-iriyāpathe
 disvā cintesi “īdisam dānam upaparikkhitvā yuttaṭṭhāne dātum vaṭṭati”ti.
 Evaṃ cintetvā amacce āha “gacchatha bhaṇe attano attano

sādhusammate samaṇabrāhmaṇe antepuraṃ atiharatha, dānaṃ dassāma”ti. Amaccā “sādhu devā”ti rañño paṭissuṇitvā te te paṇḍaraṅgaparibbājakājīvakaniḅaṅṅhādayo ānetvā “ime mahārāja amhākaṃ arahanto”ti āhaṃsu.

Atha rājā antepure uccāvacaṇi āsanāni paññapetvā “āgacchantū”ti vatvā āgatāgate āha “attano attano patirūpe āsane nisīdathā”ti. Tesu ekacce bhaddapīṭhakesu, ekacce phalakapīṭhakesu nisīdiṃsu. Te disvā rājā “natthi nesaṃ anto sāro”ti ṇatvā tesāṃ anurūpaṃ khādanīyaṃ bhojanīyaṃ datvā uyyojesi.

Evāṃ gacchante kāle ekadivasaṃ rājā sihapañjare ṭhito addasa Nigrodhasāmaṇeraṃ rājaṅgaṇena gacchantāṃ dantaṃ guttaṃ santindriyaṃ iriyāpathasampannaṃ. Ko panāyaṃ **Nigrodho** nāma. Bindusārarañño jeṭṭhaputtassa Sumanarājakumārassa putto.

Tatrāyaṃ **anupubbikathā**¹—

Bindusārarañño kira dubbalakāleyeva Asokakumāro attanā laddhaṃ Ujjenīrajjaṃ pahāya āgantvā sabbanagaraṃ attano hatthagataṃ katvā Sumanarājakumāraṃ aggahesi. Tamdivasameva Sumanassa rājakumārassa Sumanā nāma devī paripuṇṇagabbhā ahoṣi, sā aññātakavesena nikkhamitvā avidūre aññataraṃ Caṇḍālagāmaṃ sandhāya gacchantī jeṭṭhakacaṇḍālassa gehato avidūre aññatarasmiṃ nigrodharukkhe adhivatthāya devatāya “ito ehi Sumane”ti vadantiyā saddaṃ sutvā tassā samīpaṃ gatā. Devatā attano ānubhāvena ekaṃ sālāṃ nimminitvā “ettha vasāhī”ti adāsi. Sā taṃ sālāṃ pāvīsi. Gatadivaseyeva ca puttaṃ vijāyi. Sā tassa nigrodhadevatāya pariggahitattā Nigrodhotveva nāmaṃ akāsi. Jeṭṭhakacaṇḍālo diṭṭhadivasato pabhuti taṃ attano sāmīdhītaṃ viya maññamāno nibaddhavattaṃ paṭṭhapesi. Rajadhītā tattha satta vassāni vasi, Nigrodhakumāropi sattavassiko jāto. Tadā Mahāvaruṇatthero nāma eko arahā dārakassa hetusampadaṃ disvā rakkhitvā tattha viharamāno “sattavassiko dāni dārako, kālo naṃ

1. Ānupubbikathā (Sī)

pabbājetun”ti cintetvā rājadhītāya ārocāpetvā Nigrodhakumāraṃ pabbājesi. Kumāro khuraggeyeva arahattaṃ pāpuṇi. So ekadivasam pātova sarīraṃ jaggitvā ācariyupajjhāyavattaṃ katvā pattacīvaramādāya “mātu-upāsikāya gehadvāraṃ gacchāmi”ti nikkhami, mātunivāsanaṭṭhānañcassa dakkhiṇadvārena nagaraṃ pavisitvā nagaramajjhena gantvā pācīnadvārena nikkhamitvā gantabbaṃ hoti.

Tena ca samayena Asoko dhammarājā pācīnadisābhimukho sīhapañjare caṅkamati, taṅkhaṇaṇṇeva Nigrodho rājaṅgaṇaṃ sampāpuṇi santindriyo santamānaso yugamattaṃ pekkhamāno. Tena vuttaṃ “ekadivasam rājā sīhapañjare ṭhito addasa Nigrodhasāmaṇeraṃ rājaṅgaṇena gacchantaṃ dantaṃ guttaṃ santindriyaṃ iriyāpathasampannaṃ”ti. Disvā panassa etadahosi—“ayaṃ jano sabbopi vikkhittacitto bhantamigappaṭibhāgo. Ayaṃ pana dārako avikkhittacitto, ativiya cassa ālokitavilokitaṃ samīñjanapasāraṇaṇca sobhati. Addhā etassa abbhantare lokuttaradhammo bhavissati”ti. Rañño saha dassaneneva sāmaṇere cittaṃ pasīdi, pemaṃ saṅṭhahi. Kasmā? Pubbe hi kira puññakaraṇakāle esa rañño jeṭṭhabhātā vāñijako ahosi. Vuttampi hetam—

“Pubbe va sannivāsena, paccuppannahitena vā.

Evaṃ taṃ jāyate pemaṃ, uppalaṃ va yathodake”ti¹.

Atha rājā sañjātapemo sabahumāno² “etaṃ sāmaṇeraṃ pakkosathā”ti amacce pesesi. Te aticirāyantīti puna dve tayo pesesi “turitaṃ āgacchatū”ti. Sāmaṇero attano pakatiyā eva agamāsi. Rājā “patirūpamāsaṇaṃ ṇatvā nisīdathā”ti āha. So ito cito ca viloketvā “natthi dāni añṇe bhikkhū”ti samussitasetacchattaṃ rājapallaṅkaṃ upasaṅkamtivā pattaggahaṇatthāya rañño ākāraṃ dassesi. Rājā taṃ pallaṅkasamīpaṃ upagacchantaṃyeva disvā cintesi “ajjeva dāni ayaṃ sāmaṇero imassa gehassa sāmiko bhavissati”ti. Sāmaṇero rañño hatthe pattam datvā pallaṅkaṃ abhiruhitvā nisīdi. Rājā attano atthāya sampāditaṃ sabbaṃ

1. Jā 1. 66 piṭṭhe.

2. Sambahumāno (Syā, Ka)

yāgukhajjakabhattivikatiṃ upanāmesi. Sāmaṇero attano yāpanīyamattakameva sampaṭicchi. Bhattakiccāvasāne rājā āha “Satthārā tumhākaṃ dinnovādaṃ jānāthā”ti. Jānāmi mahārāja ekadesenāti. Tāta mayhampi naṃ kathehīti. “Sādhu mahārājā”ti rañño anurūpaṃ Dhammapade Appamādavaggaṃ anumodanattthāya abhāsi.

Rājā pana “Appamādo amatapadaṃ, pamādo maccuno padan”ti sutvāva “aññātaṃ tāta pariyoṣāpehi”ti āha. Anumodanāvasāne ca “aṭṭha te tāta dhuvabhattāni dammi”ti āha. Sāmaṇero āha “etāni ahaṃ upajjhāyassa dammi mahārājā”ti. Ko ayaṃ tāta upajjhāyo nāmāti. Vajjāvajjaṃ disvā codetā sāretā ca mahārājāti. Aññānīpi te tāta aṭṭha dammīti, etāni ācariyassa dammi mahārājāti. Ko ayaṃ tāta ācariyo nāmāti. Imasmiṃ sāsane sikkhitabbakadhammesu paṭiṭṭhāpetā mahārājāti. Sādhu tāta aññānīpi te aṭṭha dammīti. Etānīpi bhikkhusaṃghassa dammi mahārājāti. Ko ayaṃ tāta bhikkhusaṃgho nāmāti. Yaṃ nissāya mahārāja amhākaṃ ācariyupajjhāyānañca mama ca pabbajjā ca upasampadā cāti. Rājā bhiyyoso mattāya tuṭṭhacitto āha “aññānīpi te tāta aṭṭha dammi”ti. Sāmaṇero sādhuṭi sampaṭicchitvā punadivase dvattiṃsa bhikkhū gahetvā rājantepuraṃ pavisitvā bhattakiccamakāsi. Rājā “aññēpi dvattiṃsa bhikkhū tumhehi saddhiṃ sve bhikkhaṃ gaṇhantū”ti. Etenevupāyena divase divase vaḍḍhāpentō saṭṭhisahassānaṃ brāhmaṇaparibbājakādīnaṃ bhattaṃ upacchinditvā antonivesane saṭṭhisahassānaṃ bhikkhūnaṃ niccabhattaṃ paṭṭhapesi Nigrodhatthere gateneva pasādena. Nigrodhattheropi rājānaṃ sapaṇisaṃ tīsu saraṇesu pañcasu ca sīlesu paṭiṭṭhāpetvā Buddhasāsane pothujjanikena pasādena acalappasādaṃ katvā paṭiṭṭhāpesi. Puna rājā **Asokārāmaṃ** nāma mahāvihāraṃ kāretvā saṭṭhisahassānaṃ bhikkhūnaṃ niccabhattaṃ paṭṭhapesi, sakalajambudīpe caturāsītiyā nagarasahassesu caturāsīti vihārasahassāni kārapesi caturāsītisahassacetiyapaṭimaṇḍitāni dhammeneva, no adhammena.

Ekadivasaṃ kira rājā Asokārāme mahādānaṃ datvā saṭṭhisahassabhikkhusaṃghassa majjhe nisajja saṃghaṃ catūhi paccayehi pavāretvā imaṃ pañhaṃ

pucchi “bhante Bhagavatā desitadhammo nāma kittako hotī”ti. Aṅgato mahārāja navaṅgāni, khandhato caturāsītidhammakhandhasahassānīti. Rājā dhamme pasīdisvā “ekekaṃ dhammakhandhaṃ ekekavihārena pūjessāmī”ti ekadivasameva channavutikoṭidhanaṃ visajjetvā amacce āṇāpesi “etha bhaṇe ekamekasmim nagare ekamekaṃ vihāraṃ kārāpentā caturāsītiyā nagarasahassesu caturāsītivihārasahassāni kārāpethā”ti. Sayañca Asokārāme Asokamahāvihāratthāya kammaṃ paṭṭhapesi. Saṃgho Indaguttattheraṃ nāma mahiddhikaṃ mahānubhāvaṃ khīṇāsavaṃ navakammādhīṭṭhāyakaṃ adāsi. Thero yaṃ yaṃ na niṭṭhāti, taṃ taṃ attano ānubhāvena niṭṭhāpesi. Evampi tīhi saṃvaccharehi vihāraḥkammaṃ niṭṭhāpesi, ekadivasameva sabbanagarehi paṇṇāni āgamimsu.

Amaccā rañño ārocesuṃ “niṭṭhitāni deva caturāsītivihārasahassāni”ti. Rājā nagare bherim carāpesi “ito sattannaṃ divasānaṃ accayena vihāramaho bhavissati, sabbe aṭṭha sīlaṅgāni samādiyitvā antonagare ca bahinagare ca vihāramahaṃ paṭiyādentū”ti. Tato sattannaṃ divasānaṃ accayena sabbālaṅkāravibhūsitāya anekasatasahassasaṅkhyāya caturaṅginiyā senāya parivuto devaloke Amaravatiyā rājadhāniyā sirito adhikatarasassirikāṃ viya nagaraṃ kātukāmena ussāhajātena mahājanena alaṅkatapaṭiyattaṃ nagaraṃ anuvicaranto vihāraṃ gantvā bhikkhusaṅghassa majjhe aṭṭhāsi.

Tasmim ca khaṇe sannipatitā asīti bhikkhukoṭiyō ahesuṃ, bhikkhunīnañca channavutisatasahassāni. Tattha khīṇāsavabhikkhūyeva satasahassasaṅkhyā ahesuṃ, tesam etadahosi “sace rājā attano adhikāraṃ anavasesaṃ passeyya, ativiya Buddhasāsane pasīdeyyā”ti, tato **lokavivaraṇaṃ** nāma pāṭihāriyaṃ akaṃsu. Rājā Asokārāme ṭhitova catuddisā anuvilokento samantato samuddapariyantaṃ Jambudīpaṃ passati caturāsītim ca vihārasahassāni ulārāya vihāramahapūjāya virocamaṇāni, so taṃ vibhūtim passamāno ulārena pītipāmojjena samannāgato “atthi pana aññassapi kassaci evarūpaṃ pītipāmojjaṃ uppannapubban”ti cinto bhikkhusaṅghaṃ pucchi “bhante amhākaṃ Lokanāthassa Dasabalassa sāsane ko mahāpariccāgaṃ pariccaji,

kassa pariccāgo mahanto”ti. Bhikkhusaṃgho Moggaliputtatissattherassa bhāramakāsi. Thero āha “mahārāja Dasabalassa sāsane paccayadāyako nāma tayā sadiso dharamānepi Tathāgate na koci ahosi, taveva pariccāgo mahā”ti. Rājā therassa vacanaṃ sutvā uḷārena pītipāmojjena niOrantaraṃ phuṭṭhasarīro hutvā cintesi “natthi kira mayā sadiso paccayadāyako, mayhaṃ kira pariccāgo mahā, ahaṃ kira deyyadhammena sāsanaṃ paggaṇhāmi, kiṃ panāhaṃ evaṃ sati sāsanaṃ dāyādo homi, na homī”ti, tato nhikkhusaṃghaṃ pucchi “bhavāmi nu kho ahaṃ bhante sāsanaṃ dāyādo”ti.

Tato Moggaliputtatissatthero rañño idaṃ vacanaṃ sutvā rājaputtassa Mahindassa upanissayasampattiṃ sampassamāno “sace ayaṃ kumāro pabbajissati, sāsanaṃ ativiya vuḍḍhi bhavissati”ti cintetvā rājānaṃ etadavoca “na kho mahārāja ettāvataṃ sāsanaṃ dāyādo hoti, apica kho ‘paccayadāyako’ti vā ‘upaṭṭhāko’ti vā saṅkhyāṃ gacchati, yopi hi mahārāja pathavito yāva brahmalokaparimāṇaṃ paccayarāsīṃ dadeyya, sopi sāsane ‘dāyādo’ti saṅkhyāṃ na gacchati”ti. Atha kathaṅcarahi bhante sāsanaṃ dāyādo hotīti. Yo hi koci mahārāja aḍḍho vā daliddo vā attano orasaṃ puttaṃ pabbājeti, ayaṃ vuccati mahārāja dāyādo sāsanaṃ sātī.

Evaṃ vutte Asoko rājā ahaṃ kira evarūpaṃ pariccāgaṃ katvāpi neva sāsanaṃ dāyādabhāvaṃ pattoti sāsane dāyādabhāvaṃ patthayamāno ito cito ca viloketvā addasa Mahindakumāraṃ avidūre ṭhitaṃ, disvānassa etadahosi ‘kiñcāpi ahaṃ imaṃ kumāraṃ Tissakumārassa pabbajitakālato pabhuti oparajje ṭhapetukāmo, atha kho oparajjatopi pabbajjāva uttamā”ti, tato kumāraṃ āha “sakkhasi tvaṃ tāta pabbajitun”ti. Kumāro pakatiyāpi Tissakumārassa pabbajitakālato pabhuti pabbajitukāmova, rañño vacanaṃ sutvā ativiya pāmojjajāto hutvā āha “pabbajāmi deva, maṃ pabbājetvā tumhe sāsanaṃ dāyādā hothā”ti.

Tena ca samayena rājadhītā saṃghamittāpi tasmimyeva ṭhāne ṭhitā hoti, tassā ca sāmiko Aggibrahmā nāma kumāro yuvarājena

Tissakumārena saddhiṃ pabbajito hoti. Rājā taṃ disvā āha “tvampi amma pabbajituṃ sakkhasī”ti. Sādhu tāta sakkomīti. Rājā puttānaṃ manaṃ labhitvā pahaṭṭhacitto bhikkhusaṅghaṃ etadavoca “bhante ime dārake pabbājetvā maṃ sāsane dāyādaṃ karoṭhā”ti. Saṅgho rañño vacanaṃ sampañcchitvā kumāraṃ Moggaliputtatissattherena upajjhāyena Mahādevattherena ca ācariyena pabbājesi, Majjhantikattherena ācariyena upasampādesi. Tadā kira kumāro paripuṇṇavāsativassova hoti, so tasmīmyeva upasampadasīmamaṇḍale saha paṭisambhidāhi arahattaṃ pāpuṇi. Saṅghamittāyapi rājadhītāya ācariyā Āyupālittherī nāma, upajjhāyā pana Dhammapālittherī nāma ahosi. Tadā Saṅghamittā aṭṭhārasavassā hoti, taṃ pabbajitamattaṃ tasmīmyeva sīmamaṇḍale sikkhāya patiṭṭhāpesuṃ. Ubhinnaṃ pabbajitakāle rājā chabbassābhiseko hoti.

Atha Mahindatthero upasampannakālato pabhuti attano upajjhāyasseva santike dhammañca vinayañca pariyāpuṇanto dvepi saṅgītiyo ārūḷhaṃ Tipiṭakasāṅghitaṃ sātṭhakathaṃ sabbaṃ theravādaṃ tiṇṇaṃ vassānaṃ abbhantare uggahetvā attano upajjhāyassa antevāsikānaṃ saḥassamattānaṃ bhikkhūnaṃ pāmokkho ahosi. Tadā Asoko dhammarājā navavassābhiseko hoti. Rañño pana aṭṭhavassābhisekakāleyeva Kunta¹puttatissatthero byādhipaṭīkamattaṃ bhikkhācāravattena āhiṇḍanto pasatamattaṃ sappiṃ alabhitvā byādhibalena parikkhīṇāyusaṅkhāro bhikkhusaṅghaṃ appamādena ovaditvā ākāse pallaṅkena nisīditvā tejodhātuṃ samāpajjitvā parinibbāyi. Rājā taṃ pavattiṃ sutvā therassa sakkāraṃ katvā “mayi nāma rajjaṃ kārente evaṃ bhikkhūnaṃ paccayā dullabhā”ti nagarassa catūsu dvāresu pokkharāṇiyo kārapetvā bhesajjassa pūrāpetvā dāpesi.

Tena kira samayena Pāṭaliputtassa catūsu dvāresu cattāri satasahassāni sabhāyaṃ satasahassanti divase divase pañcasatasahassāni rañño uppajjanti. Tato rājā Nigrodhattherassa devasikaṃ satasahassaṃ visajjesi. Buddhassa cetiye gandhamālādīhi pūjanatthāya satasahassaṃ.

Dhammassa sataśaḥṣaṃ, taṃ dhammadharānaṃ bahussutānaṃ catupaccayatthāya upanīyati. saṃghassa sataśaḥṣaṃ. Catūsu dvāresu bhesajjathāya sataśaḥṣaṃ. Evaṃ sāsane uḷāro lābhasakkāro nibbatti.

Titthiyā parihīnalābhasakkārā antamaso ghāsacchādanampi alabhantā lābhasakkāraṃ patthayamānā sāsane pabbajitvā sakāni sakāni diṭṭhigatāni “ayaṃ dhammo, ayaṃ vinayo”ti dīpenti. Pabbajjaṃ alabhamānāpi sayameva muṇḍetvā kāsāyāni vatthāni acchādetvā vihāresu vicarantā uposathampi pavāraṇampi saṃghakammampi gaṇakammampi pavisanti. Bhikkhū tehi saddhiṃ uposathaṃ na karonti. Tadā Moggaliputtatissatthero “uppannaṃ dāni idaṃ adhikaraṇaṃ, taṃ nacirasseva kakkhaḷaṃ bhavissati, na kho panetaṃ sakkā imesaṃ majjhe vasantena vūpasametun”ti Mahindattherassa gaṇaṃ niyyātetvā attanā phāsuvihārena viharitukāmo ahogaṅgapabbataṃ agamāsi. Tepi kho titthiyā bhikkhusaṃghena dhammena vinayena Satthusāsanena niggayhamānāpi dhammavinayānulomāya paṭipattiyā asaṅṭhahantā anekarūpaṃ sāsanaṃ abbudañca malañca kaṇṭakañca samuṭṭhāpesuṃ, keci aggaṃ paricaranti, keci pañcātapena tāpenti, keci ādiccaṃ anuparivattanti, keci dhammañca vinayañca vobhindissāmāti paggaṇhimsu. Tadā bhikkhusaṃgho na tehi saddhiṃ uposathaṃ vā pavāraṇaṃ vā akāsi, Asokārāme sattavassāni uposatho upacchijji, raññopi etamatthaṃ ārocesuṃ. Rājā ekaṃ amaccaṃ āṇāpesi “vihāraṃ gantvā adhikaraṇaṃ vūpasametvā uposathaṃ kāraṇepi”ti. Amacco rājānaṃ paṭipucchituṃ avisahanto aññe amacce upasaṅkamitvā āha “rājā maṃ ‘vihāraṃ gantvā adhikaraṇaṃ vūpasametvā uposathaṃ kāraṇepi’ti pahīni, kathaṃ nu kho adhikaraṇaṃ vūpasammatī”ti. Te āhaṃsu “mayāṃ evaṃ sallakkhema ‘yathā nāma paccantaṃ vūpasamantā core ghātenti, evameva ye uposathaṃ na karonti, te māretukāmo rājā bhavissati’ti”. Atha so amacco vihāraṃ gantvā bhikkhusaṃghaṃ sannipātetvā āha “ahaṃ raññā ‘uposathaṃ kāraṇepi’ti pesito, karotha dāni bhante uposathan”ti. Bhikkhū “na mayāṃ titthiyehi saddhiṃ uposathaṃ karomā”ti āhaṃsu. Atha amacco therāsanato paṭṭhāya asinā sīsāni pātetuṃ āraddho.

Addasā kho Tissatthero taṃ amaccaṃ tathā vippaṭṭipannaṃ. Tissatthero nāma na yo vā so vā, rañño ekamātiko bhātā Tissakumāro nāma, taṃ kira rājā pattābhiseko oparajje ṭhapesi. So ekadivasaṃ vanacāraṃ gato addasa mahantaṃ migasaṅghaṃ cittakīlāya kīlantaṃ, disvānassa etadahosi “ime tāva tiṇabhakkhā migā evaṃ kīlanti, ime pana samaṇā rājakule paṇītāni bhojanāni bhuñjitvā mudukāsu seyyāsu sayamānā kiṃva nāma kīlitaṃ na kīlissanti”ti, so tato āgantvā imaṃ attano vitakkaṃ rañño ārocesi. Rājā aṭṭhāne kukkuccāyitaṃ kumārena, handa naṃ evaṃ saññāpessāmīti ekadivasaṃ kenaci kāraṇena kuddho viya hutvā “ehi sattadivaseṇa rajjaṃ sampaṭṭiccha, tato taṃ ghāteṣāmī”ti maraṇabhayena tajjetvā tamatthaṃ saññāpesi. So kira kumāro sattame maṃ divase māressatīti na cittarūpaṃ nhāyi, na bhuñji, na supī, ativiya lūkhasarīro ahosi. Tato naṃ rājā pucchi “kissa tvaṃ evarūpo jāto”ti. Maraṇabhayena devāti. Are tvaṃ nāma paricchinnamaraṇaṃ sampassamāno vissattho na kīlasi, bhikkhū assāsapassāsanibaddhaṃ maraṇaṃ pekkhamānā kathaṃ kīlissanti. Tato pabhuti kumāro sāsane pasīdi.

So puna ekadivasaṃ migavaṃ nikkhamitvā araṇṇe anuvicaramāno addasa Yonakamahādhammarakkhitattheraṃ aññatarena hatthināgena sālasākhā gahetvā bījijamānaṃ nisinnaṃ, disvā pāmojjajāto cintesi “kadā nu kho ahampi ayaṃ mahāthero viya pabbajeyyaṃ, siyā nu kho so divaso”ti. Thero tassāsayaṃ viditvā tassa passantasseva ākāse uppatitvā Asokārāme pokkharāṇiyā udakatale ṭhatvā cīvaraṇca uttarāsaṅgaṇca ākāse laggetvā nhāyituṃ āradhho.

Kumāro therassānubhāvaṃ disvā ativiya pasanno “ajjeva pabbajissāmī”ti nivattitvā rañño ārocesi “pabbajissāmahaṃ devā”ti. Rājā anekappakāraṃ yācitvāpi taṃ nivattetuṃ asakkonto Asokārāmagamanīyamaggaṃ alaṅkārapetvā kumāraṃ chaṇavesaṃ gāhāpetvā alaṅkatāya senāya parivārāpetvā vihāraṃ nesi. “Yuvarājā kira pabbajissati”ti sutvā bahū bhikkhū pattacīvarāni paṭiyādesuṃ. Kumāro

padhānagharam gantvā Mahādhammarakkhitattherasseva santike pabbaji saddhim purisahassena, kumārassa pana anupabbajitānaṃ gaṇanaparicchedo natthi. Kumāro rañño catuvassābhisekakāle pabbajito. Athaññopi rañño bhāgineyyo Saṃghamittāya sāmiko Aggibrahmā nāma kumāro atthi, Saṃghamittā taṃ paṭicca ekameva puttāṃ vijāyī. Sopi “yuvarājā pabbajito”ti sutvā rājānaṃ upasaṅkamitvā “ahampi deva pabbajissāmī”ti yāci. “Pabbaja tātā”ti ca raññā anuññāto taṃdivasameva pabbaji.

Evam anupabbajito, uḷāravibhavena khattiyajanena.

Rañño kaniṭṭhabhātā, Tissattheroti viññeyyo.

So taṃ amaccāṃ tathā vippaṭipannaṃ disvā cintesi “na rājā there mārāpetuṃ paḥiṇeyya, addhā imassevetāṃ amaccassa duggahitaṃ bhavissatī”ti gantvā sayāṃ tassāsanne āsane nisīdi. So therāṃ sañjānitvā satthaṃ nipātetuṃ avisahanto gantvā rañño ārocesi “ahaṃ deva uposathaṃ kātuṃ anicchantānaṃ ettakānaṃ nāma bhikkhūnaṃ sīsāni pātesim, atha ayyassa Tissattherassa paṭipāṭi sampattā, kinti karomī”ti. Rājā sutvāva “are kiṃ pana tvaṃ mayā bhikkhū ghātetuṃ pesito”ti tāvadeva sarīre uppannadāho hutvā vihāraṃ gantvā there bhikkhū pucchi “ayaṃ bhante amacco mayā anāṇattova evaṃ akāsi, kassa nu kho iminā pāpena bhavitabban”ti. Ekacce therā “ayaṃ tava vacanena akāsi, tuyhetāṃ pāpan”ti āhaṃsu, ekacce “ubhinnampi vo etaṃ pāpan”ti āhaṃsu, ekacce evamāhaṃsu “kiṃ pana te mahārāja atthi cittaṃ ‘ayaṃ gantvā bhikkhū ghātetū’ti”. Natthi bhante, kusalādhippāyo ahaṃ pesesim “samaggo bhikkhusaṃgho uposathaṃ karotū”ti. Sace tvaṃ kusalādhippāyo, natthi tuyhaṃ pāpaṃ, amaccassevetāṃ pāpanti. Rājā dvelhakajāto āha “atthi nu kho bhante koci bhikkhu mametaṃ dvelhakaṃ chinditvā sāsanaṃ paggahetuṃ samattho”ti. Atthi mahārāja Moggaliputtatissatthero nāma, so te imaṃ dvelhakaṃ chinditvā sāsanaṃ paggaṇhituṃ samatthoti. Rājā tadaheva cattāro dhammakathike ekekaḥbhikkhusahassaparivāre cattāro ca amacce ekekapurisasahassaparivāre “therāṃ gaṇhitvā āgacchathā”ti pesesi. Te gantvā “rājā pakkosatī”ti āhaṃsu. Thero

nāgacchi. Dutiyampi kho rājā aṭṭha dhammakathike aṭṭha ca amacce sahasasahassaparivāreyeva pesesi “rājā bhante pakkosātīti vatvā gaṇhitvāva āgacchathā”ti. Te tatheva āhaṃsu. Dutiyampi thero nāgacchi. Rājā there pucchi “ahaṃ bhante dvikkhattuṃ paṇiṇiṃ, kasmā thero nāgacchakī”ti. “Rājā pakkosātī”ti vuttattā mahārāja nāgacchati, evaṃ pana vutte āgaccheyya “sāsanāṃ bhante osīdati, amhākaṃ sāsanāṃ paggahatthāya saḥāyakā hothā”ti. Atha rājā tathā vatvā soḷasa dhammakathike soḷasa ca amacce sahasasahassaparivāre pesesi, bhikkhū ca paṭipucchi “mahallako nu kho bhante thero daharo nu kho”ti. Mahallako mahārājāti. Vayhaṃ vā sivikaṃ vā abhiruhissati bhanteti. Nābhiruhissati mahārājāti. Kuhiṃ bhante thero vasatīti. Upari Gaṅgāya mahārājāti. Rājā āha “tena hi bhāṇe nāvāsāṅghātaṃ bandhitvā tattheva therāṃ nisīdāpetvā dvīsupi tīresu ārakkhaṃ saṃvidhāya therāṃ ānethā”ti. Bhikkhū ca amaccā ca therassa santikaṃ gantvā rañño sāsanāṃ ārocesuṃ.

Thero sutvā “yaṃ kho ahaṃ mūlato paṭṭhāya sāsanāṃ paggaṇhissāmīti pabbajitomi, ayaṃ dāni me so kālo anupatto”ti cammakhaṇḍaṃ gaṇhitvāva utṭhahi. Atha thero sve Pāṭaliputtaṃ sampāpuṇissatīti rattibhāge rājā supinaṃ addasa, evarūpo supino ahoṣi “sabbaseto hatthināgo āgantvā rājānaṃ sīsato paṭṭhāya parāmasitvā dakkhiṇahatthe aggahesi”ti. Punadvase rājā supinajjhāyake pucchi “mayā evarūpo supino diṭṭho, kiṃ me bhavissatī”ti. Eko taṃ mahārāja samaṇānāgo dakkhiṇahatthe gaṇhissatīti. Atha rājā tāvadeva “thero āgato”ti sutvā Gaṅgātīraṃ gantvā nadiṃ otaritvā abbhuggacchanto jāṇumatte uḍaḍe therāṃ sampāpuṇitvā therassa nāvāto otarantassa hatthaṃ adāsi. Thero rājānaṃ dakkhiṇahatthe aggahesi. Taṃ disvā asiggāhā therassa sīsāṃ pātessāmāti kosato asinā abbāhiṃsu. Kasmā? Etaṃ kira cārittaṃ rājakulesu “yo rājānaṃ hatthe gaṇhati, tassa asinā sīsāṃ pātetabban”ti. Rājā chāyaṃyeva disvā āha “pubbepi ahaṃ bhikkhūsu viraddhakāraṇā assādaṃ na vindāmi, mā kho there virajjhithā”ti. Thero pana kasmā rājānaṃ

hatthe aggahesīti. Yasmā raññā pañham pucchanatthāya pakkosāpito, tasmā antevāsiko me ayanti aggahesi.

Rājā theram attano uyyānam netvā bāhirato tikkhattum parivārāpetvā ārakkham ṭhapetvā sayameva therassa pāde dhovivā telena makkhetvā therassa santike nisīditvā “paṭibalo nu kho thero mama kaṅkham chinditvā uppannam adhikaraṇam vūpasametvā sāsanaṃ paggaṇhitun”ti vīmaṃsanatthāya “aham bhante ekaṃ pāṭihāriyam daṭṭhukāmo”ti āha. Kataram pāṭihāriyam daṭṭhukāmosi mahārājāti. Pathavīkampanam bhanteti. Sakalopathavīkampanam daṭṭhukāmosi mahārāja padesapathavīkampananti. Kataram panettha bhante dukkaranti. Kim nu kho mahārāja kaṃsapātiyā udakapūṇṇāya sabbam udakam kampetum dukkaram udāhu upaḍḍhanti. Upaḍḍhum bhanteti. Evameva kho mahārāja padesapathavīkampanam dukkaranti. Tena hi bhante padesapathavīkampanam passissāmīti. Tena hi mahārāja samantato yojane puratthimāya disāya ekena cakkena sīmam akkamitvā ratho tiṭṭhatu, dakkhiṇāya disāya dvīhi pādehi sīmam akkamitvā asso tiṭṭhatu, pacchimāya disāya ekena pādena sīmam akkamitvā purisso tiṭṭhatu, uttarāya disāya upaḍḍhabhāgena sīmam akkamitvā ekā udakapāti tiṭṭhatūti. Rājā tathā kārapesi. Thero abhiññāpādakam catutthajjhānam samāpajjitvā tato vuṭṭhāya “rājā passatū”ti yojanappamāṇapathavīcalanam adhiṭṭhahi. Puratthimāya disāya rathassa antosīmāya ṭhito pādova cali, itaro na cali. Evaṃ dakkhiṇapacchimadisāsu assapurisānam antosīmāya ṭhitapādāyeva calimsu upaḍḍhupadḍham sarīraṇca, uttaradisāya udakapātiyāpi antosīmāya ṭhitam upaḍḍhabhāgatameva udakam cali, avasesam nicalamahosīti. Rājā tam pāṭihāriyam disvā “sakkhati dāni thero sāsanaṃ paggaṇhitun”ti niṭṭham gantvā attano kukkucam pucchi—“aham bhante ekaṃ amaccam ‘vihāram gantvā adhikaraṇam vūpasametvā uposatham kārapehī’ti pahiṇim, so vihāram gantvā ettake bhikkhū jīvītā voropesi, etaṃ pāpam kassa hotī”ti.

Kim pana te mahārāja atthi cittaṃ “ayam vihāram gantvā bhikkhū ghātetū”ti. Natthi bhanteti. Sace te mahārāja natthi evarūpam cittaṃ, natthi tuyham pāpanti. Atha thero rājānam etamattham iminā suttena

saññāpesi—“cetanāhaṃ bhikkhave kammaṃ vadāmi, cetayitvā kammaṃ karoti kāyena vācāya manasā”¹.

Tamevatthaṃ paridīpetuṃ **Tittirajātakaṃ**² āhari—atīte mahārāja dīpakatittiro tāpasāṃ pucchi—

“Ñātaḥ no nisinnoti, bahu āgacchate jano.

Paṭicca kammaṃ phusati, tasmim me saṅkate mano”^{ti}.

Tāpaso āha “atthi pana te cittaṃ mama saddena ca rūpadassanena ca āgantvā ete pakkhino bajjhantu vā haññantu vā”^{ti}. “Natthi bhante”^{ti} tittiro āha. Tato naṃ tāpaso saññāpesi “sace te natthi cittaṃ, natthi pāpaṃ, cetayantameva hi pāpaṃ phusati, nācetaṃtaṃ.

Na paṭicca kammaṃ phusati, mano ce nappadussati.

Appossukkassa bhadrassa, na pāpamupalimpatī”^{ti}.

Evam thero rājānaṃ saññāpetvā tattheva rājuyyāne satta divasāni vasanto rājānaṃ samayaṃ uggaṇhāpesi. Rājā sattame divase Asokārāme bhikkhusaṅghaṃ sannipātāpetvā sāṇipākāraṃ parikkhipāpetvā sāṇipākārantare nisinno ekaladdhike ekaladdhike bhikkhū ekato ekato kārapetvā ekamekaṃ bhikkhusamūhaṃ pakkosāpetvā pucchi “kimvādī Sammāsambuddho”^{ti}. Tato sassatavādino “sassatavādī”^{ti} āhaṃsu. Ekaccasassatikā -pa-. Antānantikā. Amarāvikkhepikā. Adhiccasamuppannikā. Saññīvādā. Asaññīvādā. Nevasaññīnāsaññīvādā. Ucchedavādā. Diṭṭhadhammanibbānavādā “Diṭṭhadhammanibbānavādī”^{ti} āhaṃsu. Rājā paṭhamameva samayassa uggahitattā “nayime bhikkhū, aññatitthiyā ime”^{ti} ñatvā tesāṃ setakāni vatthāni datvā uppabbājesi. Te sabbepi saṭṭhisahassā ahesuṃ.

Athaññe bhikkhū pakkosāpetvā pucchi “kimvādī bhante Sammāsambuddho”^{ti}. Vibhajjavādī mahārājāti. Evam vutte rājā therāṃ pucchi “vibhajjavādī bhante Sammāsambuddho”^{ti}. Āma mahārājāti. Tato rājā “suddhaṃ dāni bhante sāsanaṃ, karotu bhikkhusaṅgho uposathan”^{ti} ārakkhaṃ datvā nagaraṃ pāvisi.

1. Am 2. 363 pitthe.

2. Jā 1. 102 piṭṭhe.

Samaggo saṅgho sannipatitvā uposathaṃ akāsi. Tasmim̐ sannipāte
 saṭṭhi bhikkhusatasahassāni ahesuṃ, tasmim̐ samāgame
 Moggaliputtatissatthero parappavādaṃ maddamāno kathāvattthuppakaraṇaṃ
 abhāsi, tato saṭṭhisatasahassasaṅkhyesu bhikkhūsu uccinitvā
 Tipiṭakapariyattidharānaṃ pabhinnapaṭṭisambhidānaṃ tevijjādibhedānaṃ
 bhikkhūnaṃ sahasamekaṃ gahetvā yathā Mahākassapatthero ca
 Kākaṇḍakaputto Yasatthero ca dhammañca vinayañca saṅgāyimsu, evameva
 dhammañca vinayañca saṅgāyanto sabbaṃ sāsanaṃ malaṃ visodhetvā
 tatiyasaṅgītiṃ akāsi, saṅgītipariyosāne anekappakāraṃ pathavī akampittha.
 Ayaṃ saṅgīti navahi māsehi niṭṭhitā. Yā loke—

Katā bhikkhusahassena, tasmā “sahassikā”ti ca.
 Purimā dve upādāya, “tatiyā”ti ca vuccatīti.

Ayaṃ tatiyasaṅgīti.

Ettāvatā ca “kenābhataṃ”ti etassa pañhassa vissajjanatthaṃ yaṃ
 avocumha “Jambudīpe tāva Upālitttheraṃ ādiṃ katvā ācariyaparamparāya
 yāva tatiyasaṅgīti, tāva ābhataṃ. Tatrāyaṃ ācariyaparamparā—

Upāli Dāsako ceva, Soṇako Siggavo tathā.
 Tisso Moggaliputto ca, pañcete vijitāvino.
 Paramparāya vinayaṃ, dīpe jambusirivhaye.
 Acchijjamānamānesuṃ, tatiyo yāva saṅgho”ti.

Tassattho pakāsitova hoti.

Tatiyasaṅgahato pana uddhaṃ imaṃ dīpaṃ Mahindādīhi ābhataṃ,
 Mahindato uggahetvā kañci kālaṃ Ariṭṭhattherādīhi ābhataṃ, tato
 yāvajjatanā tesam̐yeva antevāsikaparamparabhūtāya ācariyaparamparāya
 ābhatanti vedītabbaṃ. Yathāhu porāṇā—

“Tato Mahindo iṭṭiyo, uttiyo sambalo tathā.
 Bhaddanāmo ca paṇḍito.

Ete nāgā mahāpaññā, Jambudīpā idhāgatā.
 Vinayaṃ te vācayimsu, piṭakaṃ Tambapaṇṇiyā.

Nikāye pañca vācesum, satta ceva pakaraṇe.
 Tato Ariṭṭho medhāvī, Tissadatto ca paṇḍito.
 Visārado Kāḷasumano, thero ca Dīghanāmakō.
 Dīghasumano ca paṇḍito.
 Punadeva Kāḷasumano, Nāgatthero ca Buddharakkhito.
 Tissatthero ca medhāvī, Devatthero ca paṇḍito.
 Punadeva Sumano medhāvī, vinaye ca visārado.
 Bahussuto Cūḷanāgo, gajova duppadhaṃsiyo.
 Dhammapālitanāmo ca, rohaṇe sādhipūjito.
 Tassa sisso mahāpaṇṇo, khemanāmo tipeṭako.
 Dīpe tārakarājāva, paññāya atirocatha.
 Upatisso ca medhāvī, Phussadevo mahākathī¹.
 Punadeva Sumano medhāvī, pupphanāmo bahussuto.
 Mahākathī¹ mahāsivo, piṭake sabbattha kovido.
 Punadeva Upāli medhāvī, vinaye ca visārado.
 Mahānāgo mahāpaṇṇo, saddhammavaṃsakovido.
 Punadeva Abhayo medhāvī, piṭake sabbattha kovido.
 Tissatthero ca medhāvī, vinaye ca visārado.
 Tassa Sisso mahāpaṇṇo, pupphanāmo bahussuto.
 Sāsanam anurakkhanto, Jambudīpe patiṭṭhito.
 Cūḷābhayo ca medhāvī, vinaye ca visārado.
 Tissatthero ca medhāvī, saddhammavaṃsakovido.
 Cūḷadevo ca medhāvī, vinaye ca visārado.
 Sivatthero ca medhāvī, vinaye sabbattha kovido.
 Ete nāgā mahāpaṇṇā, vinayaññū maggakovidā.
 Vinayam dīpe pakāsesum, piṭakam Tambapaṇṇiyā²ti.

1. Mahākavi (Sī, Syā)

Tatrāyaṃ **anupubbikathā**—Moggaliputtatissatthero kira imaṃ tatiyadhammasaṅgītiṃ katvā evaṃ cintesi “kattha nu kho anāgate sāsanaṃ suppatiṭṭhitam bhaveyyā”ti. Athassa upaparikkhato etadahosi “paccantimesu kho janapadesu suppatiṭṭhitam bhavissati”ti, so tesam tesam bhikkhūnam bhāram katvā te te bhikkhū tattha tattha pesesi, Majjhantikattheraṃ **Kasmīragandhāraratṭham** pesesi “tvam etaṃ ratṭham gantvā ettha sāsanaṃ patiṭṭhāpehī”ti, Mahādevattheraṃ¹ tatheva vatvā **Mahimsakamaṇḍalaṃ** pesesi, Rakkhitattheraṃ **vanavāsīm**. Yonakadhammarakkhitattheraṃ **Aparantakaṃ**. Mahādhammarakkhitattheraṃ **Mahāratṭham**. Mahārakkhitattheraṃ **Yonakalokaṃ**. Majjhimattheraṃ **Himavantadesabhāgaṃ**. Soṇattheraṅca Uttarattheraṅca **Suvaṇṇabhūmiṃ**. Attano saddhivihārikaṃ Mahindattheraṃ Iṭṭiyattherena Uttiyattherena Sambalattherena Bhaddasālattherena ca saddhiṃ **Tambapaṇṇidīpaṃ** pesesi “tumhe Tambapaṇṇidīpaṃ gantvā ettha sāsanaṃ patiṭṭhāpethā”ti. Sabbepi taṃ taṃ disābhāgaṃ gacchantā attapañcamā agamaṃsu “paccantimesu janapadesu pañcavaggo gaṇo alam upasampadakammāyā”ti maññamānā.

Tena kho pana samayena Kasmīragandhāraratṭhe sassapākasamaye Aravālo² nāma nāgarājā karakavassaṃ nāma vassāpetvā sassaṃ harāpetvā mahāsamuddaṃ pāpeti. **Majjhantikatthero** pana Pāṭaliputtato vehāsaṃ abbhuggantvā Himavati Aravāḷadahassa upari otarivā aravāḷadahapiṭṭhiyaṃ caṅkamatipi tiṭṭhatipi nisīdatipi seyyampi kappeti. Nāgamāṇavakā taṃ disvā Aravāḷassa nāgarājassa ārocesuṃ “mahārāja eko chinnabhinnapaṭadharo bhaṇḍu kāsāvavasano amhākaṃ udakaṃ dūseti”ti. Nāgarājā tāvadeva kodhābhībhūto nikkhamitvā therāṃ disvā makkhaṃ asahamāno antalikkhe anekāni bhīmsanakāni nimmini, tato tato bhusā vātā vāyanti, rukkhā chijjanti, pabbatakūṭāni patanti, meghā gajjanti, vijjulātā niccharanti, asaniyo phalanti, bhinnaṃ viya gaganatalaṃ udakaṃ paggharati, bhayānakarūpā nāgakumārā sannipatanti, sayampi dhūmayati pajjalati, paharaṇavuṭṭhiyo vissajjeti, “ko ayaṃ muṇḍako chinnabhinnapaṭadharo”ti-ādīhi pharusavacanehi therāṃ santajjesi, “etha gaṇhatha

1. Mahārevattheraṃ (Ka)

2. Aravālo (Syā, Yojanā)

hanatha¹ niddhamatha imaṃ samaṇaṃ”ti nāgabalaṃ āṇāpesi. Thero sabbaṃ taṃ bhimsanakaṃ attano iddhibalena paṭibāhitvā nāgarājānaṃ āha—

“Sadevakopi ce loko, āgantvā tāsayeyya maṃ.

Na me paṭibalo assa, janetuṃ bhayabheravaṃ.

Sacepi tvaṃ mahiṃ sabbaṃ, sasamuddaṃ sapabbataṃ.

Ukkhipitvā mahānāga, khipeyyāsi mamūpari.

Neva me sakuṇeyyāsi, janetuṃ bhayabheravaṃ.

Aññadatthu tavevassa, vighāto uragādhipā”ti.

Evam vutte nāgarājā vihatānubhāvo nipphalavāyāmo dukkhī dummano ahosi. Taṃ thero taṅkhaṇānurūpāya dhammiyā kathāya sandassetvā samādapetvā samuttejetvā sampahaṃsetvā tisu saraṇesu pañcasu ca sīlesu paṭiṭṭhāpesi saddhiṃ caturāsītiyā nāgasahashehi, aññepi bahū Himavantavāsino yakkhā ca gandhabbā ca kumbhaṇḍā ca therassa dhammakathaṃ sutvā saraṇesu ca sīlesu ca paṭiṭṭhahimsu. Pañcakopi yakkho saddhiṃ bhariyāya yakkhiniyā pañcahi ca puttasatehi paṭhame phale paṭiṭṭhito. Athāyasmā Majjhintikatthero sabbepi nāgayakkharakkhase āmantetvā evamāha—

“Mā dāni kodhaṃ janayittha, ito uddhaṃ yathā pure.

Sassaghātañca mā kattha, sukhakāmā hi pāṇino.

Karotha mettaṃ sattesu, vasantu manujā sukhaṃ”ti.

Te sabbepi “sādhu bhante”ti therassa paṭissuṇitvā yathānusiṭṭhaṃ paṭipajjimsu. Taṃdivasameva ca nāgarājassa pūjāsamayo hoti. Atha nāgarājā attano ratanamayaṃ pallaṅkaṃ āharāpetvā therassa paññāpesi. Nisīdi thero pallaṅke. Nāgarājāpi theram bījayamāno samīpe aṭṭhāsi. Tasmim khaṇe Kasmīragandhāraṭṭhavāsino āgantvā theram disvā amhākaṃ nāgarājatopi thero mahiddhikataroti therameva vanditvā nisinnā. Thero tesam Āsīvisopamasuttaṃ.

kathesi, suttapariyosāne asītiyā pāṇasahassānaṃ dhammābhisamayo ahosi, kulasatasahassānaṃ pabbaji, tato pabhuti ca Kasmīragandhārā yāvajjatanā kāsāvapajjotā isivātaṭṭhā eva.

Gantvā Kasmīragandhāraṃ, isi Majjhantiko tadā.

Duṭṭhaṃ nāgaṃ pasādetvā, mocesi bandhanā bahūti.

Mahādevattheropi Mahimsakamaṇḍalaṃ gantvā Devadūtasuttaṃ kathesi, suttapariyosāne cattālīsa pāṇasahassāni dhammacakkhuṃ paṭilabhiṃsu, cattālīsaṃyeva pāṇasahassāni pabbajiṃsu.

Gantvāna raṭṭhaṃ Mahimsaṃ, Mahādevo mahiddhiko.

Codetvā Devadūtehi, mocesi bandhanā bahūti.

Rakkhitatthero pana Vanavāsīṃ gantvā ākāse ṭhatvā Anamataggapariyāyakathāya Vanavāsike pasādesi, kathāpariyosāne panassa saṭṭhisahassānaṃ dhammābhisamayo ahosi, sattatisahassamattā pabbajiṃsu, pañcavihārasatāni paṭiṭṭhahiṃsu. Evaṃ so tattha sāsanaṃ paṭiṭṭhāpesi.

Gantvāna Rakkhitatthero, Vanavāsīṃ mahiddhiko.

Antalikkhe ṭhito tattha, desesi Anamataggiyanti.

Yonakadhammarakkhitattheropi Aparantakaṃ gantvā Aggikkhandhopamasuttantakathāya Aparantake pasādetvā sttati pāṇasahassāni dhammāmataṃ pāyesi, khattiyakulato eva purisasahassāni pabbajiṃsu, samadhikāni ca cha itthisahassāni. Evaṃ so tattha sāsanaṃ paṭiṭṭhāpesi.

Aparantaṃ vigāhitvā, Yonako Dhammarakkhito.

Aggikkhandhopamenettha, pasādesi jane bahūti.

Mahādhammarakkhitatthero pana Mahāraṭṭhaṃ gantvā Mahānāradakassapajātakathāya Mahāraṭṭhake pasādetvā caturāsīti pāṇasahassāni maggaphalesu paṭiṭṭhāpesi, terasasahassāni pabbajiṃsu. Evaṃ so tattha sāsanaṃ paṭiṭṭhāpesi.

Mahāraṭṭhaṃ isi gantvā, so Mahādhammarakkhito.

Jātakaṃ kathayitvāna, pasādesi mahājananti.

Mahārakkhitattheropi Yonakaraṭṭham gantvā
Kālakārāmasuttantakathāya Yonakalokaṃ pasādetvā sattatisahassādhikassa¹
 pāṇasatasahassassa maggaphalālāṅkāraṃ adāsi, santike cassa dasasahassāni
 pabbajimsu. Evaṃ sopi tattha sāsanaṃ patiṭṭhāpesi.

Yonaraṭṭham tadā gantvā, so Mahārakkhito isi.
 Kālakārāmasuttena, te pasādesi yonaketi.

Majjhimatthero pana **Kassapagottattherena** **Aḷakadevattherena**²
Dundubhissarattherena³ **Mahādevattherena**⁴ ca saddhim
 Himavantadesabhāgaṃ gantvā Dhammacakkappavattanasuttantakathāya taṃ
 desaṃ pasādetvā asitipāṇakoṭiyo maggaphalaratanāni paṭilābhesi, pañcapi ca
 therā pañca raṭṭhāni pasādesuṃ, ekamekassa santike satasahassamattā
 pabbajimsu. Evaṃ te tattha sāsanaṃ patiṭṭhāpesuṃ.

Gantvāna Majjhimatthero, Himavantam pasādayi.
 Yakkhasenaṃ pakāsento, Dhammacakkapavattananti.

Soṇattheropi saddhim **Uttarattherena** Suvaṇṇabhūmiṃ agamāsi. Tena ca
 samayena tattha ekā rakkhasī samuddato nikkhamitvā rājakule jāte jāte
 dārake khādanti. Taṃdivasameva ca rājakule eko dārako jāto hoti, manussā
 theram disvā “rakkhasānaṃ sahāyako eso”ti maññamānā āvudhāni gahetvā
 theram paharitukāmā āgacchanti. Thero “kiṃ tumhe āvudhahatthā
 āgacchathā”ti āha. Te āhamsu “rājakule jāte jāte dārake rakkhasā khādanti,
 tesam tumhe sahāyakā”ti. Thero “na mayam rakkhasānaṃ sahāyakā, samaṇā
 nāma mayam viratā pāṇātipātā -pa- viratā majjapānā, ekabhattikā sīlavanto
 kalyāṇadhammā”ti āha. Tasmimyeva ca khaṇe sā rakkhasī saparivārā
 samuddato nikkhami “rājakule dārako jāto, taṃ khādissāmī”ti. Manussā taṃ
 disvā “esā bhante rakkhasī āgacchatī”ti bhītā viravimsu. Thero rakkhasehi
 diguṇe attabhāve nimminivā tehi attabhāvehi taṃ rakkhasim saparisam
 majjhe katvā ubhosu passesu

1. Sattatimsasahassādhikassa (Sī, Syā)

2. Aḷakarevattherena (Ka)

3. Dundabhiyattherena (Ka)

4. Mahārevattherena (Ka), Sahassadevattherena (Syā)

parikkhipi. Tassā sapaṇṇasāya etadahosi “addhā imehi idaṃ ṭhānaṃ laddhaṃ bhavissati, mayaṃ pana imesaṃ bhakkhā bhavissāmā”ti sabbe rakkhasā bhītā vegasā palāyimsu. Theropi te yāva adassanaṃ, tāva palāpetvā dīpassa samantato rakkhaṃ ṭhapesi. Tasmim̐ ca samaye sannipatitaṃ mahājanakāyaṃ **Brahmajālasuttantakathāya** pasādetvā saraṇesu ca sīlesu ca patiṭṭhāpesi. Saṭṭhisahassānaṃ panettha dhammābhisamayo ahosi, kuladāraḥkānaṃ aḍḍhuḍḍhāni saḥassāni pabbajimsu, kuladhītānaṃ diyaḍḍhasahassānaṃ. Evaṃ so tattha sāsanaṃ patiṭṭhāpesi. Tato pabhuti rājakule jātaḍḍarakānaṃ Soṇuttaraṇāmaṃeva karonti.

Suvaṇṇabhūmiṃ gantvāna, Soṇuttarā mahiddhikā.

Pisāce niddhametvāna, Brahmajālamadesisunti¹.

Mahindathero pana “Tambapaṇṇidīpaṃ gantvā sāsanaṃ patiṭṭhāpehī”ti upajjhāyena ca bhikkhusaṃghena ca ajjhiṭṭho cintesi “kālo nu kho me Tambapaṇṇidīpaṃ gantuṃ, no”ti. Athassa vīmaṃsato “na tāva kālo”ti ahosi. Kim panassa dīsvā etadahosi? Muṭasivaraṇṇo mahallakabhāvaṃ. Tato cintesi “ayaṃ rājā mahallako, na sakkā imaṃ gaṇhitvā sāsanaṃ paggahetuṃ, idāni panassa putto Devānaṃpiyatisso rajjaṃ kāressati, taṃ gaṇhitvā sakkā bhavissati sāsanaṃ paggahetuṃ, handa yāva so samayo āgacchati, tāva ñātake olokema, puna dāni mayaṃ imaṃ janapadaṃ āgaccheyyāma vā na vā”ti. So evaṃ cintetvā upajjhāyaṅca bhikkhusaṃghaṅca vanditvā Asokārāmato nikkhamma tehi **Itṭiyā**dīhi catūhi therehi Saṃghamittāya puttena **Sumanasā**maṇerena **Bhaṇḍukena** ca upāsakena saddhiṃ Rājagahanagaraparivattakena Dakkhināgiri janapade cārikaṃ caramāno ñātake olokento cha māse atikkāmesi. Athānupubbena mātu nivesanaṭṭhānaṃ Vedisanagaraṃ² nāma sampatto. Asoko kira kumārakāle janapadaṃ labhitvā Ujjeniṃ gacchanto Vedisanagaraṃ patvā Vedisasetṭhissa dhītaraṃ aggahesi. Sā taṃdivasameva gabbhaṃ gaṇhitvā Ujjeniyāṃ Mahindakumāraṃ vijāyi. Kumārassa cuddasavassakāle rājā abhisekaṃ pāpuṇi. Sā tassa

1. Brahmajālaṃ adesayunti (Sī)

2. Vēdiyanagaraṃ (Ka, Sī), Vēṭisanagaraṃ (Ka)

mātā tena samayena ñātighare vasati. Tena vuttaṃ “athānupubbena mātu nivesanaṭṭhānaṃ Veṭṭisanagaraṃ nāma sampatto”ti.

Sampattañca pana theram̐ disvā theramātā devī pādesu sirasā vanditvā bhikkham̐ datvā theram̐ attanā katam̐ Vedisagirimahāvihāram̐ nāma āropesi. Thero tasmim̐ vihāre nisinno cintesi “amhākam̐ idha kattabbakiccam̐ niṭṭhitam̐, samayo nu kho idāni Laṅkādīpaṃ gantun”ti. Tato cintesi “anubhavatu tāva me pitarā pesitam̐ abhisekam̐ Devānaṃpiyatisso, ratanattayaguṇañca suṇātu, chaṇatthañca nagarato nikkhamitvā Missakapabbataṃ abhiruhatu, tadā tam̐ tattha dakkhissāmā”ti. Athāparam̐ ekamāsam̐ tattheva vāsam̐ kappesi, māsātikkena ca jeṭṭhamūlamāsapuṇṇamāyaṃ uposathadivase sannipatitā sabbepi “kālo nu kho amhākam̐ Tambapaṇṇidīpaṃ gamanāya, udāhu no”ti mantayimsu. Tenāhu porāṇā—

“Mahindo nāma nāmena, saṃghatthero tadā ahu.

Ittiyo Uttiyo thero, Bhaddasālo ca Sambalo.

Sāmaṇero ca Sumano, chaḷabhiñño mahiddhiko.

Bhaṇḍuko sattamo tesam̐, diṭṭhasacco upāsako.

Iti hete Mahānāgā, mantayimsu rahogatā”ti¹.

Tadā Sakko Devānamindo Mahindattheram̐ upasaṅkamitvā etadavoca “kālaṅkato bhante Muṭṭasivarājā, idāni Devānaṃpiyatissamahārājā rajjam̐ kāreti, Sammāsambuddhena ca tumhe byākatā ‘anāgate Mahindo nāma bhikkhu Tambapaṇṇidīpaṃ pasādessatī’ti, tasmātiha vo bhante kālo dīpavaram̐ gamanāya, ahampi vo sahāyo bhavissāmī”ti. Kasmā pana Sakko evamāha. Bhagavā kirassa bodhimūleyeva Buddhacakkhunā lokam̐ voloketvā anāgate imassa dīpassa sampattim̐ disvā etamattham̐ ārocesi, “tadā tvampi sahāyo bhaveyyāsī”ti ca aṇāpesi, tasmā evamāha. Thero tassa vacanam̐ sampaṭicchitvā attasattamo Veddhisakapabbatā vehāsam̐ uppatitvā Anurādhapurassa puratthimadisāya Missakapabbate patiṭṭhahi. Yam̐ panetarahi “cetiyaṇṇapabbato”tipi sañjānanti. Tenāhu porāṇā—

1. Dīpavaṃse 12. 12, 13 gāthāsu.

“Vedisagirimhi Rājagahe, vasitvā tiṃsarattiyo.
Kālova gamanassāti, gacchāma dīpamuttamaṃ.

Paḷīnā Jambudīpā te¹, haṃsarājāva ambare.
Evamuppatitā therā, nipatiṃsu naguttame.

Purato purasetṭhassa, pabbate meghasannibhe.
Patiṃsu sīlakūṭamhi², haṃsāva nagamuddhanī³ti³.

Evam itṭiyādīhi saddhim āgantvā patiṭṭhahanto ca āyasmā Mahindatthero Sammāsambuddhassa parinibbānato dvinnam vassasatānam upari chattimsatime vasse imasmim dīpe patiṭṭhahīti vedītabbo. Ajātasattussa hi aṭṭhame vasse Sammāsambuddho parinibbāyi, tasmimyeva vasse Sīhakumārassa putto Tambapaṇṇidīpassa ādirājā Vijayakumāro imaṃ dīpamāgantvā manussāvāsam akāsi. Jambudīpe Udayabhaddassa cuddasame vasse idha vijayo kālamakāsi. Udayabhaddassa pañcadasame vasse Paṇḍuvāsudevo nāma imasmim dīpe rajjam pāpuṇi. Tattha Nāgadāsakaraṇṇo vīsatime vasse idha Paṇḍuvāsudevo kālamakāsi. Tasmimyeva ca vasse Abhayo nāma rājakumāro imasmim dīpe rajjam pāpuṇi. Tattha Susunāgaraṇṇo sattarasame vasse idha Abhayaraṇṇo vīsativassāni paripūrimsu. Atha Abhayassa vīsatime vasse Paṇḍukābhayo⁴ nāma Dāmariko rajjam aggahe. Tattha Kālāsokassa soḷasame vasse idha Paṇḍukassa sattarasavassāni paripūrimsu, tāni heṭṭhā ekena vassena saha aṭṭhārasa honti. Tattha Candaguttassa cuddasame vasse idha Paṇḍukābhayo kālamakāsi, Muṭasivarājā rajjam pāpuṇi. Tattha Asokadhammarājassa sattarasame vasse idha Muṭasivarājā kālamakāsi, Devānāmpiyatisso rajjam pāpuṇi. Parinibbute ca Sammāsambuddhe Ajātasattu catuvīsati vassāni rajjam kāresi. Udayabhaddo soḷasa. Anuruddho ca Muṇḍo ca aṭṭha. Nāgadāsako catuvīsati. Susunāgo aṭṭhārasa. Tasseva putto Kālāsoko aṭṭhāvīsati. Tato tassa puttakā dasa Bhātukarājāno dvevīsati vassāni rajjam kāresum. Tesam pacchato nava Nandā dvevīsatimeva. Candagutto catuvīsati. Bindusāro aṭṭhāvīsati. Tassāvasāne

1. Jambudīpāto (Sī, Syā)

3. Dīpavaṃse 12. 35, 37 gāthāsu.

2. Silakūṭamhi (Sī), pīlakūṭamhi (Syā)

4. Pakuṇḍakābhayo (sabbattha)

Asoko rajjaṃ pāpuṇi. Tassa pure abhisekā cattāri abhisekato aṭṭhārasame vasse imasmim̐dīpe Mahindatthero patiṭṭhito. Evametena rājavaṃsānusārena veditabbametam̐ “Sammāsambuddhassa parinibbānato dvinnam̐ vassasatānam̐ upari chattimsatime vasse imasmim̐ dīpe patiṭṭhahī”ti.

Tasmim̐ ca divase Tambapaṇṇidīpe **jeṭṭhamūlanakkhattam̐** nāma hoti. Rājā nakkhattam̐ ghosāpetvā “chaṇam̐ karoṭhā”ti amacce ca āṇāpetvā cattālīsapurisasahassaparivāro nagaramhā nikkhamitvā yena Missakapabbato tena pāyāsi migavam̐ kīlitukāmo. Atha tasmim̐ pabbate adhivatthā ekā devatā “rañño there dassessāmī”ti rohitamigarūpaṃ gahetvā avidūre tiṇapaṇṇāni khādamānā viya carati. Rājā tam̐ disvā “ayuttam̐ dāni pamattam̐ vijjhitudam̐”ti jiyam̐ phoṭesi, migo ambatthalamaggaṃ gahetvā palāyitudam̐ ārabhi, rājā piṭṭhito piṭṭhito anubandhanto ambatthalamameva abhiruhi, migopi therānam̐ avidūre antaradhāyi. Mahindatthero rājānam̐ avidūre āgacchantam̐ disvā “mamaṃyeva rājā passatu, mā itare”ti adhiṭṭhahitvā “Tissa Tissa ito ehī”ti āha. Rājā sutvā cintesi “imasmim̐ dīpe jāto maṃ ‘Tissā’ti nāmaṃ gahetvā ālapitudam̐ samattho nāma natthi, ayaṃ pana chinnabhinnapaṭadharo bhaṇḍu kāsāvavasano maṃ nāmena ālapati, ko nu kho ayaṃ bhavissati manusso vā amanusso vā”ti. Thero āha—

“Samaṇā mayam̐ mahārāja, Dhammarājassa sāvakā.
Taveva anukampāya, Jambudīpā idhāgatā”ti¹.

Tena ca samayena Devānampiyatissamahārājā ca Asokadhammarājā ca adiṭṭhasahāyakā honti. Devānampiyatissamahārājassa ca puññānubhāvena chātapabbatapāde ekamhi veḷugumbe tisso veḷuyaṭṭhiyo rathayaṭṭhippamāṇā uppajjimsu, ekā latāyaṭṭhi nāma, ekā pupphayaṭṭhi nāma, ekā sakuṇayaṭṭhi nāma. Tāsu latāyaṭṭhi rajatavaṇṇā hoti, tam̐ alaṅkaritvā uppannalatā kañcanaṇṇā khāyati. Pupphayaṭṭhiyam̐ pana nīlapītalohitodātakāḷavaṇṇāni pupphāni suvibhattavaṇṇapattakiṅjakkhāni hutvā khāyanti. Sakuṇayaṭṭhiyam̐ hamsakukkuṭajīvavajīvākādayo sakuṇā nānappakārāni ca catuppadāni sajjivāni viya khāyanti. Vuttampi cetam̐ **Dīpavaṃse**—

1. Dīpavaṃse 12. 51 gāthāyam̐.

“Chātapabbatapādamhi, veḷuyaṭṭhī tayo ahu.

Setā rajatayaṭṭhīva, latā kañcanasannibhā.

Nīlādi yādisaṃ pupphaṃ, pupphayaṭṭhimhi tādisaṃ.

Sakuṇā sakuṇayaṭṭhimhi, sarūpeneva saṅṭhitā”ti.

Samuddatopissa muttāmaṇiveḷuriyādi anekavihitaṃ ratanaṃ uppajji.
Tambapaṇṇiyaṃ pana aṭṭha muttā uppajjimsu hayamuttā gajamuttā
rathamuttā āmalakamuttā valayamuttā aṅguliveṭṭhakamuttā
kakudhaphalamuttā pākatikamuttāti, so tā ca yaṭṭhiyo tā ca muttā aññaṅca
bahuṃ ratanaṃ Asokassa dhammarañño paṇṇākāratthāya pesesi. Asoko
pasīditvā tassa pañca rājakakudhabhaṇḍāni¹ paṇiṇi chattaṃ cāmaraṃ
khaggaṃ moḷiṃ ratanapādukaṃ, aññaṅca abhisekatthāya bahuvidhaṃ
paṇṇākāraṃ. Seyyathidaṃ, saṅkhaṃ Gaṅgodakaṃ vaḍḍhamānaṃ
vaṭṭasakaṃ bhīṅgāraṃ² nandiyāvaṭṭaṃ sivikaṃ kaññaṃ kaṭacchuṃ
adhovimaṃ dussayugaṃ hatthapuñjanaṃ haricandaṃ
aruṇavaṇṇamattikaṃ añjanaṃ harītakaṃ āmalakanti. Vuttampi cetam
Dīpavaṅsa—

“Vālabījanimuḥḥisaṃ chattaṃ khaggaṅca pādukaṃ.

Veṭṭhanaṃ sārāpāmaṅgaṃ, bhīṅgāraṃ² nandivaṭṭakaṃ.

Sivikaṃ saṅkhaṃ vaṭṭasaṅga, adhovimaṃ vatthakoṭikaṃ.

Sovaṇṇapātiṃ kaṭacchuṃ, mahagghaṃ hatthapuñjanaṃ.

Anotattodakaṃ kaññaṃ³, uttamaṃ haricandaṃ.

Aruṇavaṇṇamattikaṃ, añjanaṃ nāgamāhaṭaṃ.

Harītakaṃ āmalakaṃ, mahagghaṃ amatosadhaṃ.

Saṭṭhivāhasataṃ sālīṃ, sugandhaṃ suvakāhaṭaṃ⁴.

Puññaṅkammābhiniḍḍattaṃ, pāhesi asokavhaya”ti.

Na kevalaṅcetaṃ āmisapaṇṇākāraṃ, imaṃ kira dhammapaṇṇākāraṃ pi
pesesi—

“Ahaṃ Buddhaṅca dhammaṅca, saṅghaṅca saraṇaṃ gato.

Upāsakattaṃ desesiṃ, Sakyaputtassa sāsane.

1. Rājakakudhabhaṇḍāni (Ka)

3. Kājaṃ (Syā, Ka)

2. Bhīṅkāraṃ (Sī)

4. Sukamāhaṭaṃ (Dīpavaṅsa)

Imesu tīsu vatthūsu, uttame Jinasāsane.

Tvampi cittaṃ pasādehi, saddhā saraṇamupehī”ti.

Svāyaṃ rājā taṃdivasaṃ Asokaraññā pesitena abhisekena ekamāsābhisitto hoti, visākhapuṇṇamāyaṃ hissa abhisekamakaṃsu. So acirassutaṃ taṃ sāsanappavattiṃ anussaramāno taṃ therassa “samaṇā mayam mahārāja, Dhammarājassa sāvakā”ti vacanaṃ sutvā “ayyā nu kho āgatā”ti tāvadeva āvudham nikkhipitvā ekamantaṃ nisīdi sammodanīyaṃ katham kathayamāno. Yathāha—

“Āvudham nikkhipitvāna, ekamantaṃ upāvisi.

Nisajja rājā sammodi, bahum atthūpasañhitaṃ”ti¹.

Sammodanīyakathaṅca kurumāneyeva tasmim tānipi cattālīsapurisasahassāni āgantvā samparivāresuṃ. Tadā thero itarepi cha jane dassesi. Rājā disvā “ime kadā āgatā”ti āha. Mayā saddhimyeva mahārājāti. Idāni pana Jambudīpe aññepi evarūpā samaṇā santīti. Santi mahārāja etarahi Jambudīpo kāsāvapajjoto isivātapaṭivāto. Tasmim—

Tevijjā iddhipattā ca, cetopariyāyakovidā.

Khīṇāsavā arahanto, bahū Buddhassa sāvakāti¹.

Bhante kena āgatattāti. Neva mahārāja udakena, na thalenāti. Rājā “ākāsena āgatā”ti aññasi. Thero “atthi nu kho rañño paññāveyattiyan”ti vīmaṃsanatthāya āsannaṃ ambarukkham ārabba pañham pucchi “kiṃnāmo ayaṃ mahārāja rukkho”ti. Ambarukkho nāma bhanteti. Imaṃ pana mahārāja ambaṃ muñcitvā añño ambo atthi natthīti. Atthi bhante aññepi bahū ambarukkhāti. Imaṅca ambaṃ te ca ambe muñcitvā atthi nu kho mahārāja aññe rukkhati. Atthi bhante, te pana na ambarukkhāti. Aññe ambe ca anambe ca muñcitvā atthi pana añño rukkhoti. Ayameva bhante ambarukkhoti. Sādhu mahārāja paṇḍitosi. Atthi pana te mahārāja ñātakāti. Atthi bhante bahū janāti. Te muñcitvā aññe keci aññātakāpi atthi mahārājāti. Aññātakā bhante ñātakehi bahutarāti. Tava ñātake ca aññātake ca muñcitvā atthañño koci

1. Dīpavaṃse 12. 25, 56 gāthāsu.

mahārājāti. Ahameva bhanteti. Sādhu mahārāja attā nāma attano neva ñātako na aññātakoti. Atha thero “paṇḍito rājā sakkhissati dhammaṃ aññātun”ti **Cūlahatthipadopamasuttaṃ** kathesi. Kathāpariyosāne rājā tīsu saraṇesu paṭiṭṭhahi saddhim cattālīsāya pāṇasahasseehi.

Taṅkhaṇaññeva ca rañño bhattaṃ āhariyittha. Rājā ca suttantaṃ suṇanto-eva aññāsi “na imesaṃ imasmim kāle bhojanaṃ kappatī”ti, “apucchitvā pana bhuñjituṃ ayuttan”ti cintetvā “bhuñjissatha bhante”ti pucchi. Na mahārāja amhākaṃ imasmim kāle bhojanaṃ kappatīti. Kasmim kāle bhante kappatīti. Aruṇuggamanato paṭṭhāya yāva majjhanhikasamayā mahārājāti. Gacchāma bhante nagaranti. Alaṃ mahārāja idheva vasissāmāti. Sace bhante tumhe vasatha, ayaṃ dārako āgacchatūti. Mahārāja ayaṃ dārako āgataphalo viññātasāsano pabbajjāpekkho, idāni pabbajjissatīti. Rājā “tena hi bhante sve rathaṃ pesessāmi, taṃ abhiruhitvā āgaccheyyāthā”ti, vatvā vanditvā pakkāmi.

Thero acirapakkantassa rañño Sumanasāmaṇeraṃ āmantesi “ehi tvam Sumana dhammasavanassa kālaṃ ghosehī”ti. Bhante kittakaṃ ṭhānaṃ sāvento ghosemīti. Sakalaṃ Tambapaṇṇidīpanti. “Sādhu bhante”ti sāmaṇero abhiññāpādakaṃ catutthajjhānaṃ samāpajjitvā vuṭṭhāya adhiṭṭhahitvā samāhitena cittaṇa sakalaṃ Tambapaṇṇidīpaṃ sāvento tikkhattuṃ dhammasavanassa kālaṃ ghosesi. Rājā taṃ saddaṃ sutvā therānaṃ santikaṃ pesesi “kim bhante atthi koci upaddavo”ti. Natthamhākaṃ koci upaddavo, dhammasavanassa kālaṃ ghosāpayimha, Buddhavacanaṃ kathetukāmaṃhāti. Tañca pana sāmaṇerassa saddaṃ sutvā bhumma devatā saddamanussāvesuṃ, etenupāyena yāva brahmalokā saddo abbhuggacchi, tena saddena mahā devatāsannipāto ahoṣi. Thero mahantaṃ devatāsannipātaṃ disvā **Samacittasuttantaṃ** kathesi. Kathāpariyosāne asaṅkhyeyyānaṃ devatānaṃ dhammābhisamayo ahoṣi, bahū nāgā ca supaṇṇā ca saraṇesu paṭiṭṭhahimsu. Yādisova Sāriputtattherassa imaṃ suttantaṃ kathayato devatāsannipāto ahoṣi, tādiso Mahindattherassāpi jāto. Atha tassā rattiyā accayena rājā

therānaṃ rathaṃ pesesi. Sārathī rathaṃ ekamante ṭhapetvā therānaṃ ārocesi “āgato bhante ratho, abhiruhatha, gacchissāmā”ti. Therā “na mayaṃ rathaṃ abhiruhāma, gaccha tvam, pacchā mayaṃ āgacchissāmā”ti vatvā vehāsaṃ abbhuggantvā Anurādhapurassa puratthimadisāyaṃ paṭhamakacetiyaṭṭhāne otarimsu. Tañhi cetiyaṃ therehi paṭhamaṃ otiṇṇaṭṭhāne katattāyeva “Paṭhamakacetiyan”ti vuccati.

Rājāpi sārathim pesetvā “antonivesane maṇḍapaṃ paṭiyādethā”ti amacce āṇāpesi. Tāvadeva sabbe haṭṭhatuṭṭhā ativiya pāsādikam maṇḍapaṃ paṭiyādesuṃ. Puna rājā cintesi “hiyyo thero silakkhandham kathayamāno ‘uccāsayanamahāsayanam na kappatī’ti āha, nisīdissanti nu kho ayyā āsanesu, na nisīdissanti”ti. Tassevaṃ cintayantasseva so sārathī¹ nagaradvāraṃ sampatto. Tato addasa there paṭhamataram āgantvā kāyabandhanaṃ bandhitvā cīvaram pārupante, disvā ativiya pasannacitto hutvā āgantvā rañño ārocesi “āgatā deva therā”ti. Rājā “rathaṃ ārūḷhā”ti pucchi. Na ārūḷhā deva, api ca mama pacchato nikkhamitvā paṭhamataram āgantvā pācīnavāre ṭhitāti. Rājā “rathampi nābhirūhimsū”ti sutvā “na dāni ayyā uccāsayanamahāsayanam sādīyissanti”ti cintetvā “tena hi bhaṇe therānaṃ bhūmattharaṇasaṅkhepena āsanāni paññapethā”ti vatvā paṭipathaṃ agamāsi. Amaccā pathaviyaṃ taṭṭikam paññapetvā upari kojavakādīni cittattharaṇāni paññapesuṃ, uppātapāṭhakā disvā “gahitā dāni imehi pathavī, ime Tambapaṇṇidīpassa sāmikā bhavissanti”ti byākarimsu. Rājāpi gantvā there vanditvā Mahindattherassa hatthato pattam gahetvā mahatiyā pūjāya ca sakkārena ca there nagaram pavesetvā antonivesanam pavesesi. Thero āsanapaññattim disvā “amhākam sāsanam sakalalaṅkādiṭṭhe pathavī viya patthaṭam niccalaṅca hutvā patiṭṭhahissatī”ti cinto nisīdi. Rājā there paṇītena khādanīyena bhojanīyena sahatthā santappetvā sampavāretvā anuḷādevīpamukhāni pañca itthisatāni “therānaṃ abhivādanam pūjāsakkāraṅca karontū”ti pakkosāpetvā ekamantaṃ nisīdi. Thero bhattakiccāvasāne rañño sapaṛijanassa dhammaratanavassam vassento

1. Sārathī (Ka)

Petavatthum Vimānavatthum Saccasaṃyuttañca kathesi. Tam therassa dhammadesanaṃ sutvā tāni pañcapi itthisatāni sotāpattiṭṭhalaṃ sacchākaṃsu.

Yepi te manussā purimadivase Missakapabbate there addasaṃsu, te tesu tesu ṭhānesu therānaṃ guṇe kathenti. Tesam sutvā mahājanakāyo rājaṅgaṇe sannipatitvā mahāsaddaṃ akāsi. Rājā “kiṃ eso saddo”ti pucchi. Nāgarā deva “there daṭṭhum na labhāmā”ti viravantīti. Rājā “sace idha pavisissanti, okāso na bhavissatī”ti cintetvā “gacchatha bhāṇe hatthisālaṃ paṭijaggitvā vālukaṃ ākiritvā pañcavaṇṇāni pupphāni vikiritvā celavitānaṃ bandhitvā maṅgalaṭṭhāṇe therānaṃ āsanāni paññapethā”ti āha. Amaccā tathā akāsi. Thero tattha gantvā nisīditvā **Devadūtasuttantaṃ** kathesi, kathāpariyosāne pāṇasaḥassaṃ sotāpattiṭṭhale paṭiṭṭhahi. Tato “hatthisālā atisambādhā”ti dakkhiṇadvāre Nandanavanuyyāne āsanaṃ paññapesuṃ. Thero tattha nisīditvā **Āsīvisopamasuttaṃ** kathesi. Tampi sutvā pāṇasaḥassaṃ sotāpattiṭṭhalaṃ paṭilabhi.

Evam āgatadivasato dutiyadivase aḍḍhateyyasaḥassānaṃ dhammābhisaṃmayo ahoṣi. Therassa Nandanavane āgatāgātāhi kulitthīhi kulasuṇhāhi kulakumārīhi saddhim sammodamānasseva sāyanhasamayo jāto. Thero kālaṃ sallakkhetvā “gacchāma dāni Missakapabbatan”ti uṭṭhahi. Amaccā “kattha bhante gacchathā”ti. Amhākaṃ nivāsanaṭṭhānanti. Te rañño saṃviditaṃ katvā rājānumatena āhaṃsu “akālo bhante idāni tattha gantuṃ, idameva Nandanavanuyyānaṃ ayyānaṃ āvāsaṭṭhānaṃ hotū”ti. Alaṃ gacchāmāti. Puna rañño vacanenāhaṃsu “rājā bhante āha ‘etaṃ Meghavanaṃ nāma uyyānaṃ mama pitu santakaṃ nagarato nātidūraṃ nāccāsannaṃ gamanāgamanasampannaṃ, ettha therā vāsaṃ kappentū’ti”. Vasīṃsu therā Meghavanuyyāne.

Rājāpi kho tassā rattiyā accayena therassa saṃīpaṃ gantvā sukhasayitabhāvaṃ pucchitvā “kappati bhante bhikkhusaṅghassa ārāmo”ti pucchi. Thero “kappati mahārājā”ti vatvā imaṃ suttaṃ āhari **“anujānāmi bhikkhave āraṃaṃ”**ti. Rājā tuṭṭho suvaṇṇabhiṅgāraṃ gahetvā therassa hatthe udakaṃ pātetvā Mahāmeghavanuyyānaṃ adāsi,

saha udakapātena pathavī kampi. Ayaṃ Mahāvihāre paṭhamo pathavīkampō ahosi. Rājā bhīto therāṃ pucchi “kasmā bhante pathavī kampatī”ti. Mā bhāyi mahārāja, imasmim̄ dīpe Dasabalassa sāsanaṃ paṭiṭṭhahissati, idaṅca paṭhamāṃ vihāraṭṭhānaṃ bhavissati, tassetāṃ pubbanimittanti. Rājā bhiyyoso mattāya pasīdi. Thero punadivasepi rājageheyeva bhuñjivā Nandanavane **Anamataggiyāni** kathesi, punadivase **Aggikkhandhopamasuttaṃ** kathesi, etenevupāyena satta divasāni kathesi, desanāpariyosāne aḍḍhanavamānaṃ pāṇasahassānaṃ dhammābhisamayo ahosi. Tato paṭṭhāya ca Nandanavanaṃ sāsanaṃ jotipātubhāvāṭṭhānanti katvā “Jotivanan”ti nāmaṃ labhi. Sattame pana divase therā antepure rañño **Appamādasuttaṃ** kathayivā Cetiyaḡirimeva agamaṃsu.

Atha kho rājā amacce pucchi “thero amhe gālḡhena ovādena ovadati, gaccheyya nu kho”ti. Amaccā “tumhehi deva thero ayācīto sayameva āgato, tasmā tassa anāpucchāva gamanampi bhaveyyā”ti āhaṃsu. Tato rājā rathaṃ abhiruhitvā dve ca deviyo āropetvā Cetiyaḡiriṃ agamāsi mahaṅca rājānubhāvena¹. Gantvā deviyo ekamantaṃ apakkamāpetvā sayameva therānaṃ samīpaṃ upasaṅkamanto ati viya kilantarūpo hutvā upasaṅkami. Tato naṃ thero āha “kasmā tvaṃ mahārāja evaṃ kilamamāno āgato”ti. Tumhe mama gālḡhaṃ ovādaṃ datvā idāni gantukāmā nu khoti jānanatthaṃ bhanteti. Na mayaṃ mahārāja gantukāmā, apica vassūpanāyikakālo nāmāyaṃ mahārāja, tatra samaṇena vassūpanāyikaṭṭhānaṃ ṅātum vaṭṭatīti. Taṃdivasameva Ariṭṭho nāma amacco pañcapanṅāsāya jeṭṭhakaniṭṭhabhātukehi saddhiṃ rañño samīpe ṭhito āha “icchāmahaṃ deva therānaṃ santike pabbajitun”ti. “Sādhu bhāṇe pabbajassū”ti rājā anujānitvā therāṃ sampaṭicchāpesi. Thero tadaheva pabbājesi. Sabbe khuraggeyeva arahattaṃ pāpuṅimsu.

Rājāpi kho taṅkhaṇeyeva kaṅṭakena cetiyaṅgaṇaṃ parikkhipitvā dvāsaṭṭhiyā leṇesu kammaṃ paṭṭhapetvā nagarameva agamāsi. Tepi therā dasabhātikasamākulaṃ rājakulaṃ pasādetvā mahājanaṃ ovadamānā Cetiyaḡirimhi vassaṃ vasiṃsu, tadāpi Cetiyaḡirimhi paṭhamāṃ vassaṃ upagatā

1. Mahaccā rājānubhāvena (Ka)

dvāsaṭṭhi arahanto ahesuṃ. Athāyasmā Mahāmahindo vutthavasso pavāretvā kattikapuṇṇamāyaṃ uposathadivase rājānaṃ etadavoca “mahārāja amhehi ciradiṭṭho Sammāsambuddho, anāthavāsaṃ vasimha, icchāma mayāṃ Jambudīpaṃ gantun”ti. Rājā āha “aham bhante tumhe catūhi paccayehi upaṭṭhahāmi, ayañca mahājano tumhe nissāya tīsu saraṇesu patiṭṭhito, kasmā tumhe ukkaṇṭhitatthā”ti. Ciradiṭṭho no mahārāja Sammāsambuddho, abhivādanapaccuṭṭhāna-añjalikammasāmīcikkammakaraṇaṭṭhānaṃ natthi, tenamha ukkaṇṭhitāti. Nanu bhante tumhe avocuttha “parinibbuto Sammāsambuddho”ti. Kiñcāpi mahārāja parinibbuto, atha khvassa sarīradhātuyo tiṭṭhantīti. Aññātaṃ bhante, thūpapatiṭṭhānaṃ tumhe ākaṅkhatthāti, karomi bhante thūpaṃ, bhūmibhāgaṃ dāni vicinātha, apica bhante dhātuyo kuto lacchāmāti. Sumanena saddhiṃ mantehi mahārājāti.

“Sādhu bhante”ti rājā Sumanāṃ upasaṅkamtivā pucchi “kuto dāni bhante dhātuyo lacchāmā”ti. Sumano āha “appossukko tvaṃ mahārāja vīthiyo sodhāpetvā dhajapaṭākapuṇṇaghaṭṭhīhi alaṅkārapetvā saparijano uposathaṃ samādiyivā sabbatāḷāvacare upaṭṭhāpetvā maṅgalaṭṭhīṃ sabbālaṅkārapaṭimaṇḍitaṃ kārapetvā upari cassa setacchattaṃ ussāpetvā sāyanhasamaye Mahānāgavanuyyānābhīmuḅho yāhi, addhā tasmiṃ ṭhāne dhātuyo lacchāsī”ti. Rājā “sādhū”ti sampaṭicchi. Therā Cetiyaḡirimeva aḡamaṃsu. Tatrāyasmā Mahindatthero Sumanasāmaṇeraṃ āha “ḡaccha tvaṃ sāmaṇera Jambudīpe tava ayyakaṃ Asokaṃ dhammarājānaṃ upasaṅkamtivā mama vacanena evaṃ vadehi ‘sahāyo vo mahārāja Devānaṃpiyatisso Buddhasāsane pasanno, thūpaṃ patiṭṭhāpetukāmo, tumhākaṃ kira hatthe dhātu atthi, taṃ me dethā’ti, taṃ ḡahetvā Sakkāṃ devarājānaṃ upasaṅkamtivā evaṃ vadehi ‘tumhākaṃ kira mahārāja hatthe dve dhātuyo atthi dakkhiṇadāṭṭhā ca dakkhiṇakkhakaṃca, tato tumhe dakkhiṇadāṭṭhaṃ pūjetha, dakkhiṇakkhakaṃ pana mayhaṃ dethā’ti. Evañca naṃ vadehi ‘kasmā tvaṃ mahārāja amhe Tambapaṇṇidīpaṃ paḡiṇitvā pamajjāsī’ti”.

“Sādhu bhante”ti kho Sumano therassa vacanaṃ sampaṭicchitvā tāvadeva pattacīvaramādāya vehāsaṃ abbhuggantvā Pāṭaliputtadvāre oruyha

rañño santikaṃ gantvā etamatthaṃ ārocesi. Rājā tuṭṭho sāmaṇerassa hatthato pattaṃ gahetvā gandhehi ubbaṭṭetvā varamuttasadisānaṃ dhātūnaṃ pūretvā adāsi, so taṃ gahetvā Sakkaṃ devarājānaṃ upasaṅkama. Sakko devarājā sāmaṇeraṃ disvāva “kiṃ bhante Sumana āhiṇḍasī”ti āha. Tvaṃ mahārāja amhe Tambapaṇṇidīpaṃ pesetvā kasmā pamajjasīti. Nappamajjāmi bhante, vadehi, kiṃ karomīti. Tumhākaṃ kira hatthe dve dhātuyo atthi dakkhiṇadāṭhā ca dakkhiṇakkhakaṇḍa, tato tumhe dakkhiṇadāṭhaṃ pūjetha, dakkhiṇakkhakaṃ pana mayhaṃ dethāti. “Sādhu bhante”ti kho Sakko devānamindo yojanappamāṇaṃ maṇithūpaṃ ugghāṭetvā dakkhiṇakkhakaḍḍhātum nīharitvā Sumanassa adāsi. So taṃ gahetvā Cetiyaḡirimhiyeva paṭiṭṭhāsi.

Atha kho Mahindapamukhā sabbepe te mahānāgā Asokadhammarājena dinnadhātuyo Cetiyaḡirimhiyeva paṭiṭṭhāpetvā dakkhiṇakkhakaṃ ādāya vadḍhamānakacchāyāya Mahānāgavanuyyānamagamaṃsu. Rājāpi kho Sumanena vuttappakāraṃ pūjāsakkāraṃ katvā hatthikkhandhavaragato sayāṃ maṅgalaḡatthimatthake setaccattaṃ dhārayamāno Mahānāgavanaṃ sampāpuṇi. Athassa etadahosi “sace ayaṃ Sammāsambuddhassa dhātu, chattaṃ apanamatu, maṅgalaḡatthi jaṇṇukehi bhūmiyaṃ paṭiṭṭhahatu, dhātukaṅkoṭakaṃ mayhaṃ matthake paṭiṭṭhātū”ti. Saha rañño cittuppādena chattaṃ apanami, hatthi jaṇṇukehi paṭiṭṭhahi, dhātukaṅkoṭakaṃ rañño matthake paṭiṭṭhahi. Rājā amateneva abhisittagatto viya paramena pītipāmojjena samannāgato hutvā pucchi “dhātum bhante kiṃ karomā”ti. Hatthikumbhamhiyeva tāva mahārāja ṭhapehīti. Rājā dhātukaṅkoṭakaṃ gahetvā hatthikumbhe ṭhapesi. Pamudito nāgo koṅcanādaṃ naḡi. Mahāmegho uṭṭhahitvā pokkharavassaṃ vassi, udakapariyaṇṇaṃ katvā mahābhūmicālo ahosi, “paccantepe nāma Sammāsambuddhassa dhātu paṭiṭṭhahissatī”ti devamanussā pamodiṃsu. Evaṃ iddhānubhāvasiriyā devamanussānaṃ pītiṃ janayanto—

Puṇṇamāyaṃ mahāvīro, cātumāsiniyā idha.

Āgantvā devalokamhā, hatthikumbhe paṭiṭṭhitoti.

Athassa so hatthināgo anekataḡāvacaraparivārīto ativiya uḡārena pūjāsakkārena sakkariyamāno pacchimadisābhimukhova hutvā

apasakkanto yāva nagarassa puratthimadvāraṃ, tāva gantvā puratthimena dvārena nagaraṃ pavisitvā sakalanāgarena uḷārāya pūjāya karīyamānāya dakkhiṇadvārena nikkhamitvā Thūpārāmassa pacchimadisābhāge Mahejavatthu nāma kira atthi, tattha gantvā puna Thūpārāmābhimukhoyeva paṭinivatti. Tena ca samayena Thūpārāme purimakānaṃ tiṇṇaṃ Sammāsambuddhānaṃ Paribhogacetiyatṭhānaṃ hoti.

Atīte kira ayaṃ dīpo Ojadīpo nāma ahoṣi, rājā Abhayo nāma, nagaraṃ Abhayapuraṃ nāma, Cetiyapabbato Devakūṭapabbato nāma, Thūpārāmo Paṭiyārāmo nāma. Tena kho pana samayena Kakusandho Bhagavā loke uppanno hoti, tassa sāvako Mahādevo nāma thero bhikkhusahassena saddhiṃ Devakūṭe paṭiṭṭhāsi Mahindatthero viya Cetiyapabbate. Tena kho pana samayena Ojadīpe sattā pajjarakena anayabyasanaṃ āpajjanti. Addasā kho Kakusandho Bhagavā Buddhacakkhunā lokaṃ olokento te satte anayabyasanaṃ āpajjante, disvā cattālīsāya bhikkhusahassehi parivuto agamāsi, tassānubhāvena tāvadeva pajjarako vūpasanto, roge vūpasante Bhagavā dhammaṃ desesi, caturāsītiyā pāṇasahassānaṃ dhammābhisamayo ahoṣi. Bhagavā dhamakaraṇaṃ datvā pakkāmi, taṃ anto pakkhipitvā Paṭiyārāme cetiyamaṃsu. Mahādevo dīpaṃ anusāsanto vihāsi.

Koṇāgamanassa pana Bhagavato kāle ayaṃ dīpo Varadīpo nāma ahoṣi, rājā Sameṇḍī nāma, nagaraṃ Vaḍḍhamānaṃ nāma, pabbato Suvaṇṇakūṭo nāma. Tena kho pana samayena Varadīpe dubbuṭṭhikā hoti dubbhikkhaṃ dussassaṃ, sattā chātakarogena anayabyasanaṃ āpajjanti. Addasā kho Koṇāgamano Bhagavā Buddhacakkhunā lokaṃ olokento te satte anayabyasanaṃ āpajjante, disvā tiṃsabhikkhusahassaparivuto agamāsi, Buddhānubhāvena devo sammādhāraṇamanuppavecchi, subhikkhaṃ ahoṣi, Bhagavā Dhammaṃ desesi, caturāsītiyā pāṇasahassānaṃ dhammābhisamayo ahoṣi. Bhagavā bhikkhusahassaparivāraṃ Mahāsūmaṇaṃ nāma therānaṃ dīpe ṭhapetvā Kāyabandhanaṃ datvā pakkāmi, taṃ anto pakkhipitvā cetiyamaṃsu.

Kassapassa pana Bhagavato kāle ayaṃ dīpo Maṇḍadīpo nāma ahoṣi, rājā Jayanto nāma, nagaraṃ Visālaṃ nāma, pabbato Subhakūṭo

nāma. Tena kho pana samayena Maṇḍadīpe mahāvivādo hoti, bahū sattā kalahaviggahajātā anayabyasanam āpajjanti. Addasā kho Kassapo Bhagavā Buddhacakkhunā lokam olokeno te satte anayabyasanamāpajjante, disvā visatibhikkhusahassaparivuto āgantvā vivadam vūpasamtvā dhammam desesi, caturāsītiyā pāṇasahassānam dhammābhisamayo ahoṣi. Bhagavā bhikkhusahassaparivāram Sabbanandam nāma theram dīpe patiṭṭhāpetvā Udaḥasātakam datvā pakkāmi, tam anto pakkhipitvā cetiyamakamsu. Evam Thūpārāme purimakānam tiṇṇam Buddhānam cetiyāni patiṭṭhahimsu, tāni sāsananataradhānena nassanti, ṭhānamattam avasissati. Tasmā vuttam “tena ca samayena Thūpārāme purimakānam tiṇṇam Sammāsambuddhānam Paribhogacetiyaṭṭhānam hoti”ti. Tadetam vinaṭṭhesu cetiyesu devatānubhāvena kaṇṭakasamākiṇṇasākhehi nānāgacchehi parivutam tiṭṭhati “mā nam koci ucchiṭṭhāsucimalakacavarehi padūsesi”ti.

Atha khvassa hatthino purato purato gantvā rājapurisā sabbagacche chinditvā bhūmim sodhetvā tam hatthatalasadisamakamsu. Hatthināgo gantvā tam ṭhānam purato katvā tassa pacchimadisābhāge Bodhirukkhaṭṭhāne aṭṭhāsi. Athassa matthakato dhātum oropetum ārabhimsu. Nāgo oropetum na deti. Rājā theram pucchi “kasmā bhante nāgo dhātum oropetum na deti”ti. Ārūḥham mahārāja oropetum na vaṭṭatīti. Tasmim ca kāle abhayavāpiyā udakam chinnaṃ hoti, samantā bhūmi phalitā hoti, su-uddharā mattikāpiṇḍā, tato mahājano sīgham sīgham mattikam āharitvā hatthikumbhappamāṇam vatthumakāsi. Tāvadeva ca thūpakaraṇattham iṭṭhakā katum ārabhimsu, na yāva iṭṭhakā pariniṭṭhanti, tāva hatthināgo katipāham divā Bodhirukkhaṭṭhāne hatthisālāyam tiṭṭhati, rattim thūpapatiṭṭhānabhūmim pariyāyati. Atha vatthum cināpetvā rājā theram pucchi “kīdiso bhante thūpo kātabbo”ti. Vīhirāsisadiso mahārājāti.

“Sādhu bhante”ti rājā jaṅghappamāṇam¹ thūpam cināpetvā dhātu-oropanatthāya mahāsakkāram kāresi, sakalanagaraṇca janapado ca dhātumahadassanattham sannipati, sannipatite ca pana tasmim mahājanakāye

1. Gajappamāṇam (?)

Dasabalassa dhātu hatthikumbhato sattatālappamāṇaṃ vehāsaṃ abbhuggantvā yamakapāṭihāriyaṃ dassesi, tehi tehi dhātuppadesehi channaṃ vaṇṇānaṃ udakadhārā ca aggikkhandhā ca pavattanti, Sāvatthiyaṃ kaṇḍambamūle Bhagavatā dassitapāṭihāriyasadisameva pāṭihāriyaṃ ahosi, tañca kho neva therānubhāvena, na devatānubhāvena, apica kho Buddhānubhāveneva. Bhagavā kira dharamānova adhiṭṭhāsi “mayi parinibbute Tambapaṇṇidīpe Anurādhapurassa dakkhiṇadisābhāge purimakānaṃ tiṇṇaṃ Buddhānaṃ Paribhogacetiyaṭṭhāne mama dakkhiṇakkhadhātu patiṭṭhānadivase yamakapāṭihāriyaṃ hotū”ti.

Evam acintiyā Buddhā, Buddhadhammā acintiyā.
Acintiyē pasannānaṃ, vipāko hoti acintiyoti¹.

Sammāsambuddho kira imaṃ dīpaṃ dharamānakālepi tikkhattuṃ āgamāsi, paṭhamaṃ yakkhadamanatthaṃ ekakova āgantvā yakkhe dametvā “mayi parinibbute imasmim dīpe sāsanaṃ patiṭṭhahissatī”ti Tambapaṇṇidīpe rakkhaṃ karonto tikkhattuṃdīpaṃ āvijji². Dutiyaṃ mātulabhāgineyyānaṃ nāgarājūnaṃ damanatthāya ekakova āgantvā te dametvā agamāsi. Tatiyaṃ pañcabhikkhusataparivāro āgantvā mahācetiyaṭṭhāne ca thūpārāmacetiyaṭṭhāne ca mahābodhipatiṭṭhitatṭhāne ca mahiyaṅgaṇacetiyaṭṭhāne ca mutiyaṅgaṇacetiyaṭṭhāne ca dīghavāpicetiyaṭṭhāne ca kalyāṇiyacetiyaṭṭhāne ca nirodhasamāpattiṃ samāpajjitvā nisīdi, idamassa catutthaṃ dhātusarīrena āgamaṇaṃ.

Dhātusarīrato ca panassa nikkhanta-udakaphusitehi sakalatambapaṇṇitale na koci aphuṭṭhokāso nāma ahosi. Evamassa taṃ dhātusarīraṃ udakaphusitehi tambapaṇṇitalassa pariḷāhaṃ vūpasametvā mahājanassa pāṭihāriyaṃ dassetvā otarivā rañño matthake patiṭṭhāsi. Rājā saphalaṃ manussapaṭilābhaṃ maññaṃāno mahantaṃ sakkāraṃ karitvā dhātuṃ patiṭṭhāpesi, saha dhātupatiṭṭhāpanena mahābhūmicālo ahosi. Tasmim ca pana dhātupāṭihāriye cittaṃ pasādetvā rañño bhātā Abhayo nāma rājakumāro purisasahassena saddhim pabbaji, Cetaraṭṭhagāmato pañca dārakasatāni pabbajimsu, tathā dvāramaṇḍalādīhi gāmakehi nikkhamitvā

1. Apa 1. 7 piṭṭhe.

2. Āvijji (Sī, Syā)

pañcapañca dārakasatāni, sabbānipi antonagarato ca bahinagarato ca pabbajitāni timsabhikkhusahassāni ahesum. Niṭṭhite pana thūpasmiṃ rājā ca rājabhātikā ca deviyo ca devanāgayakkhānampi vimhayakaraṃ paccekaṃ paccekaṃ pūjamakaṃsu niṭṭhitāya pana dhātupūjāya patiṭṭhite dhātuvare Mahindatthero Meghavanuyyānameva gantvā vāsāṃ kappesi.

Tasmiṃ kho pana samaye Anuḷā devī pabbajitukāmā hutvā rañño ārocesi. Rājā tassā vacanaṃ sutvā therāṃ etadavoca “Anuḷā bhante devī pabbajitukāmā, pabbājettha nan”ti. Na mahārāja amhākaṃ mātugāmaṃ pabbājetuṃ kappati, Pāṭaliputte pana mayhaṃ bhaginī Saṃghamittattherī nāma atthi, taṃ pakkosāpehi. Imasmiṃ ca pana mahārāja dīpe purimakānaṃ tiṇṇaṃ Sammāsambuddhānaṃ bodhi patiṭṭhāsi, amhākampi Bhagavato sarasaraṃsijālavissajjanakena bodhinā idha patiṭṭhāttabbaṃ, tasmā tathā sāsanaṃ paṇeyyāsi, yathā Saṃghamittā bodhiṃ gahetvā āgacceyyāti.

“Sādhu bhante”ti rājā therassa vacanaṃ sampaṭicchitvā amaccehi saddhiṃ mantento Ariṭṭhaṃ nāma attano bhāgineyyaṃ āha “sakkhissasi tvaṃ tāta Pāṭaliputtaṃ gantvā mahābodhinā saddhiṃ ayyaṃ Saṃghamittattheriṃ ānetuṃ”ti. Sakkhissāmi deva sace me pabbajjaṃ anujānissasīti. Gaccha tāta theriṃ ānetvā pabbajāhīti. So rañño ca therassa ca sāsanaṃ gahetvā therassa adhiṭṭhānavasena ekadivaseneva jambukolapaṭṭanaṃ gantvā nāvaṃ abhiruhitvā samuddaṃ atikkamitvā Pāṭaliputtameva agamāsi. Anuḷāpi kho devī pañcahi kaññāsatehi pañcahi ca antepurikāsatehi saddhiṃ dasa silāni samādiyitvā kāsāyāni vatthāni acchādetvā nagarassa ekadese upassayaṃ kārapetvā nivāsaṃ kappesi. Ariṭṭhopi taṃdivasameva rañño sāsanaṃ appesi, evañca avoca “putto te deva Mahindatthero evamāha ‘sahāyakassa kira te Devānaṃpiyatissassa rañño bhātu jāyā Anuḷā nāma devī pabbajitukāmā, taṃ pabbājetuṃ ayyaṃ Saṃghamittattheriṃ paṇiṇatha, ayyāyeva ca saddhiṃ mahābodhin’ti”. Therassa sāsanaṃ ārocetvā Saṃghamittattheriṃ upasaṅkamitvā evamāha “ayye tumhākaṃ bhātā Mahindatthero maṃ tumhākaṃ santikaṃ pesesi, Devānaṃpiyatissassa rañño bhātu jāyā Anuḷā nāma

devī pañcahi kaññāsatehi pañcahi ca antepurikāsatehi saddhim pabbajitukāmā, tam kira āgantvā pabbājethā”ti. Sā tāvadeva turitaturitā rañño santikaṃ gantvā evamāha “mahārāja mayhaṃ bhātā Mahindatthero evaṃ paṇiṇi ‘Rañño kira bhātu jāyā Anuḷā nāma devī pañcahi kaññāsatehi pañcahi ca antepurikāsatehi saddhim pabbajitukāmā mayhaṃ āgamanam udikkhatā’, gacchāmahaṃ mahārāja Tambapaṇṇidīpan”ti.

Rājā āha “amma puttapi me Mahindatthero nattā ca me Sumanasāmaṇero maṃ chinnahatthaṃ viya karontā Tambapaṇṇidīpaṃ gatā, tassa mayhaṃ tepi apassantassa uppanno soko tava mukhaṃ passantassa vūpasammati, alaṃ amma mā tvaṃ agamāsī”ti. Bhāriyaṃ me mahārāja bhātu vacanaṃ, Anuḷāpi khattiyā itthisahassaparivutā pabbajjāpurekkhārā maṃ paṭimāneti, gacchāmahaṃ mahārājāti. Tena hi amma mahābodhim gahetvā gacchāhīti. Kuto rañño mahābodhi. Rājā kira tato pubbe eva dhātuggahaṇatthāya anāgate Sumane Laṅkādīpaṃ mahābodhim pesetukāmo “kathaṃ nu kho asatthagatārahaṃ mahābodhim pesessāmī”ti upāyaṃ apassanto Mahādevaṃ nāma amaccaṃ pucchi. So āha “santi deva bahū paṇḍitā bhikkhū”ti. Tam sutvā rājā bhikkhusaṃghassa bhattaṃ paṭiyādetvā bhattakiccāvasāne saṃghaṃ pucchi “gantabbaṃ nu kho bhante Bhagavato mahābodhinā Laṅkādīpaṃ, no”ti. Saṃgho Moggaliputtatissattherassa bhāramakāsi.

Thero “gantabbaṃ mahārāja mahābodhinā Laṅkādīpaṃ”ti vatvā Bhagavato **pañca mahā-adhiṭṭhānāni** kathesi. Katamāni pañca. Bhagavā kira mahāparinibbānamañce nipanno Laṅkādīpe mahābodhipatiṭṭhāpanatthāya “Asokamahārājā mahābodhiggahaṇatthaṃ gamissati, tadā mahābodhissa dakkhiṇasākhā sayameva chijjivā suvaṇṇakaṭāhe patiṭṭhātū”ti adhiṭṭhāsi, idamekamadhiṭṭhānaṃ.

“Tattha patiṭṭhānakāle ca mahābodhi himavalāhakagabbhaṃ pavisitvā patiṭṭhātū”ti adhiṭṭhāsi, idaṃ dutiyamadhiṭṭhānaṃ.

“Sattame divase himavalāhakagabbhato oruyha suvaṇṇakaṭāhe patiṭṭhahanto pattehi ca phalehi ca chabbaṇṇaramsiyo muñcatū”ti adhiṭṭhāsi, idaṃ tatiyamadhiṭṭhānam.

“Thūpārāme dakkhiṇakkhakadhātu cetiyamhi patiṭṭhānadivase Yamakapāṭihāriyam karotū”ti adhiṭṭhāsi, idaṃ catutthamadhiṭṭhānam.

“Laṅkāḍīpamhiyeva me doṇamattā dhātuyo Mahācetiyaṃhi patiṭṭhānakāle Buddhavesaṃ gahetvā vehāsaṃ abhuggantvā Yamakapāṭihāriyam karontū”ti adhiṭṭhāsi, idaṃ pañcamamadhiṭṭhānanti.

Rājā imāni pañca mahā-adhiṭṭhānāni sutvā pasannacitto Pāṭaliputtato yāva mahābodhi, tāva maggaṃ paṭijaggāpetvā suvaṇṇakaṭāhatthāya bahum suvaṇṇaṃ nīharāpesi. Tāvadeva ca rañño cittaṃ ñatvā Vissakammadevaputto kammāraṇṇaṃ nimminivā purato aṭṭhāsi. Rājā taṃ disvā “tāta imaṃ suvaṇṇaṃ gahetvā kaṭāhaṃ karohī”ti āha. Pamāṇaṃ deva jānāthāti. Tvameva tāta ñatvā karohīti. “Sādhu deva, karissāmī”ti suvaṇṇaṃ gahetvā attano ānubhāvena hatthena parimajjitvā suvaṇṇakaṭāhaṃ nimmini navahatthaparikkhepaṃ pañcahatthubbedhaṃ tihatthavikkhambhaṃ aṭṭhaṅgulabahalaṃ hatthisoṇḍappamāṇamukhavaṭṭim. Atha rājā sattayojanāyāmāya tiyojanavittārāya mahatiyā senāya Pāṭaliputtato nikkhamitvā ariyaśaṅghamādāya mahābodhisamīpaṃ agamāsi. Senā samussitadhajapaṭākāṃ nānāratanaṅgacittāṃ anekālaṅkārapaṭimaṇḍitaṃ nānāvidhakusumasamākiṇṇaṃ anekatūriyaśaṅghuṭṭhaṃ mahābodhiṃ parikkhipi. Rājā sahasamatte gaṇapāmokkhe mahāthere gahetvā sakalajambudīpe pattābhisekānaṃ rājūnaṃ sahasena attānañca mahābodhiñca parivārāpetvā mahābodhimūle ṭhatvā mahābodhiṃ ullokesi. mahābodhissa khandhañca dakkhiṇamahāsākhāya catuhatthappamāṇappadesaṅca ṭhapetvā avasesaṃ adassanaṃ agamāsi.

Rājā taṃ pāṭihāriyaṃ disvā uppannapītipāmojjo “ahaṃ bhante imaṃ pāṭihāriyaṃ disvā tuṭṭho mahābodhiṃ sakalajambudīparajjena pūjemī”ti bhikkhusaṅghassa vatvā abhisekamadāsi. Tato pupphagandhādīhi pūjetvā tikkhattum padakkhiṇaṃ katvā aṭṭhasu ṭhānesu vanditvā uṭṭhāya añjalim

paggayha t̥atvā saccavacanakiriyāya bodhiṃ gaṇhitukāmo bhūmito yāva mahābodhissa dakkhiṇasākhā, tāva uccaṃ katvā t̥hapitassa sabbaratanamayapīṭhassa upari suvaṇṇakaṭāhaṃ t̥hapāpetvā ratanapīṭhaṃ āruyha suvaṇṇatulikaṃ gahetvā manosilāya lekhaṃ katvā “yadi mahābodhinā Laṅkādīpe patiṭṭhātabbaṃ, yadi cāhaṃ Buddhasāsane nibbematiko bhaveyyaṃ, mahābodhi sayameva imasmiṃ suvaṇṇakaṭāhe oruyha patiṭṭhātū”ti saccavacanakiriyamakāsi, saha saccakiriyāya bodhisākhā manosilāya paricchinnaṭṭhāne chijjitvā gandhakalalapūrasa suvaṇṇakaṭāhassa upari aṭṭhāsi. Tassa ubbedhena dasahattho khando hoti, catuhatthā pañca mahāsākhā pañcahiyeva phalehi paṭimaṇḍitā, khuddakasākhānaṃ pana sahasaṃ. Atha rājā mūlalekhāya upari tivaṅgulappadese aññaṃ lekhaṃ paricchindi. Tato tāvadeva pupphuḷakā¹ hutvā dasa mahāmūlāni nikkhamiṃsu. Puna uparūpari tivaṅgule tivaṅgule añña nava lekhā paricchindi, tāhipi dasa dasa pupphuḷakā hutvā navuti mūlāni nikkhamiṃsu. Paṭhamakā dasa mahāmūlā caturaṅgulamattaṃ nikkhantā. Itarepi gavakkhajālasadisāṃ anusibbantā nikkhantā. Ettakaṃ pāṭihāriyaṃ rājā ratanapīṭhamatthake t̥hitoyeva disvā añjaliṃ paggayha mahānādaṃ nadi, anekāni bhikkhusahassāni sādhuḷakāramakaṃsu, sakalarājasenā unnādinī ahosi, celukkhepasatasahassāni pavattayimṃsu, bhūmat̥thakadeve ādiṃ katvā yāva brahmakāyikā devā, tāva sādhuḷakāraṃ pavattayimṃsu. Rañño imaṃ pāṭihāriyaṃ passantassa pītiyā nirantaraṃ phuṭasarīrasa añjaliṃ paggahetvā t̥hitasseva mahābodhi mūlasatena suvaṇṇakaṭāhe patiṭṭhāsi. Dasa mahāmūlāni suvaṇṇakaṭāhatalaṃ āhacca aṭṭhaṃsu, avasesāni navuti khuddakamūlāni anupubbena vaḍḍhanakāni hutvā gandhakalale oruyha t̥hitāni.

Evam suvaṇṇakaṭāhe patiṭṭhitamatte mahābodhimhi mahāpathavī cali, ākāse devadundubhiyo phaliṃsu, pabbatānaṃ naccehi devānaṃ sādhuḷakārehi yakkhānaṃ hiṅkārehi asurānaṃ thutijappehi brahmānaṃ apphoṭanehi meghānaṃ gajjitehi catuppadānaṃ ravehi pakkhīnaṃ rutehi

1. Bubbulakā (Sī), bubbuḷakā (Syā)

sabbatāḷāvacarānaṃ sakasakapaṭibhānehi pathavītalato yāva brahmalokā,
 tāva ekakolāhalaṃ ekaninnādaṃ ahoṣi. Pañcasu sākḥāsu phalato phalato
 chabbaṇṇaraṃsiyo nikkhamitvā sakalacakkavāḷaṃ
 ratanagopānasīvinaddhaṃ viya kurumānā yāva brahmalokā
 abbhugacchimsu, taṅkhaṇato ca pana pabhuti satta divasāni mahābodhi
 himavalāhakagabbhaṃ pavisitvā aṭṭhāsi, na koci mahābodhiṃ passati. Rājā
 ratanapīṭhato oruyha satta divasāni mahābodhipūjaṃ kāresi. Sattame divase
 sabbadisāhi himaṅca chabbaṇṇaraṃsiyo ca¹ āvattitvā mahābodhimeva
 pavisimsu. Vigatahimavalāhake vippasanne cakkavāḷagabbhe mahābodhi
 paripuṇṇakhandhasākḥāpasākḥāpañcaphalapaṭimaṇḍito suvaṇṇakaṭāhe
 patiṭṭhitova paññāyittha. Rājā mahābodhiṃ disvā tehi pāṭihāriyehi
 sañjātapītipāmojjo “sakalajambudīparajjena taruṇamahābodhiṃ pūjessāmi”ti
 abhisekaṃ datvā satta divasāni mahābodhiṭṭhāneyeva aṭṭhāsi.

Mahābodhi pubbakattikapavāraṇādivase sāyanhasamaye paṭhamaṃ
 suvaṇṇakaṭāhe patiṭṭhahi, tato himagabbhasattāhaṃ abhisekasattāhaṅca
 vītināmetvā kāḷapakkhassa uposathadivase rājā ekadivaseneva Pāṭaliputtaṃ
 pavisitvā kattikajunhapakkhassa pāṭipadadivase mahābodhiṃ
 pācīnamahāsālamūle ṭhapesi. Suvaṇṇakaṭāhe patiṭṭhitadivasato sattarasame
 divase mahābodhissa abhinavaṅkurā pāturahasuṃ, te disvāpi pasanno rājā
 puna mahābodhiṃ rajjena pūjento sakalajambudīpābhisekamadāsi. Tadā
 Sumanasāmaṇero kattikapuṇṇamadivase dhātuggahaṇatthaṃ gato
 mahābodhissa kattikachaṇapūjaṃ addasa. Evaṃ Mahābodhimaṇḍato ānetvā
 Pāṭaliputte ṭhapitaṃ mahābodhiṃ sandhāyāha “tena hi amma mahābodhiṃ
 gahetvā gacchāmi”ti. Sā “sādhū”ti sampaṭicchi.

Rājā mahābodhirakkhaṇatthāya aṭṭhārasa devatākulāni aṭṭha
 amaccakulāni aṭṭha brāhmaṇakulāni aṭṭha kuṭumbiyakulāni aṭṭha
 gopakakulāni aṭṭha taracchakulāni aṭṭha ca kālīṅgakulāni datvā
 udakasiṅcanatthāya ca aṭṭha suvaṇṇaghaṭe aṭṭha ca rajataghaṭe datvā iminā
 parivārena

1. Raṃsiyo ca (Sī, Syā)

mahābodhiṃ Gaṅgāya nāvāṃ āropetvā sayampi nagarato nikkhamitvā viñjhātavim samatikkamma anupubbena sattahi divasehi tāmālitim anupatto. Antarāmagge devanāgamanussā uḷāraṃ mahābodhipūjamakamsu. Rājāpi samuddatīre satta divasāni mahābodhiṃ ṭhapetvā sakalajambudīpamahārajjaṃ adāsi. Idamassa tatiyaṃ jambudīparajjasampadānaṃ hoti.

Evam mahārajjena pūjetvā māgasiramāsassa¹ paṭhamapāṭipadadivase Asokodhammarājā mahābodhiṃ ukkhipitvā galappamāṇaṃ udakaṃ oruyha nāvāyaṃ patiṭṭhāpetvā Saṅghamittattherimpi saparivāraṃ nāvāṃ āropetvā Ariṭṭhaṃ amaccaṃ etadavoca “ahaṃ tāta mahābodhiṃ tikkhattuṃ sakalajambudīparajjena pūjetvā galappamāṇaṃ udakaṃ oruyha mama sahāyakassa pesesiṃ, sopi evameva mahābodhiṃ pūjetū”ti, evaṃ sahāyakassa sāsanaṃ datvā “gacchati vatare Dasabalassa sarasaramsijālaṃ vimuñcanto Mahābodhirukkho”ti vanditvā añjaliṃ paggahetvā assūni pavattayamāno aṭṭhāsi. Sāpi kho mahābodhisamārūḷhā nāvā passato passato mahārājassa mahāsamuddataḷaṃ pakkhantā², mahāsamuddepi samantā yojanaṃ vīciyo vūpasantā, pañca vaṇṇāni padumāni pupphitāni, antalikkhe dibbāni tūriyāni pavajjimsu, ākāse jalaja thalajarukkhādisannissitāhi devatāhi pavattitā ativiya uḷārā pūjā ahoṣi. Saṅghamittattherīpi supaṇṇarūpena mahāsamudde nāgakulāni santāsesi, te ca utratarūpā nāgā āgantvā taṃ vibhūtiṃ passitvā therim yācitvā mahābodhiṃ nāgabhavanaṃ atiharitvā satta divasāni nāgarajjena pūjetvā puna nāvāyaṃ patiṭṭhāpesuṃ. Taṃ divasameva nāvā jambukolapaṭṭanaṃ agamāsi. Asokamahārājāpi mahābodhiviyogadukkhito kanditvā roditvā yāva dassanavisayaṃ oloketvā paṭinivatti.

Devānāmpiyatisso mahārājāpi kho Sumanasāmaṇerassa vacanena māgasiramāsassa paṭhamapāṭipadadivasato pabhutī uttaradvārato paṭṭhāya yāva jambukolapaṭṭanaṃ, tāva maggaṃ sodhāpetvā alaṅkārapetvā nagarato nikkhamanādivase uttaradvārasamīpe samuddasālavatthusmiṃ ṭhitoyeva tāya vibhūtiyā mahāsamudde āgacchantāmyeva mahābodhiṃ

1. Migasirassa (Syā)

2. Pakkhandā (Ka)

therassa ānubhāvena disvā tuṭṭhamānaso nikkhamitvā sabbaṃ maggaṃ pañcavaṇṇehi pupphehi okirāpento antarantare puppha-agghiyāni ṭhapento ekāheneva jambukolapattanaṃ gantvā sabbatāḷāvacaraparivuto pupphadhūmagandhavāsādīhi pūjayamāno galappamāṇaṃ udakaṃ oruyha “āgato vatare Dasabalassa sarasaraṃsijālavissajjanako Mahābodhirukkho”ti pasannacitto mahābodhiṃ ukkhipitvā uttamaṅge sirasmiṃ patiṭṭhāpetvā mahābodhiṃ parivāretvā āgatehi soḷasahi jātisampannakulehi saddhiṃ samuddato paccuttaritvā samuddatīre mahābodhiṃ ṭhapetvā tīṇi divasāni sakalatambapaṇṇidīparajjena pūjesi, soḷasannaṃ jātisampannakulānaṃ rajjaṃ vicāresi. Atha catutthe divase mahābodhiṃ ādāya ulāraṃ pūjaṃ kurumāno anupubbena Anurādhapuraṃ sampatto. Anurādhapurepi mahāsakkāraṃ katvā cātuddasīdivase vaḍḍhamānakacchāyāya mahābodhiṃ uttaradvārena pavesetvā nagaramajjhena atiharanto dakkhiṇadvārena nikkhamitvā dakkhiṇadvārato pañcadhanusatike ṭhāne yattha amhākaṃ Sammāsambuddho nirodhasamāpattiṃ samāpajjitvā nisīdi, purimakā ca tayo Sammāsambuddhā samāpattiṃ appetvā nisīdiṃsu, yattha Kakusandhassa Bhagavato Mahāsirīsabodhi, Konāgamanassa Bhagavato Udumbarabodhi, Kassapasammāsambuddhassa ca nigrodhabodhi patiṭṭhāsi, tasmīṃ Mahāmeghavanuyyānassa tilakabhūte Sumanasāmaṇerassa vacanena paṭhamameva katabhūmiparikamme rājavatthudvārakoṭṭhakaṭṭhāne mahābodhiṃ patiṭṭhāpesi.

Kathaṃ? Tāni kira bodhiṃ parivāretvā āgatāni soḷasa jātisampannakulāni rājavesaṃ gaṇhiṃsu. Rājā dovārikavesaṃ gaṇhi, soḷasa kulāni mahābodhiṃ gahetvā oropayīṃsu. mahābodhi tesāṃ hatthato muttasamanantarameva asītihatthappamāṇaṃ vehāsaṃ abbhuggantvā chabbaṇṇaraṃsiyo muñci, raṃsiyo sakaladīpaṃ pattharitvā upari brahmalokaṃ āhacca aṭṭhamsu. Mahābodhipāṭihāriyaṃ disvā sañjātapasādāni dasapurisasahassāni anupubbavipassanaṃ paṭṭhapetvā arahattaṃ patvā pabbajīṃsu. Yāva sūriyatthaṅgamā mahābodhi antalikkhe aṭṭhāsi, atthaṅgamite pana sūriye rohiṇinakkhattena pathaviyaṃ patiṭṭhāsi, saha bodhipatiṭṭhānā udakapariyantaṃ katvā mahāpathavī akampi, patiṭṭhahitvā ca pana mahābodhi satta divasāni himagabbhe sannisīdi, lokassa adassanaṃ agamāsi.

Sattame divase vigatavalāhakaṃ nabhaṃ ahosi, chabbaṇṇaramsiyo jalantā vipphurantā niccharimsu. Mahābodhissa khandho ca sākāyo ca pattāni ca pañca phalāni ca dassimsu. Mahindatthero ca Saṃghamittattherī ca rājā ca saporivārā mahābodhiṭṭhānameva agamaṃsu. Yebhuyyena ca sabbe dīpavāsino sannipatimsu, tesāṃ passantānaṃyeva uttarasākhato ekaṃ phalaṃ paccitvā sākāto mucci, thero hatthaṃ upanāmesi, phalaṃ therassa hatthe patiṭṭhāsi, taṃ thero “ropaya mahārājā”ti rañño adāsi. Rājā gahetvā suvaṇṇakaṭāhe madhurapaṃsum ākiritvā gandhakalalaṃ pūretvā ropetvā mahābodhi-āsanaṭṭhāne¹ ṭhapesi. Sabbesaṃ passantānaṃyeva catuhatthappamāṇā aṭṭha taruṇabodhirukkā uṭṭhahimsu. Rājā taṃ acchariyaṃ disvā aṭṭha taruṇabodhirukkhe setacchattena pūjetvā abhisekamadāsi. Tato ekaṃ Bodhirukkhaṃ āgamanakāle mahābodhinā paṭhamapatiṭṭhitokāse jambukolapaṭṭane ropayimsu. Ekaṃ Tavakkabrāhmaṇassa gāmadvāre, ekaṃ Thūpārāme, ekaṃ Issaranimmānavihāre, ekaṃ paṭhamacetiyatṭhāne, ekaṃ Cetiyaṃpabbate, ekaṃ Rohaṇajanapadamhi Kājaragāme², ekaṃ Rohaṇajanapadamhiyeva Candanagāme. Itaresaṃ catunnaṃ phalānaṃ bijehi jāte dvattimsa bodhitaruṇe yojaniya-ārāmesu patiṭṭhāpesuṃ.

Evam puttanattuparamparāya samantā dīpavāsīnaṃ hitāya sukhāya patiṭṭhite Dasabalassa dhammadhajabhūte mahābodhimhi Anuḷā devī pañcahi kaññāsatehi pañcahi ca antepurikāsatehīti mātugāmasahassena saddhim Saṃghamittattheriyā santike pabbajitvā nacirasseva saporivārā arahatte patiṭṭhāsi. Ariṭṭhopi kho rañño bhāgineyyo pañcahi purisasatehi saddhim therassa santike pabbajitvā nacirasseva saporivāro arahatte patiṭṭhāsi.

Athekadivasāṃ rājā mahābodhim vanditvā therena saddhim Thūpārāmaṃ gacchati, tassa lohapāsādaṭṭhānaṃ sampattassa purisā pupphāni abhiharimsu. Rājā therassa pupphāni adāsi, thero pupphehi lohapāsādaṭṭhānaṃ pūjesi, pupphesu bhūmiyaṃ patitamattesu mahābhūmicālo ahosi. Rājā “kasmā bhante bhūmi calitā”ti pucchi. Ismiṃ mahārāja okāse saṃghassa anāgate uposathāgāraṃ bhavissati, tassetam pubbanimittanti.

1. Mahābodhi-āsanaṭṭhāne (Sī, Ka), mahā-āsanaṭṭhāne (Ṭikā)

2. Gocaragāme (Ka)

Rājā puna therena saddhim gacchanto ambaṅgaṇaṭṭhānaṃ patto. Tatthassa vaṇṇagandhasampannaṃ atimadhurarasamekaṃ ambapakkaṃ āhariyittha. Rājā taṃ therassa paribhogatthāya adāsi. Thero tattheva paribhuñjitvā “idaṃ ettheva ropethā”ti āha. Rājā taṃ ambaṭṭhim gahetvā tattheva ropetvā udakaṃ āsiñci, saha ambabījaropanaṃ pathavī akampi. Rājā “kasmā bhante pathavī kampilthā”ti pucchi. Imasmiṃ mahārāja okāse saṃghassa anāgate Ambaṅgaṇaṃ nāma sannipātaṭṭhānaṃ bhavissati, tassetam pubbanimittanti.

Rājā tattha aṭṭha pupphamuṭṭhiyo okiritvā vanditvā puna therena saddhim gacchanto Mahācetiyaṭṭhānaṃ patto. Tatthassa purisā campakapupphāni abhiharimsu, tāni rājā therassa adāsi. Thero Mahācetiyaṭṭhānaṃ pupphehi pūjetvā vandi, tāvadeva mahāpathavī saṅkampi. Rājā “kasmā bhante pathavī kampilthā”ti pucchi. Imasmiṃ mahārāja okāse anāgate Buddhassa Bhagavato asadiso mahāthūpo bhavissati, tassetam pubbanimittanti. Ahameva karomi bhanteti. Alaṃ mahārāja tumhākaṃ aññaṃ bahukammaṃ atthi, tumhākaṃ pana nattā Duṭṭhagāmaṇī Abhaya nāma kāressatīti. Atha rājā “sace bhante mayhaṃ nattā karissati, katamyeva maya”ti dvādasahatthaṃ pāsāṇatthambhaṃ āharāpetvā “Devānaṃpiyatissassa rañño nattā Duṭṭhagāmaṇī Abhaya nāma imasmiṃ padese Thūpaṃ karotū”ti akkharāni likhāpetvā patiṭṭhāpetvā vanditvā theram pucchi “patiṭṭhitaṃ nu kho bhante Tambapaṇṇidīpe sāsanaṃ”ti. Patiṭṭhitaṃ mahārāja sāsanaṃ, mūlāni panassa na tāva otarantīti. Kadā pana bhante mūlāni otiṇṇāni nāma bhavissantīti. Yadā mahārāja Tambapaṇṇidīpakānaṃ mātāpitūnaṃ Tambapaṇṇidīpe jāto dārako Tambapaṇṇidīpe pabbajitvā Tambapaṇṇidīpamhiyeva vinayaṃ uggahetvā Tambapaṇṇidīpe vācessati, tadā sāsanaṃ mūlāni otiṇṇāni nāma bhavissantīti. Atthi pana bhante ediso bhikkhūti. Atthi mahārāja, Mahā-ariṭṭho bhikkhu paṭibalo etasmiṃ kammeti. Mayā ettha bhante kiṃ kattabbanti. Maṇḍapaṃ mahārāja kātuṃ vaṭṭatīti. “Sādhu bhante”ti rājā meghavaṇṇābhayassa amaccassa pariveṇaṭṭhāne mahāsaṅgītikāle Ajātasattumahārājena katamaṇḍapappakāraṃ rājānubhāvena maṇḍapaṃ kāretvā sabbatālavacare sakasakasippesu payojetvā “sāsanaṃ mūlāni

otarantāni passissāmī”ti anekapurisasahassaparivuto Thūpārāmaṃ anuppatto.

Tena kho pana samayena Thūpārāme aṭṭhasaṭṭhi bhikkhusahassāni sannipatiṃsu, Mahāmahindattherassa āsanaṃ dakkhiṇābhimukhaṃ paññattaṃ hoti, Mahā-ariṭṭhattherassa dhammāsanaṃ uttarābhimukhaṃ paññattaṃ hoti. Atha kho Mahā-ariṭṭhatthero Mahindattherena ajjhitaṭṭho attano anurūpena pattānukkamena dhammāsane nisīdi. Mahindattherapamukhā aṭṭhasaṭṭhi mahātherā dhammāsanaṃ parivāretvā nisīdiṃsu. Raññopi kaniṭṭhabhātā Mattābhayatthero nāma “dhuraggāho hutvā vinayaṃ uggaṇhissāmī”ti pañcahi bhikkhusatehi saddhiṃ Mahā-ariṭṭhattherassa dhammāsanaṃ parivāretvā nisīdi, avasesāpi bhikkhū sarājikā ca parisā attano attano pattāsane nisīdiṃsu.

Athāyasmā Mahā-ariṭṭhatthero “tena samayena Buddho Bhagavā Verañjāyaṃ viharati Naḷerupucimandamūle”ti vinayanidānaṃ abhāsi, bhāsite ca panāyasmatā Ariṭṭhattherena vinayanidāne ākāsaṃ mahāviraṃ ravi, akālavijjulatā nicchariṃsu, devatā sādhuḷāmadamaṃsu, mahāpathavī udakapariyantaṃ katvā saṅkampi. Evaṃ anekesu pāṭihāriyesu vattamānesu āyasmā Ariṭṭhatthero Mahāmahindapamukhehi aṭṭhasaṭṭhiyā paccekagaṇihi khīṇāsavamahātherehi tadaññehi ca aṭṭhasaṭṭhibhikkhusahashehi parivuto paṭhamakattikapavaraṇādivase Thūpārāmavihāramajje Satthu karuṇāguṇadīpakaṃ Bhagavato anusitṭhikarānaṃ kāyakammavacīkammavipphanditavinayanaṃ Vinayapiṭakaṃ pakāsesi, pakāsetvā ca yāvatāyukaṃ tiṭṭhamāno bahūnaṃ vācetvā bahūnaṃ hadaye patiṭṭhāpetvā anupādisesāya nibbānadhātuyā parinibbāyi. Tepi kho Mahāmahindappamukhā tasmīṃ samāgame—

Aṭṭhasaṭṭhi mahātherā, dhuraggāhā samāgatā.
Paccekagaṇino sabbe, Dhammarājassa sāvakā.
Khīṇāsavā vasippattā, tevijjā iddhikovidā.
Uttamatthamabhiññāya, anusāsīṃsu rājino.
Ālokaṃ dassayitvāna, obhāsetvā mahiṃ imaṃ.
Jalivā aggikkhandhāva, nibbāyiṃsu¹ mahesayo.

1. Parinibbiṃsu (Sī, Syā)

Tesaṃ parinibbānato aparabhāge aññepi tesaṃ therānaṃ antevāsikā Tissadattakālasumanadīghasumanādayo ca Mahā-ariṭṭhattherassa antevāsikā antevāsikānaṃ antevāsikā cāti evaṃ pubbe vuttappakārā ācariyaparamparā imaṃ Vinayaṭṭhakam yāvajjatanā ānesuṃ. Tena vuttam—

“Tatīyasaṅgahato pana uddham imam dīpaṃ Mahindādīhi ābhatam, Mahindato uggahetvā kañci kalam Ariṭṭhattherādīhi ābhatam, tato yāvajjatanā tesamyeva antevāsikaparamparabhūtāya ācariyaparamparāya ābhatan”ti.

Kattha paṭiṭṭhanti? Yesam Pālito ca atthato ca anūnaṃ vattati, maṇighaṭe pakkhittatelaṃviva īsakampi na paggharati, evarūpesu adhimattasatigatidhitimantesu lajjīsu kukkuccakesu sikkhākāmesu puggalesu paṭiṭṭhanti veditabbaṃ. Tasmā vinayapaṭiṭṭhāpanattham vinayapariyattiyā ānisaṃsaṃ sallakkhetvā sikkhākāmena bhikkhunā vinayo pariyāpuṇitabbo.

Tatrāyaṃ **vinayapariyattiyā ānisaṃso**, vinayapariyattikusalo hi puggalo sāsane paṭiladdhasaddhānaṃ kulaputtānaṃ mātāpituṭṭhāniyo hoti. Tadāyattā hi nesaṃ pabbajjā upasampadā vattānuvattapaṭipatti ācāragocarakusalatā. Api cassa vinayapariyattim nissāya attano sīlakkhandho sugutto hoti surakkhito, kukkucapakatānaṃ bhikkhūnaṃ paṭisaraṇaṃ hoti, visārado saṃghamajjhe voharati, paccatthike sahadhammena suniggahitaṃ niggaṇhāti, saddhammaṭṭhitiyā paṭipanno hoti. Tenāha Bhagavā “pañcime bhikkhave ānisaṃsā vinayadhare puggale, attano sīlakkhandho sugutto hoti surakkhito -pa- saddhammaṭṭhitiyā paṭipanno hoti”¹.

Ye cāpi saṃvaramūlakā kusalā dhammā vuttā Bhagavatā, vinayadharo puggalo tesaṃ dāyādo, vinayamūlakattā tesaṃ dhammānaṃ. Vuttampi hetam Bhagavatā “vinayo saṃvaratthāya, saṃvaro avippaṭṭisāratthāya, avippaṭṭisāro pāmojjatthāya, pāmojjaṃ pītattthāya, pīti passaddhatthāya, passaddhi sukhatthāya, sukham samādhatthāya, samādhi yathābhūtañāṇadassanattthāya, yathābhūtañāṇadassanaṃ nibbidattthāya, nibbidā virāgatthāya, virāgo

1. Vi 5. 236 piṭṭhe.

vimuttatthāya, vimutti vimuttiññānadassanatthāya, vimuttiññānadassanaṃ
 anupādāparinibbānatthāya, etadatthā kathā, etadatthā mantanā, etadatthā
 upanisā, etadattham sotāvadhānaṃ, yadidaṃ anupādācittassa vimokkho”ti¹.
 Tasmā vinayapariyattiyā āyogo karaṇīyoti.

Ettāvatā ca yā sā Vinayasamvaṇṇanattham mātikā ṭhapitā, tattha—

Vuttaṃ yena yadā yasmā, dhāritaṃ yena cābhatam.

Yatthapattitṭhitañceta, metaṃ vatvā vidhim tatoti—

Imissā tāva gāthāya attho pakāsito. Vinayassa ca bāhiraṇidānavāṇṇanā
 yathādhippāyaṃ samvaṇṇitā hotīti.

Bāhiraṇidānakathā niṭṭhitā.

1. Vi 5. 288 piṭṭhe.

Verañjakaṇḍavaṇṇanā

1. Idāni

Tenāti-ādipāṭhassa, atthaṃ nānappakārato.

Dassayanto karissāmi, vinayassatthavaṇṇananti—

Vuttattā **tena samayena Buddho Bhagavāti**-ādīnaṃ atthavaṇṇanaṃ karissāmi. Seyyathidaṃ, **tenāti** aniyamaniddesavacanaṃ. Tassa sarūpena avuttenapi aparabhāge atthato siddhena yenāti iminā vacanena paṭiniddeso kātabbo, aparabhāge hi vinayapaññattiyācanahetubhūto āyasmato Sāriputtassa parivitakko siddho. Tasmā yena samayena so parivitakko udapādi, tena samayena Buddho Bhagavā Verañjāyaṃ viharatīti evamettha sambandho veditabbo. Ayañhi sabbasmimpi vinaye yutti, yadidaṃ yattha yattha tenāti vuccati, tattha tattha pubbe vā pacchā vā atthato siddhena yenāti iminā vacanena paṭiniddeso kātabboti.

Tatridaṃ mukhamattanidassanaṃ—tena hi bhikkhave bhikkhūnaṃ sikkhāpadaṃ paññapessāmi, yena Sudinno methunaṃ dhammaṃ paṭisevi, yasmā paṭisevi, tasmā paññapessāmīti vuttaṃ hoti. Evaṃ tāva pubbe atthato siddhena yenāti iminā vacanena paṭiniddeso yujjati. Tena samayena Buddho Bhagavā Rājagahe viharati, yena samayena Dhaniyo kumbhakāraputto rañño dārūni adinnaṃ ādiyīti evaṃ pacchā atthato siddhena yenāti iminā vacanena paṭiniddeso yujjatīti vutto tenāti vacanassa attho. **Samayenāti** ettha pana samayasaddo tāva—

Samavāye khaṇe kāle, samūhe hetudiṭṭhisu.

Paṭilābhe pahāne ca, paṭivedhe ca dissati.

Tathā hissa “appeva nāma svepi upasaṅkameyyāma kālañca samayañca upādāyā”¹ti evamādīsu samavāyo attho. “Ekova kho bhikkhave khaṇo ca samayo ca brahmacariyavāsāyā”²ti evamādīsu khaṇo.

1. Dī 1. 188 piṭṭhe.

2. Am 3. 61 piṭṭhe.

“uṇhasamayo pariḷāhasamayo”¹ti evamādīsu kālo. “Mahāsamayo pavanasmīn”²ti evamādīsu samūho. “Samayopi kho te Bhaddāli appaṭividdho ahoṣi, Bhagavā kho Sāvattḥiyaṃ viharati, Bhagavāpi maṃ jānissati ‘Bhaddāli nāma bhikkhu Satthusāsane sikkhāya aparipūrakārī’³ti. Ayampi kho te Bhaddāli samayo appaṭividdho ahoṣi”³ti evamādīsu hetu. “Tena kho pana samayena uggahamāno paribbājako samaṇamuṇḍikāputto samayappavādake tindukācīre ekasālake Mallikāya ārāme paṭivasatī”⁴ti evamādīsu diṭṭhi.

“Diṭṭhe dhamme ca yo attho, yo cattho samparāyiko.
Atthābhisamayā dhīro, paṇḍitoti pavuccatī”⁵—

Evamādīsu paṭilābho. “Sammā mānābhisamayā antamakāsi dukkhassā”⁶ti evamādīsu pahānaṃ. “Dukkhassa pīḷanaṭṭho saṅkhataṭṭho santāpaṭṭho vipariṇāmaṭṭho abhisamayaṭṭho”⁷ti evamādīsu paṭivedho attho. Idha panassa kālo attho. Tasmā yena kālena āyasmato Sāriputtassa vinayapaññattiyācanahetubhūto parivitaṅko udapādi, tena kālenāti evamettha attho daṭṭhabbo.

Etthāha “atha kasmā yathā suttante ‘ekam samayan’¹ti upayogavacanena niddeso kato, abhidhamme ca ‘yasmiṃ samaye kāmāvaccan’²ti bhumavacanena, tathā akatvā idha ‘tena samayenā’³ti karaṇavacanena niddeso kato”⁴ti. Tattha tathā, idha ca aññathā atthasambhavato. Kathaṃ? Suttante tāva accantasamyogattho sambhavati. Yañhi samayaṃ Bhagavā Brahmajālādīni suttantāni desesi, accantameva taṃ samayaṃ karaṇāvihārena vihāsi, tasmā tadatthajotanattham tattha upayoganiddeso kato. Abhidhamme ca adhikaraṇattho bhāvenabhāvalakkhaṇattho ca sambhavati. Adhikaraṇaṃhi kālattho samūhattho ca samayo tattha vuttānaṃ phassādidhammānaṃ khaṇasamavāyahaṭṭhaṅkātassa ca samayassa bhāvena tesam bhāvo lakkhiyati, tasmā tadatthajotanattham tattha bhumavacanena niddeso kato. Idha pana hetu-attho karaṇattho ca sambhavati.

1. Vi 2. 155 piṭṭhe. 2. Dī 2. 201 piṭṭhe. 3. Ma 2. 102 piṭṭhe. 4. Ma 2. 214 piṭṭhe.
5. Sam 1. 90 piṭṭhe. 6. Ma 1. 15 piṭṭhe. 7. Khu 9. 293 Paṭisambhidāmagge.

yo hi so sikkhāpadapaññattisamayo Sāriputtādīhipi dubbhiññeyyo, tena samayena hetubhūtena karaṇabhūtena ca sikkhāpadāni paññāpayanto sikkhāpadapaññattihetuṅca apekkhamāno Bhagavā tattha tattha vihāsi, tasmā tadatthajotanattham idha karaṇavacanena niddeso katoti veditabbo. Hoti cettha—

Upayogena bhummena, taṃ taṃ atthamapekkhiya.

Aññatra samayo vutto, karaṇeneva so idhāti.

Porāṇā pana vaṇṇayanti “ekam samayanti vā ‘yasmim samaye’ ti vā ‘tena samayenā’ ti vā abhilāpamattabhedo esa, sabbattha bhummameva attho” ti. Tasmā tesam laddhiyā “tena samayenā” ti vuttepi “tasmim samaye” ti attho veditabbo.

Buddho Bhagavāti imesam padānam parato attham vaṇṇayissāma. **Verañjāyam viharatīti** ettha pana **Verañjāti** aññatarassa nagarassetam adhivacanam, tassam Verañjāyam, samīpatthe bhummavacanam. **Viharatīti** avisesena iriyāpathadibbrahma-ariyavihāresu aññataravihārasamaṅgīparidīpanametam. Idha pana ṭhānagamananisajjāsayanappabhedesu iriyāpathesu aññatarā-iriyāpathasamāyogaparidīpanam, tena ṭhitopi gacchantopi nisinnopi sayānopi Bhagavā viharaticceva veditabbo. So hi ekam iriyāpathabādhanam aññena iriyāpathena vicchinditvā aparipatantam attabhāvam harati pavatteti, tasmā viharatīti vuccati.

Naḷerupucimandamūleti ettha **Naḷeru** nāma yakkho. **Pucimandoti** Nimbarukkho. **Mūlanti** samīpam, ayañhi mūlasaddo “mūlāni uddhareyya antamaso usīranāḷimattānipī” ti¹ ādisu mūlamūle dissati. “Lobho akusalāmūlan” ti² ādisu asādhāraṇahetumhi. “Yāva majjhanhike kāle chāyā pharati, nivāte paṇṇāni patanti, ettāvātā rukkhamūlan” ti-ādisu samīpe. Idha pana samīpe adhippeto, tasmā Naḷeruyakkhena adhiggahitassa Pucimandassa samīpeti evamettha attho daṭṭhabbo. So kira Pucimando ramaṇīyo pāsādiko anekesam rukkhanam āhippacam viya kurumāno tassa nagarassa avidūre gamanāgamanasampanne ṭhāne ahoṣi.

1. Am 1. 519 piṭṭhe.

2. Dī 3. 180 piṭṭhe.

Atha Bhagavā Verañjaṃ gantvā patirūpe ṭhāne viharanto tassa rukkhassa samīpe heṭṭhābhāge vihāsi. Tena vuttamā **“Verañjāyaṃ viharati Naḷerupucimandamūle”**ti.

Tattha siyā “yadi tāva Bhagavā Verañjāyaṃ viharati, ‘Naḷerupucimandamūle’ti na vattabbaṃ, atha tattha viharati, ‘Verañjāyaṃ’ti na vattabbaṃ, na hi sakkā ubhayattha teneva samayena apubbaṃ acarimaṃ viharitun”ti. Na kho panetaṃ evaṃ daṭṭhabbaṃ, nanu avocumha “samīpatthe bhummavacanan”ti. Tasmā yathā Gaṅgāyamunādīnaṃ samīpe goyūthāni carantāni “gaṅgāya caranti, Yamunāya caranti”ti vuccanti, evamidhāpi yadidaṃ Verañjāyaṃ samīpe Naḷerupucimandamūlaṃ, tattha viharanto vuccati “Verañjāyaṃ viharati Naḷerupucimandamūle”ti. Gocaraḡāmanidassanattamaṃ hissa Verañjāvacaṇaṃ, pabbajitānurūpanivāsanaṭṭhānanidassanattamaṃ Naḷerupucimandamūlavacaṇaṃ.

Tattha Verañjākittanena āyasmā Upālitthero Bhagavato gahaṭṭhānuggahakaraṇaṃ dasseti, Naḷerupucimandamūlakittanena pabbajitānuggahakaraṇaṃ. Tathā purimena paccayaggahaṇato attakilamathānuyogavivajjanaṃ, pacchimena vatthukāmapphānato kāmasukhallikānuyogavivajjanupāyadassanaṃ. Purimena ca dhammadesanābhīyogaṃ, pacchimena vivekādhimuttim. Purimena karuṇāya upagamaṇaṃ, pacchimena paññāya apagamaṇaṃ. Purimena sattānaṃ hitasukhanipphādanādhimuttataṃ, pacchimena parahitasukhakarāṇe nirupalepanaṃ. Purimena dhammikasukhāpariccāganimittaṃ phāsuvihāraṃ, pacchimena uttarimanussadhammānuyoganimittaṃ. Purimena manussānaṃ upakārabahulataṃ, pacchimena devatānaṃ. Purimena loke jātassa loke samvaḍḍhabhāvaṃ, pacchimena lokena anupalittataṃ. Purimena “ekapuggalo bhikkhave loke uppajjamāno uppajjati bahujanahitāya bahujanasukhāya lokānukampāya atthāya hitāya sukhāya devamanussānaṃ. Katamo ekapuggalo, Tathāgato Arahaṃ Sammāsambuddho”ti¹ vacanato yadatthaṃ Bhagavā uppanno, tadatthapariniḡhādanaṃ, pacchimena yattha uppanno, tadanurūpavihāraṃ. Bhagavā hi paṭhamamā Lumbinīvane, dutiyaṃ Bodhimaṇḍeti lokiyalokuttarāya uppattiyā vaneyeva uppanno, tenassa vaneyeva vihāraṃ dassetīti evamādinā nāyenettha atthayojanā veditabbā.

1. Am 1. 21 piṭṭhe.

Mahatā bhikkhusaṅghena saddhinti ettha **mahatā**ti guṇamahattenapi mahatā, saṅkhyāmahattenapi, so hi bhikkhusaṅgho guṇehipi mahā ahoṣi, yasmā yo tattha pacchimako, so sotāpanno. Saṅkhyāyapi mahā, pañcasatasāṅkhyattā. Bhikkhūnaṃ saṅghena **bhikkhusaṅghena**. Diṭṭhi sīla sāmāñña saṅkhātasāṅghātena¹ samaṇagaṇenāti attho. **Saddhinti** ekato. **Pañcamattehi bhikkhusatehī**ti pañca mattā etesanti **pañcamattāni**. Mattāti pamāṇaṃ vuccati, tasmā yathā “bhojane mattaññū”ti vutte bhojane mattam jānāti, pamāṇaṃ jānātīti attho hoti, evamidhāpi tesam bhikkhusatānaṃ pañca mattā pañcappamāṇanti evamattho daṭṭhabbo. Bhikkhūnaṃ satāni **bhikkhusatāni**. Tehi pañcamattehi bhikkhusatehi. Etena yaṃ vuttam mahatā bhikkhusaṅghena saddhinti, ettha tassa mahato bhikkhusaṅghassa saṅkhyāmahattaṃ dassitam hoti. Parato panassa “nirabbudo hi Sāriputta bhikkhusaṅgho nirādīnavo apagatakāḷako suddho sāre patiṭṭhito, imesam hi Sāriputta pañcannaṃ bhikkhusatānaṃ yo pacchimako, so sotāpanno”ti vacanena guṇamahattaṃ āvi bhavissati.

Assosi kho Verañjo brāhmaṇoti assosīti suṇi upalabhi, sotadvārasampattavacananigghosānusārena aññāsī. **Khoti** padapūraṇamatte avadhāraṇatthe vā nipāto. Tattha avadhāraṇatthena assosi eva, nāssa koci savanantarāyo ahoṣīti ayamattho veditabbo. Padapūraṇena pana byañjanasiliṭṭhatāmattameva. Verañjāyaṃ jāto, Verañjāyaṃ bhavo, Verañjā vā assa nivāsoti **Verañjo**. Mātāpitūhi katanāmasena panāyaṃ “Udayo”ti vuccati. Brahmaṃ aṇatīti **brāhmaṇo**, mante sajjhāyatīti attho. Idameva hi jātibrahmaṇānaṃ niruttivacanaṃ. Ariyā pana bāhitapāpattā brāhmaṇāti vuccanti.

Idāni yamattham Verañjo brāhmaṇo assosi, tam pakāsento “**samaṇo khalu bho Gotamo**”ti-ādimāha. Tattha samitapāpattā “**samaṇo**”ti veditabbo. Vuttañhetam “bāhitapāpoti brāhmaṇo²,

1. Saṅkhātasāṅkhātena (Dī-Ṭṭha 1. 36 piṭṭhe)

2. Khu 1. 69 piṭṭhe.

samitapāpattā ‘samaṇo’ti vuccatī’ti¹. Bhagavā ca anuttarena ariyamaggena samitapāpo, tenassa yathābhuccaguṇādhigatametam nāmaṃ yadidaṃ samaṇoti. **Khalū**ti anussavanatthe nipāto. **Bhoti** brāhmaṇajātikānaṃ jātisamudāgataṃ ālapanamattaṃ. Vuttampi hetam—

“Bhovādī nāma so hoti, sace hoti sakiñcano”ti².

Gotamoti Bhagavantam gottavasena parikitteti, tasmā samaṇo khalu bho Gotamoti ettha samaṇo kira bho Gotamagottoti evamattho daṭṭhabbo. **Sakyaputtoti** idam pana Bhagavato uccākulaparidīpanam. **Sakyakulā pabbajitoti** saddhāpabbajitabhāvaparidīpanam, kenaci pārijuñṇena anabhibhūto aparikkhīṇamyeva tam kulaṃ pahāya saddhāya pabbajitoti vuttam hoti. Tato param vuttatthameva. **Tam kho panāti** itthambhūtākhyānatthe upayogavacanam, tassa kho pana bhoto Gotamassāti attho. **Kalyāṇoti** kalyāṇaguṇasamannāgato, seṭṭhoti vuttam hoti. **Kittisaddoti** kitti eva, thutighoso vā.

Itipi so Bhagavāti-ādīsu pana ayaṃ tāva yojanā, so Bhagavā itipi Araham, itipi Samāsambuddho -pa- itipi Bhagavāti, iminā ca iminā ca kāraṇenāti vuttam hoti.

Idāni vinayadharānaṃ suttantanayakosallattham Vinayasamvaṇṇanārambhe Buddhaguṇapaṭisamyuttāya dhammiyā kathāya cittasampahaṃsanatthañca etesaṃ vadānaṃ vitthāranayena vaṇṇanaṃ karissāmi, tasmā yaṃ vuttam so Bhagavā itipi Arahanti-ādi. Tattha ārakattā, arīnaṃ arānañca hatattā, paccayādīnaṃ arahattā, pāpakaraṇe rahābhāvāti imehi tāva kāraṇehi so Bhagavā Arahanti veditabbo. Ārakā hi so sabbakilesehi suvidūravidūre ṭhito, maggena savāsanānaṃ kilesānaṃ viddhaṃsitattāti ārakattā **Araham**. Te cānena kilesārayo maggena hatāti arīnaṃ hatattāpi **Araham**. Yañcetam avijjābhavataṇhāmayanābhi puññādi-abhisankhārāraṃ jarāmarañanemi āsavasamudayamayena akkhena vijjhitvā tibhavarathe samāyojitam anādikālappavattam sāmsāracakkam, tassānena

1. Khu 1. 51 piṭṭhe.

2. Khu 1. 70, 376 piṭṭhesu.

Bodhimaṇḍe vīriyapādehi silapathaviyaṃ paṭiṭṭhāya saddhāhatthena kammakkhayakaraṃ nāṇapharasuṃ gahetvā sabbe arā hatāti arānaṃ hatattāpi **Arahaṃ**.

Atha vā saṃsāracakkanti anamataggasaṃsāravaṭṭaṃ vuccati, tassa ca avijjā nābhi, mūlattā, jarāmarāṇaṃ nemi, pariyoṣānattā, sesā dasa dhammā arā, avijjāmūlakattā jarāmarāṇapariyantattā ca. Tattha dukkhādīsu aññāṇaṃ avijjā, kāmabhava ca avijjā kāmabhava saṅkhārānaṃ paccayo hoti, rūpabhava avijjā rūpabhava saṅkhārānaṃ paccayo hoti, arūpabhava avijjā arūpabhava saṅkhārānaṃ paccayo hoti. Kāmabhava saṅkhārā kāmabhava paṭisandhiviññāṇassa paccayā honti. Esa nayo itaresu. Kāmabhava paṭisandhiviññāṇaṃ kāmabhava nāmarūpassa paccayo hoti, tathā rūpabhava. Arūpabhava nāmasseva paccayo hoti. Kāmabhava nāmarūpaṃ kāmabhava saḷāyatanassa paccayo hoti, rūpabhava nāmarūpaṃ rūpabhava tiṇṇaṃ āyatanānaṃ paccayo hoti, arūpabhava nāmaṃ arūpabhava ekassāyatanassa paccayo hoti. Kāmabhava saḷāyatanānaṃ kāmabhava chabbidhassa phassassa paccayo hoti, rūpabhava tiṇi āyatanāni rūpabhava tiṇṇaṃ phassānaṃ, arūpabhava ekamāyatanānaṃ arūpabhava ekassa phassassa paccayo hoti. Kāmabhava cha phassā kāmabhava channaṃ vedanānaṃ paccayā honti, rūpabhava tayo tattheva tissannaṃ, arūpabhava eko tattheva ekissā vedanāya paccayo hoti. Kāmabhava cha vedanā kāmabhava channaṃ taṇhākāyānaṃ paccayā honti, rūpabhava tisso tattheva tiṇṇaṃ, arūpabhava ekā vedanā arūpabhava ekassa taṇhākāyassa paccayo hoti. Tattha tattha sā sā taṇhā tassa tassa upādānassa paccayo, upādānādayo bhavādīnaṃ.

Kathaṃ? Idhekacco “kāme paribhuñjissāmi”ti kāmupādānapaccayā kāyena duccharitaṃ carati, vācāya. Manasā duccharitaṃ carati, duccharitapāripūriyā apāye upapajjati. Tatthassa upapattihetubhūtaṃ kammaṃ kammabhavo, kammanibbattā khandhā upapattibhavo, khandhānaṃ nibbatti jāti, paripāko jarā, bhedo marāṇaṃ.

Aparo “saggasampattiṃ anubhavissāmi”ti tatheva sucaritaṃ carati, sucaritaṃ paripūriyā sagge upapajjati. Tatthassa upapattihetubhūtaṃ kammaṃ kammabhavoti so eva nayo.

Aparo pana “brahmalokasampattiṃ anubhavissāmi”ti kāmupādānapaccayā eva mettaṃ bhāveti, karuṇaṃ. Muditaṃ. Upekkhaṃ bhāveti, bhāvanāparipūriyā brahmaloke nibbattati. Tatthassa nibbattihetubhūtaṃ kammaṃ kammabhavoti so eva nayo.

Aparo “arūpabhavasampattiṃ anubhavissāmi”ti tatheva ākāśānañcāyatanādisamāpattiyo bhāveti, bhāvanāparipūriyā tattha nibbattati. Tatthassa nibbattihetubhūtaṃ kammaṃ kammabhavo, kammanibbattā khandhā upapattibhavo, khandhānaṃ nibbatti jāti, paripāko jarā, bhedo maraṇanti. Esa nayo sesupādānamūlikāsupi yojanāsu.

Evam “ayaṃ avijjā hetu, saṅkhārā hetusamuppannā, ubhopete hetusamuppannāti paccayapariggahe paññā dhammaṭṭhitiñānaṃ. Atītampi addhānaṃ. Anāgatampi addhānaṃ avijjā hetu, saṅkhārā hetusamuppannā, ubhopete hetusamuppannāti paccayapariggahe paññā dhammaṭṭhitiñānaṃ”ti etena nayena sabbapadāni vitthāretabbāni. Tattha avijjā saṅkhārā eko saṅkhepo, viññāṇanāmarūpasalāyatanaphassavedanā eko, taṇhupādānabhavā eko, jātijarā maraṇaṃ eko. Purimasāṅkhepo cettha atīto addhā, dve majjhimā paccuppanno, jātijarāmarāṇaṃ anāgato. Avijjāsāṅkhārāggahaṇena cettha taṇhupādānabhavā gahitāva hontīti ime pañca dhammā atīte kammavaṭṭaṃ, viññāṇādayo pañca dhammā etarahi vipākavaṭṭaṃ, taṇhupādānabhavāggahaṇena avijjāsāṅkhārā gahitāva hontīti ime pañca dhammā etarahi kammavaṭṭaṃ, jātijarāmarāṇāpadesena viññāṇādīnaṃ niddiṭṭhattā ime pañca dhammā āyatim vipākavaṭṭaṃ. Te ākāro vīsatividhā hontī. Saṅkhāraviññāṇānañcetta antarā eko sandhi, vedanātaṇhānamantarā eko, bhavajātinamantarā eko. Iti Bhagavā evaṃ catusāṅkhepaṃ tiyaddham vīsatakāraṃ tisandhim paṭiccasamuppādam sabbākārato jānāti passati aññāti paṭivijjhati, taṃ nātaṭṭhena ñānaṃ, pajānanaṭṭhena paññā, tena vuccati paccayapariggahe paññā dhammaṭṭhitiñānanti. Iminā dhammaṭṭhitiñānena Bhagavā te dhamme yathābhūtaṃ ñatvā

tesu nibbindanto virajjanto vimuccanto vuttappakārassa imassa
samsāracakkassa are hani vihani viddhamsesi, evampi **arānaṃ hatattā
Arahaṃ.**

Aggadakkhiṇeyyattā ca cīvarādipaccaye arahati pūjāvīsesaṅca, teneva
ca uppanne Tathāgate ye keci mahesakkhā devamanussā, na te aññattha
pūjaṃ karonti. Tathā hi brahmā Sahampati Sinerumattena ratanadāmena
Tathāgataṃ pūjesi, yathābalaṅca aññepi devā manussā ca
Bimbisāraḥkosalarājādayo parinibbutampi ca Bhagavantaṃ uddissa
channavutikoṭidhanaṃ visajjetvā Asokamahārājā sakalajambudīpe
caturāsītivihārasahassāni paṭiṭṭhāpesi, ko pana vādo aññesaṃ
pūjāvīsesānanti. Evaṃ **paccayādīnaṃ arahattāpi Arahaṃ.** Yathā ca loke keci
paṇḍitamānino bālā asilokabhayena raho pāpaṃ karonti, evamesa na kadāci
karotīti **pāpakaraṇe rahābhāvatopi Arahaṃ.** Hoti cettā—

Ārakattā hatattā ca, kilesārīna so Muni.

Hatasamsāracakkāro, paccayādīna cāraho.

Na raho karoti pāpāni, Arahaṃ tena vuccatīti.

Sammā sāmaṅca sabbadhammānaṃ buddhattā pana **Sammāsambuddho.**
Tathā hesa sabbadhamme sammā sāmaṅca buddho, abhiññeyye dhamme
abhiññeyyato buddho, pariññeyye dhamme pariññeyyato, pahātabbe
dhamme pahātabbato, sacchikātabbe dhamme sacchikātabbato, bhāvetabbe
dhamme bhāvetabbato. Teneva cāha—

Abhiññeyyaṃ abhiññātaṃ, bhāvetabbaṅca bhāvitaṃ.

Pahātabbaṃ pahīnaṃ me, tasmā Buddhosmi brāhmaṇāti¹.

Apica cakkhu dukkhasaccaṃ, tassa mūlakāraṇabhāvena
taṃsamuṭṭhāpikā purimataṅhā samudayasaccaṃ, ubhinnāṃ appavatti
nirodhasaccaṃ, nirodhappajānanā paṭipadā maggasaccanti evaṃ
ekekapaduddhārenāpi sabbadhamme sammā sāmaṅca buddho. Esa nayo sota
ghāna jivhā kāyamanesupi. Eteneva nayena rūpādīni cha āyatanāni,
cakkhuviññāṇādayo cha viññāṇakāyā, cakkhusamphassādayo cha phassā,
cakkhusamphassājādayo cha vedanā, rūpasaññādayo cha saññā,
rūpasañcetanādayo cha cetanā, rūpataṅhādayo

1. Ma 2. 352; Khu 1. 368 piṭṭhesu.

cha taṇhākāyā, rūpavitakkādayo cha vitakkā, rūpavicārādayo cha vicārā, rūpakkkhandhādayo pañcakkhandhā, dasa kasiṇāni, dasa anussatiyo, uddhumātakasaññādivasena dasa saññā, kesādayo dvattimsākārā, dvādasāyatanāni, aṭṭhārasa dhātuyo, kāmabhavādayo nava bhavā, paṭhamādīni cattāri jhānāni, mettābhāvanādayo catasso appamaññā, catasso arūpasamāpattiyo, paṭilomato jarāmaraññādīni anulomato avijjādīni paṭiccasamuppādaṅgāni ca yojetabbāni.

Tatrāyaṃ ekapadayo janā—“jarāmaraññaṃ dukkhasaccaṃ, jāti samudayasaccaṃ, ubhinnaṃpi nissaraṇaṃ nirodhasaccaṃ, nirodhappajānanā paṭipadā maggasaccaṃ”ti evaṃ ekekapaduddhārena sabbadhamme sammā sāmañca buddho anubuddho paṭividdho. Tena vuttaṃ **sammā sāmañca sabbadhammānaṃ buddhattā pana Sammāsambuddhoti.**

Vijjāhi pana caraṇena ca sampannattā **Vijjācaraṇasampanno**, tattha vijjāti tissopi vijjā aṭṭhapi vijjā. Tisso vijjā Bhayabheravasutte¹ vuttanayeneva veditabbā, aṭṭha vijjā Ambaṭṭhasutte². Tatra hi vipassanāññāna manomayiddhiyā ca saha cha abhiññā pariggahetvā aṭṭha vijjā vuttā. **Caraṇanti** sīlasamvaro indriyesu guttadvāratā bhोजane mattaññutā jāgariyānuyogo satta saddhammā cattāri rūpāvacaṛajjhānānīti ime pannarasa dhammā veditabbā. Imeyeva hi pannarasa dhammā, yasmā etehi carati ariyasāvako gacchati amataṃ disaṃ, tasmā caraṇanti vuttā. Yathāha “idha Mahānāma ariyasāvako sīlavā hoti”³tivittāro³. Bhagavā imāhi vijjāhi iminā ca caraṇena samannāgato, tena vuccati Vijjācaraṇasampannoti. Tattha vijjāsampadā Bhagavato sabbaññutaṃ pūretvā ṭhitā, caraṇasampadā mahākāruṇikatāṃ. So sabbaññutāya sabbasattānaṃ atthānatthaṃ ṇatvā mahākāruṇikatāya anattaṃ parivajjetvā atthe niyojeti, yathā taṃ Vijjācaraṇasampanno. Tenassa sāvakā suppaṭipannā honti, no duppaṭipannā, vijjācaraṇavipannānañhi sāvakā attantapādayo viya.

Sobhanagamanattā, sundaraṃ ṭhānaṃ gatattā, sammāgatattā, sammā ca gadattā **Sugato**. Gamanampi hi gatanti vuccati. Tañca Bhagavato sobhanaṃ

1. Ma 1. 26 piṭṭhe.

2. Dī 1. 94 piṭṭhe.

3. Ma 2. 17 piṭṭhe.

parisuddhamanavajjam. Kim pana tanti? Ariyamaggo. Tena hesa gamanena khemaṃ disaṃ asajjamāno gatoti **sobhanagamanattā Sugato**. Sundarañcesa ṭhānaṃ gato amataṃ nibbānanti **sundaram ṭhānaṃ gatattāpi Sugato**. Sammā ca gato, tena tena maggena pahīne, kilese puna apaccāgacchanto.

Vuttañcetam “sotāpattimaggena ye kilesā pahīnā, te kilese na puneti na pacceti na paccāgacchatīti Sugato -pa- arahattamaggena ye kilesā pahīnā, te kilese na puneti na pacceti na paccāgacchatīti Sugato”¹. Sammā vā āgato, Dīpaṅkarapādamūlato pabhuti yāva Bodhimaṇḍo², tāva samatimsapārapūritāya sammāpaṭipattiyā sabbalokassa hitasukhameva karonto sassataṃ ucchedaṃ kāmasukhaṃ attakilamathanti ime ca ante anupagacchanto āgatoti **sammāgatattāpi Sugato**. Sammā cesa gadati, yuttaṭṭhāne yuttameva vācaṃ bhāsati **sammā gadattāpi Sugato**.

Tatridaṃ sādhakasuttaṃ—yaṃ Tathāgato vācaṃ jānāti abhūtaṃ atacchaṃ anattasamhitam, sā ca paresaṃ appiyā amanāpā, na taṃ Tathāgato vācaṃ bhāsati. Yampi Tathāgato vācaṃ jānāti bhūtaṃ tacchaṃ anattasamhitam, sā ca paresaṃ appiyā amanāpā, tampi Tathāgato vācaṃ na bhāsati. Yañca kho Tathāgato vācaṃ jānāti bhūtaṃ tacchaṃ atthasamhitam, sā ca paresaṃ appiyā amanāpā, tatra kālaññū Tathāgato hoti tassā vācāya veyyākaraṇāya. Yaṃ Tathāgato vācaṃ jānāti abhūtaṃ atacchaṃ anattasamhitam, sā ca paresaṃ piyā manāpā, na taṃ Tathāgato vācaṃ bhāsati. Yampi Tathāgato vācaṃ jānāti bhūtaṃ tacchaṃ anattasamhitam, sā ca paresaṃ piyā manāpā, tampi Tathāgato vācaṃ na bhāsati. Yañca kho Tathāgato vācaṃ jānāti bhūtaṃ tacchaṃ atthasamhitam, sā ca paresaṃ piyā manāpā tatra kālaññū Tathāgato hoti tassā vācāya veyyākaraṇāyati³. Evaṃ **sammā gadattāpi Sugatoti** veditabbo.

Sabbathā viditalokattā pana **Lokavidū**, so hi Bhagavā sabhāvato samudayato nirodhato nirodhūpāyatoti sabbathā lokaṃ avedi aññāsi paṭivijjhi. Yathāha—yattha kho āvuso na jāyati na jīyati na mīyati na cavati na upapajjati, nāhaṃ taṃ gamanena

1. Khu 7. 88 piṭṭhe.

2. Bodhimaṇḍā (sabbattha)

3. Ma 2. 57 piṭṭhe.

lokassa antaṃ ñāteyyaṃ daṭṭheyyaṃ patteyyanti vadāmi. Na cāhaṃ āvuso appatvāva lokassa antaṃ dukkhassa antakiriyaṃ vadāmi. Api cāhaṃ āvuso imasmiṃyeva byāmamatte kaḷevare sasaññimhi samanake lokañca paññapemi lokasamudayañca lokanirodhañca lokanirodhagāminiñca paṭipadaṃ.

Gamanena na pattabbo, lokassanto kudācanaṃ.

Na ca appatvā lokantaṃ, dukkhā atthi pamocanaṃ.

Tasmā have Lokavidū sumedho,

Lokantagū vusitabrahmacariyo.

Lokassa antaṃ samitāvi ñatvā,

Nāsīsati lokamimaṃ parañcā”ti¹.

Api ca tayo lokā saṅkhāraloko sattaloko okāsalokoti. Tattha “eko loko sabbe sattā āhāraṭṭhitikā”ti² āgataṭṭhāne saṅkhāraloko veditabbo. “Sassato lokoti vā asassato lokoti vā”ti³ āgataṭṭhāne sattaloko.

“Yāvatā candimasūriyā, pariharanti disā bhanti virocana.

Tāva sahasadhā loko, ettha te vattatī vaso”ti⁴—

āgataṭṭhāne okāsaloko. Tampi Bhagavā sabbathā avedi. Tathā hissa “eko loko sabbe sattā āhāraṭṭhitikā. Dve lokā nāmañca rūpañca. Tayo lokā tisso vedanā. Cattāro lokā cattāro āhārā. Pañca lokā pañcupādānakkhandhā. Cha lokā cha ajjhāttikāni āyatanāni. Satta lokā satta viññāṇaṭṭhitiyo. Aṭṭha lokā aṭṭha lokadhammā. Nava lokā nava sattāvāsā. Dasa lokā dasāyatanāni. Dvādasa lokā dvādasāyatanāni. Aṭṭhārasa lokā aṭṭhārasa dhātuyo”ti⁵ ayaṃ saṅkhāralokopi sabbathā vidito.

1. Am̐ 1. 357; Sam̐ 1. 61 piṭṭhesu.

3. Dī 1. 175 piṭṭhādīsu.

5. Khu 9. 117 Paṭisambhidāmagge.

2. Khu 9. 117 Paṭisambhidāmagge.

4. Ma 1. 404 piṭṭhe.

Yasmā panesa sabbesampi sattānaṃ āsayam jānāti, anusayam jānāti, caritam jānāti, adhimuttim jānāti, apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye bhabbe abhabbe satte jānāti, tasmāssa sattalokopi sabbathā vidito. Yathā ca sattaloko, evam okāsalokopi. Tathā hesa ekaṃ cakkavāḷam āyāmato ca vitthārato ca yojanānaṃ dvādasa sataśassāni tīṇi saśassāni cattāri satāni paññāsaṅca yojanāni. Parikkhepatō—

Sabbam sataśassāni, chattimsa parimaṇḍalam.
Dasañceva saśassāni, aḍḍhuḍḍhāni satāni ca.

Tattha—

Duve sataśassāni, cattāri nahutāni ca.
Ettakam bahalattena, saṅkhātāyam vasundharā.

Tassā eva sandhārakam—

Cattāri sataśassāni, aṭṭheva nahutāni ca.
Ettakam bahalattena, jalam vāte patiṭṭhitam.

Tassāpi sandhārako—

Navasataśassāni, māluto nabhamuggato.
Saṭṭhi ceva saśassāni, esā lokassa saṅṭhiti.

Evam saṅṭhite cettha yojanānaṃ—

Caturāsīti saśassāni, ajjhogāḷho mahaṇṇave.
Accuggato tāvadeva, Sinerupabbatuttamo.
Tato upaḍḍhupaḍḍhena, pamāṇena yathākkamaṃ.
Ajjhogāḷhuggatā dibbā, nānāratanaśittitā¹.
Yugandharo Īsatharo, Karavīko Sudassano.
Nemindharo Vinatako, Assakaṇṇo giri brahā.
Ete satta mahāselā, Sinerussa samantato.
Mahārājānamāvāsā, devayakkhanisevitā.

1. Nānāratanaśittitā (Ka)

Yojanānaṃ satānucco, Himavā pañca pabbato.
 Yojanānaṃ sahasāni, tīṇi āyatavittthato.
 Caturāsītisahasēhi, kūṭhehi paṭimaṇḍito.
 Tipañcayojanakkhandha, parikkhepā nagavhayā.
 Paññāsa yojanakkhandha, sākhyāmā samantato.
 Satayojanavittthiṇṇā, tāvadeva ca uggaṭā.
 Jambū yassānubhāvena, Jambudīpo pakāsito.
 Dve asīti sahasāni, ajjhogāḷho mahaṇṇave.
 Accuggato tāvadeva, cakkavāḷasiluccayo.
 Parikkhipitvā taṃ sabbaṃ, lokadhātumayaṃ t̥hito.

Tattha candamaṇḍalam ekūnapaññāsajoyanam, sūriyamaṇḍalam
 paññāsajoyanam, Tāvatiṃsabhavanam dasasahasajoyanam. Tathā
 Asurabhavanam Avīcimahānirayo Jambudīpo ca. Aparagoyānam
 sattasahasajoyanam. Tathā pubbavideho. Uttarakuru aṭṭhasahasajoyano.
 Ekameko cettha mahādīpo pañcasatapañcasataparittadīpaparivāro, taṃ
 sabbampi ekaṃ cakkavāḷam ekā lokadhātu, tadantaresu Lokantarikanirayā.
 Evaṃ anantāni cakkavāḷāni anantā lokadhātuyo Bhagavā anantena
 Buddhaññena avedi aññāsi paṭivijji. Evamassa okāsalokopi sabbathā
 vidito. Evampi **sabbathā viditalokattā Lokavidū.**

Attano pana guṇehi visiṭṭhatarassa kassaci abhāvā natthi etassa uttaroti
Anuttaro. Tathā hesa sīlaguṇenāpi sabbaṃ lokamabhibhavati, samādhi -pa-
 paññā. Vimutti. Vimuttiññadassanaguṇenāpi. Sīlaguṇenāpi asamo
 asamasamo appaṭimo appaṭibhāgo appaṭipuggalo -pa-
 Vimuttiññadassanaguṇenāpi. Yathāha—na kho panāham bhikkhave
 samanupassāmi¹ sadevake loke samārake -pa- sadevamanussāya attanā
 sīlasampannataranti vitthāro.

1. Na kho panāham passāmi (Saṃ 1. 141; Aṃ 1. 328 piṭṭhesu.)

Evam Aggappasādasuttādīni¹ “na me ācariyo atthī”ti-ādikā gāthāyo² ca vitthāretabbā.

Purisadamme sāretīti **Purisadammasārathi**, dameti vinetīti vuttam hoti. Tatha **purisadammā**ti adantā dametum yuttā tiracchānapurisāpi manussapurisāpi amanussapurisāpi. Tathā hi Bhagavatā tiracchānapurisāpi Apalāḷo nāgarājā Cūḷodaro Mahodaro Aggisikho Dhūmasikho Dhanapālako hatthīti evamādayo damitā nibbisā katā saraṇesu ca sīlesu ca patiṭṭhāpitā, manussapurisāpi Saccaka Nigaṇṭhaputta Ambaṭṭhamāṇavaka Pokkharasāti Soṇadaṇḍa Kūṭadantādayo. Amanussapurisāpi Āḷavaka Sūciloma Kharaloma yakkha Sakkadevarājādayo damitā vinītā vicitrehi vinayanūpāyehi. “Aham kho kesi purisadammaṃ saṇhenapi vinemi, pharusenapi vinemi, saṇhapharusenapi vinemi”ti idaṅcetha suttam³ vitthāretabbam. Atha vā visuddhasīlādīnam paṭhamajjhānādīni sotāpannādīnaṅca uttarimaggapaṭipadam ācikkhanto dantepi dametiyeva.

Atha vā anuttaro purisadammasārathīti ekamevidam atthapadam. Bhagavā hi tathā purisadamme sāreti, yathā ekapallaṅkeneva nisinnā aṭṭha disā asajjamānā dhāvanti, tasmā “anuttaro purisadammasārathī”ti vuccati. “Hatthidamakena bhikkhave hatthidammo sārīto ekamīyeva disam dhāvati”ti idaṅcetha suttam⁴ vitthāretabbam.

Diṭṭhadhammikasamparāyikaparamatthehi yathārahaṃ anusāsati **Satthā**. Apica satthā viyāti Satthā, Bhagavā satthavāho. “Yathā satthavāho satthe kantāram tāreti, corakantāram tāreti, vāḷakantāram tāreti, dubbhikkhakantāram tāreti, nirudakakantāram tāreti uttāreti nittāreti patāreti khemantabhumim sampāpeti, evameva Bhagavā Satthā satthavāho satte kantāram tāreti jātikantāram tāreti”ti-ādīnā⁵ niddesanayenapettha attho veditabbo.

1. Am 1. 343; Khu 1. 254 piṭṭhesu.

2. Ma 1. 227; Vi 3. 12 piṭṭhesu.

3. Am 1. 427 piṭṭhe.

4. Ma 3. 264 piṭṭhe.

5. Khu 7. 353 Mahāniddese.

Devamanussānanti devānañca manussānañca,
 ukkaṭṭhaparicchedavasenetam vuttam bhaddapuggalaparicchedavasena ca.
 Bhagavā pana tiracchānagatānampi anusāsanippadānena satthāyeva. Tepi hi
 Bhagavato dhammasavanena upanissayasampattim patvā tāya eva
 upanissayasampattiyā dutiye tatiye vā attabhāve maggaphalabhāgino honti.
 Maṇḍūkadevaputtādayo cettha nidassanam. Bhagavati kira Gaggarāya
 pokkharāṇiyā tīre Campānagaravāsīnam dhammam desayamāne eko
 maṇḍūko Bhagavato sare nimittam aggahesi, tam eko vacchapālako
 daṇḍamolubbha tiṭṭhanto tassa sīse sannirumbhitvā aṭṭhāsi. So tāvadeva
 kālam katvā Tāvatisabhavane dvādasayojanike kanakavimāne nibbatti,
 suttappabuddho viya ca tattha accharāsaṅghaparivutam attānam disvā “are
 ahampi nāma idha nibbattosmi, kim nu kho kammam akāsin”ti āvajjento na
 aññam kiñci addasa aññatra Bhagavato sare nimittaggāhā, so tāvadeva saha
 vimānena āgantvā Bhagavato pāde sirasā vandi. Bhagavā jānantova
 pucchi—

“Ko me vandati pādāni, iddhiyā yasasā jalam.
 Abhikkantena vaṇṇena, sabbā obhāsayaṃ disā”ti.

Maṇḍūkohaṃ pure āsim, uduke vārigocaro.
 Tava Dhammam suṇantassa, avadhi vacchapālakoti¹.

Bhagavā tassa dhammam desesi, desanāvasāne caturāsītiyā
 pāṇasahassānam dhammābhisamayo ahosi, devaputtopi sotāpattiphale
 patiṭṭhāya sitam katvā pakkāmīti.

Yaṃ pana kiñci atthi ñeyyam nāma, tassa sabbassa buddhattā
 vimokkhantikañāṇavasena **Buddho**. Yasmā vā cattāri saccāni attanāpi bujji,
 aññepi satte bodhesi, tasmā evamādīhipi kāraṇehi Buddho. Imassa cattassa
 viññāpanattham “bujjhitā saccānīti Buddho, bodhetā pajāyāti Buddho”ti
 evam pavatto sabbopi Niddesanayo² Paṭisambhidānayo vā³ vitthāretabbo.

Bhagavāti idam panassa guṇavisiṭṭhasattuttamagarugāravādhivacanam.
 Tenāhu porāṇā—

1. Khu 2. 73 piṭṭhe.

2. Khu 7. 363 piṭṭhe.

3. Khu 9. 172 piṭṭhe.

“Bhagavāti vacanaṃ seṭṭhaṃ, Bhagavāti vacanamuttamaṃ.
Guru gāravayutto so, Bhagavā tena vuccatī”ti.

Catubbidhaṃ hi nāmaṃ āvatthikaṃ liṅgikaṃ nemittikaṃ
adhiccasamuppananti. Adhiccāsamuppannaṃ nāma lokiyavohārena
“yadicchakaṃ”ti vuttaṃ hoti. Tattha vaccho dammo balibaddoti evamādi
āvatthikaṃ, daṇḍī chattī sikhī karīti evamādi liṅgikaṃ, tevijjo chaḷabhiññoti
evamādi nemittikaṃ, sirivaḍḍhako dhanavaḍḍhakoti evamādi
vacanaṭṭhamaṇapekkhitvā pavattaṃ adhiccasamuppannaṃ. Idaṃ pana
Bhagavāti nāmaṃ nemittikaṃ, na Mahāmāyāya, na Suddhodanaṃ mahārājena
na asītiyā nāti sahasehi kataṃ, na sakkasantusitādīhi devatāvisesehi.
Vuttañhetam Dhammasenāpatinā “Bhagavāti netam nāmaṃ mātarā kataṃ
-pa- vimokkhantikametaṃ Buddhānaṃ Bhagavantaṇaṃ bodhiyā mūle saha
sabbaññutaññāṇassa paṭilābhā sacchikāpaññatti yadidaṃ Bhagavā”ti¹.

Yaṃguṇanemittikañcetaṃ nāmaṃ, tesam guṇānaṃ pakāsanattham
imaṃ gātham vadanti—

“Bhagī bhajī bhāgī vibhattavā iti,
Akāsi bhagganti garūti bhāgyavā.
Bahūhi ñāyehi subhāvitattano,
Bhavantago so Bhagavāti vuccatī”ti.

Niddese¹ vuttanayeneva cettha tesam tesam padānamattho daṭṭhabbo.

Ayaṃ pana aparo nayo—

Bhāgyavā² bhaggavā yutto, bhagehi ca vibhattavā.
Bhattavā vantagamano, bhavesu Bhagavā tatoti.

Tattha vaṇṇāgamo vaṇṇavipariyayoti etaṃ niruttillakkhaṇaṃ gahetvā
saddanayena vā pisodarādipakkhepalakkhaṇaṃ gahetvā yasmā
lokiyalokuttarasukhābhiniḃbattakaṃ dānasīlāni pārappattaṃ bhāgyamassa³
atthi, tasmā bhāgyavā²ti vattabbe Bhagavāti vuccatīti ñātabbaṃ. Yasmā
pana lobha dosamoha viparītamanasikāra ahirikānottappa kodhūpanāha
makkhapaḷāsa-issāmacchariyamāyāsāṭṭheyyathambhasārambhamānātimāna
madapamāda

1. Khu 7. 162 piṭṭhādīsu.

2. Bhāgyavā (Ka)

3. Bhāgyamassa (Ka)

taṇhāvijjā tividhākusalamūla duccarita saṅkilesa mala visamasāññā
 vitakkapapañca catubbidha vipariyesa āsava gantha ogha yogāgati
 taṇhuppādūpādānapañcacetokhīla vinibandha nīvaraṇābhinandana cha
 vivādamūla taṇhākāya sattānusaya-aṭṭhamicchatta nava taṇhāmūlaka
 dasākusalakammapatha dvāsaṭṭhi diṭṭhigata-aṭṭhasatataṇhāvicaritappabheda
 sabbadaratha pariṇāhakilesasatasahassāni, saṅkhepato vā pañca kilesa-
 abhisāṅkhārakhandhamaccudevaputtamāre abhañji, tasmā **bhaggattā etesaṃ
 parissayānaṃ bhaggavāti** vattabbe **Bhagavāti** vuccati. Āha cettha—

“Bhaggarāgo bhaggadoso, bhaggamoho anāsavo.

Bhaggāssa pāpakā dhammā, Bhagavā tena vuccati”ti.

Bhāgyavantatāya cassa satapuññajalakkhaṇadharassa rūpakāyasampatti
 dīpitā hoti, bhaggadosatāya dhammakāyasampatti. Tathā
 lokiyaparikkhānaṃ bahumatabhāvo, gahaṭṭhapabbajitehi abhigamanīyatā,
 abhigatānañca nesaṃ kāyacittadukkhāpanayane paṭibalabhāvo.
 Āmisadānadhammadānehi upakāritā. Lokiyalokuttarasukhehi ca
 sampayojanasamatthatā dīpitā hoti.

Yasmā ca loke issariyadhammayasasirikāmapayattesu chasu dhammesu
 bhagasaddo vattati. Paramaṅcassa sakacitte issariyaṃ, aṇimā laghimādikaṃ
 vā lokiyasammataṃ sabbākāraparipūraṃ atthi, tathā lokuttaro dhammo,
 lokattayabyāpako yathābhuccaguṇādhigato ativiya parisuddho yaso,
 rūpakāyadassanabyāvaṭajana nayanappasādajananasamatthā
 sabbākāraparipūrā sabbaṅgapaccaṅgasirī, yaṃ yaṃ etena icchitaṃ patthitaṃ
 attahitaṃ parahitaṃ vā, tassa tassa tatheva abhinipphannattā
 icchiticchitatthanipphattisaññito kāmo, sabbalokagarubhāvappattihetubhūto
 sammāvāyāmasaṅkhāto payatto ca atthi, tasmā imehi bhagehi yuttattāpi
bhagā assa santīti iminā atthena “Bhagavā”ti vuccati.

Yasmā pana kusalādīhi bhedehi sabbadhamme,
 khandhāyatanadhātusacca-indriyapaṭiccasamuppādādīhi vā kusalādidhamme,
 pīḷanasāṅkhatasantāpavipariṇāmaṭṭhena vā dukkhamariyasaccaṃ,
 āyūhananidānasamyoga palibodhaṭṭhena samudayaṃ,

nissaraṇavivekāsāṅkhata-amataṭṭhena nirodham,
niyyānāhetudassanādhipeyyaṭṭhena maggaṃ vibhattavā, vibhajitvā
vivaritvā desitavāti vuttaṃ hoti, tasmā **vibhattavāti** vattabbe “Bhagavā”ti
vuccati.

Yasmā ca esa dibbabrahma-ariyavihāre kāyacitta-upadhiviveke
suññatappaṇihitānimittavimokkhe aññe ca lokiyalokuttare
uttarimanussadhamme bhaji sevi bahulamakāsi, tasmā **bhattavāti** vattabbe
Bhagavāti vuccati.

Yasmā pana tīsu bhavesu taṇhāsāṅkhātāṃ gamaṇāṃ anena vantaṃ,
tasmā **bhavesu vantagamanoti** vattabbe bhavasaddato bhakāraṃ
gamanasaddato gākāraṃ vantasaddato vakāraṇca dīghaṃ katvā ādāya
“Bhagavā”ti vuccati, yathā loke “mehanassa khassa mālā”ti vattabbe
“Mekhalā”ti vuccati.

So imaṃ lokanti so Bhagavā imaṃ lokaṃ. Idāni vattabbaṃ nidasseti.
Sadevakanti saha devehi sadevakaṃ. Evaṃ saha mārena **samāraḥkaṃ**. Saha
brahmunā **sabrahmaḥkaṃ**. Saha samaṇabrāhmaṇehi **sassamaṇabrāhmaṇim**.
Pajātattā **pajā**, taṃ pajāṃ. Saha devamanussehi **sadevamanussaṃ**. Tattha
sadevakavacanena pañcakāmāvacaradevaggahaṇaṃ veditabbaṃ,
samāraḥkavacanena chaṭṭhakāmāvacaradevaggahaṇaṃ, sabrahmakavacanena
brahmakāyikādibrahmaggaṇaṃ, sassamaṇabrāhmaṇivacanena sāsana
paccatthikapaccāmittasamaṇabrāhmaṇaggahaṇaṃ,
samitapāpabāhitapāpasamaṇabrāhmaṇaggahaṇaṇca, pajāvacanena
sattalokaggahaṇaṃ, sadevamanussavacanena sammutideva-
avasesamanussaggahaṇaṃ, evamettha tīhi padehi okāsaloko, dvīhi
pajāvasena sattaloko gahitoti veditabbo.

Aparo nayo sadevakaggahaṇena arūpāvacaradevaloko gahito,
samāraḥkaggahaṇena chakāmāvacaradevaloko, sabrahmakaggahaṇena rūpī
brahmaloko, sassamaṇabrāhmaṇādiggahaṇena catuparisavasena
sammutidevehi¹ vā saha manussaloko, avasesasabbasattaloko vā.

1. Sammatidevehi (Syā)

Apicettha sadevakavacanena ukkaṭṭhaparicchedato sabbassāpi lokassa sacchikatabhāvaṃ sādiento tassa Bhagavato kittisaddo abbhuggato. Tato yesaṃ siyā “Māro mahānubhāvo chakāmāvacarissaro vasavattī, kiṃ sopi etena sacchikato”ti, tesaṃ vimatiṃ vidhamanto **samāarakanti** abbhuggato. Yesaṃ pana siyā “brahmā mahānubhāvo ekaṅguliyā ekasmiṃ cakkavālasahassee ālokaṃ pharati, dvīhi -pa- dasahi aṅgulīhi dasasu cakkavālasahasse ālokaṃ pharati, anuttarañca jhānasamāpattisukhaṃ paṭisaṃvedeti, kiṃ sopi sacchikato”ti, tesaṃ vimatiṃ vidhamanto **sabrahmakanti** abbhuggato. Tato yesaṃ siyā “puṭhū samaṇabrāhmaṇā sāsanaṃpacatthikā, kiṃ tepi sacchikatā”ti, tesaṃ vimatiṃ vidhamanto **sassamaṇabrāhmaṇiṃ pajanti** abbhuggato. Evaṃ ukkaṭṭhukkaṭṭhānaṃ sacchikatabhāvaṃ pakāsetvā atha sammutideve avasesamanusse ca upādāya ukkaṭṭhaparicchedavasena sesasattalokassa sacchikatabhāvaṃ pakāseto **sadevamanussanti** abbhuggato. Ayametthānusandhikkamo.

Sayaṃ abhiññā sacchikatvā pavedetīti ettha pana **sayanti** sāmaṃ, aparaneyyo hutvā. **Abhiññāti** abhiññāya, adhikena ñāṇena ñatvāti attho. **Sacchikatvāti** paccakkhaṃ katvā, etena anumānādipaṭikkhepo kato hoti. **Pavedetīti** bodheti ñāpeti pakāseti. **So dhammaṃ deseti ādikalyāṇaṃ -pa-pariyosānakalyāṇanti** so Bhagavā sattesu kāruññataṃ paṭicca hitvāpi anuttaraṃ vivekasukhaṃ dhammaṃ deseti, tañca kho appaṃ vā bahuṃ vā desento ādikalyāṇādippakārameva deseti.

Kathaṃ? Ekagāthāpi hi samantabhadrakattā dhammassa paṭhamapādena ādikalyāṇā, dutiyatatiyapādehi majjhekalyāṇā, pacchimapādena pariyosānakalyāṇā. Ekānusandhikaṃ suttaṃ nidānena ādikalyāṇaṃ, nigamanena pariyosānakalyāṇaṃ, sesena majjhekalyāṇaṃ. Nānānusandhikaṃ suttaṃ paṭhamānusandhinā ādikalyāṇaṃ, pacchimena pariyosānakalyāṇaṃ, sesehi majjhekalyāṇaṃ. Sakalopi sāsanaḍhammo attano atthabhūtena sīlena ādikalyāṇo, samathavipassanāmaggaḥalehi majjhekalyāṇo, nibbānena pariyosānakalyāṇo. Sīlasamādhīhi vā ādikalyāṇo, vipassanāmaggehi majjhekalyāṇo, phalanibbānehi

pariyosānakalyāṇo. Buddhasubodhitāya vā ādikalyāṇo,
 dhammasudhammatāya majjhekalyāṇo, saṅghasuppaṭṭipattiyā
 pariyosānakalyāṇo. Taṃ sutvā tathattāya paṭipannena adhigantabbāya
 abhisambodhiyā vā ādikalyāṇo, paccekabodhiyā majjhekalyāṇo,
 sāvakabodhiyā pariyosānakalyāṇo. Suyyamāno cesa
 nīvaraṇavikkhambhanato savanenapī kalyāṇameva āvahaṭṭī ādikalyāṇo,
 paṭipajjiyamāno samathavipassanāsukhāvahanato paṭipattiyāpi kalyāṇameva
 āvahaṭṭī majjhekalyāṇo, tathā paṭipanno ca paṭipattiphale niṭṭhite
 tāḍibhāvāvahanato paṭipattiphaleṇapī kalyāṇameva āvahaṭṭī
 pariyosānakalyāṇo. Nāthappabhavattā ca pabhavasuddhiyā ādikalyāṇo,
 atthasuddhiyā majjhekalyāṇo, kiccasuddhiyā pariyosānakalyāṇo. Tasmā eso
 Bhagavā appaṃ vā bahum vā desento ādikalyāṇadippakārameva desetīti
 vedītabbo.

Sāttam sabyañjananti evamādīsu pana yasmā imaṃ dhammaṃ desento
 sāsana brahmacariyaṃ maggabrahmacariyaṃca pakāseti, nānāyehi dīpeti,
 taṃca yathānurūpaṃ atthasampattiyā **sāttam**. Byañjanasampattiyā
sabyañjanam. Saṅkāsanapakāsana vivaraṇa vibhajana uttānikaraṇa paññatti
 atthapada samāyogato sāttam,
 akkharapadabyañjanākāraniruttiniddesasampattiyā sabyañjanam.
 Atthagambhīratāpaṭivedhagambhīratāhi sāttam,
 dhammagambhīratādesanāgambhīratāhi sabyañjanam.
 Atthapaṭibhānapaṭisambhidāvisayato sāttam,
 dhammaniruttipaṭisambhidāvisayato sabyañjanam. Paṇḍitavedanīyato
 parikkhakajanappasādakanti¹ sāttam, saddheyyato lokiyajanappasādakanti
 sabyañjanam. Gambhīrādhīppāyato sāttam, uttānapadato sabyañjanam.
 Upanetabbassa abhāvato sakalaparipuṇṇabhāvena **kevalaparipuṇṇam**,
 apanetabbassa abhāvato niddosabhāvena **parisuddham**,
 sikkhattayapariggahitattā brahmabhūtehi seṭṭhehi caritabbato tesaṃca
 cariyabhāvato **brahmacariyam**. Tasmā sāttam sabyañjanam -pa-
 brahmacariyam pakāsetīti vuccati.

Apica yasmā sanidānam sa-uppattikaṃca desento ādikalyāṇam deseti,
 veneyyānam anurūpato atthassa aviparītātāya ca hetudāharaṇayuttato ca
 majjhekalyāṇam, sotūnam saddhāpaṭilābhena

1. Sarikkhakajanappasādakanti (Ka)

nigamanena ca pariyosānakalyāṇaṃ deseti. Evaṃ desento ca brahmacariyaṃ pakāseti. Tañca paṭipattiyā adhigamabyattito sātthaṃ, pariyattiyā āgamabyattito sabyañjanaṃ, silādipañcadhammakkhandhayuttato kevalaparipuṇṇaṃ, nirupakkilesato nittharaṇatthāya pavattito lokāmisānirapekkhato ca parisuddhaṃ, seṭṭhaṭṭhena brahmabhūtānaṃ Buddhapaccekaḥbuddhabuddhasāvakaṇaṃ cariyato brahmacariyanti vuccati. Tasmāpi so dhammaṃ deseti ādikalyāṇaṃ -pa- brahmacariyaṃ pakāsetīti vuccati.

Sādhū kho paṇāti sundaraṃ kho pana, atthāvahaṃ sukhāvahanti vuttaṃ hoti. **Tathārūpānaṃ Arahatanti** yathārūpo so bhavaṃ Gotamo, evarūpānaṃ yathābhuccaguṇādhiḡamena loke arahantoti laddhasaddānaṃ Arahatānaṃ. **Dassanaṃ hotīti** pasādasommāni akkhīni ummīlitvā dassanaṃattampi sādhū hotīti evaṃ ajjhāsayaṃ katvā **atha kho Veraṇṇo brāhmaṇo yena Bhagavā tenupasaṅkamīti**.

2. **Yenāti** bhummatthe karaṇavacanaṃ. Tasmā yattha Bhagavā, tattha upasaṅkamīti evamettha attho daṭṭhabbo. Yena vā karaṇena Bhagavā devamanussehi upasaṅkamitabbo, tena karaṇena upasaṅkamīti evamettha attho daṭṭhabbo. Kena ca karaṇena Bhagavā upasaṅkamitabbo? Nānappakāraguṇavisesādhigamādhippāyena, sādupalūpabhogādhippāyena dijagaṇehi niccaphalitamahārukkho viya. Upasaṅkamīti ca gatoti vuttaṃ hoti. **Upasaṅkamitvāti** upasaṅkamanapariyosānadīpanaṃ. Atha vā evaṃ gato tato āsannataraṃ ṭhānaṃ Bhagavato samīpasaṅkhātaṃ gantvātipi vuttaṃ hoti.

Bhagavatā saddhiṃ sammodīti yathā khamanīyādīni pucchanto Bhagavā tena, evaṃ sopi Bhagavatā saddhiṃ samappavattamodo ahosi. Sītodakaṃ viya uṇhodakena sammoditaṃ ekībhāvaṃ āgamāsi. Yāya ca “kacci bho Gotama khamanīyaṃ, kacci yāpanīyaṃ, kacci bho Gotamassa ca sāvakaṇaṅca appābādhaṃ appātaṅkaṃ lahuṭṭhānaṃ balaṃ phāsuvihāro”ti-ādikāya kathāya sammodi, taṃ pītipāmojjasaṅkhātaṃ sammodaṃ jananaṭo sammoditum yuttabhāvato ca **sammodanīyaṃ**, atthabyañjanamadhuratāya sucirampi kālaṃ sāretum nirantaraṃ pavattetum araharūpato saritabbabhāvato ca **sāraṇīyaṃ**, suyyamānasukhato vā sammodanīyaṃ,

anussariyamānasukhato sāraṇīyaṃ, tathā byañjanaparisuddhatāya sammodanīyaṃ, atthaparisuddhatāya sāraṇīyanti evaṃ anekehi pariyāyehi sammodanīyaṃ sāraṇīyaṃ kathaṃ vītisāretvā pariyosāpetvā niṭṭhāpetvā yenatthena āgato, taṃ pucchitukāmo ekamantaṃ nisīdi.

Ekamantanti bhāvanapuṃsakaniddeso “visamaṃ candimasūriyā parivattanti”¹ti¹ādīsu viya. Tasmā yathā nisinno ekamantaṃ nisinno hoti, tathā nisīdīti evamettha attho daṭṭhabbo. Bhummatthe vā etaṃ upayogavacanaṃ. **Nisīdīti** upāvisi. Paṇḍitā hi purisā garuṭṭhāniyaṃ upasaṅkamitvā āsanakusalatāya ekamantaṃ nisīdanti, ayaṅca tesam aññataro, tasmā ekamantaṃ nisīdi.

Kathaṃ nisinno pana ekamantaṃ nisinno hotīti? Cha nisajjadose vajjetvā. Seyyathidaṃ? Atidūraṃ accāsannaṃ uparivātaṃ unnatappadesaṃ atisammukhaṃ atipacchāti. Atidūre nisinno hi sace kathetukāmo hoti, uccāsaddena kathetabbaṃ hoti. Accāsanne nisinno saṅghaṭṭanaṃ karoti. Uparivāte nisinno sarīragandhena bādhati. Unnatappadese nisinno agāraṃ pakāseti. Atisammukhā nisinno sace daṭṭhukāmo hoti, cakkhunā cakkhūṃ āhacca daṭṭhabbaṃ hoti. Atipacchā nisinno sace daṭṭhukāmo hoti, gīvaṃ pasāretvā daṭṭhabbaṃ hoti. Tasmā ayampi ete cha nisajjadose vajjetvā nisīdi. Tena vuttaṃ “ekamantaṃ nisīdi”¹ti.

Ekamantaṃ nisinno kho Verañjo brāhmaṇo Bhagavantaṃ etadavocāti etanti idāni vattabbamatthaṃ dasseti. **Dakāro** padasandhikaro, **avocāti** abhāsi. **Sutaṃ metanti** sutam me etaṃ, etaṃ mayā sutanti idāni vattabbamatthaṃ dasseti. **Bho Gotamāti** Bhagavantaṃ gottena ālapati.

Idāni yaṃ tena sutam, taṃ dassento “**na samaṇo Gotamo**”¹ti evamādimāha. Tatrāyaṃ anuttānapadavaṇṇanā—**brāhmaṇeti** jātibrahmaṇe. **Jiṇṇeti** jajjarībhūte, jarāya khaṇḍiccādibhāvaṃ āpādite. **Vuddheti** aṅgapaccāṅgānaṃ vuddhimariyādappatte. **Mahallaketi** jātimahallakatāya samannāgate, cirakālapasuteti vuttaṃ hoti. **Addhagateti** addhānaṃ

1. Am 1. 386 piṭṭhe.

gate, dve tayo rājaparivaṭṭe atītetī adhippāyo. **Vayo-anuppatteti** pacchimavayaṃ sampatte, pacchimavayo nāma vassasatassa pacchimo tatiyabhāgo.

Apica **jiṇṇeti** porāṇe, cirakālappavattakulanvayeti vuttam hoti. **Vuddheti** sīlācārādiguṇavuddhiyutte. **Mahallaketi** vibhavamahattatāya samannāgate mahaddhane mahābhoge. **Addhagateti** maggappaṭipanne, brāhmaṇānaṃ vatacarīyādimariyādaṃ avītikkamma caramāne. **Vayo-anuppatteti** jātivuddhabhāvaṃ antimavayaṃ anuppatteti evamettha yojanā veditabbā.

Idāni **abhivādetīti** evamādīni **na samaṇo Gotamoti** ettha vuttanakārena yojetvā evamatthato veditabbāni—na vandati vā nāsanā vuṭṭhahati vā nāpi idha bhonto nisīdantūti evaṃ āsanena vā upanimantetīti. Ettha hi vāsaddo vibhāvane nāma atthe “rūpaṃ niccaṃ vā aniccaṃ vā”ti-ādīsu viya. Evaṃ vatvā atha attano abhivādanādīni akarontaṃ Bhagavantaṃ disvā āha “**tayidaṃ bho Gotama tathevā**”ti. Yaṃ taṃ mayā sutam, taṃ tatheva, taṃ savanañca me dassanañca saṃsandati sameti, atthato ekībhāvaṃ gacchati. Na hi bhavaṃ Gotamo -pa- āsanena vā nimantetīti. Evaṃ attanā sutam diṭṭhena nigametvā nindanto āha “**tayidaṃ bho Gotama na sampannamevā**”ti. Taṃ abhivādanādīnaṃ akaraṇaṃ na yuttameva.

Athassa Bhagavā attukkaṃsanaparavambhanadosaṃ anupagamma karuṇāsītalahadayena taṃ aññāṇaṃ vidhamitvā yuttabhāvaṃ dassetukāmo āha “**nāhaṃ taṃ brāhmaṇa -pa- muddhāpi tassa vipateyyā**”ti. Tatrāyaṃ saṅkhepattho—ahaṃ brāhmaṇa appaṭihatena sabbaññutaññāṇacakkhunā oloketopi taṃ puggalaṃ etasmim sadevakādibhede loke na passāmi, yamaṃ abhivādeyyaṃ vā paccuṭṭheyyaṃ vā āsanena vā nimanteyyaṃ. Anacchariyaṃ vā¹ etaṃ, yvāhaṃ ajja sabbaññutaṃ patto evarūpaṃ nipaccakārārahaṃ puggalaṃ na passāmi. Apica kho yadāpāhaṃ sampatijātova uttarābhimukho sattapadavītiḥārena gantvā sakalaṃ dasasahasilokadhātuṃ olokesim, tadāpi etasmim sadevakādibhede loke taṃ puggalaṃ na passāmi,

1. Anacchariyaṃ ca (Sī)

yamaṃ abhivādeyyaṃ vā paccuṭṭheyyaṃ vā āsanena vā nimanteyyaṃ. Atha kho maṃ soḷasakappasahassāyuko khīṇāsavamahābrahmāpi añjalim paggahevā “tvaṃ loke mahāpuriso, tvaṃ sadevakassa lokassa aggo ca jeṭṭho ca seṭṭho ca, natthi tayā uttaritaro”ti sañjātasomanasso patimānesi, tadāpi cāhaṃ attanā uttaritaraṃ apassanto āsabhiṃ vācaṃ nicchāresim “aggohamasmi lokassa, jeṭṭhohamasmi lokassa, seṭṭhohamasmi lokassa”ti. Evaṃ sampatijātassapi mayhaṃ abhivādanādiraho puggalo natthi, svāhaṃ idāni sabbaññutaṃ patto kaṃ abhivādeyyaṃ vā -pa- āsanena vā nimanteyyaṃ, tasmā tvaṃ brāhmaṇa mā Tathāgatā¹ evarūpaṃ nipaccakāraṃ patthayittha. Yaṃ hi brāhmaṇa Tathāgato abhivādeyya vā -pa- āsanena vā nimanteyya, muddhāpi tassa puggalassa rattipariyosāne paripākasithilabandhanaṃ vaṇṭā pavutta² tālaphalamiva gīvato pacchijjitvā sahasāva bhūmiyaṃ vipateyyāti.

3. Evaṃ vuttepi brāhmaṇo duppaññatāya Tathāgatassa loke jeṭṭhabhāvaṃ asallakkhento kevalaṃ taṃ vacanaṃ asahamāno āha “**arasarūpo bhavaṃ Gotamo**”ti. Ayaṃ kirassa adhippāyo—yaṃ loke abhivādanapaccuṭṭhāna-añjalikammaśāmicikammaṃ “sāmaggirasō”ti vuccati, taṃ bhoto Gotamassa natthi, tasmā arasarūpo bhavaṃ Gotamo, arasajātiko arasasabhāvoti. Athassa Bhagavā cittamudubhāvajanatthaṃ ujuvipaccanīkabhāvaṃ pariharanto aññathā tassa vacanassatthaṃ attani sandassento “**atthi khvesa brāhmaṇa pariyāyo**”ti-ādīmāha.

Tattha **pariyāyoti** kāraṇaṃ. Ayañhi pariyāyasaddo desanāvāraḥkāraṇesu vattati. “Madhupiṇḍikapariyāyotveva naṃ dhārechī”ti-ādīsū³ hi esa desanāyaṃ vattati. “Kassa nu kho Ānanda ajja pariyāyo bhikkhuniyo ovaditun”ti-ādīsū⁴ vāre. “Sādhu bhante Bhagavā aññaṃ pariyāyaṃ ācikkhatu, yathāyaṃ bhikkhusaṃgho aññāya saṇṭhaheyyā”ti-ādīsū⁵ kāraṇe. Svāyamidha kāraṇe vattati. Tasmā ettha evamattho daṭṭhabbo—atthi kho brahmaṇa etaṃ kāraṇaṃ, yena kāraṇena maṃ

1. Tathāgate (Ka)

2. Pamutta (Sī), pamuttaṃ (Syā)

3. Ma 1. 161 piṭṭhe.

4. Ma 3. 315 piṭṭhe.

5. Vi 1. 88 piṭṭhe.

“arasarūpo bhavaṃ Gotamo”ti vadamāno puggalo sammā vadeyya, avitathavādīti saṅkhyāṃ gaccheyya. Katamo pana soti? Ye te brāhmaṇa rūparasā -pa- phoṭṭhabbarasā. Te Tathāgatassa pahīnāti. Kim vuttaṃ hoti, ye te jātivāsena vā upapattivāsena vā seṭṭhasammatānampi puthujjanānaṃ rūpārammaṇādīni assādentānaṃ abhinandantānaṃ rajjantānaṃ uppajjanti kāmasukhassādasāṅkhātā rūparasasaddagandharasaphoṭṭhabbarasā, ye imaṃ lokāṃ gīvāya bandhitvā viya āviñchanti, vatthārammaṇādisāmaggiyañca uppannattā sāmaggirasāti vuccanti, te sabbepi Tathāgatassa pahīnāti. Mayhaṃ pahīnāti vattabbepi mamākārena attānaṃ anukkhinto dhammaṃ deseti, desanāvīlāso vā esa Bhagavato.

Tattha **pahīnāti** cittasantānato vigatā jahitā vā. Etasmiṃ panatthe karaṇe sāmivacanāṃ daṭṭhabbāṃ. Ariyamaggasatthena ucchinnaṃ taṇhāvijjāmayāṃ mūlametesanti **ucchinnamūlā**. Tālavatthu viya nesaṃ vatthu katanti **tālāvatthukatā**. Yathā hi tālarukkhaṃ samūlaṃ uddharitvā tassa vatthumatte tasmīṃ padese kate na puna tassa tālassa uppatti paññāyati, evaṃ ariyamaggasatthena samūle rūpādirase uddharitvā tesāṃ pubbe uppannapubbabhāvena vatthumatte cittasantāne kate sabbepi te tālāvatthukatāti vuccanti. Avirūḷhidhammattā vā matthakacchinnatālo viya katāti **tālāvatthukatā**. Yasmā pana evaṃ tālāvatthukatā anabhāvaṃ katā honti, yathā nesaṃ pacchābhāvo na hoti, tathā katā honti. Tasmā āha “**anabhāvaṃkatā**”ti. Ayaṃ hettha padacchedo, anu-abhāvaṃ katā **anabhāvaṃkatāti**. Anabhāvaṃ gatātipi pāṭho. Tassa anu-abhāvaṃ gatāti attho. Tattha padacchedo anu-abhāvaṃ gatā anabhāvaṃ gatāti, yathā anu-acchariyā anacchariyāti. **Āyatim anuppādadhammāti** anāgate anuppajjanakasabhāvā. Ye hi abhāvaṃ gatā te puna kathaṃ uppajjissanti. Tenāha “anabhāvaṃ gatā āyatim anuppādadhammā”ti.

Ayaṃ kho brāhmaṇa pariyāyoti idaṃ kho brāhmaṇa kāraṇaṃ, yena maṃ sammā vadamāno vadeyya arasarūpo samaṇo Gotamoti. **No ca kho yaṃ tvaṃ sandhāya vadesīti** yañca kho tvaṃ sandhāya vadesi, so pariyāyo na hoti. Kasmā pana Bhagavā evamāha, nanu evaṃ

vutte yo brāhmaṇena vutto sāmaggirasō, tassa attani vijjamānatā anuññatā hotīti. Vuccate, na hoti. Yo hi taṃ sāmaggirasam kātum bhabbo hutvā na karoti, so tadabhāvena arasarūpoti vattabbo bhavye. Bhagavā pana abhabbova etaṃ kātum, tenassa karaṇe abhabbatam pakāsento āha “no ca kho yaṃ tvaṃ sandhāya vadesī”ti. Yaṃ pariyāyam sandhāya tvaṃ maṃ “arasarūpo”ti vadesi, so amhesu neva vattabboti.

4. Evaṃ brāhmaṇo attanā adhippetam arasarūpatam āropetum asakkonto athāparam **“nibbhogo bhavam Gotamo”**ti-ādimāha. Sabbapariyāyesu cettha vuttanayeneva yojanakkamam viditvā sandhāya bhāsitamattam¹evaṃ veditabbam—brāhmaṇo tameva vayovuḍḍhānam abhivādanakammādim loke sāmaggiparibhogoti maññamāno tadabhāvena Bhagavantam nibbhogoti āha. Bhagavā pana yvāyam rūpādīsu sattānam chandarāgaparibhogo. Tadabhāvam attani sampassamāno aparampi pariyāyam anujānāti.

5. Puna brāhmaṇo yaṃ loke vayovuḍḍhānam abhivādanādikulasamudācārakammam lokiyā karonti, tassa akiriyaṃ sampassamāno Bhagavantam **“Akiriyaṃ vadādo”**ti āha. Bhagavā pana yasmā kāyaduccaritādīnam akiriyaṃ vadati, tasmā taṃ akiriyaṃ vadam attani sampassamāno aparampi pariyāyam anujānāti. Tattha ca **kāyaduccaritanti** pāṇātipāta-adinnādānamicchācāracetanā veditabbā. **Vacīduccaritanti** musāvādapisuṇavācāpharusavācāsamphappalāpacetanā veditabbā. **Manoduccaritanti** abhijjhābyāpādamicchādīṭṭhiyo veditabbā. Ṭhapetvā te dhamme avasesā akusalā dhammā **“anekavihitā pāpakā akusalā dhammā”**ti veditabbā.

6. Puna brāhmaṇo tameva abhivādanādikammam Bhagavati apassanto imaṃ āgamma yaṃ lokatanti lokapaveṇī ucchijjatīti maññamāno Bhagavantam **“Ucchedavādo”**ti āha. Bhagavā pana yasmā aṭṭhasu lobhasahagatacittesu pañcakāmaguṇīkarāgassa dvīsu akusalacittesu uppajjamānakadosassa ca anāgāmimaggena ucchedam vadati. Sabbākusalasambhavassa pana niravasesassa mohassa arahattamaggena ucchedam vadati. Ṭhapetvā te tayo avasesānam pāpakānam akusalānam dhammānam yathānurūpam catūhi

1. Bhāsitamattam (Sī, Syā, Ka)

maggehi ucchedaṃ vadati, tasmā taṃ ucchedavādaṃ attani sampassamāno aparampi pariyāyaṃ anujānāti.

7. Puna brāhmaṇo “jigucchati maññe samaṇo Gotamo idaṃ vayovuḍḍhānaṃ abhivādanādikulasamudācārakammaṃ, tena taṃ na karotī”ti maññamāno Bhagavantam “**jegucchī**”ti āha. Bhagavā pana yasmā jigucchati kāyaduccaritādīhi. Kiṃ vuttaṃ hoti, yañca tividhaṃ kāyaduccaritaṃ, yañca catubbidhaṃ vacīduccaritaṃ, yañca tividhaṃ manoduccaritaṃ, yā ca ṭhapetvā tāni duccharitāni avasesānaṃ lāmakatṭhena pāpakānaṃ akosallasambhūtaṭṭhena akusalānaṃ dhammānaṃ samāpatti samāpajjanā samaṅgibhāvo, taṃ sabbampi gūthaṃ viya maṇḍanakajātiyo puriso jigucchati hiriyati. Tasmā taṃ jegucchitaṃ attani sampassamāno aparampi pariyāyaṃ anujānāti. Tattha **kāyaduccaritenā**ti upayogathe karaṇavacanaṃ daṭṭhabbaṃ.

8. Puna brāhmaṇo tameva abhivādanādikammaṃ Bhagavati apassanto “ayaṃ imaṃ lokajetṭhakakammaṃ vineti vināseti. Atha vā yasmā etaṃ sāmīcikammaṃ na karotī, tasmā ayaṃ vinetabbo niggaṇhitabbo”ti maññamāno Bhagavantam “**venayiko**”ti āha. Tatrāyaṃ padattho, vinayatīti vinayo, vināsetīti vuttaṃ hoti. Vinayo eva **venayiko**. Vinayaṃ vā arahatīti **venayiko**, niggahaṃ arahatīti vuttaṃ hoti. Bhagavā pana yasmā rāgādīnaṃ vinayāya vūpasamāya dhammaṃ deseti, tasmā venayiko hoti. Ayameva cettha padattho. Vinayāya dhammaṃ desetīti venayiko, vicitrā hi taddhitavutti. Svāyaṃ taṃ venayikabhāvaṃ attani sampassamāno aparampi pariyāyaṃ anujānāti.

9. Puna brāhmaṇo yasmā abhivādanādīni sāmīcikammāni karontā vayovuḍḍhe tosentī hāsenti, akarontā pana tāpentī vihesenti domanassaṃ nesam uppādentī. Bhagavā ca tāni na karotī, tasmā “ayaṃ vayovuḍḍhe tapatī”ti maññamāno sappurisācāravirahitattā vā “kapaṇapuriso ayan”ti maññamāno Bhagavantam “**tapassī**”ti āha. Tatrāyaṃ padattho, tapatīti tapo, rosetī vihesetīti vuttaṃ hoti, sāmīcikammākaraṇassetam nāmaṃ. Tapo assa atthīti **tapassī**. Dutiye atthavikappe byañjanāni avicāretvā loke kapaṇapuriso tapassīti vuccati. Bhagavā pana ye akusalā dhammā lokam tapanato

tapanīyāti vuccanti, tesam pahīnattā yasmā tapassīti saṅkhyam̐ gato, tasmā taṃ tapassitam̐ attani sampassamāno aparampi pariyāyam̐ anujānāti. Tatrāyam̐ padattho, tapantīti tapā, akusaladhammānametaṃ adhivacanam̐. Vuttampi hetam̐ “idha tappati pecca tappatī”ti. Tathā¹ te tape assi nirassi pahāsi viddham̐sesīti tapassī.

10. Puna brāhmaṇo taṃ abhivādanādikammaṃ devalokagabbhasampattiyā devalokapaṭṭisandhipaṭilābhāya saṃvattatīti maññamāno Bhagavati cassa abhāvam̐ disvā Bhagavantam̐ “**apagabbho**”ti āha. Kodhavasena vā Bhagavato mātukucchimim̐ paṭisandhiggahaṇe dosam̐ dassentopi evamāha. Tatrāyam̐ padattho—gabbhato apagatoti **apagabbho**, abhabbo devalokūpapattim̐ pāpuṇitunti adhippāyo. Hīno vā gabbho assāti apagabbho, devalokagabbhaparibāhirattā āyatim̐ hīnagabbhapaṭilābhahāgīti. Hīno vāssa mātukucchimhi gabbhavāso ahoṣīti adhippāyo. Bhagavato pana yasmā āyatim̐ gabbhaseyyā apagatā, tasmā so taṃ apagabbhataṃ attani sampassamāno aparampi pariyāyam̐ anujānāti. Tatra ca **yassa kho brāhmaṇa āyatim̐ gabbhaseyyā punabbhavābhiniabbatti pahīnāti** etesam̐ padānam̐ evamattho daṭṭhabbo—brāhmaṇa yassa puggalassa anāgate gabbhaseyyā punabbhave ca abhiniabbatti anuttarena maggena vihatakāraṇattā pahīnāti. Gabbhaseyyaggahaṇena cettha jalābujayoni gahitā, punabbhavābhiniabbattiggahaṇena itarā tissopi.

Apica gabbhassa seyyā **gabbhaseyyā**. Punabbhavo eva abhiniabbatti **punabbhavābhiniabbattīti** evamettha attho daṭṭhabbo. Yathā ca viññāṇaṭṭhitīti vuttepi na viññāṇato aññā ṭhiti atthi, evamidhāpi na gabbhato aññā seyyāti veditabbā. Abhiniabbatti ca nāma yasmā punabbhavabhūtāpi apunabbhavabhūtāpi atthi, idha ca punabbhavabhūtā adhippetā, tasmā vuttam̐ “punabbhavo eva abhiniabbatti punabbhavābhiniabbattī”ti.

11. Evam̐ āgatakālato paṭṭhāya arasarūpatādīhi aṭṭhahi akkosavatthūhi akkosantampi brāhmaṇam̐ Bhagavā Dhammissaro Dhammarājā

1. Tathāyam̐ (Sī)

Dhammassāmī Tathāgato anukampāya sītaleneva cakkhunā olokeno yaṃ dhammadhātum paṭivijjhivā desanāvilāsappatto hoti, tassā dhammadhātuyā suppaṭividdhattā vigatavalāhake antalikkhe samabbhuggato puññacando viya saradakāle sūriyo viya ca brāhmaṇassa hadayandhakāraṃ vidhamanto tāniyeva akkosavatthūni tena tena pariyāyena aññathā dassetvā punapi attano karuṇāvippahāraṃ aṭṭhahi lokadhammehi akampiyabhāvena paṭiladdhamtādiguṇalakkhaṇaṃ pathavīsamacittataṃ akuppadhammatañca pakāseṇto “ayaṃ brāhmaṇo kevalaṃ palitasirakhaṇḍadantavalittacatādīhi attano vuḍḍhabhāvaṃ sañjānāti, no ca kho jānāti attānaṃ jātiyā anugataṃ jarāya anusaṭaṃ byādhinā abhibhūtaṃ maraṇena abbhāhataṃ vaṭṭakhāṇubhūtaṃ ajja maritvā puna sveva uttānasayanadārakabhāvagamaniyaṃ. Mahantena kho pana ussāhena mama santikaṃ āgato, tadassa āgamaṇaṃ sātthakaṃ hotū”ti cintetvā imasmim loke attano appaṭisamaṃ purejātabhāvaṃ dassento **seyyathāpi brāhmaṇāti-ādinā** nayena brāhmaṇassa dhammadesanaṃ vaḍḍhesi.

Tattha **seyyathāti** opammatthe nipāto, **pīti** sambhāvanatthe. Ubhayenāpi yathā nāma brāhmaṇāti dasseti. **Kukkuṭiyā aṇḍāni aṭṭha vā dasa vā dvādasa vāti** ettha pana kiñcāpi kukkuṭiyā vuttappakārato ūnādhikānipi aṇḍāni honti, atha kho vacanasiliṭṭhatāya evaṃ vuttanti veditabbaṃ. Evañhi loke siliṭṭhavacanaṃ hoti. **Tānassūti** tāni assu, bhaveyyunti vuttaṃ hoti. **Kukkuṭiyā sammā adhisayitānīti** tāya janettiyā kukkuṭiyā pakkhe pasāretvā tesam upari sayantiyā sammā adhisayitāni. **Sammā pariseditānīti** kālena kālaṃ utum gaṇhāpentiyā suṭṭhu samantato seditāni, usmīkatānīti vuttaṃ hoti. **Sammā paribhāvitānīti** kālena kālaṃ suṭṭhu samantato bhāvitāni, kukkuṭagandhaṃ gāhāpitānīti vuttaṃ hoti.

Idāni yasmā tāya kukkuṭiyā evaṃ tīhi pakārehi tāni aṇḍāni paripāliyamānāni na pūṭini honti. Yopi nesaṃ allasineho, so pariyādānaṃ gacchati. Kapālaṃ tanukaṃ hoti, pādanakhasikhā ca mukhatuṇḍakañca kharāṃ hoti, kukkuṭapotakā paripākaṃ gacchanti, kapālassa tanukattā bahiddhā āloko anto paññāyati. Atha te kukkuṭapotakā

“ciraṃ vata mayaṃ saṅkuṭitahatthapādā sambādhe sayimha, ayañca bahi āloko dissati, ettha dāni no sukhavihāro bhavissatī”ti nikkhamitukāmā hutvā kapālaṃ pādena paharanti, gīvaṃ pasārenti. Tato taṃ kapālaṃ dvedhā bhijjati, kukkuṭapotakā pakkhe vidhunantā taṅkhaṇānurūpaṃ viravantā nikkhamanti. Evaṃ nikkhamantānañca nesaṃ yo paṭhamataraṃ nikkhamati, so jeṭṭhoti vuccati. Tasmā Bhagavā tāya upamāya attano jeṭṭhakabhāvaṃ sādhetukāmo brāhmaṇaṃ pucchi **“yo nu kho tesāṃ kukkuṭacchāpakānaṃ -pa- kinti svassa vacanīyo”**ti. Tattha **kukkuṭacchāpakānanti** kukkuṭapotakānaṃ. **Kinti svassa vacanīyoti** so kinti vacanīyo assa, kinti vattabbo bhaveyya jeṭṭho vā kaniṭṭho vāti. Sesāṃ uttānatthameva.

Tato brāhmaṇo āha **“jeṭṭhotissa bho Gotama vacanīyo”**ti. Bho Gotama so “jeṭṭho” iti assa vacanīyo. Kasmāti ce. So hi nesaṃ jeṭṭho, yasmā so nesaṃ vuḍḍhataroti attho. Athassa Bhagavā opammaṃ sampaṭipādentō āha **“evameva kho ahaṃ brāhmaṇā”**ti-ādi. Yathā so kukkuṭacchāpako jeṭṭhoti saṅkhyāṃ gacchati, evamahampi avijjāgatāya pajāya. Avijjāgatāyāti **avijjā** vuccati aññānaṃ, tattha gatāya. **Pajāyāti** sattādhivacanametāṃ, tasmā ettha avijjāṇḍakosassa anto pavitṭhesu sattesūti evamattho daṭṭhabbo. **Aṇḍabhūtāyāti** aṇḍe bhūtāya jātāya sañjātāya. Yathā hi aṇḍe nibbattā ekacce sattā aṇḍabhūtāti vuccati, evamayāṃ sabbāpi pajā avijjāṇḍakose nibbattattā aṇḍabhūtāti vuccati. **Pariyonaddhāyāti** tena avijjāṇḍakosena samantato onaddhāya baddhāya veṭṭhitāya. **Avijjāṇḍakosaṃ padāletvāti** taṃ avijjāmayāṃ aṇḍakosaṃ bhinditvā. **Ekova loketi** sakalepi lokasannivāse ahameva eko adutiyo. **Anuttaraṃ sammāsambodhiṃ abhisambuddhoti** anuttaranti uttaravirahitaṃ sabbasetṭhaṃ. **Sammāsambodhinti** sammā sāmañca bodhiṃ. Atha vā pasatthaṃ sundarañca bodhiṃ. Bodhīti rukkhopi, maggopi, sabbaññutaññānampi, nibbānampi vuccati. “Bodhirukkhamūle paṭhamābhisambuddho”¹ ca “antarā ca Gayāṃ antarā ca bodhin”² ca āgataṭṭhānesu hi rukkho bodhīti vuccati.

1. Vi 3. 1; Khu 1. 77 piṭṭhādīsu.

2. Vi 3. 11; Ma 1. 227 piṭṭhādīsu.

“bodhi vuccati catūsu maggesu ñāṇaṃ”¹ti āgataṭṭhāne maggo. “Pappoti bodhiṃ varabhūrimedhaso”²ti āgataṭṭhāne sabbaññutaññāṇaṃ. “Patvāna bodhiṃ amataṃ asaṅkhatan”ti āgataṭṭhāne nibbānaṃ. Idha pana Bhagavato arahattamaggañāṇaṃ adhippetāṃ. Sabbaññutaññāṇantipi vadanti. Aññesaṃ arahattamaggo anuttarā bodhi hoti na hotīti? Na hoti. Kasmā, asabbaguṇadāyakattā. Tesañhi kassaci arahattamaggo arahattaphalameva deti. Kassaci tisso vijjā. Kassaci cha abhiññā. Kassaci catasso paṭisambhidā. Kassaci sāvakaparamiñāṇaṃ. Paccekabuddhānampi paccekabodhiñāṇameva deti. Buddhānaṃ pana sabbaguṇasampattim deti, abhiseko viya rañño sabbalokissariyabhāvaṃ. Tasmā aññassa kassacipi anuttarā bodhi na hotīti. **Abhisambuddho**ti abbaññāsīm paṭivijjhim, pattomhi adhigatomhīti vuttaṃ hoti.

Idāni yadetaṃ Bhagavatā “**evameva kho ahaṃ brāhmaṇā**”¹ti-ādinā nayena vuttaṃ opammaṃsampaṭipādanaṃ, taṃ evamatthena saddhim samsanditvā veditabbaṃ. Yathā hi tassā kukkuṭiyā attano aṇḍesu adhisayanāditividhakiriyākaraṇaṃ, evaṃ Bodhipallaṅke nisinnassa bodhisattabhūtaṃ Bhagavato attano cittasantāne aniccaṃ dukkhaṃ anattāti tividhānapassanākaraṇaṃ, kukkuṭiyā tividhakiriyāsampādanena aṇḍānaṃ apūtibhāvo viya bodhisattabhūtaṃ Bhagavato tividhānapassanāsampādanena vipassanāññāṇassa aparihāni, kukkuṭiyā tividhakiriyākaraṇena aṇḍānaṃ allasinehapariyādānaṃ viya bodhisattabhūtaṃ Bhagavato tividhānapassanāsampādanena bhavattayānugatanikantisinehapariyādānaṃ, kukkuṭiyā tividhakiriyākaraṇena aṇḍakapālānaṃ tanubhāvo viya bodhisattabhūtaṃ Bhagavato tividhānapassanāsampādanena avijjaṇḍakosassa tanubhāvo, kukkuṭiyā tividhakiriyākaraṇena kukkuṭacchāpakassa pādanakhasikhātūṇḍakānaṃ thaddhakharabhāvo viya bodhisattabhūtaṃ Bhagavato tividhānapassanāsampādanena vipassanāññāṇassa tikkhakharavippasannasūrabhāvo, kukkuṭiyā tividhakiriyākaraṇena kukkuṭacchāpakassa paripākakālo viya bodhisattabhūtaṃ Bhagavato tividhānapassanāsampādanena vipassanāññāṇassa paripākakālo vadḍhitakālo gabbhaggahaṇakālo veditabbo.

1. Khu 8. 231 Cūḷaniddese.

2. Dī 3. 129 piṭṭhe.

Tato kukkuṭiyā tividhakiriyākaraṇena kukkuṭacchāpakassa pādanakhasikhāya vā mukhatuṇḍakena vā aṇḍakosaṃ padāletvā pakkhe papphoṭetvā sotthinā abhinibbhidākālo viya bodhisattabhūtassa Bhagavato tividhānupassanāsampādanena vipassanāñāṇaṃ gabbhaṃ gaṇhāpetvā anupubbādhiगतena arahattamaggena avijjaṇḍakosaṃ padāletvā abhiññāpakkhe papphoṭetvā sotthinā sakalabuddhaguṇasacchikatakālo veditabboti.

Svāhaṃ brāhmaṇa jeṭṭho seṭṭho lokassāti so ahaṃ brāhmaṇa yathā tesāṃ kukkuṭapotakānaṃ paṭhamataraṃ aṇḍakosaṃ padāletvā abhinibbhido kukkuṭapotako jeṭṭho hoti, evaṃ avijjāgatāya pajāya taṃ avijjaṇḍakosaṃ padāletvā paṭhamataraṃ ariyāya jātiyā jātattā jeṭṭho vuḍḍhataroti saṅkhyāṃ gato. Sabbaguṇehi pana appaṭṭisamattā seṭṭhoti.

Evaṃ Bhagavā attano anuttaraṃ jeṭṭhaseṭṭhabhāvaṃ brāhmaṇassa pakāsetvā idāni yāya paṭipadāya taṃ adhigato, taṃ paṭipadaṃ pubbhāgato pabhuti dassetuṃ “**āraddhaṃ kho pana me brāhmaṇā**”ti-ādimāha. Imaṃ vā Bhagavato anuttaraṃ jeṭṭhaseṭṭhabhāvaṃ sutvā brāhmaṇassa cittamevamuppannaṃ “kāya nu kho paṭipadāya imaṃ patto”ti. Tassa cittamaññāya “imāyāhaṃ paṭipadāya imaṃ anuttaraṃ jeṭṭhaseṭṭhabhāvaṃ patto”ti dassento evamāha. Tattha **āraddhaṃ kho pana me brāhmaṇa vīriyaṃ ahoṣīti** brāhmaṇa na mayā ayaṃ anuttaro jeṭṭhaseṭṭhabhāvo kusītena muṭṭhassatinā sāraddhakāyena vikkhittacittena adhigato, apica kho tadadhigamāya āraddhaṃ kho pana me vīriyaṃ ahoṣi, Bodhimaṇḍe nisinnena mayā caturaṅgasamannāgataṃ vīriyaṃ āraddhaṃ ahoṣi, paggahitaṃ asithilappavattitanti vuttaṃ hoti. Āraddhattāyeva ca me taṃ **asallīnaṃ** ahoṣi. Na kevalaṅca vīriyameva, satipi me ārammaṇābhimukhībhāvena **upaṭṭhitā** ahoṣi. Upaṭṭhitattāyeva ca **asammuṭṭhā. Passaddho kāyo asāraddhoti** kāyacittapassaddhivasena kāyopi me passaddho ahoṣi. Tattha yasmā nāmakāye passaddhe rūpakāyopi passaddhoyeva hoti, tasmā nāmakāyo rūpakāyoti avisesetvāva

passaddho kāyoti vuttaṃ. **Asāraddhoti** so ca kho passaddhattāyeva asāraddho, vigatadarathoti vuttaṃ hoti. **Samāhitam cittam ekagganti** cittampi me sammā āhitam suṭṭhu ṭhapitam appitam viya ahosi. Samāhitattā eva ca ekaggaṃ acalam nipphandananti. Ettāvata jhānassa pubbabhāgaṭṭipadā kathitā hoti.

Paṭhamajjhānakathā

Idāni imāya ṭṭipadāya adhigataṃ paṭhamajjhānam ādim katvā vijjattayapariyosānam visesaṃ dassento “**so kho ahan**”ti-ādimāha. Tattha **vivicceva kāmehi vivicca akusalehi dhammehi**ti-ādīnam kiñcāpi “tattha katame kāmā, chando kāmo, rāgo kāmo, chandarāgo kāmo, saṅkappo kāmo, rāgo kāmo, saṅkapparāgo kāmo. Ime vuccanti kāmā. Tattha katame akusalā dhammā. Kāmacchando -pa- vicikicchā. Ime vuccanti akusalā dhammā. Iti imehi ca kāmehi imehi ca akusalehi dhammehi vivitto hoti pavivitto. Tena vuccati vivicceva kāmehi vivicca akusalehi dhammehi”ti-ādīnā¹ nayena Vibhaṅgeyeva attho vutto. Tathāpi Aṭṭhakathānayaṃ vinā na suṭṭhu pākaṭoti Aṭṭhakathānayeveva naṃ pakāsayissāma.

Seyyathidaṃ—**vivicceva kāmehi**ti kāmehi viviccitvā vinā hutvā apasakketvā. Yo paṇāyameṭṭha evakāro, so niyamatthoti veditabbo. Yasmā ca niyamattho, tasmā tasmim paṭhamajjhānam upasampajja viharāṇasamaye avijjamānānampi kāmānam tassa paṭhamajjhānassa ṭṭipakkhabhāvam kāmapariccāgeneva cassa adhigamaṃ dīpeti. Kathaṃ? Vivicceva kāmehiṭi evaṃ hi niyame kariyamāne idaṃ paññāyati. Nūnimassa² jhānassa kāmā ṭṭipakkhabhūtā, yesu sati idaṃ na pavattati andhakāre sati padīpo viya, tesam pariccāgeneva cassa adhigamo hoti orimatīrapariccāgena pārimatīrasseva. Tasmā niyamaṃ karotīti.

Tattha siyā “kasmā panaesa pubbapadeyeva vutto, na uttarapade, kim akusalehi dhammehi aviviccāpi jhānam upasampajja vihareyyā”ti.

1. Abhi 2. 266 piṭṭhe.

2. Nūnamassa (Sī), Nanvimassa (Ka)

Na kho panetaṃ evaṃ daṭṭhabbaṃ. Taṃnissaraṇato hi pubbapadeyeva¹ esa vutto. Kāmadhātusamatikkamanato hi kāmarāgapaṭipakkhato ca idaṃ jhānaṃ kāmaṇameva nissaraṇaṃ. Yathāha “kāmaṇametaraṃ nissaraṇaṃ yadidaṃ nekkhammaṃ”². Uttarapadepi pana yathā “idheva bhikkhave paṭhamo samaṇo, idha dutiyo samaṇo”³ ettha evakāro ānetvā vuccati, evaṃ vattabbo. Na hi sakkā ito aññehipi nīvaraṇasaṅkhātehi akusalehi dhammehi avicca jhānaṃ upasampajja viharitum. Tasmā “vivicceva kāmehi, vivicceva akusalehi dhammehi”⁴ti evaṃ padadvayepi esa daṭṭhabbo. Padadvayepi ca kiñcāpi “viviccā”⁵ti iminā sādharmaṇavacanena tadaṅgavivekādayo kāyavivekādayo ca sabbepi vivekā saṅghaṃ gacchanti, tathāpi kāyaviveko cittaviveko vikkhambhanavivekoti tayo eva idha daṭṭhabbā. “Kāmehi”⁶ti iminā pana padena ye ca niddese “katame vatthukāmā manāpiyā rūpā”⁷ti-ādinā⁸ nayena vatthukāmā vuttā, ye ca tattheva Vibhaṅge ca “chando kāmo”⁹ti-ādinā¹⁰ nayena kilesakāmā vuttā, te sabbepi saṅghatā icceva daṭṭhabbā. Evañhi sati “vivicceva kāmehi”¹¹ti vatthukāmehipi viviccevatī attho yujjati. Tena kāyaviveko vutto hoti.

Vivicca akusalehi dhammehiti kilesakāmehi sabbākusalehi dhammehi vā viviccāti attho yujjati. Tena cittaviveko vutto hoti. Purimena cettha vatthukāmehi vivekavacanato yeva kāmasukhapariccāgo, dutiyena kilesakāmehi vivekavacanato nekkhammasukhapariggaho vibhāvito hoti. Evaṃ vatthukāmakilesakāmavivekavacanato yeva ca etesaṃ paṭhamena saṅkilesavatthupahānaṃ, dutiyena saṅkilesappahānaṃ. Paṭhamena lolabhāvassa hetupariccāgo, dutiyena bālabhāvassa. Paṭhamena ca payogasuddhi, dutiyena āsayaposanaṃ vibhāvitaṃ hotīti viññātabbaṃ. Esa tāva nayo “kāmehi”¹²ti ettha vuttakāmesu vatthukāmapakkhe.

Kilesakāmapakkhe pana chandoti ca rāgoti ca evamādihi anekabhedo kāmacchandoyeva kāmoti adhippeto. So ca

1. Pubbapade (Visuddhi 1. 136; Abhi-Ṭṭha 1. 208; Paṭisaṃ-Ṭṭha 1. 166 piṭṭhesu.)

2. Khu 1. 237 Itivuttake.

3. Ma 1. 92 piṭṭhe.

4. Khu 7. 1 piṭṭhe.

5. Khu 7. 2; Abhi 2. 266 piṭṭhesu.

akusalapariyāpannopi samāno “tattha katamo kāmacchando, kāmo”ti-ādinā nayena Vibhaṅge jhānapaṭipakkhato viyuṃ vutto. Kilesakāmattā vā purimapade vutto, akusalapariyāpannattā dutiyapade. Anekabhedato cassa kāmatoti avatvā kāmeḥīti vuttaṃ. Aññesampi ca dhammānaṃ akusalabhāve vijjamāne “tatta katame akusalā dhammā, kāmacchando”ti-ādinā nayena Vibhaṅge¹ parijhānaṅgapaccanīkaṭṭhapaṭipakkhabhāvadassanato nīvaraṇāneva vuttāni. Nīvaraṇāni hi jhānaṅgapaccanīkāni, tesāṃ jhānaṅgāneva paṭipakkhāni, vidhamsakānīti vuttaṃ hoti. Tathā hi “samādhi kāmacchandassa paṭipakkho, pīti byāpādassa, vitakko thinamiddhassa, sukhaṃ uddhaccakukkuccassa, vicāro vicikicchāyā”ti **Petake**² vuttaṃ.

Evamettha “vivicceva kāmeḥī”ti iminā kāmacchandassa vikkhambhanaviveko vutto hoti, “vivicca akusalehi dhammeḥī”ti iminā pañcannampi nīvaraṇānaṃ. Aggahitaggahaṇena pana paṭhamena kāmacchandassa, dutiyena sesanīvaraṇānaṃ. Tathā paṭhamena tīsu akusalamūlesu pañcakāmaguṇabhedavisayassa lobhassa, dutiyena āghātavatthubhedādivisayānaṃ dosamohānaṃ. Oghādīsu vā dhammesu paṭhamena kāmogha kāmayoga kāmāsavakāmupādāna abhijjhākāyagantha kāmarāgasamīyojanānaṃ, dutiyena avasesa-oghayogāsava-upādānaganthasamīyojanānaṃ. Paṭhamena ca taṇhāya taṃsampayuttakānañca, dutiyena avijjāya taṃsampayuttakānañca. Apica paṭhamena lobhasampayutta-aṭṭhacittupādānaṃ, dutiyena sesānaṃ catunnaṃ akusalacittupādānaṃ vikkhambhanaviveko vutto hotīti vedītabbo. Ayaṃ tāva “vivicceva kāmeḥī vivicca akusalehi dhammeḥī”ti ettha atthappakāsanā.

Ettāvatā ca paṭhamassa jhānassa pahānaṅgaṃ dassetvā idāni sampayogaṅgaṃ dassento “**savitakkaṃ savicāraṃ**”ti-ādimāha. Tattha vitakkaṇaṃ vitakko, ūhananti vuttaṃ hoti. Svāyaṃ ārammaṇe cittaṃ abhiniropanalakkhaṇo, āhananapariyāhananaraso. Tathā hi “tena yogāvacaro ārammaṇaṃ vitakkāhataṃ vitakkapariyāhataṃ karotī”ti vuccati. Ārammaṇe cittaṃ ānayanapaccupaṭṭhāno. Vicāraṇaṃ vicāro,

1. Abhi 2. 266 piṭṭhe.

2. Gavesītabbo.

anusañcaraṇanti vuttaṃ hoti. Svāyaṃ ārammaṇānumajjanalakkhaṇo, tattha sahaajātanuyojanaraso, cittassa anuppabandhanapaccupaṭṭhāno. Santepi ca nesaṃ katthaci avippayoge oḷārikaṭṭhena ghaṇḍhābhīghātasaddo viya cetaso paṭhamābhiniṇipāto vitakko, sukhumaṭṭhena anuravo viya anuppabandho vicāro. Vipphāravā cettha vitakko paripphandanabhāvo cittassa, ākāse uppatitukāmassa pakkhino pakkhavikkhepo viya, padumābhimukhapāto viya ca gandhānubandhacetaso bhamarassa. Santavutti vicāro nātiparipphandanabhāvo cittassa, ākāse uppatitassa pakkhino pakkhappasāraṇaṃ viya, paribbhamanaṃ viya ca padumābhimukhapatitassa bhamarassa padumassa uparibhāge. So pana nesaṃ viseso paṭhamadutiyajjhānesu pākaṭo hoti. Iti iminā ca vitakkena, iminā ca vicārena saha vattati rukkho viya pupphena ca phalena cāti idaṃ jhānaṃ “savitakkaṃ savicāraṇ”ti vuccati. Vibhaṅge pana “iminā ca vitakkena, iminā ca vicārena upeto hoti samupeto”ti-ādinā¹ nayena puggalādhiṭṭhānā desanā katā, attho pana tatrāpi evameva daṭṭhabbo.

Vivekajanti ettha vivitti viveko, nīvaraṇavigamoti attho. Vivittoti vā viveko, nīvaraṇavivitto jhānasampayuttadhammārāsīti attho. Tasmā vivekā, tasmim vā viveke jātanti vivekajaṃ. **Pītisukhanti** ettha pinayatīti pīti, sā sampiyāyanalakkhaṇā, kāyacittapīnanarasā, pharaṇarasā vā, odagyaṇapaccupaṭṭhānā. Sukhanaṃ sukhaṃ, suṭṭhu vā khādanti khanati ca kāyacittābādanti sukhaṃ, taṃ sātālakkhaṇaṃ, sampayuttakānaṃ upabrūhanarasāṃ, anuggahapaccupaṭṭhānaṃ. Satipi ca nesaṃ katthaci avippayoge iṭṭhārammaṇapaṭilābhatuṭṭhi pīti, paṭiladdhārasānubhavanaṃ sukhaṃ. Yattha pīti, tattha sukhaṃ, yattha sukhaṃ, tattha na niyamato pīti. Saṅkhārakkhandhasaṅgahitā pīti, vedanākkhandhasaṅgahitaṃ sukhaṃ. Kantārakhinnassa vanantodakadassanasavanesu viya pīti, vanacchāyappavesana-udakaparibhogesu viya sukhaṃ. Tasmim tasmim samaye pākaṭabhāvato cetam vuttanti vedītabbamaṃ. Ayaṅca pīti idaṅca sukhaṃ assa jhānassa, asmim vā jhāne atthīti idaṃ jhānaṃ “pītisukhaṇ”ti vuccati.

Atha vā pīti ca sukhaṅca pītisukhaṃ dhammavinayādayo viya. Vivekajaṃ pītisukhamassa jhānassa, asmim vā jhāne atthīti evampi vivekajampītisukhaṃ.

1. Abhi 2. 267 piṭṭhe.

Yatheva hi jhānaṃ, evaṃ pītisukhampettha vivekajameva hoti, tañcassa atthīti tasmā ekapadeneva “vivekajampītisukhan”¹tipi vattum yujjati. Vibhaṅge¹ pana “idaṃ sukhaṃ imāya pītiyā saḥagatan”²ti-ādinā nāyenetam vuttam, attho pana tatrāpi evameva datṭhabbo.

Paṭhamanti haṇanānupubbato² paṭhamam, idaṃ paṭhamam samāpajjatītipi paṭhamam. Paccanīkadhamme jhāpetīti **jhānaṃ**, iminā yogino jhāyantītipi jhānaṃ, paccanīkadhamme ḍahanti, gocaraṃ vā cintentīti attho. Sayam vā tam jhāyati upanijjhāyatīti jhānaṃ, teneva upanijjhānalakkhaṇanti vuccati. Tadetaṃ ārammaṇūpaniijhānaṃ lakkhaṇūpaniijhānanti duvidham hoti. Tattha **ārammaṇūpaniijhānanti** saha upacārena aṭṭha samāpattiyo vuccanti. Kasmā? Kasiṇādi-ārammaṇūpaniijhāyanato. **Lakkhaṇūpaniijhānanti** vipassanāmaggaṃ phalāni vuccanti. Kasmā? Lakkhaṇūpaniijhāyanato. Ettha hi vipassanā aniccalakkhaṇādīni upaniijhāyati. Vipassanāya upaniijhāyanakiccaṃ pana maggena sijjhatīti maggo lakkhaṇūpaniijhānanti vuccati. Phalaṃ pana nirodhassa tathalakkhaṇam upaniijhāyatīti lakkhaṇūpaniijhānanti vuccati. Imasmiṃ panatthe ārammaṇūpaniijhānameva jhānanti adhippetam.

Etthāha “katamaṃ pana tam jhānaṃ nāma, yaṃ savitakkaṃ savicāraṃ -pa- pītisukhanti evaṃ apadesaṃ arahatī”³ti. Vuccate, yathā sadhano sarijanoti-ādīsu ṭhapetvā dhanaṅca parijanaṅca añño apadesāraho hoti³, evaṃ ṭhapetvā vitakkādīdhamme aññaṃ apadesārahaṃ natthi. Yathā pana sarathā sapatti senāti vutte senaṅgesuyeva senāsammuti, evamidha pañcasu aṅgesuyeva jhānasammuti veditabbā. Katamesu pañcasu? Vitakko vicāro pīti sukhaṃ cittakaggatāti etesu. Etāneva hissa “savitakkaṃ savicāraṃ”³ti-ādinā nāyena aṅgabhāvena vuttāni. Avuttattā ekaggatā aṅgaṃ na hotīti ce. Tañca na. Kasmā? Vuttattā eva. Sāpi hi Vibhaṅge¹ “jhānanti vitakko vicāro pīti sukhaṃ cittassekaggatā”³ti evaṃ vuttāyeva, tasmā yathā savitakkaṃ savicāranti, evaṃ sacittakaggatanti idha avuttepi iminā vibhaṅgavacanena cittakaggatāpi aṅgamevāti veditabbā.

1. Abhi 2. 267 piṭṭhe.

2. Gaṇanānupubbatā (Ka)

3. Añño apadesāraho na hoti (Sī, Syā), nāñño apadesāraho hoti (Ka)

Yena hi adhippāyena Bhagavatā uddeso kato, so eva tena Vibhaṅgepi pakāsitoti.

Upasampajjāti upagantvā, pāpuṇitvāti vuttam̐ hoti. Upasampādayitvā vā, nipphādetvāti vuttam̐ hoti. Vibhaṅge¹ pana “upasampajjāti paṭhamassa jhānassa lābho paṭilābho patti sampatti phusanā samphusanā sacchikiriyā upasampadā”ti vuttam̐, tassāpi evamevattho veditabbo. **Vihāsinti** Bodhimaṇḍe nisajjasāṅkhātena iriyāpathavihārena itivuttappakārajhānasamaṅgī hutvā attabhāvassa iriyam̐ vuttim̐ pālanam̐ yapanam̐ yāpanam̐ cāram̐ vihāram̐ abhinipphādesinti attho. Vuttam̐ hetam̐ Vibhaṅge¹ “viharatīti iriyati vattati pāleti yapeti yāpeti carati viharati, tena vuccati viharatī”ti.

Kim̐ pana katvā Bhagavā imam̐ jhānam̐ upasampajja vihāsīti? Kammatṭhānam̐ bhāvetvā. Kataram̐? Ānāpānassatikammatṭhānam̐. Aññena tadatthikena kim̐ kātābanti? Aññenapi etam̐ vā kammatṭhānam̐ pathavīkaṣiṇādīnam̐ vā aññataram̐ bhāvetabbam̐. Tesam̐ bhāvanānayo **Visuddhimagge**² vuttanayeneva veditabbo. Idha pana vuccamāne atibhāriyam̐ vinayanidānam̐ hoti, tasmā Pāḷiyā atthappakāsanamattameva karomāti.

Paṭhamajjhānakathā niṭṭhitā.

Dutiyajjhānakathā

Vitakkavicārānam̐ vūpasamāti vitakkassa ca vicārassa cāti imesam̐ dvinnam̐ vūpasamā samatikkamā, dutiyajjhānakkhaṇe apātubhāvāti vuttam̐ hoti. Tattha kiñcāpi dutiyajjhāne sabbepi paṭhamajjhānadhammā na santi, aññeyeva hi paṭhamajjhāne phassādayo, aññe idha, oḷārikassa pana oḷārikassa aṅgassa samatikkamā paṭhamajjhānato paresam̐ dutiyajjhānādīnam̐ adhigamo hotīti dīpanattham̐ “vitakkavicārānam̐ vūpasamā”ti evam̐ vuttanti veditabbam̐. **Ajjhattanti** idha niyakajjhattamadhīppetam̐. Vibhaṅge³ pana “ajjhattam̐ paccattan”ti ettakave vuttam̐. Yasmā pana niyakajjhattam̐ adhippetam̐, tasmā attani jātam̐ attano santāne nibbattanti ayamettha attho.

1. Abhi 2. 255 piṭṭhe.

2. Visuddhi 1. 119 piṭṭhādīsū.

3. Abhi 2. 268 piṭṭhe.

Sampasādananti sampasādanam vuccati saddhā. Sampasādanayogato jhānampi sampasādanam nīlavaṇṇayogato nīlavattham viya. Yasmā vā tam jhānam sampasādanasamannāgatattā vitakkavicārakkhobhavūpasamanena ceto sampasādayati, tasmāpi sampasādananti vuttam. Imasmim ca atthavikappe sampasādanam cetasoti evam padasambandho veditabbo, purimasmim pana atthavikappe cetasoti etam ekodibhāvena saddhim yojetabban. Tatrāyam atthayojanā, eko udetīti **ekodi**, vitakkavicārehi anajjhārūḷhattā aggo seṭṭho hutvā udetīti attho. Seṭṭhopi hi loke ekoti vuccati. Vitakkavicāravirahato vā eko asahāyo hutvātipi vuttum vaṭṭati. Atha vā sampayuttadhamme udāyatīti udi, utthāpetīti attho. Seṭṭhaṭṭhena eko ca so udi cāti ekodi, samādhissetam adhivacanam. Iti imam ekodim bhāveti vaḍḍhayatīti idam dutiyajjhānam **ekodibhāvam**. So panāyam ekodi yasmā cetaso, na sattassa, na jīvassa, tasmā etam **cetaso ekodibhāvanti** vuttam.

Nanu cāyam saddhā paṭhamajjhānepi atthi, ayañca ekodināmako samādhī, atha kasmā idameva sampasādanam “cetaso ekodibhāvañca”ti vuttanti? Vuccate, adum hi paṭhamajjhānam vitakkavicārakkhobhena vīcitarāṅgasamākulamiva jalam na suppasannam hoti, tasmā satiyāpi saddhāya sampasādananti na vuttam. Na suppasannattāyeva cettha samādhipi na suṭṭhu pākaṭo, tasmā ekodibhāvanti na vuttam. Imasmim pana jhāne vitakkavicārapalibodhābhāvena laddhokāsā balavatī saddhā, balavasaddhāsahāyappaṭilābheneva ca samādhipi pākaṭo, tasmā idameva evam vuttanti veditabban. Vibhaṅge¹ pana “sampasādananti yā saddhā saddahanā okappanā abhippasādo. Cetaso ekodibhāvanti yā cittassa ṭhiti -pasammāsamādhi”ti ettakameva vuttam. Evam vuttena panetena saddhim ayaṃ atthavaṇṇanā yathā na virujjhati aññadatthu saṃsandati ceva sameti ca, evam veditabbā.

Avitakkam avicāranti bhāvanāya pahīnattā etasmim, etassa vā vitakko natthīti avitakkam. Imināva nayena avicāram. Vibhaṅgepi¹ vuttam—iti ayañca vitakko ayañca vicāro santā honti samitā

1. Abhi 2. 268 piṭṭhe.

vūpasantā atthaṅgatā abbatthaṅgatā appitā byappitā sositā visositā byantīkatā, tena vuccati avitakkam avicāranti.

Etthāha “nanu ca vitakkavicārānaṃ vūpasamāti imināpi ayamattho siddho, atha kasmā puna vuttam avitakkam avicāran”ti. Vuccate, evametam siddhovāyamattho, na panetaṃ tadatthadīpakam, nanu avocumha “oḷārikassa pana oḷārikassa aṅgassa samatikkamā paṭhamajjhānato paresam dutiyajjhānādīnaṃ adhigamo hotīti dīpanattham ‘vitakkavicārānaṃ vūpasamā’ti evam vuttan”ti.

Apica vitakkavicārānaṃ vūpasamā idam sampasādanaṃ, na kilesakālusiyassā¹. Vitakkavicārānaṃca vūpasamā ekodibhāvaṃ, na upacārajjhānamiva nīvaraṇappahānā, na paṭhamajjhānamiva ca aṅgapātubhāvāti evam sampasādana-ekodibhāvānaṃ hetuparidīpakamidam vacanaṃ. Tathā vitakkavicārānaṃ vūpasamā idam avitakka-avicāraṃ, na tatiyacatutthajjhānāni viya, cakkhuvīññāṇādīni viya ca abhāvāti evam avitakka-avicārabhāvassa hetuparidīpakaṃca, na vitakkavicārābhāvamattaparidīpakam. Vitakkavicārābhāvamattaparidīpakameva pana “avitakkam avicāran”ti idam vacanaṃ, tasmā purimaṃ vatvāpi puna vattabbamevāti.

Samādhijanti paṭhamajjhānasamādhito, sampayuttasamādhito vā jātanti attho. Tattha kiñcāpi paṭhamampi sampayuttasamādhito jātam, atha kho ayameva samādhīti vattabbataṃ arahati vitakkavicārakkhobhavirahena ativiya acalattā, suppasannattā ca. Tasmā imassa vaṇṇabhaṇanattham idameva “samādhijan”ti vuttam. **Pītisukhanti** idam vuttanayameva.

Dutiyanti gaṇanānupubbato dutiyam, idam dutiyam samāpajjatītipi dutiyam. **Jhānanti** ettha pana yathā paṭhamajjhānaṃ vitakkādīhi pañcaṅgikam hoti, evamidam sampasādādīhi caturaṅgikanti veditabbam. Yathāha “jhānanti sampasādo pīti sukham cittassekaggatā”ti². Piriyaoyeva ceso, sampasādanaṃ pana ṭhapetvā nipariyaena tivaṅgikamevetam hoti. Yathāha “katamaṃ tasmim samaye tivaṅgikam jhānaṃ hoti? Pīti sukham cittassekaggatā”ti³. Sesam vuttanayamevāti.

Dutiyajjhānakathā niṭṭhitā.

1. Kālussisassa (Ka)

2. Abhi 2. 268 piṭṭhe.

3. Abhi 1. 44 piṭṭhe peyyāle.

Tatiyajjhānakathā

Pītiyā ca virāgāti ettha vuttatthāyeva pīti. **Virāgoti** tassā jigucchanam vā samatikkamo vā. Ubhinnamantarā **ca**-saddo sampiṇḍanattho, so hi vūpasamaṃ vā sampiṇḍeti vitakkavicāravūpasamaṃ vā. Tattha yadā vūpasamameva sampiṇḍeti, tadā pītiyā virāgā ca, kiñca bhiiyo vūpasamā cāti evaṃ yojanā veditabbā. Imissā ca yojanāyaṃ virāgo jigucchanattho hoti, tasmā pītiyā jigucchanā ca vūpasamā cāti ayamattho daṭṭhabbo. Yadā pana vitakkavicāravūpasamaṃ sampiṇḍeti, tadā pītiyā ca virāgā, kiñca bhiiyo vitakkavicārānañca vūpasamāti evaṃ yojanā veditabbā. Imissā ca yojanāyaṃ virāgo samatikkamanattho hoti, tasmā pītiyā ca samatikkamā, vitakkavicārānañca vūpasamāti ayamattho daṭṭhabbo.

Kāmañcete vitakkavicārā dutiyajjhāneyeva vūpasantā, imassa pana jhānassa maggaparidīpanattham, vaṇṇabhaṇanatthañcetaṃ vuttaṃ. “Vitakkavicārānaṃ vūpasamā”ti hi vutte idaṃ paññāyati “nūna vitakkavicāravūpasamo maggo imassa jhānassa”ti. Yathā ca tatiye ariyamagge appahīnānampi sakkāyadīṭṭhādīnaṃ “pañcannaṃ orambhāgiyānaṃ saṃyojanānaṃ pahānā”ti¹ evaṃ pahānaṃ vuccamānaṃ vaṇṇabhaṇanaṃ hoti, tadadhigamāya ussukānaṃ ussāhajanakaṃ, evamevaṃ idha avūpasantānampi vitakkavicārānaṃ vūpasamo vuccamāno vaṇṇabhaṇanaṃ hoti, tenāyamattho vutto “pītiyā ca samatikkamā, vitakkavicārānañca vūpasamā”ti.

Upekkhako ca vihāsinti ettha upapattito ikkhatīti upekkhā, samaṃ passati, apakkhatitāva hutvā passatīti attho. Tāya visadāya vipulāya thāmagatāya samannāgatattā tatiyajjhānasamaṅgī upekkhakoti vuccati. Upekkhā pana dasavidhā hoti chaḷaṅgupekkhā brahmavihārupekkhā bojjhaṅgupekkhā vīriyupekkhā saṅkhārupekkhā vedanupekkhā vipassanupekkhā tatramajjhātupekkhā jhānupekkhā pārisuddhupekkhāti. Evamayam dasavidhāpi tattha tattha āgatanayato bhūmipuggalacittārammaṇato, khandhasaṅgaha-ekakkhaṇakusalattikasāṅkhepavasena ca **Aṭṭhasālīniyā** Dhammasaṅgahaṭṭhakathāya² vuttanayeneva veditabbā, idha pana vuccamānā vinayanidānaṃ

1. Ma 2. 98 piṭṭhe.

2. Abhi-Ṭṭha 1. 216 piṭṭhe.

atibhāriyaṃ karotīti na vuttā. Lakkhaṇādito pana idha adhippetupekkhā majjhatalakkhaṇā, anābhogarasā, abyāpārapaccupaṭṭhānā, pītivirāgapadaṭṭhānāti.

Etthāha “nanu cāyaṃ atthato tatramajjhattupekkhāva hoti, sā ca paṭhamadutiyajjhānesupi atthi. Tasmā tatrāpi ‘upekkhako ca vihāsin’ti evamayaṃ vattabbā siyā, sā kasmā na vuttā”ti. Aparibyattakiccato. Aparibyattaṃ hi tassā tattha kiccaṃ, vitakkādīhi abhibhūtattā. Idha panāyaṃ vitakkavicārapīṭhi anabhibhūtattā ukkhittasirā viya hutvā paribyattakiccā jātā, tasmā vuttāti.

Niṭṭhitā “upekkhako ca vihāsin”ti etassa sabbaso atthavaṇṇanā.

Idāni **sato ca sampajānoti** ettha saratīti **sato**, sampajānātīti **sampajāno**. Puggalena sati ca sampajāññaṅca vuttaṃ. Tattha saraṇalakkhaṇā sati, asammussanarasā, ārakkhapaccupaṭṭhānā. Asammohalakkhaṇaṃ sampajāññaṃ, tīraṇarasam, pavicayapaccupaṭṭhānaṃ. Tattha kiñcāpi idaṃ satisampajāññaṃ purimajjhānesupi atthi, muṭṭhassatissa hi asampajānassa upacārajjhānamattampi na sampajjati, pageva appanā, oḷārikattā pana tesam jhānānaṃ bhūmiyaṃ viya purisassa cittassa gati sukhā hoti, abyattaṃ tattha satisampajāññakiccaṃ. Oḷārikaṅgappahānena pana sukhumattā imassa jhānassa purisassa khuradhārāyaṃ viya satisampajāññakiccapariggahitāyeva cittassa gati icchitabbāti idheva vuttaṃ. Kiñca bhiyyo¹—yathāpi dhenupago vaccho dhenuto apanīto arakkhiyamāno punadeva dhenuṃ upagacchati, evamidaṃ tatiyajjhānasukhaṃ pītito apanītampi satisampajāññārakkhena arakkhiyamānaṃ punadeva pītiṃ upagaccheyya, pītisampayuttameva siyā, sukhe vāpi sattā rajjanti, idaṅca atimadhuraṃ sukhaṃ, tato paraṃ sukhābhāvā. Satisampajāññānubhāvena panettha sukhe asārajjanā hoti, no aññathāti imampi atthavisesaṃ dassetuṃ idamidheva vuttanti vedittabbaṃ.

Idāni **sukhaṅca kayena paṭisaṃvedesinti** ettha kiñcāpi tatiyajjhānasamaṅgino sukhapaṭisaṃvedanābhogo natthi, evaṃ santepi yasmā tassa nāmakāyena sampayuttaṃ sukhaṃ, yaṃ vā taṃ nāmakāyasampayuttaṃ sukhaṃ, taṃsamuṭṭhānenassa yasmā atipaṇītena rūpena rūpakāyo phuṭo,

1. Kiñci bhiyyo (Syā)

yassa phuṭṭatā jhānā vuṭṭhitopi sukhaṃ paṭisaṃvedeyya, tasmā etamatthaṃ dassento “sukhañca kāyena paṭisaṃvedesin”ti āha.

Idāni **yam taṃ ariyā ācikkhanti upekkhako satimā sukhavihārī**ti ettha¹ yamjānāhetu yamjānānakāraṇā taṃ tatiyajjhānasamaṅgīpuggalaṃ buddhādayo ariyā ācikkhanti desenti paññapenti paṭṭhapenti vivaranti vibhajanti uttānīkaronti pakāsentī, pasaṃsantīti adhippāyo. Kinti? Upekkhako satimā sukhavihārīti, taṃ tatiyam jhānaṃ upasampajja vihāsinti evamettha yojanā veditabbā.

Kasmā pana taṃ te evaṃ pasaṃsantīti? Pasaṃsārahato. Ayam hi yasmā atimadhurasukhe sukhapāramippatṭepi tatiyajjhāne upekkhako, na tattha sukhābhisaṅgena ākaḍḍhīyati, yathā ca pīti na uppajjati, evaṃ upaṭṭhitassatitāya satimā. Yasmā ca ariyakantaṃ, ariyajānasevitameva ca asaṃkiliṭṭhaṃ sukhaṃ nāmakāyena paṭisaṃvedeti, tasmā pasaṃsāraho. Iti pasaṃsārahato naṃ ariyā te evaṃ pasaṃsāhetubhūte guṇe pakāsentā “upekkhako satimā sukhavihārī”ti evaṃ pasaṃsantīti veditabbam.

Tatiyanti gaṇanānupubbato tatiyam, idaṃ tatiyam samāpajjatītipi tatiyam. **Jhānanti** ettha ca yathā dutiyam sampasādādīhi caturaṅgikaṃ, evamidam upekkhādīhi pañcaṅgikaṃ. Yathāha “jhānanti upekkhā sati sampajaññaṃ sukhaṃ cittassekaggatā”ti². Pariyāyoyeva ceso, upekkhāsatisampajaññaṃ pana ṭhapetvā nippariyāyena duvaṅgikamevetaṃ hoti. Yathāha “katamaṃ tasmim samaye duvaṅgikaṃ jhānaṃ hoti? Sukhaṃ cittassekaggatā”ti³. Sesam vuttanayamevāti.

Tatiyajjhānakathā niṭṭhitā.

Catutthajjhānakathā

Sukhassa ca pahānā dukkhassa ca pahānāti kāyikasukhassa ca kāyikadukkhassa ca pahānā. **Pubbevāti** tañca kho pubbeva, na

1. Idaṃ etthātipadaṃ adhikaṃ viya dissati.

2. Abhi 2. 270 piṭṭhe.

3. Abhi 1. 45 piṭṭhe peyyāle.

catutthajjhānakkhaṇe. **Somanassadomanassānaṃ atthaṅgamāti**
 cetasikasukhassa ca cetasikadukkhassa cāti imesampi dvinnaṃ pubbeva
 atthaṅgamā, pahānā icceva vuttaṃ hoti. Kadā pana nesam pahānaṃ hoti?
 Catunnaṃ jhānaṃ upacārakkhaṇe. Somanassaṃ hi catutthajjhānassa
 upacārakkhaṇeyeva pahīyati, dukkhadomanassasukhāni
 paṭhamadutiyatatiyānaṃ upacārakkhaṇesu. Evametesam pahānakkamena
 avuttānaṃ, Indriyavibhaṅge pana indriyānaṃ uddesakkameneva idhāpi
 vuttānaṃ sukha dukkha somanassa domanassānaṃ pahānaṃ veditabbaṃ.

Yadi panetāni tassa tassa jhānassa upacārakkhaṇeyeva pahīyanti, atha
 kasmā “kattha cuppannaṃ dukkhindriyaṃ aparisesaṃ nirujjhati? Idha
 bhikkhave bhikkhu vivicceva kāmehi -pa- paṭhamaṃ jhānaṃ upasampajja
 viharati. Etthuppannaṃ dukkhindriyaṃ aparisesaṃ nirujjhati. Kattha
 cuppannaṃ domanassindriyaṃ. Sukhindriyaṃ. Somanassindriyaṃ
 aparisesaṃ nirujjhati? Idha bhikkhave bhikkhu sukhasa ca pahānā -pa-
 catutthaṃ jhānaṃ upasampajja viharati. Etthuppannaṃ somanassindriyaṃ
 aparisesaṃ nirujjhati”¹ti evaṃ jhānesveva nirodho vuttoti?
 Atisayanirodhattā. Atisayanirodho hi nesam paṭhamajjhānādīsu, na
 nirodhoyeva, nirodhoyeva pana upacārakkhaṇe, nātisayanirodho. Tathā hi
 nānāvajjane paṭhamajjhānūpacāre niruddhassāpi dukkhindriyassa
 ḍaṃsamakāsādisamphassaena vā visamāsanupatāpena vā siyā uppatti, na
 tveva anto-appanāyaṃ. Upacāre vā niruddhampetaṃ na suṭṭhu niruddhaṃ
 hoti paṭipakkhena avihatattā. Anto-appanāyaṃ pana pītipharaṇena sabbo
 kāyo sukhokkanto hoti. Sukhokkantakāyassa ca suṭṭhu niruddhaṃ hoti
 dukkhindriyaṃ paṭipakkhena vihatattā. Nānāvajjane eva ca
 dutiyajjhānūpacāre pahīnassa domanassindriyassa yasmā etaṃ
 vitakkavicārappaccayepi kāyakilamathe, cittupaghāte ca sati uppajjati,
 vitakkavicārābhāve neva uppajjati. Yattha pana uppajjati, tattha
 vitakkavicārābhāve. Appahīnā eva ca dutiyajjhānūpacāre vitakkavicārāti
 tatthassa siyā uppatti appahīnapaccayattā. Na tveva dutiyajjhāne
 pahīnapaccayattā. Tathā tatiyajjhānūpacāre pahīnassāpi sukhindriyassa
 pītisamuṭṭhānapanītarūpaphuṭakāyassa siyā uppatti, na tveva tatiyajjhāne.
 Tatiyajjhāne hi sukhasa

1. Saṃ 3. 188 piṭṭhe.

paccayabhūta pīti sabbaso niruddhāti. Tathā catutthajjhānūpacāre pahīnassāpi somanassindriyassa āsannattā, appanāppattāya upekkhāya abhāvena sammā anatikkantattā ca siyā uppatti, na tveva catutthajjhāne. Tasmā eva ca “etthuppannam dukkhindriyam aparisesam nirujjhatī”ti tattha tattha aparisesaggahaṇam katanti.

Etthāha “athevaṃ tassa tassa jhānassūpacāre pahīnāpi etā vedanā idha kasmā samāharī”ti. Sukhaggahaṇattham. Yā hi ayam “adukkhamasukhan”ti ettha adukkhamasukhā vedanā vuttā, sā sukhumā atidubbiññeyyā, na sakkā sukhena gahetuṃ. Tasmā yathā nāma duṭṭhassa yathā vā tathā vā upasaṅkamitvā gahetuṃ asakkuṇeyyassa goṇassa gahaṇattham gopo ekasmim vaje sabbe gāvo samāharati, athekekaṃ nīharanto paṭipāṭiyā āgataṃ “ayam so, gaṇhatha nan”ti tampi gāhāpayati. Evameva Bhagavā sukhaggahaṇattham sabbā etā samāhari. Evañhi samāhaṭā etā dassetvā “yam neva sukham na dukkham na somanassam na domanassam, ayam adukkhamasukhā vedanā”ti sakkā hoti esā gāhayituṃ.

Apica adukkhamasukhāya cetovimuttiyā paccayadassanattañcāpi etā vuttāti veditabbā. Dukkappahānādayo¹ hi tassā paccayā. Yathāha—cattāro kho āvuso paccayā adukkhamasukhāya cetovimuttiyā samāpattiyā. Idhāvuso bhikkhu sukhassa ca pahānā -pa- catuttham jhānam upasampajja viharati, ime kho āvuso cattāro paccayā adukkhamasukhāya cetovimuttiyā samāpattiyāti². Yathā vā aññattha pahīnāpi sakkāyadīṭṭhi-ādayo tatiyamaggassa vaṇṇabhaṇanattam tattha pahīnāti vuttā. Evaṃ vaṇṇabhaṇanattampetassa jhānassetā idha vuttāti veditabbā. Paccayaghātena vā ettha rāgadosānam atidūrabhāvam dassetumpetā vuttāti veditabbā. Etāsu hi sukham somanassassa paccayo, somanassam rāgassa, dukkham domanassassa, domanassam dosassa. Sukhādighātena ca te sappaccayā rāgadosā hatāti atidūre hontīti.

Adukkhamasukhanti dukkhābhāvena adukkham, sukhābhāvena asukham, etenattha dukkhasukhapaṭipakkhabhūtam tatiyavedanam dīpeti, na dukkhasukhābhāvamattam.

1. Sukhappahānādayo (bahūso)

2. Ma 1. 370 piṭṭhe.

Tatīyavedanā nāma adukkhamasukhā, upekkhātīpi vuccatī. Sā iṭṭhāniṭṭhaviparītānubhavanalakkhaṇā, majjhattarasā, avibhūtapaccupaṭṭhānā, sukhanirodhapadaṭṭhānāti veditabbā. **Upekkhāsati**pārisuddhīti upekkhāya janitasati pārisuddhīm. Imasmiñhihāne suparisuddhāsati. Yā ca tassā satiyā pārisuddhī, sā upekkhāya katā na aññena. Tasmā etaṃ “upekkhāsati pārisuddhī”ti vuccatī. **Vibhaṅge**pi vuttam “ayaṃ sati imāya upekkhāya visadā hoti parisuddhā pariyodātā, tena vuccatī upekkhāsati pārisuddhī”ti¹. Yāya ca upekkhāya ettha satiyā pārisuddhī hoti, sā atthato tatramajjhattatā veditabbā. Na kevalañcetta tāya satīyeva parisuddhā, apica kho sabbepi sampayuttadhammā, satisīsenā pana desanā vuttā.

Tattha kiñcāpi ayaṃ upekkhā heṭṭhāpi tīsu jhānesu vijjati, yathā pana divā sūriyappabhābhībhavā, sommahāvena ca attano upakārakattena vā sabhāgāya rattiyā alābhā divā vijjamānāpi candalekhā aparīsuddhā hoti apariyodātā, evamayampi tatramajjhattupekkhācandalekhā vitakkavicārādīpaccanīkadhammatejābhībhavā, sabhāgāya ca upekkhāvedanārattiyā alābhā vijjamānāpi paṭhamādījjhānabhedesu aparīsuddhā hoti. Tassā ca aparīsuddhāya divā aparīsuddhacandalekhāya pabhā viya saha jātāpi sati-ādayo aparīsuddhāva hontī. Tasmā tesu ekampi “upekkhāsati pārisuddhī”ti na vuttam. Idha pana vitakkādīpaccanīkadhammatejātibhavābhāvā, sabhāgāya ca upekkhāvedanārattiyā paṭilābhā ayaṃ tatramajjhattupekkhācandalekhā atīviya parisuddhā, tassā parisuddhattā parisuddhacandalekhāya pabhā viya saha jātāpi sati-ādayo parisuddhā hontī pariyodātā, tasmā idameva “upekkhāsati pārisuddhī”ti vuttanti veditabbam.

Catutthanti gaṇanānupubbato catuttham, idaṃ catuttham samāpajjatītipi catuttham. **Jhānanti** ettha yathā tatiyaṃ upekkhādīhi pañcaṅgikam, evamidam upekkhādīhi tivaṅgikam. Yathāha “jhānanti upekkhā sati cittassekaggatā”ti¹. Pariyāyo eva ceso, ṭhapetvā pana satim upekkhekaggatameva² gahetvā nippariyāyena duvaṅgikamevetam hoti. Yathāha “katamam

1. Abhi 2. 271 piṭṭhe.

2. Upekkhāvedanameva (sabbattha)

tasmim̐ samaye duvaṅgikaṃ jhānaṃ hoti? Upekkhā cittassekaggatā”ti¹.
Sesaṃ vuttanayamevāti.

Catutthajjhānakathā niṭṭhitā.

Pubbenivāsakathā

12. Iti imāni cattāri jhānāni kesañci cittekaggatathāni honti, kesañci vipassanāpādakāni, kesañci abhiññāpādakāni, kesañci nirodhapādakāni, kesañci bhavokkamanatthāni. Tattha khīṇāsavānaṃ cittekaggatathāni honti. Te hi samāpajjitvā “ekaggacittā sukhaṃ divasaṃ viharissāmā”ti iccevaṃ kasiṇaparikkammaṃ katvā aṭṭha samāpattiyo nibbattenti. Sekkhaputhujjanānaṃ “samāpattito vuṭṭhāya samāhitena cittena vipassissāmā”ti nibbattentānaṃ vipassanāpādakāni honti. Ye pana aṭṭha samāpattiyo nibbattetvā abhiññāpādakaṃ jhānaṃ samāpajjitvā samāpattito vuṭṭhāya “ekopi hutvā bahudhā hoti”ti vuttanayā abhiññāyo patthentā nibbattenti, tesāṃ abhiññāpādakāni honti. Ye pana aṭṭha samāpattiyo nibbattetvā “nirodhasamāpattiṃ samāpajjitvā sattāhaṃ acittakā hutvā diṭṭheva dhamme nirodhaṃ nibbānaṃ patvā sukhaṃ viharissāmā”ti nibbattenti, tesāṃ nirodhapādakāni honti. Ye pana aṭṭha samāpattiyo nibbattetvā “aparihīnajjhānā hutvā brahmaloke uppajjissāmā”ti nibbattenti, tesāṃ bhavokkamanatthāni honti.

Bhagavatā panidaṃ catutthajjhānaṃ Bodhirukkhamūle nibbattitaṃ, taṃ tassa vipassanāpādakañceva ahoṣi abhiññāpādakañca nirodhapādakañca sabbakiccasādhakañca sabbalokiyalokuttaraguṇadāyakanti veditabbaṃ. Yesañca guṇānaṃ dāyakaṃ ahoṣi, tesāṃ ekadesaṃ dassento “**so evaṃ samāhite citte**”ti-ādimāha.

Tattha **soti** so ahaṃ. **Evanti** catutthajjhānakkamanidassanametaṃ, iminā kamena catutthajjhānaṃ paṭilabhitvāti vuttaṃ hoti. **Samāhite**ti iminā

1. Abhi 1. 46 piṭṭhe peyyāle.

catutthajjhānasamādhinā samāhite. **Citteti** rūpāvacaracitte. **Parisuddheti-** ādīsu pana upekkhāsati¹parisuddhibhāvena **parisuddhe**. Parisuddhattāyeva **pariyodāte**, pabhassareti vuttaṃ hoti. Sukhādīnaṃ paccayānaṃ ghātena vihatarāgādi-aṅgaṇattā **anaṅgaṇe**. Anaṅgaṇattāyeva ca **vigatūpakkilese**. Aṅgaṇena hi cittaṃ upakkilissati. Subhāvitattā **mudubhūte**, vasībhāvappatteti vuttaṃ hoti. Vase¹ vattamānaṃ hi cittaṃ mudūti vuccati. Muduttāyeva ca **kammaniye** kammakkhame kammayoggeti vuttaṃ hoti. Mudu hi cittaṃ kammaniyaṃ hoti sudhantamiva suvaṇṇaṃ, tadubhayampi ca subhāvitattā eva. Yathāha—nāhaṃ bhikkhave aññaṃ ekadhammampi samanupassami, yaṃ evaṃ bhāvitam bahulīkataṃ mudu ca hoti kammaniyaṅca, yathayidaṃ bhikkhave cittanti².

Etesu parisuddhabhāvādīsu ṭhitattā **ṭhite**. Ṭhitattāyeva **āneñjappatte**, acale niriñjaneti vuttaṃ hoti. Mudukammaññabhāvena vā attano vase ṭhitattā **ṭhite**, saddhādīhi pariggahitattā **āneñjappatte**. Saddhāpariggahitaṃ hi cittaṃ assaddhiyena na iñjati, vīriyapariggahitaṃ kosajjena na iñjati, satipariggahitaṃ pamādena na iñjati, samādhipariggahitaṃ uddhaccena na iñjati, paññāpariggahitaṃ avijjāya na iñjati, obhāsagataṃ kilesandhakārena na iñjati. Imehi chahi dhammehi pariggahitaṃ āneñjappattaṃ cittaṃ hoti. Evaṃ aṭṭhaṅgasamannāgataṃ cittaṃ abhinīhārakkhamaṃ hoti abhiññāsacchikaraṇīyānaṃ dhammānaṃ abhiññāsacchikiriyaṃ.

Aparo nayo—catutthajjhānasamādhinā **samāhite**. Nīvaraṇadūrībhāvena **parisuddhe**. Vitakkādisamatikkamena **pariyodāte**. Jhānappaṭilābhapaccayānaṃ pāpakānaṃ icchāvācarānaṃ abhāvena **anaṅgaṇe**. Abhijjhādīnaṃ cittupakkilesānaṃ vigamena **vigatūpakkilese**. Ubhayampi cetam **anaṅgaṇavattha**suttānusārena³ veditabbaṃ. Vasippattiyā **mudubhūte**. Iddhipādabhāvūpagamena **kammaniye**. Bhāvanāpāripūriyā paṇītabhāvūpagamena **ṭhite āneñjappatte**, yathā āneñjappattaṃ hoti, evaṃ ṭhiteti attho. Evampi aṭṭhaṅgasamannāgataṃ cittaṃ abhinīhārakkhamaṃ hoti abhiññāsacchikaraṇīyānaṃ dhammānaṃ abhiññāsacchikiriyaṃ, pādakaṃ padaṭṭhānabhūtanti attho.

1. Vasīvasena (Ka)

2. Am 1. 4 piṭṭhe.

3. Ma 1. 29, 43 piṭṭhesu.

Pubbenivāsānussatiñāṇāyāti evaṃ abhiññāpādake jāte etasmim citte pubbenivāsānussatimhi yaṃ ñāṇaṃ, tadatthāya. Tattha **pubbenivāsoti** pubbe atītajātīsu nivutthakkhandhā. **Nivutthāti** ajjhāvutthā anubhūtā attano santāne uppajjitvā niruddhā, nivutthadhammā vā **nivutthā**, gocaranivāseṇa nivutthā, attano viññāṇeṇa viññātā paricchinnā, paraviññāṇaviññātāpi vā chinnavaṭṭamakānussaraṇādīsu. **Pubbenivāsānussatīti** yāya satiyā pubbenivāsaṃ anussarati, sā pubbenivāsānussati. **Ñāṇanti** tāya satiyā sampayuttañāṇaṃ. Evamimassa pubbenivāsānussatiñāṇassa atthāya pubbenivāsānussatiñāṇāya, etassa ñāṇassa adhigamāya pattiyāti vuttaṃ hoti. **Abhininnāmesinti** abhinīharim.

Soti so ahaṃ. **Anekavīhanti** anekavidhaṃ, anekehi vā pakārehi pavattitaṃ, saṃvaṇṇitanti attho. **Pubbenivāsanti** samanantarātītaṃ bhavaṃ ādim katvā tattha tattha nivutthasantānaṃ. **Anussarāmīti** “ekampi jātim, dvepi jātiyo”ti evaṃ jātipaṭipātiyā anugantvā anugantvā sarāmi, anudeva vā sarāmi, citte abhininnāmitamatte eva sarāmīti dasseti. Pūritapāramīnañhi mahāpurisānaṃ parikkamma karaṇaṃ natthi, tena te cittaṃ abhininnāmetvāva saranti. Ādikammikakulaputtā pana parikkammaṃ katvāva saranti, tasmā tesāṃ vasena parikkammaṃ vattabbaṃ siyā. Taṃ pana vuccamānaṃ atibhāriyaṃ vinayanidānaṃ karoti, tasmā taṃ na vadāma. Atthikehi pana **Visuddhimagge**¹ vuttanayeneva gahetabbaṃ, idha pana Pāḷimeva vaṇṇayissāma.

Seyyathidanti āradhappakāradassanatthe nipāto. Teneva yvāyaṃ pubbenivāso āradhho, tassa pakārappabhedāṃ dassento **ekampi jātinti**-ādimāha. Tattha **ekampi jātinti** ekampi paṭisandhimūlaṃ cutipariyosānaṃ ekabhavapariyāpannaṃ khandhasantānaṃ. Esa nayo **dvepi jātiyoti**-ādīsu. **Anekepi saṃvaṭṭakappeti**-ādīsu pana parihāyamāno kappo **saṃvaṭṭakappo**, vadḍhamāno **vivaṭṭakappoti** vedītabbo. Tattha saṃvaṭṭena **saṃvaṭṭatṭhāyī** gahito hoti taṃmūlakattā. Vivaṭṭena ca **vivaṭṭatṭhāyī**. Evañhi sati yāni tāni “cattārimāni bhikkhave kappassa asaṅkhyeyyāni. Katamāni cattāri? Saṃvaṭṭo saṃvaṭṭatṭhāyī vivaṭṭo vivaṭṭatṭhāyī”ti² vuttāni, tāni sabbāni pariggahitāni honti.

1. Visuddhi 2. 42 piṭṭhādīsu.

2. Am 1. 460 piṭṭhe, Pāḷisaṃkhitā.

Tattha tayo saṁvaṭṭā tejosamvaṭṭo, āposamvaṭṭo, vāyosamvaṭṭoti. Tisso saṁvaṭṭasīmā Ābhassarā, Subhakiṇhā, Vehapphalāti. Yadā kappo tejena saṁvaṭṭati, Ābhassarato heṭṭhā agginā ḍayhati. Yadā udakena saṁvaṭṭati, Subhakiṇhato heṭṭhā udakena vilīyati. Yadā vātena saṁvaṭṭati, Vehapphalato heṭṭhā vātena viddhamsiyati. Vitthārato pana sadāpi ekaṁ Buddhakkhettaṁ vinassati.

Buddhakkhettaṁ nāma tividhaṁ hoti jātikkhettaṁ, āṇākkhettaṁ, visayakkhettaṁ. Tattha **jātikkhettaṁ** dasasahassacakkavāḷapariyantam hoti, yaṁ Tathāgatassa paṭisandhi-ādīsu kampaṭi. **Āṇākkhettaṁ** koṭisatasahassacakkavāḷapariyantam hoti, yattha Ratanaparittam Khandhaparittam Dhajjagaparittam Āṭānāṭiyaparittam Moraparittanti imesaṁ parittānaṁ ānubhāvo pavattati. **Visayakkhettaṁ** pana anantaṁ aparimāṇaṁ, yaṁ “yāvata vā pana ākaṅkheyyā”¹ vuttaṁ, yattha yaṁ yaṁ ākaṅkhati, taṁ taṁ anussarati. Evametesu tīsu Buddhakkhettesu ekaṁ āṇākkhettaṁ vinassati, tasmim̐ pana vinassante jātikkhettampi vinaṭṭhameva hoti, vinassantaṅca ekatova vinassati, saṅṭhatantampi ekatova saṅṭhahati. Tassa vināso ca saṅṭhahanaṅca **Visuddhimagge**² vuttaṁ, atthikehi tato gahetabbaṁ.

Ye panete saṁvaṭṭavivaṭṭā vuttā, etesu Bhagavā Bodhimaṇḍe sammāsambodhim̐ abhisambujjhanatthāya nisinna anekepi saṁvaṭṭakappe, anekepi vivaṭṭakappe, anekepi saṁvaṭṭavivaṭṭakappe sari. Kathaṁ? “**Amutrāsina**”^{ti}-ādinaṁ nayena. Tattha **amutrāsinti** amumhi saṁvaṭṭakappe ahaṁ amumhi bhava vā yoniyā vā gatiyā vā viññāṇaṭṭhitiyā vā sattāvāse vā sattanikāye vā ahoṣim̐. **Evaṁnāmoti** Vessantaro vā Jotipālo vā. **Evaṁgottoti** bhaggavo vā Gotamo vā. **Evaṁvaṇṇoti** odāto vā sāmo vā. **Evaṁāhāroti** sālīmaṁsodanāhāro vā pavattaphalabhojano vā. **Evaṁsukhadukkhapaṭisaṁvedī**^{ti} anekappakārena kāyikacetāsikānaṁ, sāmisanirāmisādippabhedānaṁ vā sukhadukkhānaṁ paṭisaṁvedī. **Evaṁāyupariyantoti** evaṁ vassasataparamāyupariyanto vā caturāsītīkappasahassaparamāyupariyanto vā.

1. Am̐ 1. 229 piṭṭhe.

2. Visuddhi 2. 44 piṭṭhādīsu.

So tato cuto amutra udapādinti so ahaṃ tato bhavato, yonito, gatito, viññāṇaṭṭhitito, sattāvāsabho, sattanikāyato vā cuto puna amukasmim̃ nāma bhave, yoniyā, gatiyā, viññāṇaṭṭhitiyā, sattāvāse, sattanikāye vā udapādim̃. **Tatrāpāsinti** atha tatrāpi bhave, yoniyā, gatiyā, viññāṇaṭṭhitiyā, sattāvāse, sattanikāye vā puna ahoṣim̃. **Evam̃nāmoti**-ādi vuttanayameva.

Atha vā yasmā **amutrāsinti** idaṃ anupubbena ārohanassa yāvadicchakaṃ saraṇaṃ, **so tato cutoti** paṭinivattantassa paccavekkhaṇaṃ, tasmā **idhūpapannoti** imissā idhūpapattiyā anantaraṃ amutra udapādinti Tusitabhavanaṃ sandhāyāhāti veditabbaṃ. **Tatrāpāsīm̃ evam̃nāmoti** tatrāpi Tusitabhavane **Setaketu** nāma devaputto ahoṣim̃. **Evam̃gottoti** tāhi devatāhi saddhim̃ ekagotto. **Evam̃vaṇṇoti** suvaṇṇavaṇṇo. **Evam̃hāroti** dibbasudhāhāro. **Evam̃sukhadukkhappaṭisaṃvedīti** evaṃ dibbasukhappaṭisaṃvedī. Dukkhaṃ pana saṅkhāradukkhamaṭṭameva. **Evam̃āyupariyantoti** evaṃ sattapaññāsavassakoṭisaṭṭhivassasatasahassāyupariyanto. **So tato cutoti** so ahaṃ tato Tusitabhavanaṃ cuto. **Idhūpapannoti** idha Mahāmāyāya deviyā kucchimhi nibbatto.

Itīti evaṃ. **Sākāraṃ sa-uddesanti** nāmagottavasena sa-uddesaṃ, vaṇṇādivasena sākāraṃ. Nāmagottavasena hi satto “Datto, Tisso, Gotamo”ti uddisīyati, vaṇṇādīhi odāto sāmoti nānattato paññāyati. Tasmā nāmagottaṃ uddeso, itare ākāra. Kim̃ pana Buddhāyeva pubbenivāsaṃ sarantīti? Vuccate, na Buddhāyeva, Paccekabuddha Buddhasāvaka titthiyāpi, no ca kho avisesena. Titthiyā hi cattālīsaṃyeva kappe saranti, na tato paraṃ, kasmā? Dubbalapaññattā. Tesaṃhi nāmarūpaparicchedavirahato dubbalā paññā hoti. Sāvakesu pana asītimahāsāvakā kappasatasahassaṃ saranti. Dve aggasāvakā ekamaṣaṅkhyeyyaṃ, satasahassaṅca. Paccekabuddhā dve asaṅkhyeyyāni, satasahassaṅca. Ettako hi tesāṃ abhinīhāro. Buddhānaṃ pana paricchedo natthi, yāva icchanti, tāva saranti. Titthiyā ca khandhapaṭipāṭimeva saranti, paṭipāṭim̃ muñcivā cutipaṭisaṅghavasena saritum̃ na sakkonti. Tesaṃhi andhānaṃ viya icchitappadesokkamaṇaṃ natthi. Sāvakā ubhayathāpi saranti. Tathā

Paccekabuddhā. Buddhā pana khandhapaṭipāṭiyāpi cutipaṭisandhivasenapi sīhokkantavassenapi anekāsu kappakoṭīsu heṭṭhā vā upari vā yaṃ yaṃ ṭhānaṃ ākaṅkanti, taṃ sabbaṃ sarantiyeva.

Ayaṃ kho me brāhmaṇāti-ādīsu **meti** mayā. **Vijjāti** viditakaraṇaṭṭhena vijjā. Kim viditaṃ karoti? Pubbenivāsaṃ. **Avijjāti** tasseva pubbenivāsassa aviditakaraṇaṭṭhena tappaṭicchādakamoho vuccati. **Tamoti** sveva moho tappaṭicchādakaṭṭhena “tamo”ti vuccati. **Ālokoti** sāyeva vijjā obhāsakaraṇaṭṭhena “ālolo”ti vuccati. Ettha ca vijjā adhigatāti ayaṃ attho, sesaṃ pasaṃsāvacaṇaṃ. Yojanā panettha ayaṃ kho me vijjā adhigatā, tassa me adhigatavijjassa avijjā vihatā, vinaṭṭhāti attho. Kasmā? Yasmā vijjā uppannā. Esa nayo itarasmimpi padadvaye.

Yathā tanti ettha **yathāti** opammatthe. **Tanti** nipāto. Satiyā avippavāsena **appamattassa**. Vīriyātāpena **ātāpino**. Kāye ca jīvite ca anapekkhatāya **pahitattassa**, pesitacittassāti attho. Idaṃ vuttaṃ hoti—yathā appamattassa ātāpino pahitattassa viharato avijjā vihaññeyya, vijjā uppajjeyya, tamo vihaññeyya, āloko uppajjeyya. Evameva mama avijjā vihatā, vijjā uppannā, tamo vihato, āloko uppanno. Etassa me padhānānuyogassa anurūpameva phalaṃ laddhanti.

Ayaṃ kho me brāhmaṇa paṭhamā abhinibbhidā ahoṣi **kukkuṭacchāpakasseva aṇḍakosamhāti** ayaṃ kho mama brāhmaṇa pubbenivāsānussatiñāṇamukhatuṇḍakena pubbe nivutthakkhandhapaṭicchādakaṃ avijjāṇḍakosaṃ padāletvā paṭhamā abhinibbhidā paṭhamā nikkhanti paṭhamā ariyajāti ahoṣi, kukkuṭacchāpakasseva mukhatuṇḍakena vā pādanakhasikhāya vā aṇḍakosaṃ padāletvā tamhā aṇḍakosamhā abhinibbhidā nikkhanti kukkuṭanikāye paccājātīti.

Pubbenivāsakathā niṭṭhitā.

Dibbacakkhuññakathā

13. **So evaṃ -pa- cutūpapātaññāyāti** cutiyā ca upapāte ca ñāṇāya, yena ñāṇena sattānaṃ cuti ca upapāto ca ñāyati, tadatthanti vuttaṃ hoti. **Cittaṃ abhininnāmesinti** parikammacittaṃ nīharim. **So dibbena -pa- passāmīti** ettha pana pūritapāramīnaṃ mahāsattānaṃ parikammakaraṇaṃ natthi. Te hi citte abhininnāmitamatte eva dibbena cakkhunā satte passanti, ādikammikakulaputtā pana parikammaṃ katvā. Tasmā tesāṃ vasena parikammaṃ vattabbaṃ siyā. Taṃ pana vuccamānaṃ atibhāriyaṃ vinayanidānaṃ karoti, tasmā taṃ na vadāma. Atthikehi pana **Visuddhimagge**¹ vuttanayena gahetabbaṃ, idha pana Pāḷimeva vaṇṇayissāma.

Soti so ahaṃ. **Dibbenāti-ādīsu** dibbasadisattā **dibbaṃ**. Devatānañhi sucaritakammanibbattaṃ pittasemharuhirādīhi apalibuddhaṃ upakkilesavinimuttatāya dūrepi ārammaṇasampaṭicchanasamatthaṃ dibbaṃ pasādacakkhu hoti. Idañcāpi vīriyabhāvanābalanibbattaṃ ñāṇacakkhu tādīsamevāti dibbasadisattā dibbaṃ, dibbavihārasena paṭiladdhattā, attanā ca dibbavihārasannissitattāpi dibbaṃ, ālokapariggahena mahājutikattāpi dibbaṃ, tirokuṭṭādigatarūpadassanena mahāgatikattāpi dibbaṃ. Taṃ sabbaṃ saddasatthānusārena veditabbaṃ. Dassanattāthena **cakkhu**. Cakkhukiccarāṇena cakkhumivātipi cakkhu. Cutūpapātadassanena diṭṭhivisuddhihetuttā **visuddhaṃ**. Yo hi cutimattameva passati, na upapātaṃ, so ucchedadiṭṭhiṃ gaṇhāti. Yo upapātamattameva passati, na cutim, so navasattapātubhāvadiṭṭhiṃ gaṇhāti. Yo pana tadubhayaṃ passati, so yasmā duvidhampi taṃ diṭṭhigataṃ ativattati, tasmāssa taṃ dassanaṃ diṭṭhivisuddhihetu hoti, tadubhayañca Bhagavā addasa. Tenetaṃ vuttaṃ “cutūpapātadassanena diṭṭhivisuddhihetuttā visuddhaṃ”ti.

Ekādasa-upakkilesavirahato vā visuddhaṃ. Bhagavato hi ekādasa-upakkilesavirahitaṃ dibbacakkhu. Yathāha—so kho ahaṃ Anuruddha “vicikicchā cittassa upakkilesa”ti iti viditvā vicikicchāṃ cittassa upakkilesaṃ pajahim. “Amanasikāro -pa-. Thinamidhaṃ. Chambhitattaṃ. Uppilaṃ². Duṭṭhullaṃ. Accāraddhavīriyaṃ. Atilīnavīriyaṃ. Abhijappā. Nānattasaññā.

1. Visuddhi 2. 53 piṭṭhe.

2. Ubbillāvitāṃ (Sī), ubbillāṃ (Syā), uppilavaṃ (Ka)

“atinijjhāyitattaṃ rūpānaṃ cittassa upakkilesa”ti iti viditvā atinijjhāyitattaṃ rūpānaṃ cittassa upakkilesaṃ pajahim. So kho ahaṃ Anuruddha appamatto ātāpī pahitatto viharanto obhāsaṃ hi kho sañjānāmi, na ca rūpāni passāmi. Rūpāni hi kho passāmi, na ca obhāsaṃ sañjānāmīti¹ evamādi. Tadevaṃ ekādasupakkilesavirahato visuddhaṃ.

Manussūpacāraṃ atikkamitvā rūpadassanena **atikkantamānusakam**, mānusakam vā maṃsacakkhuṃ atikkantattā atikkantamānusakanti peditabbaṃ. Tena dibbena cakkhunā visuddhena atikkantamānusakena.

Satte passāmīti manussamaṃsacakkhunā² viya satte passāmi dakkhāmi olokemi. **Cavamāne upapajjamāneti** ettha cutikkhaṇe vā upapattikkhaṇe vā dibbacakkhunā daṭṭhuṃ na sakkā. Ye pana āsannacutikā idāni cavissanti, te cavamānā. Ye ca gahitapaṭisandhikā sampatinibbattā vā, te **upapajjamānāti** adhippetā. Te evarūpe cavamāne upapajjamāne ca passāmīti dasseti. **Hīneti** mohanissandayuttattā hīnānaṃ jātikulabhogādīnaṃ vasena hīlite ohīlite uññāte avaññāte. **Pañītetī** amohanissandayuttattā tabbiparīte. **Suvaṇṇeti** adosanissandayuttattā iṭṭhakantamanāpavaṇṇayutte. **Dubbanneti** dosanissandayuttattā aniṭṭhākanta-amanāpavaṇṇayutte. Abhirūpe virūpetipi attho. **Sugateti** sugatigate, alobhanissandayuttattā vā aḍḍhe mahaddhane. **Duggateti** duggatigate, lobhanissandayuttattā vā dalidde appannaṇāne. **Yathākammūpageti** yaṃ yaṃ kammaṃ upacitaṃ, tena tena upagate. Tattha purimehi “cavamāne”ti-ādīhi dibbacakkhukiccaṃ vuttaṃ, iminā pana padena yathākammūpagaññakiccaṃ.

Tassa ca ñāṇassa ayamuppattikkamo—so heṭṭhā nirayābhimukhaṃ ālokaṃ vaḍḍhetvā nerayikasatte passati mahantaṃ dukkhamanubhavamāne, taṃ dassanaṃ dibbacakkhukiccameva. So evaṃ manasi karoti “kiṃ nu kho kammaṃ katvā ime sattā etaṃ dukkhamanubhavanti”ti, athassa “idaṃ nāma katvā”ti taṃkammārammaṇaṃ ñāṇaṃ uppajjati. Tathā upari devalokābhimukhaṃ ālokaṃ vaḍḍhetvā nandanavana, missakavana, phārusakavanādīsu satte passati mahāsampattiṃ anubhavamāne, tampi dassanaṃ dibbacakkhukiccameva. So evaṃ manasi

1. Ma 3. 199 piṭṭhe.

2. Manusso maṃsacakkhunā (Sī, Syā), manussā maṃsacakkhunā (?)

karoti “kiṃ nu kho kammaṃ katvā ime sattā etaṃ sampattiṃ anubhavanti”ti athassa “idaṃ nāma katvā”ti taṃkammārammaṇaṃ ñāṇaṃ uppajjati. Idaṃ yathākammūpagaññaṃ nāma. Imassa visuṃ parikammaṃ nāma natthi. Yathā cimassa, evaṃ anāgataṃsaññaṃsapi. Dibbacakkhupādakāneva hi imāni dibbacakkhunā saheva ijjhanti.

Kāyaduccaritenāti—ādīsu duṭṭhu caritaṃ, duṭṭham¹ vā caritaṃ kilesapūtikattāti duccharitaṃ, kāyena duccharitaṃ, kāyato vā uppannaṃ duccharitanti **kāyaduccharitaṃ**. Evaṃ vacīmanoduccharitānipi daṭṭhabbāni. **Samannāgatāti** samaṅgībhūtā. **Ariyānaṃ upavādakāti** Buddhapaccekabuddhabuddhasāvakaṇaṃ ariyānaṃ antamaso gihisotāpannānampi anattakāmā hutvā antimavatthunā vā guṇaparidhaṃsanena vā upavādakā, akkosakā garahakāti vuttaṃ hoti. Tattha “natthi imesaṃ samaṇadhammo, assamaṇā ete”ti vadanto antimavatthunā upavadati. “Natthi imesaṃ jhānaṃ vā vimokkho vā maggo vā phalaṃ vā”ti vadanto guṇaparidhaṃsanena upavadatīti veditabbo. So ca jānaṃ vā upavadeyya ajānaṃ vā, ubhayathāpi ariyūpavādova hoti, bhāriyaṃ kammaṃ saggāvaraṇaṃ, maggāvaraṇaṇca, satekiccaṃ pana hoti. Tassa ca āvibhāvatthaṃ idaṃ vatthumudāharanti—

Aññatarasmiṃ kira gāme eko thero ca daharabhikkhu ca piṇḍāya caranti, te paṭhamaghareyeva uḷuṅkamattaṃ uṇhayāguṃ labhiṃsu. Therassa ca kucchivāto atthi, so cintesi “ayaṃ yāgu mayhaṃ sappāyā, yāva na sītalā hoti, tāva naṃ pivāmi”ti. So manussehi ummāratthāya āhaṭe dārukkhandhe nisīditvā taṃ pivi. Itaro taṃ jigucchi “aticchāto vatāyaṃ mahallako, amhākaṃ lajjitabbakaṃ akāsi”ti. Thero gāme caritvā vihāraṃ gantvā daharabhikkhuṃ āha “atthi te āvuso imasmiṃ sāsane patiṭṭhā”ti. Āma bhante sotāpanno ahanti. Tena hāvuso uparimagatthāya vāyāmaṃ mā akāsi, khīṇāsavo tayā upavaditoti. So taṃ khamāpesi, tenassa taṃ pākatiṃ ahoṣi. Tasmā yo aññopi ariyaṃ upavadati, tena gantvā sace attanā vuḍḍhataro hoti, “ahaṃ āyasmantaṃ idaṇcidaṇca avacaṃ, taṃ me khamāhi”ti khamāpetabbo. Sace navakataro hoti, vanditvā ukkuṭikaṃ nisīditvā añjaliṃ paggahetvā

1. Duṭṭham (Ka)

“ahaṃ bhante tumhe idañcidañca avacaṃ, taṃ me khamathā”ti khamāpetabbo. Sace so nakkhamati, disāpakkanto vā hoti. Ye tasmim vihare bhikkhū vasanti, tesam santikaṃ gantvā sace attanā vuḍḍhataro hoti, ṭhitakeneva, sace navakataro, ukkuṭikaṃ nisīditvā añjalim paggahetvā “ahaṃ bhante asukaṃ nāma āyasmantaṃ idañcidañca avacaṃ, khamatu me so āyasmā”ti evaṃ vadantena khamāpetabbo. Sace so parinibbuto hoti, parinibbutamañcaṭṭhānaṃ gantvā yāva sivathikaṃ gantvāpi khamāpetabbo. Evaṃ kate saggāvaraṇaṇca maggāvaraṇaṇca na hoti, pākatikameva hoti.

Micchādiṭṭhikāti viparītadassanā. **Micchādiṭṭhikammasamādānā**ti micchādiṭṭhivasena samādinnañānāvidhakammā, ye ca micchādiṭṭhimūlakesu kāyakammādisu aññepi samādapenti. Tattha vacīduccaritaggahaṇeneva ariyūpavāde, manoduccaritaggahaṇena ca micchādiṭṭhiyā saṅgahitāyapi imesaṃ dvinnaṃ puna vacanaṃ mahāsāvajjabhāvadassanatthanti veditabbaṃ. Mahāsāvajjo hi ariyūpavādo ānantariyasadiso. Yathāha—seyyathāpi Sāriputta bhikkhu silasampanno samādhisampanno paññāsampanno diṭṭheva dhamme aññaṃ ārādheyya, evaṃsampadamidaṃ Sāriputta vadāmi taṃ vācaṃ appahāya taṃ cittaṃ appahāya taṃ diṭṭhim appaṭinissajjitvā yathābhataṃ nikkhitto, evaṃ nirayeti¹.

Micchādiṭṭhito ca mahāsāvajjatarāṃ nāma aññaṃ natthi. Yathāha—nāhaṃ bhikkhave aññaṃ ekadhammampi samanupassāmi, yaṃ evaṃ mahāsāvajjaṃ, yathayidaṃ micchādiṭṭhi, micchādiṭṭhiparamāni bhikkhave vajjānīti².

Kāyassa bhedāti upādinnakkhandhapariccāgā. **Paraṃ maraṇā**ti tadanantaraṃ abhinibbattakkhandhaggahaṇe³. Athavā **kāyassa bhedā**ti jīvitindriyassupacchedā. **Paraṃ maraṇā**ti cuticittato uddhaṃ. **Apāyanti** evamādi sabbaṃ nirayavevacanaṃ. Nirayo hi saggamokkhahetubhūtā puññasammata āyā apētattā, sukhānaṃ vā āyassa abhāvā **apāyo**. Dukkhasa gati paṭisaraṇanti **duggati**, dosabahulatāya vā duṭṭhena kammunā nibbattā gatīti **duggati**. Vivasā nipatanti ettha dukkaṭakārinoti **vinipāto**, vinassantā vā ettha nipatanti sambhijjamānaṅgapaccaṅgāti **vinipāto**. Natthi ettha assādasaññito ayoti **nirayo**.

1. Ma 1. 102 piṭṭhādīsu. 2. Am 1. 35 piṭṭhe. 3. Abhinibbattakkhandhaggahaṇā (Syā)

Atha vā apāyaggahaṇena tiracchānayanonim dīpeti. Tiracchānayani hi apāyo sugatiyā apetattā. Na duggati mahesakkhānam nāgarājādīnam sambhavato. Duggatiggahaṇena pettivisayaṃ dīpeti. So hi apāyo ceva duggati ca sugatito apetattā, dukkhassa ca gatibhūtattā, na tu vinipāto asurasadisam avinipatitattā, petamahiddhikānañhi vimānānipi nibbattanti. Vinipātaggahaṇena asurakāyaṃ dīpeti. So hi yathāvuttenatthena apāyo ceva duggati ca sabbasamussayehi ca vinipatitattā vinipātoti vuccati. Nirayaggahaṇena avīci-ādi-anekappakāraṃ nirayameva dīpeti. **Upapannāti** upagatā, tattha abhinibbattāti adhippāyo. Vuttavipariyāyena sukkapakkho veditabbo.

Ayaṃ pana viseso—ettha sugatiggahaṇena manussagatipi saṅgayhati. Saggaggahaṇena devagatiyeva. Tattha sundarā gatīti **sugati**. Rūpādivisayehi suṭṭhu aggoti **saggo**. So sabbopi lujjanapalujjanatthena **lokoti** ayaṃ vacanattho. **Vijjāti** dibbacakkhuññānavijjā. **Avijjāti** sattānam cutipaṭisandhipaṭicchādikā avijjā. Sesam vuttanayameva. Ayameva hettha viseso—yathā pubbenivāsakathāyaṃ “pubbenivāsānussatiññānamukhatuṇḍakena pubbenivutthakkhandhapaṭicchādakaṃ Avijjaṇḍakosam padāletvā”ti vuttam, evamidha “cutūpapātāññānamukhatuṇḍakena cutūpapātaṭicchādakaṃ avijjaṇḍakosam padāletvā”ti vattabbanti.

Dibbacakkhuññānakathā niṭṭhitā.

Āsavakkhayaññānakathā

14. **So evaṃ samāhite citteti** idha vipassanāpādakaṃ catutthajjhānacittam veditabban. **Āsavānam khayaññāyāti** arahattamaggaññatthāya, arahattamaggo hi āsavavināsanato āsavānam khayoti vuccati, tatra cetam ñāṇam tappariyāpannattāti. **Cittam abhininnāmesinti** vipassanācittam abhinīharim. **So idaṃ dukkhanti** evamādisu “ettakaṃ dukkham, na ito bhiiyo”ti sabbampi dukkhasaccam sarasalakkaṇapaṭivedhena yathābhūtam abbhaññāsim jānim paṭivijjhim. Tassa ca dukkhassa nibbattikaṃ taṇham “ayaṃ

dukkhasamudayo”ti. Tadubhayampi yaṃ ṭhānaṃ patvā nirujjhati, taṃ tesāṃ appavattiṃ nibbānaṃ “ayaṃ dukkhanirodho”ti. Tassa ca sampāpakaṃ ariyamaggaṃ “ayaṃ dukkhanirodhagāminī paṭipadā”ti sarasalakkaṇapaṭivedhena yathābhūtaṃ abbhaññāsim jāniṃ paṭivijjhinti evamattho veditabbo.

Evam sarūpato saccāni dassetvā idāni kilesavasena pariyāyato dassento “ime āsavā”ti-ādimāha. **Tassa me evaṃ jānato evaṃ passatoti** tassa mayhaṃ evaṃ jānantassa evaṃ passantassa, saha vipassanāya koṭippattaṃ maggaṃ katheti. **Kāmāsavāti** kāmāsavato. “**Vimuccitthā**”ti iminā phalakkhaṇaṃ dasseti, maggakkhaṇe hi cittaṃ vimuccati, phalakkhaṇe vimuttaṃ hoti. “**Vimuttasmiṃ vimuttamiti nāṇaṃ**”ti iminā paccavekkhaṇañāṇaṃ dasseti. **Khīṇā jāti**ti-ādīhi tassa bhūmiṃ. Tena hi nāṇena Bhagavā paccavekkhanto “khīṇā jāti”ti-ādīni abbhaññāsi. Katamā pana Bhagavato jāti khīṇā, kathaṅca naṃ abbhaññāsi? Vuccate, na tāvassa atītā jāti khīṇā pubbeva khīṇattā, na anāgatā anāgate vāyāmābhāvato, na paccuppannā vijjamānattā. Yā pana maggassa abhāvitattā uppajjeyya ekacatupaṅcavokārabhavesu ekacatupaṅcakkhandhappabhedā jāti, sā maggassa bhāvitattā anuppādadammatam āpajjanena khīṇā, taṃ so maggabhāvanāya pahīnakilese paccavekkhitvā “kilesābhāve vijjamānampi kammaṃ āyatim appaṭisandhikaṃ hoti”ti jānanto abbhaññāsi.

Vusitanti vutthaṃ parivutthaṃ, kataṃ caritaṃ niṭṭhitanti attho. **Brahmacariyanti** maggabrahmacariyaṃ, puthujjanakalyāṇakena hi saddhiṃ satta sekkhā brahmacariyavāsaṃ vasanti nāma, khīṇāsavo vutthavāso. Tasmā Bhagavā attano brahmacariyavāsaṃ paccavekkhanto “vusitaṃ brahmacariyaṃ”ti abbhaññāsi. **Kataṃ karaṇīyanti** catūsu saccesu catūhi maggehi pariññāpahānasacchikiriyābhāvanābhisamayavasena soḷasavidhampi kiccaṃ niṭṭhāpitanti attho. Puthujjanakalyāṇakādayo hi etaṃ kiccaṃ karonti, khīṇāsavo katakaraṇīyo. Tasmā Bhagavā attano karaṇīyaṃ paccavekkhanto “kataṃ karaṇīyaṃ”ti abbhaññāsi. **Nāparam itthattāyāti** idāni puna itthabhāvāya evaṃsoḷasakiccabhāvāya, kilesakkhayāya vā maggabhāvanākiccaṃ me natthīti abbhaññāsim.

Idāni evaṃ paccavekkhaṇāñāpariggahitaṃ taṃ āsavānaṃ khayañāñādhigamaṃ brāhmaṇassa dassento “**ayaṃ kho me brāhmaṇā**”ti-ādimāha. Tattha **vijjāti** arahattamaggañānavijjā. **Avijjāti** catusaccapaṭicchādikā avijjā. Sesāṃ vuttanayameva. Ayaṃ pana viseso—**ayaṃ kho me brāhmaṇa tatiyā abhinibbhidā aho**sīti ettha ayaṃ kho mama brāhmaṇa āsavānaṃ khayañāñānamukhatuṇḍakena catusaccapaṭicchādakaṃ avijjaṇḍakosaṃ padāletvā tatiyā abhinibbhidā tatiyā nikkhanti tatiyā ariyajāti aho, kukkuṭacchāpakasseva mukhatuṇḍakena vā pādanakhasikhāya vā aṇḍakosaṃ padāletvā tamhā aṇḍakosamhā abhinibbhidā nikkhanti kukkuṭanikāye paccājātīti.

Ettāvatā kim dassetīti? So hi brāhmaṇa kukkuṭacchāpako aṇḍakosaṃ padāletvā tato nikkhamanto sakimeva jāyati, ahaṃ pana pubbenivutthakkhandhapaṭicchādakaṃ avijjaṇḍakosaṃ bhinditvā paṭhamaṃ tava pubbenivāsānussatiñānavijjāya jāto, tato sattānaṃ cutipaṭisandhipaṭicchādakaṃ avijjaṇḍakosaṃ padāletvā dutiyam dibbacakkhuñānavijjāya jāto, puna catusaccapaṭicchādakaṃ avijjaṇḍakosaṃ padāletvā tatiyam āsavānaṃ khayañāñānavijjāya jāto, evaṃ tīhi vijjāhi tikkhattum jāto, sā ca me jāti ariyā suparisuddhāti idaṃ dasseti. Evaṃ dassento ca pubbenivāsāñāna atītaṃsañānaṃ, dibbacakkhunā paccuppannānāgataṃsañānaṃ, āsavakkhayena sakalalokiyalokuttaraguṇanti evaṃ tīhi vijjāhi sabbepi sabbaññuḅuṇe pakāsetvā attano ariyāya jātiyā jeṭṭhaseṭṭhabhāvaṃ brāhmaṇassa dassesīti.

Āsavakkhayañānakathā niṭṭhitā.

Desanānumodanakathā

15. **Evaṃ vutte Verañjo brāhmaṇoti** evaṃ Bhagavatā lokānukampakena brāhmaṇaṃ anukampamānena vinigūhitabbepi attano ariyāya jātiyā jeṭṭhaseṭṭhabhāve vijjattayapakāsikāya dhammadesanāya vutte pītivipphāraparipuṇṇagattacitto Verañjo brāhmaṇo taṃ Bhagavato

ariyāya jātiyā jeṭṭhaseṭṭhabhāvaṃ viditvā “īdisaṃ nāmāhaṃ
sabbalokajeṭṭhaseṭṭhaṃ sabbaguṇasamannāgataṃ sabbaññuṃ ‘aññesaṃ
abhivādanādikammaṃ na karotī’ti avacaṃ, dhīratthu vatara aññāṇaṃ”ti
attānaṃ garahitvā “ayaṃ dāni loke ariyāya jātiyā purejātaṭṭhena jeṭṭho,
sabbaguṇehi appaṭisamaṭṭhena seṭṭho”ti niṭṭhaṃ gantvā Bhagavantaṃ
etadavoca “**jeṭṭho bhavaṃ Gotamo seṭṭho bhavaṃ Gotamo**”ti. Evañca pana
vatvā puna taṃ Bhagavato dhammadesanaṃ abbhanumodamaṇo
“**abhikkantaṃ bho Gotama abikkantaṃ bho Gotamā**”ti-ādimāha.

Tatthāyaṃ abhikkantasaddo khayasundarābhirūpa-abbhanumodanesu
dissati. “Abhikkantā bhante ratti, nikkhanto paṭhamo yāmo, ciranisinno
bhikkhusaṃgho”ti-ādīsu¹ hi khaye dissati. “Ayaṃ me puggalo khamati,
imesaṃ catunnaṃ puggalānaṃ abhikkantataro ca paṇītataro cā”ti-ādīsu²
sundare.

“Ko me vandati pādāni, iddhiyā yasaṃ jālaṃ.

Abhikkantena vaṇṇena, sabbā obhāsayaṃ disā”ti—

ādīsu³ abhirūpe. “Abhikkantaṃ bhante”ti-ādīsu⁴ abbhanumodane. Idhāpi
abbhanumodaneyeva. Yasmā ca abbhanumodane, tasmā sādhu sādhu bho
Gotamāti vuttaṃ hotīti veditabbaṃ.

Bhaye kodhe pasāmsāyaṃ, turite kotūhalacchare.

Hāse soke pasāde ca, kare āmeditaṃ budhoti—

iminā ca lakkhaṇena idha pasādavasena, pasāmsāvasena cāyaṃ dvikkhattuṃ
vuttoti veditabbo.

Atha vā **abhikkantanti** abhi-iṭṭhaṃ atimanāpaṃ, atisundaranti vuttaṃ
hoti. Tattha ekena abhikkantasaddena desanaṃ thometi, ekena attano
pasādaṃ. Ayaṃ hi ettha adhippāyo—abhikkantaṃ bho Gotama yadidaṃ
bhoto Gotamassa dhammadesanā, abhikkantaṃ yadidaṃ bhoto Gotamassa
dhammadesanaṃ āgamma mama pasādoti. Bhagavatoyeva vā vacanaṃ dve
dve atthe sandhāya thometi—bhoto Gotamassa vacanaṃ

1. Am 3. 44 piṭṭhe. 2. Am 1. 414 piṭṭhe. 3. Khu 2. 73 piṭṭhe. 4. Dī 1. 80 piṭṭhe.

abhikkantaṃ dosanāsanato, abhikkantaṃ guṇādhigamanato, tathā saddhājananato, paññājananato, sātthato, sabyañjanato, uttānapadato, gambhīratthato, kaṇṇasukhato, hadayaṅgamato, anattukkaṃsanato, aparavambhanato, karuṇāsītalato, paññāvadātato, apātharamaṇīyato, vimaddakkhamato, suyyamānasukhato, vīmaṃsiyamānahitatoti evamādihi yojetabbaṃ.

Tato parampi catūhi upamāhi desanaṃyeva thometi. Tattha **nikkujjitanti** adhomukhaṭhapitaṃ, heṭṭhāmukhajātaṃ vā. **Ukkujjeyyāti** upari mukhaṃ kareyya. **Paṭicchannanti** tiṇapaṇṇādipaṭicchāditaṃ. **Vivareyyāti** ugghāṭeyya. **Mūḷhassāti** disāmūḷhassa. **Maggam ācikkheyyāti** hatthe gahetvā “esa maggo”ti vadeyya. **Andhakāreti** kāḷapakkhacātuddasī aḍḍharattaghanavanasaṇḍameghapaṭalehi caturaṅge tamasi. Ayaṃ tāva anuttānapadattho. Ayaṃ pana adhippāyayojanā—yathā koci nikkujjitaṃ ukkujjeyya, evaṃ saddhammavimukhaṃ asaddhamme patiṭṭhitaṃ maṃ asaddhammā vuṭṭhāpentena, yathā paṭicchannaṃ vivareyya, evaṃ Kassapassa Bhagavato sāsanaṃtaradhānā pabhuti micchādiṭṭhigahanapaṭicchannaṃ sāsanaṃ vivarantena, yathā mūḷhassa maggaṃ ācikkheyya, evaṃ kummaggamicchāmaggappaṭipannassa me saggamokkhamaggaṃ ācikkhantena, yathā andhakāre telapajjotaṃ dhāreyya, evaṃ mohandhakāre nimuggassa me Buddhādiratanattayarūpāni apassato tappaṭicchādakamohandhakāraviddhamsakadesanāpajjotaṃ dhārentena¹ mayhaṃ bhotā Gotamena etehi pariyāyehi pakāsitattā anekapariyāyena dhammo pakāsitoti.

Pasannākārakathā

Evaṃ desanaṃ thometvā imāya desanāya ratanattaye pasannacitto pasannākāraṃ karonto “**esāhan**”ti-ādimāha. Tattha **esāhanti** eso ahaṃ. **Bhavantam Gotamam saraṇam gacchāmīti** bhavantam Gotamam saraṇanti gacchāmi, bhavaṃ me Gotamo saraṇam parāyaṇam aghassa tātā², hitassa ca vidhātāti iminā adhippāyena Bhavantam Gotamam gacchāmi bhajāmi sevāmi payirupāsāmi, evaṃ vā jānāmi bujjhāmīti. Yesam hi dhātūnaṃ gati-attho, buddhipi tesam attho. Tasmā “gacchāmī”ti imassa jānāmi bujjhāmīti ayampi

1. Pajjotadhāraṇena (Ka)

2. Hatā (Ka)

attho vutto. **Dhammañca bhikkhusaṅghañcā**ti ettha pana adhigatamagge, sacchikatanirodhe, yathānusiṭṭhaṃ paṭipajjamāne ca catūsu apāyesu apatamāne¹ dharetīti **dhammo**, so atthato ariyamaggo ceva nibbānañca. Vuttañhetarā “yāvata bhikkhave dhammā saṅkhatā, ariyo aṭṭhaṅgiko maggo tesāṃ aggamakkhāyati”²ti vitthāro. Na kevalañca ariyamaggo ceva nibbānañca, apica kho ariyaphalehi saddhiṃ pariyattidhammopi. Vuttampi hetarā **Chattamāṇavakavimāne**—

“Rāgavirāgamanejamasokaṃ,
Dhammamasāṅkhatamappaṭikūlarāṃ.
Madhuramimāṃ paguṇāṃ suvibhattāṃ,
Dhammamimāṃ saraṇatthamupehī”³ti.

Ettha hi **rāgavirāgoti** maggo kathito. **Anejamasokanti** phalaṃ. **Dhammamasāṅkhatanti** nibbānaṃ. **Appaṭikūlarāṃ madhuramimāṃ paguṇāṃ suvibhattanti** piṭakattayena vibhattā sabbadhammakkhandhāti. Diṭṭhisīlasaṅghātena saṃhatoti **saṅgho**, so atthato aṭṭha-ariyapuggalasamūho. Vuttañhetarā tasmiṃyeva **Vimāne**—

“Yattha ca dinnamahapphalamāhu, catūsu sucīsu purisayugesu.
Aṭṭha ca puggala dhammasā te, saṅghamimāṃ saraṇatthamupehī”³ti.

Bhikkhūnaṃ saṅgho **bhikkhusaṅgho**. Ettāvata ca brāhmaṇo tīṇi saraṇagamanāni paṭivedesi.

Saraṇagamanakathā

Idāni tesveva tīsu saraṇagamanesu kosallatthaṃ saraṇāṃ, saraṇagamanāṃ, yo saraṇāṃ gacchati, saraṇagamanappabhedo, saraṇagamanaphalaṃ, saṅkilesa, bhedoti ayaṃ vidhi veditabbo. So pana idha vuccamāno atibhāriyaṃ vinayanidānaṃ karotīti na vutto, atthikehi pana Papañcasūdaniyaṃ vā Majjhimaṭṭhakathāyaṃ **Bhayabheravasuttavaṇṇanato**⁴, Sumaṅgalavilāsiniyaṃ vā Dīghanikāyaṭṭhakathāyaṃ⁵ **saraṇavaṇṇanato** gahetabboti.

Upāsakappaṭivedanākathā

Upāsakaṃ maṃ bhavaṃ Gotamo dhāretūti maṃ bhavaṃ Gotamo “upāsako ayaṃ”ti evaṃ dhāretūti attho. Upāsakavidhikosallatthaṃ

1. Apatamāne katvā (Sī)

2. Aṃ 1. 343 piṭṭhe.

3. Khu 2. 76 piṭṭhe.

4. Ma-Ṭṭha 1. 136 piṭṭhe.

5. Dī-Ṭṭha 1. 205 piṭṭhe.

panettha ko upāsako, kasmā upāsakoti vuccati, kimassa sīlaṃ, ko ājīvo, kā vipatti, kā sampattīti idaṃ pakiṇṇakaṃ veditabbaṃ. Taṃ atibhāriyakaraṇato idha na vibhattaṃ, atthikehi pana **papañcasūdaniyaṃ Majjhimaṭṭhakathāyaṃ**¹ vuttanayeneva veditabbaṃ. **Ajjaṭaggeti** ettha ayaṃ aggasaddo ādikoṭikoṭṭhāsasetṭhesu dissati. “Ajjaṭagge samma dovārika āvarāmi dvāraṃ nigaṇṭhānaṃ nigaṇṭhīnaṃ”ti-ādīsu² hi ādimhi dissati. “Teneva aṅgulaggena taṃ aṅgulaggaṃ parāmaseyya³, ucchaggaṃ veḷaggaṃ”ti-ādīsu koṭiyaṃ. “Ambilaggaṃ vā madhuraggaṃ vā tittakaggaṃ vā⁴, anujānāmi bhikkhave viharaggena vā parivenaggena vā bhājetuṃ”ti-ādīsu⁵ koṭṭhāse. “Yāvata bhikkhave sattā apadā vā dvipadā vā -pa-Tathāgato tesāṃ aggamakkhāyati”ti-ādīsu⁶ seṭṭhe. Idha panāyaṃ ādimhi daṭṭhabbo. Tasmā **ajjaṭaggeti** ajjataṃ ādim katvāti evamettha attho veditabbo, **ajjatanti** ajjabhāvanti vuttaṃ hoti. **Ajjadagge** icceva vā pāṭho, dakāro padasandhikaro, ajja aggaṃ katvāti vuttaṃ hoti. **Pāṇupetanti** pāṇehi upetaṃ, yāva me jīvitaṃ pavattati, tāva upetaṃ anaññasatthukaṃ tīhi saraṇagamaṇehi saraṇagataṃ maṃ bhavaṃ Gotamo dhāretu jānātu, ahañhi sacepi me tikhiṇena asinā sīsaṃ chindeyyuṃ, neva Buddhāṃ “na Buddhō”ti vā, dhammaṃ “na dhammo”ti vā, saṃghaṃ “na saṃgho”ti vā vadeyyanti. Ettha ca brāhmaṇo “pāṇupetaṃ saraṇagataṃ”ti puna saraṇagamaṇaṃ vadanto attasanniyyātaṃ pakāsetīti veditabbo.

Evāṃ attānaṃ niyyātetvā Bhagavantaṃ sapaṇisaṃ upaṭṭhātukāmo āha “**adhivāsetu ca me bhavaṃ Gotamo Verañjāyaṃ vassāvāsaṃ saddhim bhikkhusaṃghena**”ti. Kim vuttaṃ hoti—upāsakañca maṃ bhavaṃ Gotamo dhāretu, adhvāsetu ca me Verañjāyaṃ vassāvāsaṃ, tayo māse Verañjaṃ upanissāya mama anuggahatthaṃ vāsaṃ⁷ sampaṭicchatūti. **Adhvāsesi Bhagavā tuṇhībhāvenāti** athassa vacanaṃ sutvā Bhagavā kāyaṅgaṃ vā vācaṅgaṃ vā acopetvā abbhantareyeva khantiṃ cāretvā tuṇhībhāvena adhvāsesi, brāhmaṇassa anuggahatthaṃ manasāva sampaṭicchīti vuttaṃ hoti.

1. Ma-Ṭṭha 1. 140 piṭṭhe.

2. Ma 2. 43 piṭṭhe.

3. Abhi 4. 237 piṭṭhe.

4. Saṃ 3. 130 piṭṭhe.

5. Vi 4. 317 piṭṭhe.

6. Am 1. 343 piṭṭhe.

7. Vassāvāsaṃ (Sī, Syā)

Atha kho Verañjo brāhmaṇo Bhagavato adhvāsanaṃ viditvā atha Verañjo brāhmaṇo “sace me samaṇo Gotamo nādhivāseyya, kāyena vā vācāya vā paṭikkhipeyya. Yasmā pana appaṭikkhipitvā abbhantare khantiṃ cāresi, tasmā me manasāva adhvāsesī”ti evaṃ ākārasallakkaṇakusalatāya Bhagavato adhvāsanaṃ viditvā attano nisinnāsanato vuṭṭhāya catūsu disāsu Bhagavantaṃ sakkaccaṃ vanditvā tikkhattuṃ padakkhiṇaṃ katvā āgatakālato pabhuti “jātimahallakabrāhmaṇānaṃ abhivādanādīni na karotī”ti vigarahitvāpi idāni viññātabuddhagūṇo kāyena, vācāya, manasā ca anekakkhattuṃ vandantopi atittoyeva hutvā dasanakhasamodhānasamujjalaṃ añjaliṃ paggayha sirasmiṃ patiṭṭhāpetvā yāva dassanavisayo, tāva paṭimukhoyeva apakkamitvā dassanavisayaṃ vijahanaṭṭhāne vanditvā pakkāmi.

Dubbhikkhakathā

16. **Tena kho pana samayena Verañjā dubbhikkhā hotīti** yasmim samaye Verañjena brāhmaṇena Bhagavā Verañjaṃ upanissāya vassāvāsam yācīto, tena samayena Verañjā dubbhikkhā hoti. **Dubbhikkhāti** dullabhabhikkhā, sā pana dullabhabhikkhatā yattha manussā assaddhā honti appasannā, tattha susassakālepi atisamagghepi¹ pubbaṇṇāparaṇṇe hoti. Verañjāyaṃ pana yasmā na tathā ahoṣi, apica kho dusassatāya chātakadosena ahoṣi, tasmā tamatthaṃ dassento “**dvīhitikā**”ti-ādimāha. Tattha **dvīhitikāti** dvidhā pavatta-īhitikā. Īhitāṃ nāma iriyā, dvidhā pavattā citta-iriyā citta-īhā “ettha lacchāma nu kho kiñci bhikkhamānā, na lacchāmā”ti, “jīvitūṃ vā sakkhissāma nu kho, no”ti ayamettha adhippāyo.

Atha vā **dvīhitikāti** dujjīvikā, īhitāṃ īhā iriyanaṃ pavattanaṃ jīvanti-ādīni padāni ekatthāni. Tasmā dukkhena īhitāṃ ettha pavattatīti dvīhitikāti ayamettha padattho. **Setaṭṭhikāti** setakāni aṭṭhīni etthāti setaṭṭhikā. Divasampi yācītvā kiñci aladdhā matānaṃ kapaṇamanussānaṃ ahicchattakavaṇṇehi aṭṭhīhi tatra tatra parikiṇṇāti vuttam

1. Anatimahagghepi (Ka-Si)

hoti. **Setaṭṭikā**tipi pāṭho, tassattho—setā aṭṭi etthāti setaṭṭikā. **Aṭṭi** āturatā byādhi rogo. Tattha ca sassānaṃ gabbhaggahaṇakāle setakarogena upahatameva pacchinnakhīraṃ aggahitatanḍulaṃ paṇḍarapaṇḍaraṃ sālīsīsaṃ vā yavagodhumasīsaṃ vā nikkhamati, tasmā setaṭṭikāti vuccati.

Vappakāle suṭṭhu abhisankharitvāpi vuttasassaṃ tattha salākā eva sampajjatīti **salākāvuttā**. Salākāya vā tattha jīvikam¹ pavattentīti **salākāvuttā**. Kim vuttaṃ hoti—tattha kira dhañṇavikkayakānaṃ santikam kayakesu gatesu dubbalamanusse abhibhavitvā balavamanussāva dhañṇam kiṇitvā gacchanti, dubbalamanussā alabhamānā mahāsaddam karonti. Dhañṇavikkayakā “sabbesam saṅgham karissāmā”ti dhañṇakaraṇaṭṭhāne dhañṇamāpakam nisīdāpetvā ekapasse vaṇṇajjhakkham nisīdāpesum, dhañṇatthikā vaṇṇajjhakkhassa santikam gacchanti. So āgataṭṭipāṭiyā mūlam gahetvā “itthannāmassa ettakam dātabban”ti salākam likhitvā deti, te tam gahetvā dhañṇamāpakassa santikam gantvā dinnapaṭṭipāṭiyā dhañṇam gaṇhanti. Evam salākāya tattha jīvikam pavattentīti salākāvuttā.

Na sukarā uñchena paggahena yāpetunti paggahena yo uñcho, tena yāpetum na sukarā, pattam gahetvā yam ariyā uñcham karonti, bhikkhācariyam caranti, tena uñchena yāpetum na sukarāti vuttaṃ hoti. Tadā kira tattha sattatṭhagāme piṇḍāya caritvā ekadivasampi yāpanamattam na labhanti.

Tena kho pana समयena Uttarāpathakā assavañijā -pa-. Assosi kho Bhagavā udukkhalasaddanti tenāti yasmim samaye Bhagavā Verañjam upanissāya vassāvāsam upagato, tena समयena Uttarāpathavāsikā, Uttarāpathato vā āgatattā evam laddhavohārā assavañijā Uttarāpathe assānam uṭṭhānaṭṭhāne pañca assasatāni gahetvā diguṇam tiguṇam lābham patthayamānā desantaram gacchantā tehi attano vikkāyikabhaṇḍabhūtehi pañcamattehi assasatehi Verañjam vassāvāsam upagatā honti. Kasmā? Na hi sakkā tasmim dese vassike cattāro

māse addhānaṃ paṭipajjituṃ. Upagacchantā ca bahinagare udakena anajjhottharaṇīye ṭhāne attano ca vāsāgārāni, assānaṅca mandiraṃ kārāpetvā vatiyā parikkhipiṃsu. Tāni tesāṃ vasaṇaṭṭhānāni “assamaṇḍalikāyo”ti paññāyīṃsu. Tenāha “**tehi assamaṇḍalikāsu bhikkhūnaṃ patthapatthapulakaṃ¹ paññattaṃ hotī**”ti. **Patthapatthapulakanti²** ekamekassa bhikkhuno patthapatthapamāṇaṃ pulakaṃ³. Pattho nāma nāḷimattaṃ hoti ekassa purisassa alaṃ yāpanāya. Vuttampi hetam “patthodano nāla’mayam duvinnan”ti⁴. Pulakaṃ³ nāma nitthusam katvā ussedetvā gahitayavataṇḍulā vuccanti. Yadi hi sathusā honti, pāṇakā vijjhanti, addhānakkhamā na honti. Tasmā te vāṇijā addhānakkhamam katvā yavataṇḍulamādāya addhānaṃ paṭipajjanti “yattha assānaṃ khādanīyaṃ tiṇaṃ dullabham bhavissati, tatthetaṃ assabhattaṃ bhavissati”ti.

Kasmā pana tehi taṃ bhikkhūnaṃ paññattanti? Vuccate, na hi te dakkhiṇāpathamanussā viya assaddhā appasannā, te pana saddhā pasannā Buddhamāmakā dhammamāmakā saṃghamāmakā, te pubbaṇhasamayaṃ kenacideva karaṇīyena nagaraṃ pavisantā dve tayo divase addasaṃsu sattaṭṭha bhikkhū sunivatthe supārute iriyāpathasampanne sakalampi nagaraṃ piṇḍāya caritvā kiñci alabhamāne, disvāna nesam etadahosi “ayyā imaṃ nagaraṃ upanissāya vassaṃ upagatā, chātakaṅca vattati, na ca kiñci labhanti, ativiya kilamanti. Mayaṅcamha āgantukā, na sakkoma nesam devasikaṃ yāguṅca bhattaṅca paṭiyādetuṃ. Amhākaṃ pana assā sāyaṅca pāto ca dvikkhattuṃ bhattaṃ labhanti, yannūna mayaṃ ekamekassa assassa pātarāsabhattato ekamekassa bhikkhuno patthapatthapulakaṃ dadeyyāma. Evaṃ ayyā ca na kilamissanti, assā ca yāpessanti”ti. Te bhikkhūnaṃ santikaṃ gantvā etamatthaṃ ārocetvā “bhante tumhe patthapatthapulakaṃ paṭiggahetvā yaṃ vā taṃ vā katvā paribhuñjathā”ti yācitvā devasikaṃ patthapatthapulakaṃ paññapesuṃ. Tena vuttaṃ “tehi assamaṇḍalikāsu bhikkhūnaṃ patthapatthapulakaṃ paññattaṃ hotī”ti.

1. Patthapatthamūlakam (Ka)

3. Mūlakam (Ka)

2. Patthapatthamūlakanti (Ka)

4. Khu 6. 99 Jātake.

Paññattanti niccabhattasaṅkhepena ṭhapitaṃ. Idāni **bhikkhū** **pubbaṅhasamayam nivāsetvāti**-ādīsu **pubbaṅhasamayanti** divasassa pubbabhāgasamayam, pubbaṅhasamayeti attho. Pubbaṅhe vā समयam pubbaṅhasamayam, pubbaṅhe ekaṃ khaṇanti vuttaṃ hoti. Evaṃ accantasamyoge upayogavacanam labbhati. **Nivāsetvāti** paridahitvā, vihāranivāsanaparivattanavasenetam veditabbam. Na hi te tato pubbe anivatthā ahesuṃ. **Pattacīvaramādāyāti** pattam hatthehi, cīvaram kāyena ādiyitvā, sampaṭicchādetvā dhāretvāti attho. Yena vā tena vā hi pakārena gaṇhantā ādāya-icceva vuccanti yathā “samādāyeva pakkamati”¹. **Piṇḍam alabhamānāti** sakalampi Verañjam caritvā tiṭṭhatu piṇḍo, antamaso “aticchathā”²ti vācampi alabhamānā.

Patthapathapulakam āramam āharitvāti gatagataṭṭhāne laddham ekamekam patthapathapulakam gahetvā āramam netvā. **Udukkhale koṭṭetvā koṭṭetvā paribhuñjanti** therānam koci kappiyakārako natthi, yo nesam tam gahetvā yāguṃ vā bhattam vā paccēyya, sāmampi pacanam samaṇasāruppaṃ na hoti na ca vaṭṭati. Te “evaṃ no sallahukavuttitā ca bhavissati, sāmāpakaparimocanañcā”²ti aṭṭha aṭṭha janā vā dasa dasa janā vā ekato hutvā udukkhale koṭṭetvā koṭṭetvā sakam sakam paṭivīsam udakena temetvā paribhuñjanti. Evaṃ paribhuñjitvā apposukkā samaṇadhammam karonti. Bhagavato pana te assavañijā patthapulakañca denti, tadupiyañca sappimadhusakkaram, tam āyasmā Ānando āharitvā silāyam pisati, puññavatā paṇḍitapurisena kataṃ manāpameva hoti. Atha nam pisitvā sappi-ādīhi sammā yojetvā Bhagavato upanāmesi. Athettha devatā dibbojam pakkhipanti, tam Bhagavā paribhuñjati. Paribhuñjitvā phalasamāpattiyā kālam atināmeti², na tato paṭṭhāya piṇḍāya carati.

Kim panānandatthero tadā Bhagavato upaṭṭhāko hotīti? Hoti, no ca kho upaṭṭhākaṭṭhānam laddhā. Bhagavato hi paṭṭhamabodhiyam vīsativassantare nibaddhupaṭṭhāko nāma natthi, kadāci **Nāgasamālatthero** Bhagavantam upaṭṭhāsi, kadāci **Nāgitatthero**, kadāci **Meghiyatthero**, kadāci **Upavāṇatthero**, kadāci **Sāgatatthero**, kadāci **Sunakkhatto**

1. Dī 1. 67 piṭṭhe.

2. Vibhināmeti (Syā)

Licchaviputto. Te attano ruciyā upaṭṭhahitvā yadā icchanti, tadā pakkamanti. Ānandatthero tesu tesu upaṭṭhahantesu appossukko hoti, pakkantesu sayameva vattapaṭipattim karoti. Bhagavāpi “kiñcāpi me nātiseṭṭho upaṭṭhākaṭṭhānam na tāva labhati, atha kho evarūpesu ṭhānesu ayameva patirūpo”ti adhvāsēsi. Tena vuttam “āyasmā panānando patthapulakam silāyam pisitvā Bhagavato upanāmesi, tam Bhagavā paribhuñjati”ti.

Nanu ca manussā dubbhikkhakāle ativiya ussāhajātā puññāni karonti, attanā abhuñjitvāpi bhikkhūnam dātabbam maññanti, te tadā kasmā kaṭacchubbhikkhampi na adamsu? Ayañca Verañjo brāhmaṇo mahatā ussāhena Bhagavantam vassāvāsam yāci, so kasmā Bhagavato atthibhāvampi na jānātīti? Vuccate, mārāvattānāya, Verañjañhi brāhmaṇam Bhagavato santikā pakkantamattameva sakalañca nagaram, samantā ca yojanamattam yattha sakkā purebhattam piṇḍāya caritvā paccāgantum, tam sabbam māro āvaṭṭetvā mohetvā sabbesam asallakkhaṇabhāvam katvā pakkāmi. Tasmā na koci antamaso sāmīcikammampi kattabbam maññittha.

Kim pana Bhagavāpi mārāvattānam ajānitvāva tattha vassam upagatoti? No ajānitvā. Atha kasmā CampāsāvattiRājagahādīnam aññatarasmim na upagatoti? Tiṭṭhantu CampāsāvattiRājagahādīni, sacepi Bhagavā tasmim samvacchare Uttarakurum vā Tidasapuram vā gantvā vassam upagaccheyya, tampi māro āvaṭṭeyya. So kira tam samvaccharam ativiya āghātena pariyaṭṭhitacitto ahoṣi, idha pana Bhagavā imam atirekakāraṇam addasa “assavāñijā bhikkhūnam saṅgham karissantī”ti. Tasmā Verañjāyameva vassam upagacchi.

Kim pana māro vāñijake āvaṭṭetum na sakkotīti? No na sakkoti, te pana āvaṭṭitapariyosāne āgamimsu. Paṭinivattitvā kasmā nāvaṭṭetīti? Avisahatāya, na hi so Tathāgatassa abhihaṭabhikkhāya nibaddhadānassa appitavattassa antarāyam kātum visahati. Catunnam hi na sakkā antarāyo kātum. Katamesam catunnam? Tathāgatassa abhihaṭabhikkhāsānkhepena vā nibaddhadānassa appitavattasānkhepena vā pariccattānam catunnam paccayānam na sakkā kenaci antarāyo kātum, Buddhānam

jīvitassa na sakkā kenaci antarāyo kātuṃ, asītiyā anubyañjanānaṃ byāmapabhāya va na sakkā kenaci antarāyo kātuṃ, candimasūriyadevabrahmānampi hi pabhā Tathāgatassa anubyañjanabyāmapabhāppadesaṃ patvā vihatānubhāvā honti, Buddhānaṃ sabbaññutaññāssa na sakkā kenaci antarāyo kātunti imesaṃ catunnaṃ na sakkā kenaci antarāyo kātuṃ. Tasmā mārena akatantarāyaṃ bhikkhaṃ Bhagavā Sasāvakaṃgho tadā paribhuñjatīti veditabbo.

Evam paribhuñjanto ca ekadivasaṃ **assosi kho Bhagavā udukkhalasaddanti** Bhagavā patthapathapulakaṃ koṭṭentānaṃ bhikkhūnaṃ musalasaṅghaṭṭajanitaṃ udukkhalasaddaṃ suṇi. Tato paraṃ **jānantāpi Tathāgatā**ti evamādi yaṃ parato “kiṃ nu kho so Ānanda udukkhalasaddo”ti pucchi, tassa parihāraddassanattamaṃ vuttaṃ. Tatrāyaṃ saṅkhepavaṇṇanā— Tathāgatā nāma jānantāpi sace tādīsaṃ pucchākāraṇaṃ hoti, pucchanti. Sace pana tādīsaṃ pucchākāraṇaṃ natthi, jānantāpi na pucchanti. Yasmā pana Buddhānaṃ ajānanaṃ nāma natthi, tasmā ajānantāpīti na vuttaṃ. **Kālaṃ viditvā pucchantīti** sace tassā pucchāya so kālo hoti, evaṃ taṃ kālaṃ viditvā pucchanti, sace na hoti, evampi kālaṃ viditvāva na pucchanti. Evam pucchantāpi ca atthasañhitaṃ Tathāgatā pucchanti, yaṃ atthanissitaṃ kāraṇanissitaṃ, tadeva pucchanti, no anathasañhitaṃ. Kasmā? Yasmā anathasañhite setughāto Tathāgatānaṃ. **Setu** vuccati maggo, maggeneva tādīsassa vacanassa **ghāto**, samucchodoti vuttaṃ hoti.

Idāni **atthasañhitanti** ettha yaṃ atthasannissitaṃ vacanaṃ Tathāgatā pucchanti, taṃ dassento “**dvīhākārehī**”ti-ādimāha. Tattha **ākārehīti** kāraṇehi. **Dhammaṃ vā desessāmāti** aṭṭhuppattiyuttaṃ suttaṃ vā pubbacarita-kāraṇayuttaṃ jātakaṃ vā kathayissāma. **Sāvakaṇaṃ vā sikkhāpadaṃ paññapessāmāti** sāvakaṇaṃ vā tāya pucchāya vītikkamaṃ pākaṇaṃ katvā garukaṃ vā lahukaṃ vā sikkhāpadaṃ paññapessāma āṇaṃ ṭhapessāmāti.

Atha kho Bhagavā -pa- etamatthaṃ ārocesīti ettha natthi kiñci vattabbaṃ. Pubbe vuttameva hi bhikkhūnaṃ patthapathapulakapaṭilābhaṃ, sallahukavuttitaṃ, sāmāpākāparimocanañca ārocento etamatthaṃ ārocesīti vuccati.

“Sādhu sādhu Ānandā”ti idaṃ pana Bhagavā āyasmantaṃ Ānandaṃ sampahaṃsento āha. Sādhukāraṃ pana datvā dvīsu ākāresu ekaṃ gahetvā dhammaṃ desento āha “tumhehi Ānanda sappurisehi vijitaṃ, pacchimā janatā sālīmaṃsodanaṃ atimaññissati”ti. Tatrāyamadhippāyo—tumhehi Ānanda sappurisehi evaṃ dubbhikkhe dullabhapiṇḍe imāya sallahukavuttitāya, iminā ca sallekkena vijitaṃ. Kiṃ vijitanti? Dubbhikkhaṃ vijitaṃ, lobho vijito, icchācāro vijito. Kathaṃ? Ayaṃ Verañjā dubbhikkhā, samantato pana anantarā gāmanigamā phalabhāranamitasassā subhikkhā sulabhapiṇḍā. Evaṃ santepi “Bhagavā idheva amhe niggaṇhitvā vasatī”ti ekabhikkhussapi cintā vā vighāto vā natthi. Evaṃ tāva dubbhikkhaṃ vijitaṃ abhibhūtaṃ attano vase vattitaṃ.

Kathaṃ lobho vijito? Ayaṃ Verañjā dubbhikkhā, samantato pana anantarā gāmanigamā phalabhāranamitasassā subhikkhā sulabhapiṇḍā, “handa mayaṃ tattha gantvā paribhuñjissāmā”ti lobhavasena ekabhikkhunāpi ratticchedo vā “pacchimikāya tattha vassaṃ upagacchāmā”ti vassacchedo vā na kato. Evaṃ lobho vijito.

Kathaṃ icchācāro vijito? Ayaṃ Verañjā dubbhikkhā, ime ca manussā amhe dve tayo māse vasantepi na kismiñci maññanti, yannūna mayaṃ guṇavāṇijjāṃ katvā “asuko bhikkhu paṭhamassa jhānassa lābhī -pa- asuko chaḷabhiññoti evaṃ manussānaṃ aññamaññaṃ pakāsetvā kucchim paṭijaggitvā pacchā silaṃ adhiṭṭhaheyyāmā”ti ekabhikkhunāpi evarūpā icchā na uppāditā. Evaṃ icchācāro vijito abhibhūto attāno vase vattitoti.

Anāgate pana pacchimā janatā vihāre nisinnā appakasireneva labhitvāpi “kiṃ idaṃ uttaṇḍulaṃ atikilinaṃ aloṇaṃ atiloṇaṃ anambilaṃ accambilaṃ, ko iminā attho”ti-ādinā nayena sālīmaṃsodanaṃ atimaññissati, oññātaṃ avaññātaṃ karissati. Atha vā janapado nāma na sabbakālaṃ dubbhikkho hoti, ekadā dubbhikkho hoti, ekadā subhikkho hoti, svāyaṃ yadā subhikkho bhavissati, tadā tumhākaṃ sappurisānaṃ imāya paṭipattiyā pasannā manussā

bhikkhūnaṃ yāgukhajjakādippabhedena anekappakāraṃ sālīvikatim, maṃsodanaṃca dātabbaṃ maññissanti. Taṃ tumhe nissāya uppannaṃ sakkāraṃ tumhākaṃ sabrahmacārīsaṅkhātā pacchimā janatā tumhākaṃ antare nisīditvā anubhavamānāva atimaññissati, tappaccayaṃ mānaṃca omānaṃca karissati. Kathaṃ? Kasmā ettakaṃ pakkāṃ, kiṃ tumhākaṃ bhājanāni natthi, yattha attano santakaṃ pakkhipitvā ṭhapeyyāthāti.

Mahāmogallānassa sīhanādakathā

17. **Atha kho āyasmā Mahāmogallānoti**-ādīsu āyasmāti piyavacanametam, garugāravasappatissādhivacanametam.

Mahāmogallānoti¹ mahā ca so guṇamahantatāya Moggallāno² ca gottenāti Mahāmogallāno³. **Etadavocāti** etaṃ avoca, idāni vattabbaṃ “etarahi bhante”ti-ādivacanaṃ dasseti. Kasmā avoca? Thero kira pabbajitvā sattame divase sāvakaḥpāramiṇāṇassa matthakaṃ patto, Satthārāpi mahiddhikatāya etadagge ṭhapito. So taṃ attano mahiddhikataṃ nissāya cintesi “ayaṃ Verañjā dubbhikkhā, bhikkhū ca kilamanti, yannūnāhaṃ pathaviṃ parivattetvā bhikkhū pappāṭakojaṃ bhojeyyan”ti. Athassa tedahosi “sace panāhaṃ Bhagavato santike viharanto Bhagavantaṃ ayācitvā evaṃ kareyyaṃ, na metaṃ assa patirūpaṃ, yugaggāho viya Bhagavatā saddhiṃ kato bhaveyyā”ti. Tasmā yācitukāmo āgantvā Bhagavantaṃ etadavoca.

Heṭṭhimatalaṃ sampannanti pathaviyā kira heṭṭhimatale pathavimaṇḍo pathavojo pathavipappaṭako atthi, taṃ sandhāya vadati. Tattha **sampannanti** madhuraṃ, sādurasanti attho. Yatheva hi “tatrassa rukkho sampannaphalo ca upapannaphalo cā”ti⁴ ettha madhuraphaloti attho, evamidhāpi sampannanti madhuraṃ sādurasanti veditabbaṃ. Seyyathāpi **“khuddamadhuṃ anīḷakan”**ti idaṃ panassa madhuratāya opammaṇidassanattamaṃ vuttaṃ. **Khuddamadhūnti** khuddakama kkhikāhi katamadhu. **Anīḷakanti** nimmakkhikaṃ nimmakkhikaṇḍakaṃ parisuddhaṃ. Etaṃ kira madhu sabbamadhūhi

1. Mahāmoggalānoti (Ka)

3. Mahāmoggalāno (Ka)

2. Moggalāno (Ka)

4. Ma 2. 29 piṭṭhe.

aggañca seṭṭhañca surasañca ojavantañca. Tenāha “seyyathāpi khuddamadhuṃ anīlakam, evamassādan”ti.

Sādhāham bhanteti sādhu aham bhante. Ettha **sādhūti** āyācanavacanametam, pathaviparivattanam āyācanto hi thero Bhagavantam evamāha. **Parivatteyyanti** ukkujeyyam, heṭṭhimatalam uparimam kareyyam. Kasmā? Evañhi kate sukkena bhikkhū pappāṭakojaṃ pathavimaṇḍam paribhuñjissantīti. Atha Bhagavā ananuññātukāmopi¹ theram sīhanādam nadāpetum pucchi “**ye pana te Moggallāna pathavinissitā pāṇā, te katham karissasī**”ti. Ye pathavinissitā gāmanigamādīsu pāṇā, te pathaviyā parivattiyamānāya ākāse saṅṭhātum asakkonte katham karissasi kattha ṭhapessasīti. Atha thero Bhagavatā etadagge ṭhapitabhāvānurūpaṃ attano iddhānubhāvam pakāsento “**ekāham bhante**”ti-ādimāha. Tassattho—ekam aham bhante hattham yathā ayam mahāpathavī evam abhinimminissāmi pathavisadisam karissāmi. Evam katvā ye pathavinissitā pāṇā, te ekasmim hatthatale ṭhite pāṇe tato dutiyahatthatale saṅkāmento viya tattha saṅkāmessāmīti.

Athassa Bhagavā āyācanam paṭikkhipanto “**alam Moggallānā**”ti-ādimāha. Tattha **alanti** paṭikkhepavacanam. **Vipallāsampi sattā paṭilabheyyunti** viparītagāhampi sattā sampāpuṇeyyūṃ. Katham? Ayam nu kho pathavī, udāhu na ayanti. Atha vā amhākam nu kho ayam gāmo, udāhu aññesanti. Evam nigamajanapadakhettārāmādīsu. Na vā esa vipallāso, acinteyyo hi iddhimato iddhivisayo. Evam pana vipallāsam paṭilabheyyūṃ—idam dubbhikkham nāma na idāniyeva hoti, anāgatepi bhavissati. Tadā bhikkhū tādisam iddhimantam sabrahmacāriṃ kuto labhissanti, te sotāpanna sakadāgāmi anāgāmi sukkhavipassaka jhānalābhi paṭisambhidāpattakhīṇāsavāpi samānā iddhibalābhāvā parakulāni piṇḍāya upasaṅkamissanti. Tatra manussānam evam bhavissati “Buddhakāle bhikkhū sikkhāsu paripūrakārino ahesum, te guṇe nibbattetvā dubbhikkhakāle pathaviṃ parivattetvā pappāṭakojaṃ paribhuñjimsu. Idāni pana sikkhāya paripūrakārino natthi, yadi siyūṃ, tatheva kareyyūṃ, na amhākam yaṃ

1. Ananujānātukāmopi (Ka)

kiñci pakkamā vā āmaṃ vā khāditum dadeyyun”ti. Evaṃ tesuye va ariyapuggalesu “natthi ariyapuggalā”ti imaṃ vipallāsaṃ paṭilabheyyum, vipallāsavasena ca ariye garahantā upavadantā apāyupagā bhaveyyum. Tasmā **mā te rucci pathaviṃ parivattetunti.**

Atha thero imaṃ yācanaṃ alabhamāno aññaṃ yācanto “**sādhubhante**”ti-ādimāha, tampissa Bhagavā paṭikkhipanto **alam** **Moggallānāti**-ādimāha. Tattha kiñcāpi na vuttaṃ “vipallāsampi sattā paṭilabheyyun”ti, atha kho pubbe vuttanayeneva gahetabbaṃ. Atthopi cassa vuttasadisameva veditabbo. Yadi pana Bhagavā anujāneyya, thero kiṃ kareyyāti. Mahāsamuddaṃ ekena padavītiḥārena atikkamitabbaṃ mātikāmatthaṃ adhiṭṭhahitvā Naḷerupucimandato Uttarakuru-abhimukhaṃ maggaṃ nīharitvā Uttarakurum gamanāgamanasampanne ṭhāne katvā dasseyya, yathā bhikkhū gocaraḡamaṃ viya yathāsukhaṃ piṇḍāya pavisitvā nikkhameyyunti.

Niṭṭhitā Mahāmogallānassa sihanādakathā.

Vinayapaññattiyācanakathāvaṇṇanā

18. Idāni āyasmā Upāli vinayapaññattiyā mūlato pabhuti nidānaṃ dassetuṃ Sāriputtattherassa sikkhāpadapaṭisaṃyuttaṃ vitakkuppādaṃ dassentā “**athakho āyasmato Sāriputtassā**”ti-ādimāha. Tattha **rahogatassāti** rahasi gatassa. **Paṭisallīnassāti** sallīnassa ekībhāvaṃ gatassa. **Katamesānanti** atītesu Vipassī-ādīsu Buddhesu katamesaṃ. Ciraṃ assa ṭhiti, cirā vā assa ṭhitūti **ciraṭṭhikam**. Sesamettha uttānapadatthameva.

Kiṃ pana thero imaṃ attano parivittakkaṃ sayam vinicchinitum¹ na sakkotīti? Vuccate—sakkotica na sakkoti ca, ayaṃ hi imesaṃ nāma Buddhānaṃ sāsanaṃ na ciraṭṭhikam ahoṣi, imesaṃ ciraṭṭhikanti ettakam sakkoti vinicchinitum. Iminā pana kāraṇena na ciraṭṭhikam ahoṣi, iminā ciraṭṭhikanti etaṃ na sakkoti. **Mahāpadumatthero** panāha “etampi

1. Vinicchitum (Ka)

soḷasavidhāya paññāya matthakaṃ pattassa aggasāvakaṃ na bhāriyaṃ, Sammāsambuddhena pana saddhiṃ ekaṭṭhāne vasantassa sayāṃ vinicchaya karaṇaṃ tulaṃ chaḍḍetvā hatthena tulanasadisaṃ hotīti Bhagavantaṃyeva upasaṅkamtivā pucchī”ti. Athassa Bhagavā taṃ vissajjento “**Bhagavato ca Sāriputta Vipassissā**”ti-ādimāha. Taṃ uttānatthameva.

19. Puna thero kāraṇaṃ pucchanto “**ko nu kho bhantehetū**”ti-ādimāha. Tattha **ko nu kho bhanteti** kāraṇapucchā, tassa katamo nu kho bhanteti attho. **Hetu paccayoti** ubhayametaṃ kāraṇādhivacanaṃ. Kāraṇaṃ hi yasmā tena tassa phalaṃ hinoti pavattati, tasmā hetūtivuccati. Yasmā taṃ paṭicca eti pavattati, tasmā paccayoti vuccati. Evaṃ atthato ekampi vohāravasena ca vacanasiliṭṭhatāya ca tatra tatra etaṃ ubhayampi vuccati. Sesamettha uttānatthameva.

Idāni taṃ hetuṅca paccayaṅcadassetuṃ “**Bhagavā ca Sāriputta Vipassīti**”-ādimāha. Tattha **kiḷāsuno-ahesunti** na ālasiyakilāsuno, na hi Buddhānaṃ ālasiyaṃ vā osannavīriyatā vā atthi. Buddhā hi ekassa vā dvinnaṃ vā sakalacakkavāḷassa vā dhammaṃ desetā samakeneva ussāhena dhammaṃ desenti, na parisāya appabhāvaṃ disvā osannavīriyā honti, nāpi mahantabhāvaṃ disvā ussannavīriyā. Yathā hi siho migarājā sattannaṃ divasānaṃ accayena gocarāya pakkanto khuddake vā mahante vā pāṇe ekasadiseneva vegena dhāvati. Taṃ kissa hetu? “Mā me javo parihāyī”ti. Evaṃ Buddhā appakāya vā mahatiyā vā parisāya samakeneva ussāhena dhammaṃ desenti. Taṃ kissa hetu? “Mā no dhammagarutā parihāyī”ti. Dhammagaruno hi Buddhā dhammagāravāti.

Yathā pana amhākaṃ Bhagavā mahāsamuddaṃ pūrayamāno viya vitthārena dhammaṃ desesi, evaṃ te na desesuṃ. Kasmā? Sattānaṃ apparajakkhatāya. Tesāṃ kira kāle dīghāyukā sattā apparajakkhā ahesuṃ. Te catusaccapaṭisaṃyuttaṃ ekagāthampi sutvā dhammaṃ abhisamenti, tasmā na vitthārena dhammaṃ desesuṃ. Teneva kāraṇena **appakaṅca nesāṃ ahoṣi Suttaṃ -pa- Vedallanti**. Tattha suttādīnaṃ nānattaṃ **paṭhamasaṅgīti vaṇṇanāyaṃ** vuttameva.

Apaññattaṃsāvakaṇaṃ sikkhāpadanti sāvakaṇaṃ niddosaṭāya doṣānurūpato paññapetabbaṃ sattāpattikkhandhavasena āṇāsikkhāpadaṃ apaññattaṃ. **Anuddiṭṭhaṃ Pātimokkhaṃ** anvaddhamāsaṃ āṇāpātimokkhaṃ anuddiṭṭhaṃ ahoṣi. Ovādapātimokkhaṃeva te uddisiṃsu, tampi ca no anvaddhāmāsaṃ. Tathā hi Vipassī Bhagavā channaṃ channaṃ vassānaṃ sakim sakim ovādapātimokkhaṃ uddisi, tañca kho sāmānyeva. Sāvakā panassa attano attano vasanaṭṭhānesu na uddisiṃsu. akalajambudīpe ekasmimyeva ṭhāne Bandhumatiyā Rājadhāniyā Kheme migadāye Vipassissa Bhagavato vasanaṭṭhāne sabbopi bhikkhusaṅgho uposathaṃ akāsi, tañca kho saṅghuposathameva. Na gaṇuposathaṃ, na puggaluposathaṃ, na pārisuddhi-uposathaṃ, na adhiṭṭhānuposathaṃ.

Tadā kira Jambudīpe caturāsītivihārasahassāni honti, ekamekasmim vihāre abbokiṇṇāni dasapi vīsati pi bhikkhusahassāni vasanti, bhiyyopi vasanti. Uposathārocikā devatā tattha tattha gantvā ārocenti “mārisā ekaṃ vassaṃ atikkantaṃ, dve, tīni, cattāri, pañca vassāni atikkantāni, idaṃ chaṭṭhaṃ vassaṃ. Āgāminiyā puṇṇamāsiyā Buddhadassanattamaṃ uposathakaraṇatthañca gantabbaṃ, sampatto vo sannipātakālo”ti. Tato sānubhāvā bhikkhū attano attano ānubhāvena gacchanti, itare devatānubhāvena. Kathaṃ? Te kira bhikkhū pācīnasamuddante vā pacchima-uttaradakkhiṇasamuddante vā ṭhitā gamiyavattaṃ pūretvā pattacīvaramādāya “gacchāmā”ti cittaṃ uppādentī, saha cittuppādā uposathaggaṃ gatāva honti. Te Vipassim Sammāsambuddhaṃ abhivādetvā nisīdanti. Bhagavāpi sannisinnāya parisāya imaṃ **Ovādapātimokkhaṃ** uddisati—

“Khantī paramaṃ tapo titikkhā,
Nibbānaṃ paramaṃ vadanti Buddhā.
Na hi pabbajito parūpaghātī,
Na samaṇo hoti paraṃ viheṭṭhayanto.

Sabbapāpassa akaraṇaṃ, kusalassa upasampadā.
Sacittapariyodapanāṃ, etaṃ Buddhāna sāsanaṃ.

Anupavādo anupaghāto, Pātimokkhe ca saṁvaro.
 Mattaññutā ca bhattasmiṁ, pantañca sayanāsanam.
 Adhicitte ca āyogo, etaṁ Buddhāna sāsanan”ti¹.

Eteneva upāyena itaresampi Buddhānam Pātimokkhuddeso veditabbo. Sabbabuddhānam hi imā tissova ovādapātimokkhagāthāyo honti. Tā dīghāyukaBuddhānam yāva sāsanapariyantā uddesamāgacchanti, Appāyukabuddhānam paṭhamabodhiyaṁyeva. Sikkhāpadapaññattikā lato pana pabhuti āṇāpātimokkhameva uddisīyati, tañca kho bhikkhū eva uddisanti, na Buddhā. Tasmā amhākampi Bhagavā paṭhamabodhiyaṁ vīsativassamattameva idaṁ ovādapātimokkham uddisi. Athekadivasam Pubbārāme Migāramātipāsāde nisinno bhikkhū āmantesi—“na dānāham bhikkhave ito param uposatham karissāmi Pātimokkham uddisissāmi, tumheva dāni bhikkhave ito param uposatham kareyyātha Pātimokkham uddiseyyātha. Aṭṭhānametaṁ bhikkhave anavakāso, yaṁ Tathāgato aparisuddhāya parisāya uposatham kareyya Pātimokkham uddiseyyā”ti². Tato paṭṭhāya bhikkhū āṇāpātimokkham uddisanti. Idaṁ āṇāpātimokkham tesam anuddiṭṭham ahoṣi. Tena vuttam “anuddiṭṭham Pātimokkham”ti.

Tesam Buddhānanti tesam Vipassī-ādīnam tiṇṇam Buddhānam. **Antaradhānenāti** khandhantaradhānena, parinibbānenāti vuttam hoti. **Buddhānubuddhānanti** ye tesam Buddhānam anubuddhā sammukhasāvakā, tesañca khandhantaradhānena. **Ye te pacchimā sāvakāti** ye tesam sammukhasāvakānam santike pabbajitā pacchimā sāvakā. **Nānānāmāti** “Buddharakkhito Dhammarakkhito”ti-ādināmavasena vividhanāmā. **Nānāgottāti** “Gotamo Moggallāno”ti-ādigottavasena vividhagottā. **Nānājaccāti** “khattiyō brāhmaṇo”ti-ādi jātivāsena nānājaccā. **Nānākulā pabbajitāti** khattiyakulādivaseneva, uccanīca-uḷāruḷāra³bhogādikulavasena vā vividhakulā nikkhamma pabbajitā.

1. Dī 2. 42; Khu 1. 41 piṭṭhesu.

2. Vi 4. 424; Am 3. 44; Khu 1. 138 piṭṭhesu.

3. Uḷārānuḷāra (Syā)

Te taṃ brahmacariyanti te pacchimā sāvaka yasmā ekanāmā ekagottā ekajātikā ekakulā pabbajitā “amhākaṃ sāsanaṃ tanti pavenī”ti attano bhāraṃ katvā brahmacariyaṃ rakkhanti, ciraṃ pariyattidhammaṃ pariharanti. Ime ca tādisā na honti, tasmā aññamaññaṃ viheṭṭhantā vilomaṃ gaṇhantā “asuko thero jānissati, asuko thero jānissatī”ti sithilaṃ karontā taṃ brahmacariyaṃ khippaññaeva antaradhāpesuṃ, saṅghaṃ āropetvā na rakkhiṃsu. **Seyyathāpīti** tassatthassa opammaṇidassanaṃ. **Vikiratīti** vikkhipati. **Vidhamatīti** ṭhānantaraṃ neti. **Viddhamsetīti** ṭhitaṭṭhānato apaneti. **Yathā taṃ suttena asaṅghatattāti** yathā suttena asaṅghatattā¹ aganthitattā abaddhattā evaṃ vikirati yathā suttena asaṅghatāni vikiriyaṃti, evaṃ vikiratīti vuttaṃ hoti. **Evameva khoti** opammasampañjānaṃ. **Antaradhāpesunti** vaggasaṅgha paṇṇāsasaṅghādīhi asaṅghantā yaṃ yaṃ attano rūccati, taṃ tadeva gahetvā sesaṃ vināsesuṃ adassanaṃ nayiṃsu.

Akilāsuno ca te Bhagavanto ahesuṃ sāvake cetasā ceto paricca ovaḍitunti apica Sāriputta te Buddhā attano cetasā sāvakaṇaṃ ceto paricca paricchinditvā ovaḍituṃ akilāsuno ahesuṃ, paracittaṃ ṇatvā anusāsaniṃ na bhāriyato na papañcato addasaṃsu. **Bhūtapubbaṃ Sāriputtāti**-ādi tesāṃ akilāsuhāvappakāsanatthaṃ vuttaṃ. **Bhīṃsanaketi** bhayānake bhayajananake. **Evaṃ vitakkethāti** nekkhammavitakkādayo tayo vitakke vitakketha. **Mā evaṃ vitakkayitthāti** kāmavitakkādayo tayo akusalavitakke mā vitakkayittha. **Evaṃ manasi karoṭhāti** “aniccaṃ dukkhamanattā asubhan”ti manasi karoṭha. **Mā evaṃ manasā katthāti** “aniccaṃ sukhaṃ attā subhan”ti mā manasi akarittha. **Idaṃ pajahathāti** akusalaṃ pajahatha. **Idaṃ upasampajja viharathāti** kusalaṃ upasampajja paṭilabhitvā nipphādetvā viharatha.

Anupādāya āsavehi cittāni vimuccīṃsūti aggahetvā vimuccīṃsu, tesāṃ hi cittāni yehi āsavehi vimuccīṃsu, na te tāni gahetvā vimuccīṃsu, anuppādanirodhena pana nirujjhamānā aggahetvā vimuccīṃsu. Tena vuttaṃ “anupādāya āsavehi cittāni vimuccīṃsū”ti. Sabbepi te arahattaṃ

1. Idaṃ padaṃ Sī-Syā-pothakesu natthi.

patvā sūriyasmisamphuṭṭhamiva padumavanam vīkasiṭacittā ahesum. **Tatra sudam Sāriputta bhimsanakassa vanasaṇḍassa bhimsanakatasmiṃ hotīti tatrāti** purimavacanāpekkham. **Sudanti** padapūraṇamatte nipāto. **Sāriputtāti** ālapanam. Ayam panettha atthayojanā—**tatrāti** yaṃ vuttam “aññatarasmim bhimsanake vanasaṇḍe”ti, tatra yo so “bhimsanako”ti vanasaṇḍo vutto, tassa bhimsanakassa vanasaṇḍassa bhimsanakatasmiṃ hoti, bhimsanakiriyāya hotīti attho. Kim hoti? Idam hoti, yo koci avītarāgo -pa- lomāni hamsantīti.

Atha vā **tatrāti** sāmi-atthe bhumam. **Su-iti** nipāto “kimsu nāma te bhonto samaṇabrāhmaṇā”ti-ādīsu¹ viya. **Idanti** adhippetamattham paccakkham viya katvā dassanavacanam. Su-idanti **sudam**, sandhivasena ikāralopo veditabbo, “cakkhundriyam itthindriyam anaññātaññassāmītindriyam², kimsūdha vīttan”ti-ādīsu³ viya. Ayam panettha atthayojanā—tassa Sāriputta bhimsanakassa vanasaṇḍassa bhimsanakatasmiṃ idamsu hoti, **bhimsanakatasmiṃ** bhimsanakabhāveti attho. Ekassa takārassa lopo daṭṭhabbo. **Bhisanakattasmintiyeva** vā pāṭho. “Bhimsanakatāya” iti vā vattabbe liṅgavipallāso kato. Nimittatthe cetam bhumavacanam. Tasmā evam sambandho veditabbo—bhimsanakabhāve idamsu hoti, bhimsanakabhāvanimittam bhimsanakabhāvahetu bhimsanakabhāvapaccayā idamsu hoti. **Yo koci avītarāgo tam vanasaṇḍam pavisati, yebhuyyena lomāni hamsantīti** bahutarāni lomāni hamsanti uddham mukhāni, sūcisadisāni, kaṇṭakasadisāni ca hutvā tiṭṭhanti, appāni na hamsanti. Bahutarānam vā sattānam hamsanti, appakānam atisūrapurisānam na hamsanti.

Idāni **ayam kho Sāriputta hetūti**-ādi nigamanam. Yañcetha antarantarā na vuttam, tam uttānatthameva. Tasmā Pāḷikkameneva veditabbam. Yam pana vuttam **na ciratṭhitikam ahoṣīti**, tam purisayugavasena vuttanti veditabbam. Vassagaṇanāya hi Vipassissa Bhagavato asītivassasahassāni āyu. Sammukhasāvakaṇampissa tattakameva, evamassa yvāyam sabbpacchimako sāvako, tena saha ghaṭetvā satasahassam, saṭṭhimattāni ca vassasahassāni brahmacariyam aṭṭhāsi. Purisayugavasena pana

1. Ma 1. 380 piṭṭhe. 2. Abhi 2. 128 piṭṭhe. 3. Sam 1. 39, 216; Khu 1. 306 piṭṭhesu.

yugaparamparāya āgantvā dveveva purisayugāni aṭṭhāsi. Tasmā na ciraṭṭhitikanti vuttam. Sikhissa pana Bhagavato sattativassasahassāni āyu. Sammukhasāvakaṅampissa tattakameva. Vessabhussa Bhagavato satṭhivassasahassāni āyu. Sammukhasāvakaṅampissa tattakameva. Evaṃ tesampi ye sabbapacchimakā sāvakā, tehi saha ghaṭetvā satasahassato uddham cattālīsamattāni, vīsativassāni ca vassasahassāni brahmacariyaṃ aṭṭhāsi. Purisayugavasena pana yugaparamparāya āgantvā dve dveveva purisayugāni aṭṭhāsi, tasmā na ciraṭṭhitikanti vuttam.

20. Evaṃ āyasmā Sāriputto tiṇṇam Buddhānam brahmacariyassa na ciraṭṭhitikāraṇam sutvā itaresam tiṇṇam brahmacariyassa ciraṭṭhitikāraṇam sotukāmo puna Bhagavantam “**ko pana bhante hetū**”ti-ādinā nayena pucchi. Bhagavāpissa byākāsi. Tam sabbam vuttapaṭipakkhavasena veditabham. Ciraṭṭhitikabhāvepi cettha tesam Buddhānam āyuparimāṇatopi purisayugatopi ubhayathā ciraṭṭhitikatā veditabbā. Kakusandhassa hi Bhagavato cattālīsavassasahassāni āyu, Koṇāgamanassa Bhagavato tiṃsa vassasahassāni, Kassapassa Bhagavato vīsativassasahassāni. Sammukhasāvakaṅampī nesaṃ tattakameva. Bahūni ca nesaṃ sāvakayugāni paramparāya brahmacariyaṃ pavattesum. Evaṃ tesam āyuparimāṇatopi sāvakayugatopi ubhayathā brahmacariyaṃ ciraṭṭhitikaṃ ahosi.

Amhākaṃ pana Bhagavato Kassapassa Bhagavato upaḍḍhāyukappamāṇe dasavassasahassāyukakāle uppajjitabham siyā, tam asambhuṇantena pañcavassasahassāyukakāle, ekavassasahassāyukakāle, pañcavassasatāyukakālepi vā uppajjitabham siyā. Yasmā panassa Buddhattakārake dhamme esantassa pariyesantassa ñāṇam paripācentassa gabbham gaṇhāpentassa vassasatāyukakāle ñāṇam paripākamagamāsi, tasmā atiparittāyukakāle uppanno. Tenassa sāvakaparamparāvasena ciraṭṭhitikampi brahmacariyaṃ āyuparimāṇavasena vassagaṇanāya naciraṭṭhitikamevāti vattum vaṭṭati.

21. **Atha kho āyasmā Sāriputtoti ko anusandhi.** Evaṃ tiṇṇam Buddhānam brahmacariyassa ciraṭṭhitikāraṇam sutvā “sikkhāpadapaññattiyeva

ciraṭṭhitikabhāvaheṭū”ti niṭṭham gantvā Bhagavatopi brahmacariyassa ciraṭṭhitikabhāvaṃ icchanto āyasmā Sāriputto Bhagavantam sikkhāpadapaññattim yāci. Tassā yācanavidhidassanatthametam vuttam **atha kho āyasmā Sāriputto uṭṭhāyāsana** -pa- **ciraṭṭhitikanti**. Tattha **addhaniyanti** addhānakkhamam, dīghakālikanti vuttam hoti. Sesam uttānatthameva.

Athassa Bhagavā “na tāvāyam sikkhāpadapaññattikālo”ti pakāsento **“āgamehi tvam Sāriputtā”**ti-ādimāha. Tattha **āgamehi tvanti** tiṭṭha tāva tvam, adhvāsehi tāva tvanti vuttam hoti. Ādaratthavasenevettha¹ dvikkhattum vuttam. Etena Bhagavā sikkhāpadapaññattiyā sāvakanam visayabhāvaṃ paṭikkhipitvā “Buddhavisayova² sikkhāpadapaññatti”ti āvi karonto **“Tathāgatovā”**ti-ādimāha. Ettha ca **tatthāti** sikkhāpadapaññattiyācanāpekkham bhumvacanam. Tatrāyam yojanā—yam vuttam “sikkhāpadam paññapeyya”ti, tattha tassā sikkhāpadapaññattiyā Tathāgatoyeva kālam jānissatīti. Evam vatvā akālam tāva dassetum **“na tāva Sāriputtā”**ti-ādimāha.

Tattha āsavā tiṭṭhanti etesūti **āsavaṭṭhāniyā**. Yesu diṭṭhadhammikasamparāyikā dukkhāsavā, kilesāsavā ca parūpavādavippaṭṭisāravadhabandhanādayo ceva apāyadukkhavisesabhūtā ca āsavā tiṭṭhantiyeva, yasmā nesam te kāraṇam hontīti attho, te āsavaṭṭhāniyā vītikkamadhamā yāva na saṃghe pātubhavanti, na tāva Satthā sāvakanam sikkhāpadam paññapetīti ayamettha yojanā. Yadi hi paññapeyya, parūpavādā parūpārambhā garahadosā na parimucceyya.

Katham? Paññapentena hi “yo pana bhikkhu methunam dhammam paṭiseveyyā”ti-ādi sabbam paññapetabbam bhaveyya. Adisvāva vītikkamadosaṃ imam paññattim ṇatvā pare evam upavādañca upārambhañca garahañca pavatteyyum “kathañhi nāma samaṇo Gotamo ‘bhikkhusaṃghe me anvāyiko vacanakaro’ti ettāvata sikkhāpadehi paliveṭhessati, pārājikam paññapessati, nanu ime kulaputtā mahantam bhogakkhandham, mahantañca nātiparivaṭṭam, hatthagatāni ca rajjānipi pahāya pabbajitā ghāsacchādanaparamatāya santuṭṭhā sikkhāya

1. Ādaravasena cetam (Ka)

2. Buddhavisayo (Sī, Syā)

tibbagāravā kāye ca jīvite ca nirapekkhā viharanti. Tesu nāma ko lokāmisabhūtaṃ methunaṃ vā paṭisevissati, parabhaṇḍaṃ vā harissati, parassa vā iṭṭhaṃ kantaṃ atimadhuraṃ jīvitaṃ upacchindissati, abhūtaguṇakathāya vā jīvitaṃ kappessati. Nanu pārājike apaññattepi pabbajjāsāṅkhepenevetāṃ pākaṭaṃ katan”ti. Tathāgatassa ca thāmañca balañca sattā na jāneyyūṃ. Paññattampi sikkhāpadaṃ kuppeyya, na yathāṭhāne tiṭṭheyya. Seyyathāpi nāma akusalo vejjo kañci anuppannaṅgaṇḍaṃ purisaṃ pakkosāpetvā “ehi bho purisa imasmiṃ te sarīrappadesa mahāgaṇḍo uppajjitvā anayabyasanaṃ pāpessati, paṭikacceva naṃ tikicchāpehī”ti vatvā “sādhācariya tvaṃyeva naṃ tikicchassū”ti vutto tassa arogaṃ sarīrappadesaṃ phāletvā lohitaṃ nīharitvā ālepanabandhanadhovanādīhi taṃ padesaṃ sañchaviṃ katvā taṃ purisaṃ vadeyya “mahārogo te mayā tikicchito, dehi me deyyadhammaṃ”ti. So taṃ “kimayaṃ bālavejjo vadati, kataro kira me iminā rogo tikicchito, nanu me ayaṃ dukkhañca janeti, lohitaṃkhañca maṃ pāpetī”ti evaṃ upavadeyya ceva upārambheyya ca garaheyya ca, na cassa guṇaṃ jāneyya. Evameva yadi anuppanne vītikkamadose Satthā sāvakānaṃ sikkhāpadaṃ paññapeyya, parūpavādādīhi ca na parimucceyya, na cassa thāmaṃ vā balaṃ vā sattā jāneyyūṃ. Paññattampi sikkhāpadaṃ kuppeyya, na yathāṭhāne tiṭṭheyya. Tasmā vuttaṃ **“na tāva Sāriputta Satthā sāvakānaṃ -pa- pātubhavanti”**ti.

Evaṃ akālaṃ dassetvā puna kālaṃ dassetuṃ **“yato ca kho Sāriputtā”**ti-ādimāha. Tattha yatoti yadā, yasmiṃ kāleti vuttaṃ hoti. Sesam vuttānusāreneva veditabbaṃ. Ayaṃ vā hettha sañkhepattho, yasmiṃ samaye “āsavaṭṭhānīyā dhāmmā”ti sañkhyāṃ gatā vītikkamadosā saṃghe pātubhavanti, tadā Satthā sāvakānaṃ sikkhāpadaṃ paññapeti uddisati Pātimokkhaṃ. Kasmā? Tesāmyeva “āsavaṭṭhānīyā dhammā”ti sañkhyāṃ gatānaṃ vītikkamadosānaṃ paṭighātāya. Evaṃ paññapento yathā nāma kusalo vejjo uppannaṃ gaṇḍaṃ phālana lepana bandhana dhovanādīhi tikicchanto rogaṃ vūpasametvā sañchaviṃ katvā na tveva upavādādiraho hoti, sake ca ācariyake viditānubhāvo hutvā sakkāraṃ pāpuṇāti. Evaṃ na ca upavādādiraho hoti, sake ca sabbaññuvisaye

viditānubhāvo hutvā sakkāraṃ pāpuṇāti. Tañcassa sikkhāpadaṃ akuppaṃ hoti, yathāṭhāne tiṭṭhatīti.

Evam āsavaṭṭhānīyānaṃ dhammānaṃ anuppattiṃ sikkhāpadapaññattiyā akālaṃ, uppattiñca kālanti vatvā idāni tesam dhammānaṃ anuppattikālañca uppattikālañca dassetuṃ “**na tāva Sāriputta idhekacce**”^{ti}-ādimāha. Tattha uttānatthāni padāni Pāḷivaseneva veditabbāni. Ayam pana anuttānapadavaṇṇanā, rattiyō jānantīti **rattaññū**, attano pabbajitadivasato paṭṭhāya bahukā rattiyō jānanti, cirapabbajitāti vuttaṃ hoti. Rattaññūhi mahattaṃ **rattaññumahattaṃ**, cirapabbajitehi mahantabhāvanti attho. Tatra rattaññumahattaṃ patte saṃghe Upasenaṃ Vaṅgantaputtaṃ ārabba sikkhāpadaṃ paññattanti veditabbaṃ. So hāyasmā ūnadasavasse bhikkhū upasampādente disvā ekavasso saddhivihārikaṃ upasampādesi. Atha Bhagavā sikkhāpadaṃ paññapesi “na bhikkhave ūnadasavassena upasampādetabbo, yo upasampādeyya āpatti dukkaṭassa”^{ti}¹ evaṃ paññatte sikkhāpade puna bhikkhū “dasavassāma dasavassāma”^{ti} bālā abyattā upasampādenti. Atha Bhagavā aparampi sikkhāpadaṃ paññapesi “na bhikkhave bālena abyattena upasampādetabbo, yo upasampādeyya āpatti dukkaṭassa. Anujānāmi bhikkhave byattena bhikkhunā paṭibalena dasavassena vā atirekadasavassena vā upasampādetun”^{ti}² rattaññumahattaṃ pattakāle dve sikkhāpadāni paññattāni.

Vepullamahattanti vipulabhāvena mahattaṃ. Saṃghe hi yāva na theranavamajjhimānaṃ vasena vepullamahattaṃ patto hoti, tāva senāsanāni pahonti. sāsane ekacce āsavaṭṭhānīyā dhammā na uppajjanti. Vepullamahattaṃ pana patte te uppajjanti. Atha Satthā sāvakanānaṃ sikkhāpadaṃ paññapeti. Tattha vepullamahattaṃ patte saṃghe paññattasikkhāpadāni “yo pana bhikkhu anupasampanna uttari dirattatirattaṃ sahaseyyaṃ kappeyya, pācittiyam”³. “Yā pana bhikkhunī anuvassaṃ vuṭṭhāpeyya, pācittiyam”⁴. “Yā pana bhikkhunī ekaṃ vassaṃ dve vuṭṭhāpeyya, pācittiyam”^{ti}⁵ iminā nayena veditabbāni.

Lābhaggamahattanti lābhassa aggamahattaṃ, yo lābhassa aggo uttamo mahantabhāvo, taṃ patto hotīti attho. Lābhena vā

1-2. Vi 3. 75 piṭṭhe.

3. Vi 2. 27 piṭṭhe.

4-5. Vi 2. 449, 450 piṭṭhesu.

aggamahattampi, lābhena seṭṭhattaṅga mahantattaṅga pattoti attho. Saṅgho hi yāva na lābhaggamahattaṃ patto hoti, tāva na lābhaṃ paṭicca āsavaṭṭhānīyā dhammā uppjanti, patte pana uppajanti. Atha Satthā sāvakaṇaṃ sikkhāpadaṃ paññapeti “yo pana bhikkhu acelakassa vā paribbājakassa vā paribbājikāya vā sahatthā khādanīyaṃ vā bhojanīyaṃ vā dadeyya, pācittiyaṃ”¹. Idañhi lābhaggamahattaṃ patte saṅghe sikkhāpadaṃ paññattaṃ.

Bāhusaccamahattanti bāhusaccassa mahantabhāvaṃ, saṅgho hi yāva na bāhusaccamahattaṃ patto hoti, tāva na āsavaṭṭhānīyā dhammā uppajanti. Bāhusaccamahattaṃ patte pana yasmā ekampi nikāyaṃ dvepi -pa- pañcapi nikāye uggahetvā ayoniso ummujjamānā puggalā rasena rasaṃ saṃsanditvā uddhammaṃ ubbinayaṃ Satthusāsaṇaṃ dīpentī. Atha Satthā “yo pana bhikkhu evaṃ vadeyya tathāhaṃ Bhagavatā dhammaṃ desitaṃ ājānāmi -pa-. Samaṇuddesopi ce evaṃ vadeyyā”²ti-ādinā² nayena sikkhāpadaṃ paññapetīti.

Evaṃ Bhagavā āsavaṭṭhānīyaṇaṃ dhammānaṃ anuppattikālaṅga uppattikālaṅga dassetvā tasmim samaye sabbasopi tesam abhāvaṃ dassento “**nirabbudo hi Sāriputtā**”²ti-ādimāha. Tattha **nirabbudoti** abbudavirahito. Abbudā vuccanti corā, niccoroti attho. Corāti ca imasmim atthe dussilāva adhippetā. Te hi assamaṇāva hutvā samaṇapaṭiññatāya paresam paccaye corenti. Tasmā nirabbudoti niccoro, niddussiloti vuttaṃ hoti. **Nirādīnavoti** nirupaddavo nirupasaggo, dussilādīnavarahitoyevāti vuttaṃ hoti. **Apagatakālakoti** kālakā vuccanti dussilāyeva. Te hi suvaṇṇavaṇṇāpi samānā kālakadhammayogā kālakātveva veditabbā. Tesam abhāvā apagatakālakoti. **Apahatakālakoti** pāṭho. **Suddhoti** apagatakālakattāyeva suddho pariyodāto pabhassaro. **Sāre patiṭṭhitoti** sāro vuccanti sīlasamādhīpaññāvīmuttivimuttiñāṇadassanaguṇā, tasmim sāre patiṭṭhitattā sāre patiṭṭhito.

Evaṃ sāre patiṭṭhitabhāvaṃ vatvā puna so cassa sāre patiṭṭhitabhāvo evaṃ veditabboti dassento “**imesam hi Sāriputtā**”²ti-ādimāha.

1. Vi 2. 123 piṭṭhe.

2. Vi 2. 177, 183 piṭṭhesu.

Tatrāyaṃ saṅkhepavaṇṇanā, yānimāni Verañjāyaṃ vassāvāsaṃ upagatāni pañca bhikkhusatāni. Imesaṃ yo guṇavasena pacchimako sabbaparittaguṇo bhikkhu, so sotāpanno. **Sotāpannoti** sotaṃ āpanno, **sototi** ca maggassetāṃ adhivacanaṃ, **sotāpannoti** tena samannāgatassa puggalassa. Yathāha—

“Soto sototi hidaṃ Sāriputta vuccati, katamo nu kho Sāriputta sototi? Ayameva hi bhante ariyo aṭṭhaṅgiko maggo. Seyyathidaṃ? Sammādiṭṭhi -pa- sammāsamādhīti. Sotāpanno sotāpannoti hidaṃ Sāriputta vuccati, katamo nu kho Sāriputta sotāpannoti? Yo hi bhante iminā ariyena aṭṭhaṅgikena maggena samannāgato. Ayaṃ vuccati sotāpanno. Soyamāyasmā evaṃnāmo evaṃgotto”¹. Idha pana maggena phalassa nāmaṃ dinnāṃ, tasmā phalaṭṭho sotāpannoti vedītabbo.

Avinipātadhammoti vinipātetīti vinipāto, nāssa vinipāto dhammoti avinipātadhammo, na attānaṃ apāyesu vinipātanasabhāvoti vuttaṃ hoti. Kasmā? Ye dhammā apāyagamanīyā, tesāṃ parikkhayā. Vinipātanaṃ vā vinipāto, nāssa vinipāto dhammoti avinipātadhammo, apāyesu vinipātanasabhāvo assa natthīti vuttaṃ hoti. Sammattaniyāmena maggena niyatattā **niyato**. Sambodhi paramā ayanāṃ parā gati assāti **sambodhiparāyaṇo**. Upari maggattayaṃ avassaṃ sampāpakoti attho. Kasmā? Paṭiladdhapaṭhamamaggattāti.

Buddhāciṅṇakathā

22. Evaṃ Dhammasenāpatim saññāpetvā Virañjāyaṃ taṃ vassāvāsaṃ vītināmetvā vutthavasso mahāpavāraṇāya pavāretvā **atha kho Bhagavā āyasmantaṃ Ānandaṃ āmantesi**. **Āmantesīti** ālapi abhāsi sambodhesi. Kinti? **Āciṅṇaṃ kho panetanti** evamādi. **Āciṅṇanti** caritaṃ vattaṃ anudhammatā. Taṃ kho panetaṃ āciṅṇaṃ duvidhaṃ hoti Buddhāciṅṇaṃ, sāvakāciṅṇanti. Katamaṃ Buddhāciṅṇaṃ? Idaṃ tāva ekaṃ—yehi nimantitā vassaṃ vasanti, na te anapaloketvā anāpucchitvā janapadacārikaṃ

1. Saṃ 3. 302 piṭṭhe.

pakkamanti. Sāvakā pana apaloketvā vā anapaloketvā vā yathāsukhaṃ pakkamanti.

Aparampi Buddhāciṇṇaṃ—vutthavassā pavāretvā janasaṅgahatthāya janapadacārikaṃ pakkamantiyeva. Janapadacārikaṃ carantā ca mahāmaṇḍalaṃ majjhimaṇḍalaṃ antimamaṇḍalanti imesaṃ tiṇṇaṃ maṇḍalānaṃ aññatarasmim maṇḍale caranti. Tattha **mahāmaṇḍalaṃ** navayojanasatikaṃ. **Majjhimaṇḍalaṃ** chayojanasatikaṃ. **Antimamaṇḍalaṃ** tiyojanasatikaṃ. Yadā mahāmaṇḍale cārikaṃ caritukāmā honti, tadā mahāpavāraṇāya pavāretvā pāṭipadadivase mahābhikkhusaṅghaparivārā nikkhamitvā gāmanigamādīsu mahājanaṃ āmisapaṭiggahena anuggaṇhantā dhammadānena cassa vivaṭṭupanissitaṃ kusalaṃ vaḍḍhentā navahi māsehi janapadacārikaṃ pariyosāpentī. Sace pana antovasse bhikkhūnaṃ samathavipassanā taruṇā honti, mahāpavāraṇāya appavāretvā pavāraṇāsaṅgahaṃ datvā kattikapuṇṇamāyaṃ pavāretvā māgasirassa paṭhamadivase mahābhikkhusaṅghaparivārā nikkhamitvā vuttanayeneva majjhimaṇḍale aṭṭhahi māsehi cārikaṃ pariyosāpentī. Sace pana nesaṃ vutthavassānaṃ aparipākandriyā veneyyasattā honti. Tesāṃ indriyaparipākaṃ āgamenta māgasiramāsampi tattheva vasitvā phussamāsassa paṭhamadivase mahābhikkhusaṅghaparivārā nikkhamitvā vuttanayeneva antimamaṇḍale sattahi māsehi cārikaṃ pariyosāpentī. Tesu ca maṇḍalesu yattha katthaci vicarantāpi te te satte kilesehi viyojentā sotāpattiphalādīhi payojentā veneyyavaseneva nānāvaṇṇāni pupphāni ocinantā viya caranti.

Aparampi Buddhānaṃ āciṇṇaṃ—devasikaṃ paccūsasamaye santaṃ sukhaṃ nibbānaṃārammaṇaṃ katvā phalasaṃpattisaṃpajjanaṃ, phalasaṃpattiyā vuṭṭhahitvā devasikaṃ mahākaraṇāsaṃpattiyā saṃpajjanaṃ, tato vuṭṭhahitvā dasasahassacakkavāle bodhaneyyasattasamavalokanaṃ¹.

Aparampi Buddhānaṃ āciṇṇaṃ—āgantukehi saddhiṃ paṭhamataraṃ paṭisanthārakaraṇaṃ, aṭṭhuppattivasena dhammadesanā, otiṇṇe dose sikkhāpadapaññāpananti idaṃ Buddhāciṇṇaṃ.

1. Samolokanaṃ (Sī, Syā)

Katamaṃ sāvakaṇḍaṇṇaṃ? Buddhassa Bhagavato kāle dvikkhattuṃ sannipāto pure vassūpanāyikāya ca kammaṭṭhānaggahaṇatthaṃ, vutthavassānaṅca adhigataguṇārocanatthaṃ upari kammaṭṭhānaggahaṇatthaṅca. Idaṃ sāvakaṇḍaṇṇaṃ. Idha pana Buddhāṇḍaṇṇaṃ dassento āha “**āṇḍaṇṇaṃ kho panetaṃ Ānanda Tathāgatānaṃ**”ti.

Āyāmāti āgaccha yāma. **Apalokessāmāti** cārikāṃ caraṇatthāya āpucchissāma. **Evanti** sampaṭṭicchanatthe nipāto. **Bhanteti** gāravādhivacanametaṃ. Satthuno paṭivacanadānantipi vaṭṭati. **Bhagavato paccassosīti** Bhagavato vacanaṃ paṭi-assosi, abhimukho hutvā suṇi sampaṭṭicchi, “evan”ti iminā vacanena paṭiggaheṣīti vuttaṃ hoti.

Atha kho Bhagavā nivāsetvāti idha pubbaṅhasamayanti vā sāyanhasamayanti vā na vuttaṃ. Evaṃ santepi Bhagavā katabhattakicco majjhanhikāṃ vītināmetvā āyasmantaṃ Ānandaṃ pacchāsamaṇaṃ katvā nagaradvārato paṭṭhāya nagaravīthiyo suvaṇṇarasapiṇṇarāhi ramsīhi samujjotayamāno yena Veraṅjassa brāhmaṇassa nivesanaṃ tenupasaṅkamaṃ. Gharadvāre ṭhitamattameva cassa Bhagavantaṃ disvā pariṇāso ārocesi. Brāhmaṇo satim paṭilabhitvā samvegajāto sahasā vutṭhāya mahārahaṃ āsanaṃ paṇṇapetvā Bhagavantaṃ paccuggamma “ito Bhagavā upasaṅkamatū”ti āha. Bhagavā upasaṅkamatvā paṇṇatte āsane nisīdi. Atha kho Veraṅjo brāhmaṇo Bhagavantaṃ upanisīditukāmo attanā ṭhitapadesato yena Bhagavā tenupasaṅkamaṃ. Ito paraṃ uttānatthameva.

Yaṃ pana brāhmaṇo āha “**apica yo deyyadhammo, so na dinno**”ti. Tatrāyamadhippāyo—mayā nimantitānaṃ vassaṃvutthānaṃ tumhākaṃ temāsaṃ divase divase pāto yāgukhajjakaṃ, majjhanhike khādanīyabhojanīyaṃ, sāyanhe anekavidha pānavikati gandhapupphādīhi pūjāsakkāroti evamādiko yo deyyadhammo dātabbo assa, so na dinnoti. **Taṅca kho no asantanti** ettha pana liṅgavipallāso veditabbo. So ca kho deyyadhammo amhākaṃ no asantoti ayaṃ hettha attho. Atha vā yaṃ dānavatthuṃ mayā tumhākaṃ dadeyyāma, taṅca kho no asantanti evamettha attho veditabbo.

Nopi adātukamyatāti adātukāmatāpi no natthi yathā pahūtavittūpakaraṇānaṃ maccharīnaṃ. **Taṃ kutettha labbhā bahukiccā gharāvāsā**ti tatrāyaṃ yojanā—yasmā bahukiccā gharāvāsā, tasmā ettha santepi deyyadhamme dātukamyatāya ca taṃ kuto labbhā kuto taṃ sakkā laddhuṃ, yaṃ mayāṃ tumhākaṃ deyyadhammaṃ dadeyyāmāti gharāvāsaṃ garahanto āha. So kira mārena āvaṭṭitabhāvaṃ na jānāti, “gharāvāsapalibodhena me satisammo so jāto”ti maññi, tasmā evamāha. Apica **taṃ kutettha labbhā**ti imasmiṃ temāsabbhantare yamaṃ tumhākaṃ dadeyyaṃ, taṃ kuto labbhā, bahukiccā hi gharāvāsāti evamettha yojanā veditabbā.

Atha brāhmaṇo “yannūnāhaṃ yaṃ me tīhi māsehi dātubbaṃ siyā, taṃ sabbaṃ ekadivaseneva dadeyyaṃ”ti cintetvā “**adhivāsetu me bhavaṃ Gotamo**”ti-ādimāha. Tattha **svātanāyā**ti yaṃ me tumhesu sakkāraṃ karoto sve bhavissati puññañceva pītipāmojjañca, tadatthāya. Atha Tathāgato “sace ahaṃ nādhivāseyyaṃ, ‘ayaṃ temāsaṃ kiñci aladdhā kupito maññe, tena me yāciyamāno ekabhattampi na paṭiggaṇhāti, natthi imasmiṃ adhivāsanakhanti, asabbaññū ayaṃ’ti evaṃ brāhmaṇo ca Verañjāvāsino ca garahitvā bahuṃ apuññaṃ pasaveyyuṃ, taṃ tesāṃ mā ahoṣi”ti tesāṃ anukampāya **adhivāsesi Bhagavā tuṅhībhāvena**.

Adhivāsetvā ca atha kho Bhagavā Verañjaṃ brāhmaṇaṃ “alaṃ gharāvāsapalibodhacintāyā”ti saññāpetvā taṅkhaṇānurūpāya dhammiyā kathāya diṭṭhadhammikasamparāyikaṃ atthaṃ sandassetvā kusale dhamme samādāpetvā gaṇhāpetvā tattha ca naṃ samuttejetvā sa-ussāhaṃ katvā tāya sa-ussāhatāya aññehi ca vijjamānaguṇehi sampahaṃsetvā dhammaratanavassaṃ vassetvā uṭṭhāyāsanaṃ pakkāmi. Pakkante ca pana Bhagavati Verañjo brāhmaṇo puttadāraṃ āmantesi “mayāṃ bhaṇe Bhagavantaṃ temāsaṃ nimantetvā ekadivasāṃ ekabhattampi nādamha. Handa dāni tathā dānaṃ paṭiyādetha, yathā temāsikopi deyyadhammo sve ekadivaseneva dātuṃ sakkā hoti”ti. Tato paṇītaṃ dānaṃ paṭiyādāpetvā yaṃ divasaṃ Bhagavā nimantito, tassā rattiyā accayena āsanaṭṭhānaṃ alaṅkārapetvā mahārahāni āsanāni paññāpetvā

gandhadhūmavāsakusumavicitraṃ mahāpūjaṃ sajjetvā Bhagavato kālaṃ ārocāpesi. Tena vuttaṃ “**atha kho Verañjo brāhmaṇo tassā rattiyā accayena -pa- niṭṭhitam bhattan**”ti.

23. Bhagavā bhikkhusaṃghaparivuto tattha agamāsi. Tena vuttaṃ “**atha kho Bhagavā -pa- nisīdi saddhiṃ bhikkhusaṃghenāti. Atha kho Verañjo brāhmaṇo Buddhappamukhaṃ bhikkhusaṃghan**”ti Buddhappamukhanti Buddhapariṇāyakaṃ, Buddhaṃ saṃghattheraṃ katvā nisinnanti vuttaṃ hoti. **Paṇītenāti** uttamena. **Sahatthāti** sahatthena. **Santappetvāti** suṭṭhu tappetvā paripuṇṇaṃ suhitaṃ yāvadatthaṃ katvā. **Sampavāretvāti** suṭṭhu pavāretvā, “alan”ti hatthasaññāya, mukhasaññāya, vacībhedena ca paṭikkhipāpetvā. **Bhuttāvinti** bhuttavantaṃ. **Onītapattapāṇinti** pattato onītapāṇiṃ, apanītahatthanti vuttaṃ hoti. **Ticīvarena acchādesīti** ticīvaraṃ Bhagavato adāsi. Idaṃ pana vohāravacanamattaṃ hoti “ticīvarena acchādesī”ti. Tasmīṃ ca ticīvare ekameko sāṭako sahasaṃ agghati. Iti brāhmaṇo Bhagavato tisahasagghanakaṃ ticīvaramadāsi uttamaṃ kāsikavatthasadiṣaṃ. **Ekamekañca bhikkhuṃ ekamekena dussayugenāti** ekamekena dussayugaḷena. Tatra ekasāṭako pañcasatāni agghati. Evaṃ pañcannaṃ bhikkhusatānaṃ pañcasatasahasagghanakāni dussāni adāsi. Brāhmaṇo ettakampi datvā atuṭṭho puna sattaṭṭhasahasagghanake anekarattakambale ca paṭṭuṇṇapattapaṭe ca phāletvā phāletvā āyoga-amsabaddhaka kāyabandhanaparissāvanādīnaṃ atthāya adāsi. Satapākasahasapākānañca bhesajjatelānaṃ tumbāni pūretvā ekamekassa bhikkhuno abbhañjanatthāya sahasagghanakaṃ telamadāsi. Kiṃ bahunā, catūsu paccayesu na koci parikkhāro samaṇaparibhogo adinno nāma ahosi. Pāḷiyaṃ pana cīvaramattameva vuttaṃ.

Evaṃ mahāyāgaṃ yajitvā saputtadāraṃ vanditvā nisinnaṃ atha kho Bhagavā Verañjaṃ brāhmaṇaṃ temāsaṃ mārāvattānena dhammasavanāmatarasaparibhogaparihīnaṃ ekadivaseneva dhammāmatavassaṃ vassetvā puripuṇṇasaṅkappaṃ kurumāno **dhammiyā kathāya sandassetvā -pa- uṭṭhāyāsanaṃ pakkāmi**. Brāhmaṇopi saputtadāro Bhagavantañca bhikkhusaṃghañca vanditvā “punapi bhante amhākaṃ anuggahaṃ

kareyyāthā”ti-evamādīni vadanto anubandhitvā assūni pavattayamāno nivatti.

Atha kho Bhagavā Verañjāyaṃ yathābhirantaṃ viharitvāti yathājjhāsayaṃ yathārucitaṃ vāsaṃ vasitvā Verañjāya nikkhamitvā mahāmaṇḍale cārikāya caraṇakāle gantabbaṃ Buddhavīthi pahāya dubbhikkhadosena kilantaṃ bhikkhusaṅghaṃ ujunāva maggena gahetvā gantukāmo Soreyyādīni anupagamma payāgapatiṭṭhānaṃ gantvā tattha Gaṅgaṃ nadiṃ uttaritvā yena Bārāṇasī tadavasari. Tena avasari tadavasari. Tatrāpi yathājjhāsayaṃ viharitvā Vesālīṃ agamāsi. Tena vuttaṃ “anupagamma soreyyaṃ -pa- Vesālīyaṃ viharati Mahāvane Kūṭāgārasālāyaṃ”ti.

Samantapāsādikāya Vinayasaṃvaṇṇanāya

Verañjakaṇḍavaṇṇanā niṭṭhitā.

Tatridaṃ Samantapāsādikāya Samantapāsādikattasmim—

Ācariyaparamparato, nidānavatthuppabhedadīpanato.

Parasamayavivajjanato, sakasamayavisuddhito ceva.

Byañjanaparisodhanato, padatthato Pāḷiyojanakkamato.

Sikkhāpadanicchayato, vibhaṅganayabhedadassanato.

Sampassataṃ na dissati, kiñci apāsādikaṃ yato ettha.

Viññūnamayaṃ tasmā, samantapāsādikāteva.

Saṃvaṇṇanā pavattā, Vinayassa vineyyadamanakusalena.

Vuttassa Lokanāthena, lokamanukampamānenāti.

Verañjakaṇḍavaṇṇanā niṭṭhitā.

1. Pārājikakaṇḍa

1. Paṭhamapārājika Sudinnabhāṇavāraṇṇanā

24. Ito param **tena kho pana samayena Vesāliyā avidūreti-**ādi yebhuyyena uttānattham, tasmā anupadavaṇṇanam pahāya yattha yattha vattabham atthi, tam tadeva vaṇṇayissāma. **Kalandagāmoti** Kalandakā vuccanti kālakā, tesam vasena laddhanāmo gāmo. **Kalandaputtoti** gāmasena laddhanāmassa rājasammatassa cattālīsakoṭivibhavassa Kalandasetthino putto. Yasmā pana tasmim gāme aññepi Kalandanāmakā manussā atthi, tasmā “kalandaputto”ti vatvā puna “setthiputto”ti vuttam. **Sambahulehīti** bahukeyhi. **Sahāyakehīti** sukhadukkhāni saha āyanti upagacchantīti sahāyā, sahāyā eva sahāyakā, tehi sahāyakehi. **Saddhinti** ekato. **Kenacideva karaṇīyenāti** kenacideva bhaṇḍappayojana-uddhārasāraṇādīnā kiccena. Kattikanakkhattakīlākiccenātipi vadanti. Bhagavā hi kattikajuṇhapakkhe Vesālim sampāpuṇi, kattikanakkhattakīlā cettha uḷārā hoti, tadattham gatoti vedītabbo.

Addasa khoti katham addasa? So kira nagarato bhuttapātarāsam suddhutarāsaṅgam mālāgandhaviḷepanahattham, Buddhadassanattam, dhammasavanatthañca nikkhamantam mahājanam disvā “kva gacchathā”ti pucchi. Buddhadassanattam, dhammasavanatthañcāti. Tena hi ahampi gacchāmīti gantvā catubbidhāya parisāya parivutam brahmassarena dhammam desentam Bhagavantam addasa. Tena vuttam “**addasa kho -pa-desentan**”ti. **Disvānassāti** disvāna assa. **Etadahosīti** pubbe katapuññatāya codiyamānassa bhabbakulaputtassa etam ahosi. Kim ahosi? “Yamñūnāhampi dhammam suṇeyyan”ti. Tattha **yamñūnāti** parivitakkadassanametam. Evam kirassa parivitakko uppanno “yamayam parisā ekaggacittā dhammam suṇāti, aho vatāhampi tam suṇeyyan”ti.

Atha kho Sudinno Kalandaputto yena sā parisāti idha kasmā “yena Bhagavā”ti avatvā “yena sā parisā”ti vuttanti ce. Bhagavantam hi

parivāretvā uḷāruḷārajanā mahatī parisā nisinnā, tatra na sakkā iminā pacchā āgatena Bhagavantam upasaṅkamitvā nisīditum. Parisāya pana ekasmim padese sakkāti so tam parisāmyeva upasaṅkamanto. Tena vuttam “atha kho Sudinno Kalandaputto yena sā parisā”ti. **Ekamantaṃ nisinnassa kho Sudinnassa Kalandaputtassa etadahosī**ti na nisinnamattasseva ahoṣi, atha kho Bhagavato sikkhattayūpasamhitam thokam dhammakatham sutvā, tam panassa yasmā ekamantaṃ nisinnasseva ahoṣi. Tena vuttam “ekamantaṃ nisinnassa kho Sudinnassa Kalandaputtassa etadahosī”ti. Kim ahoṣī? **Yathā yathā khoti-**ādi.

Tatrāyam saṅkhepakathā—aham kho yena yena ākārena Bhagavatā dhammam desitam ājānāmi, tena tena me upaparikkhato evam hoti “yadetaṃ sikkhattayabrahmacariyam ekampi divasaṃ akhaṇḍam katvā carimakacittam pāpetabbatāya **ekantaparipuṇṇam** caritabbaṃ, ekadivasampi ca kilesamalena amalīnam katvā carimakacittam pāpetabbatāya **ekantaparisuddham, saṅkhalikhitaṃ** likhitasāṅkhasadisam dhotasaṅkhasappaṭibhāgam caritabbaṃ, idaṃ na sukaram agāram ajjāvasatā agāramajjhe vasantena ekantaparipuṇṇam -pa- caritum, yamnūnāham kese ca massuṇca ohāretvā kasāyarasapītatāya **kāsāyāni** brahmacariyam carantānam anucchavikāni vatthāni **acchādetvā** paridahitvā agārasmā nikkhamitvā anagāriyam pabbajeyyan”ti. Ettha ca yasmā agārassa hitam kasivāṇijjādikammaṃ **agāriyanti** vuccati, taṅca pabbajjāya natthi, tasmā pabbajjā **“anagāriyā”**ti nītabbā, tam anagāriyam pabbajjam. **Pabbajeyyanti** paribbajeyyam.

25. **Aciravuṭṭhitāya parisāya yena Bhagavā tenupasaṅkamīti** Sudinno avuṭṭhitāya parisāya na Bhagavantam pabbajjam yāci. Kasmā? Tatrassa bahū nīatisālohitā mittāmaccā santi, te “tvam mātāpitūnam ekaputtako, na labbhā tayā pabbajitum”ti bāhātampi gahetvā ākaḍḍheyyum, tato pabbajjāya antarāyo bhavissatīti saheva parisāya uṭṭhahitvā thokam gantvā puna kenaci sarīrakiccalesena nivattitvā Bhagavantam upasaṅkamma pabbajjam yāci. Tena vuttam **“atha kho Sudinno Kalandaputto aciravuṭṭhitāya parisāya -pa-pabbajetu mam Bhagavā”**ti.

Bhagavā pana yasmā Rāhulakumārassa pabbajitato¹ pabhuti mātāpitūhi ananuññātaṃ puttāṃ na pabbājeti. Tasmā naṃ pucchi “**anuññātosī pana tvaṃ Sudinna mātāpitūhi -pa- pabbajjāyā**”ti.

26. Ito param pāthānusāreṇeva gantvā **taṃ karaṇīyaṃ tīretvā**ti ettha evamattho vedītabbo—dhuraṇikkhepeṇeva taṃ karaṇīyaṃ niṭṭhāpetvāti. Na hi pabbajjāya tibbacchandassa bhaṇḍappayojana uddhārasāraṇādīsu vā nakkhattakīlāyaṃ vā cittaṃ namati. **Amma tātā**ti ettha pana **ammā**ti mātaraṃ ālapati. **Tātā**ti pitaraṃ. **Tvaṃ khosī**ti tvaṃ kho asi. **Ekaputtakoti** ekova puttako, añño te jeṭṭho vā kaniṭṭho vā natthi. Ettha ca “ekaputto”ti vattabbe anukampāvasena “ekaputtako”ti vuttaṃ. **Piyoti** pītijananako. **Manāpoti** manavaḍḍhanako. **Sukhedhitoti** sukheṇa edhito, sukhasaṃvaḍḍhitoti attho. **Sukhaparihatoti** sukheṇa parihatō, jātakālatō pabhuti dhātīhi añkato añkaṃ haritvā dhāriyamāno assakarathakādīhi bālakīlanakehi kīlamāno sādurasabhojanaṃ bhojijamāno sukheṇa parihatō.

Na tvaṃ tāta Sudinna kiñci dukkhassa jānāsīti tvaṃ tāta Sudinna kiñci appamattakampi kalabhāgaṃ dukkhassa na jānāsī. Atha vā kiñci dukkhena nānubhosīti attho. Karaṇatthe sāmivacanaṃ, anubhavanatthe ca jānanā. Atha vā kiñci dukkhaṃ nassarasīti attho. Upayogatthe sāmivacanaṃ, saraṇatthe ca jānanā. Vikappadvayepi purimapadassa uttarapadena samānavibhattilopo daṭṭhabbo. Taṃ sabbaṃ saddasatthānusāreṇa nātabbaṃ. **Maraṇenapi mayāṃ te akāmakā vinā bhavissāmā**ti sacepi tava amhesu jīvamānesu maraṇaṃ bhavyeṃ, tena te maraṇenapi mayāṃ akāmakā anicchakā na attano ruciyā, vinā bhavissāma, tayā viyogaṃ vā pāpuṇissāmāti attho. **Kim pana mayāṃ tanti** evaṃ sante kim pana kim nāma taṃ kāraṇaṃ, yena mayāṃ taṃ jīvantaṃ anujānissāma. Atha vā **kim pana mayāṃ tanti** kena pana kāraṇena mayāṃ taṃ jīvantaṃ anujānissāmāti evamettha attho daṭṭhabbo.

1. Pabbajjato (Sī, Syā)

27. **Tatthevā**ti yattha naṃ ʘhitam māṭāpitaro nānujāniṃsu, tattheva ʘhāne. **Anantarahitāyā**ti kenaci attharaṇena anattatāya.

28. **Paricārehī**ti gandhabbanaṭanāṭakādīni paccupaṭṭhāpetvā tattha sahāyakehi saddhiṃ yathāsukham indriyāni cārehi sañcārehi, ito cito ca upanehīti vuttaṃ hoti. Atha vā **paricārehī**ti gandhabbanaṭanāṭakādīni paccupaṭṭhāpetvā tattha sahāyakehi saddhiṃ laḷa upalaḷa rama, kīlassūtipi vuttaṃ hoti. **Kāme paribhuñjantoti** attano puttadārehi saddhiṃ bhoge bhuñjanto. **Puññāni karontoti** Buddhañca dhammañca saṃghañca ārabba dānappadānādīni sugatimaggasodhakāni kusalakammāni karonto. **Tuṇhī ahoṣī**ti kathānuppabandhavicchedanattamā nirālāpasallāpo ahoṣi. Athassa māṭāpitaro tikkhattuṃ vatvā paṭivacanampi alabhamānā sahāyake pakkosāpetvā “esa vo sahāyako pabbajitukāmo, nivāretha nan”ti āhaṃsu. Tepi taṃ upasaṅkamitvā tikkhattuṃ avocuṃ. Tesampi tuṇhī ahoṣi. Tena vuttaṃ “**atha kho Sudinnassa Kalandaputtassa sahāyakā -pa- tuṇhī ahoṣī**”ti.

29. Athassa sahāyakānaṃ etadahosi “sace ayaṃ pabbajjāṃ alabhamāno marissati, na koci guṇo bhavissati. Pabbajitaṃ pana naṃ māṭāpitaropi kālena kālaṃ passissanti, mayampi passissāma. Pabbajjāpi ca nāmesā bhāriyā, divase divase mattikāpattaṃ gahetvā piṇḍāya caritabbaṃ, ekaseyyaṃ ekabhattaṃ brahmacariyaṃ atidukkaraṃ, ayañca sukhumālo nāgarikajātiyo, so taṃ carituṃ asakkonto puna idheva āgamissati, handassa māṭāpitaro anujānāpessāmā”ti. Te tathā akaṃsu. Māṭāpitaropi naṃ anujāniṃsu. Tena vuttaṃ “**atha kho Sudinnassa Kalandaputtassa sahāyakā yena Sudinnassa Kalandaputtassa māṭāpitaro -pa- anuññātosī māṭāpitūhi agārasmā anagāriyaṃ pabbajjāyā**”ti.

30. **Haṭṭhoti** tuṭṭho. **Udaggoti** pītivasena abbhunnatakāyacitto. **Katipāhanti** katipayāni divasāni. **Balam gāhetvā**ti sappāyabhojanāni bhuñjanto, ucchādananhāpanādīhi ca kāyaṃ pariharanto kāyabalaṃ janetvā māṭāpitaro vanditvā assumukham nātiparivaṭṭamā pahāya

yena Bhagavā tenupasaṅkami -pa- pabbājetu maṃ bhante Bhagavāti.

Bhagavā samīpe ʘhitam aññataram piṇḍacārikam bhikkhum āmantesi “**tena hi bhikkhu Sudinam pabbājehi ceva upasampādehi cā**”ti. “Sādhu bhante”ti kho so bhikkhu Bhagavato paṭissuṇivā Sudinam Kalandaputtam Jinadattiyam saddhivihārikam laddhā pabbājesi ceva upasampādesi ca. Tena vuttam “**alattha kho Sudinno Kalandaputto Bhagavato santike pabbajjam, alattha upasampadan**”ti.

Ettha pana ʘatvā sabba-aṭṭhakathāsu pabbajjā ca upasampadā ca kathitā, mayam pana yathāʘhitapāḷivaseneva **Khandhake** kathayissāma. Na kevalaṅcetam, aññampi yam Khandhake vā Parivāre vā kathetabbam Aṭṭhakathācariyehi **Vibhaṅge** kathitam, tam sabbam tattha tattheva kathayissāma, evaṅhi kathiyamāne Pāḷikkameneva vaṇṇanā katā hoti, tato tena tena vinicchayena atthikānam Pāḷikkameneva imam Vinayasamvaṇṇanam oloketvā so so vinicchayo suviññeyyo bhavissatīti.

Acirūpasampannoti aciram upasampanno hutvā, upasampadato nacirakāleyevāti vuttam hoti. **Evarūpeti** evamvidhe evamjātike. **Dhutaguṇeti** kilesaniddhunanake guṇe. **Smādāya vattatīti** samādiyitvā gaṇhitvā vattati carati viharati. **Ārañṅiko hotīti** gāmantasenāsanam paṭikkhipitvā ārañṅikadhutaṅgavasena arañṅavāsiko hoti. **Piṇḍapātikoti** atirekalābhapaṭikkhepena cuddasa bhattāni paṭikkhipitvā piṇḍapātikadhutaṅgavasena piṇḍapātiko hoti. **Paṃsukūlikoti** gahapaticīvaram paṭikkhipitvā paṃsukūlikadhutaṅgavasena paṃsukūliko hoti. **Sapadānacārikoti** loluppacāram paṭikkhipitvā sapadānacārikadhutaṅgavasena sapadānacāriko hoti, gharapaṭipāṭiyā bhikkhāya pavisati. **Vajjigāmanti** vajjīnam gāmam, vajjīsu vā gāmam.

Aḍḍhā mahaddhanāti-ādīsu upabhogaparibhogūpakaraṇamahantatāya **aḍḍhā**. Ye hi tesam upabhogā, yāni ca upabhogūpakaraṇāni, tāni mahantāni bahulāni sarakānīti vuttam hoti. Nidhetvā ʘhapitadhanamahantatāya **mahaddhanā**. **Mahābhogāti** divasaparibbayasaṅkhātabhogamahantatāya mahābhogā. Aññehi upabhogehi jātārūparajatasseva pahūtātāya

pahūtajātarūparajatā. Alaṅkārabhūtaṣṣa vittūpakaraṇaṣṣa pītipāmojjakaraṇaṣṣa pahūtatāya **pahūtavittūpakaraṇā.** Vohāraṣṣena parivattentaṣṣa dhanadhaññaṣṣa pahūtatāya **pahūtadhanadhaññaṣṣa** veditabbā.

Senāsaṇaṃ saṃsāmetvāti senāsaṇaṃ paṭisaṃmetvā, yathā na viṇassaṭṭi, tathā naṃ suṭṭhu thapetvāti attho. **Saṭṭhimatte thālipāketi** gaṇanaṃparicchedato saṭṭhithālipāke. Ekameko cettha thālipāko dasannaṃ bhikkhūnaṃ bhattaṃ gaṇhāti, taṃ sabbampi channaṃ bhikkhusatānaṃ bhattaṃ hoti. **Bhattābhīhāraṃ abhihāraṃsū**ti ettha abhihāriyāti **abhihāro**, kiṃ abhihāriyati? Bhattaṃ. Bhattameva abhihāro **bhattābhīhāro**, taṃ bhattābhīhāraṃ. **Abhihāraṃsū**ti abhimukhā harimsu, tassa santikaṃ gahetvā āgamaṃsūti attho. Etassa kiṃ paṃṇanti? Saṭṭhi thālipākā. Tena vuttaṃ “**saṭṭhimatte thālipāke bhattābhīhāraṃ abhihāraṃsū**”ti. **Bhikkhūnaṃ vissajjetvā**ti sayāṃ ukkaṭṭhapiṇḍapātikattā sapadānacāraṃ caritukāmo bhikkhūnaṃ paribhogatthāya pariccajivā datvā. Ayaṇhi āyasmā “bhikkhū ca lābhaṃ lacchanti, ahaṅca piṇḍakena na kilamissāmi”ti etadatthameva āgato. Tasmā attano āgamaṇurūpaṃ karonto bhikkhūnaṃ vissajjetvā sayāṃ piṇḍāya pāvīsi.

31. **Ñātidāsī**ti nātakānaṃ dāsī. **Ābhidosikanti** pārivāsikaṃ ekarattātikkantaṃ pūtibhūtaṃ. Tatrāyaṃ padattho—pūtibhāvadosena abhibhūtoti abhidoso, abhidosova ābhidosiko, ekarattātikkantaṣṣa vā nāmasaṅgā esā yadidaṃ ābhidosikoti, taṃ ābhidosikaṃ. **Kummāsanti** yavakummāsaṃ. **Chaḍḍetukāmā hotī**ti yasmā antamaso dāsakammakarānampi gorūpānampi aparibhogāraho, tasmā taṃ kacavaraṃ viya bahi chaḍḍetukāmā hoti. **Sacetanti** sace etaṃ. **Bhaginī**ti ariyavohārena ñātidāsīṃ ālapati. **Chaḍḍanīyadhammanti** chaḍḍetabbasabhāvaṃ. Idaṃ vuttaṃ hoti bhagini etaṃ sace bahi chaḍḍanīyadhammaṃ nissaṭṭhapariggahaṃ, taṃ idha me patte ākirāti.

Kim pana evaṃ vattum labbhati, viññatti vā payuttavācā vā na hotīti? Na hoti. Kasmā? Nissaṭṭhapariggahattā. Yaṇhi chaḍḍanīyadhammaṃ nissaṭṭhapariggahaṃ, yattha sāmikā anālayā honti, taṃ sabbaṃ “detha, āharatha, idha

ākīrathā”ti vattum vaṭṭati. Tathā hi agga-ariyavaṁsiko āyasmā **Raṭṭhapālopi** chaḍḍanīyadhammaṁ kummāsaṁ “idha me patte ākirā”ti¹ avaca. Tasmā yaṁ evarūpaṁ chaḍḍanīyadhammaṁ, aññaṁ vā apariggahitaṁ vanamūlaphalabhesajjādikaṁ, taṁ sabbaṁ yathāsukhaṁ āharāpetvā paribhuñjitabbaṁ, na kukkuccāyitabbaṁ. **Hatthānanti** bhikkhāggahaṇatthaṁ pattam upanāmayato maṇibandhato pabhuti dvinnampi hatthānaṁ. **Pādānanti** nivāsanantato paṭṭhāya dvinnampi pādānaṁ. **Sarassāti** “sacetam bhagini”ti vācam nicchārayato sarassa ca. **Nimittam aggahesīti** gihikāle sallakkhitapubbaṁ ākāraṁ aggahesi sañjāni sallakkhesi. Sudinno hi Bhagavato dvādasame vasse pabbajito, vīsatime vasse nātikulam piṇḍāya pavitṭho sayam pabbajjāya aṭṭhavassiko hutvā, tena nam sā nātīdāsī disvāva na sañjāni, nimittam pana aggahesīti.

Sudinnassa mātaṁ etadavocāti atigarunā pabbajjūpagatena sāmiputtana saddhim “tvam nu kho me bhante ayyo Sudinno”ti-ādivacanaṁ vattum avisahantī vegena gharaṁ pavisitvā Sudinnassa mātaṁ etaṁ avoca. **Yaggheti** ārocanathe nipāto. **Sace je saccanti** ettha **jeti** ālapane nipāto. Evañhi tasmim dese dāsijanaṁ ālapanti, tasmā “tvam bhoti dāsi sace saccaṁ bhaṇasi”ti evamettha attho daṭṭhabbo.

32. **Aññataraṁ kuṭṭamūlanti**² tasmim kira dese dānapatīnaṁ gharesu sālā honti, āsanāni cetha paññattāni honti, upaṭṭhāpitaṁ udakakañjīyam. Tattha pabbajitā piṇḍāya caritvā nisīditvā bhuñjanti, sace icchanti, dānapatīnampi santakaṁ gaṇhanti, tasmā tampi aññatarassa kulassa īdisāya sālāya aññataraṁ kuṭṭamūlanti veditabbaṁ. Na hi pabbajitā kapaṇamanussā viya asāruppe ṭhāne nisīditvā bhuñjantīti.

Atthi nāma tātāti ettha **atthīti** vijjamānatthe. **Nāmāti** pucchanatthe maññanatthe ca nipāto. Idañhi vuttaṁ hoti—“atthi nu kho tāta Sudinna ambhākaṁ dhanam, na mayam niddhanāti vattabbā, yesam no tvam īdisa ṭhāne nisīditvā ābhidosikaṁ kummāsaṁ paribhuñjissasi. Tathā atthi nu kho tāta Sudinna ambhākaṁ jīvitam, na mayam matāti vattabbā, yesam no tvam īdisa ṭhāne nisīditvā ābhidosikaṁ kummāsaṁ paribhuñjissasi.

1. Ma 2. 251 piṭṭhe Raṭṭhapālasutte.

2. Kuḍḍamūlanti (Sī, Syā)

Tathā atthi maññe tāta Sudinna tava abbhantare sāsanaṃ nissāya paṭiladdho samaṇaḡuṇo, yaṃ tvaṃ subhojanarasasaṃvaḍḍhitopi imaṃ jigucchaneyyaṃ ābhidosikaṃ kummāsam amatamiva nibbikāro paribhuñjissasī”ti.

So pana gahapati dukkhābhitunnatāya etamattham paripuṇṇam katvā vattumasakkonto “atthi nāma tāta Sudinna ābhidosikaṃ kummāsam paribhuñjissasī”ti ettakameva avoca. Akkharacintakā panettha imaṃ lakkhaṇam vadanti, anokappanāmarisanatthavasena¹ etaṃ **atthināmasadde**² upapade “paribhuñjissasī”ti anāgatavacanaṃ kataṃ. Tassāyamattho atthi nāma -pa- paribhuñjissasi, idaṃ paccakkhampi³ ahaṃ na saddahāmi na marisayāmīti⁴. **Tatāyaṃ ābhidosikoti** tato tava gehato ayaṃ ābhidosiko kummāso laddhoti attho, tatoyantipi pāḥo, tadāyantipi paḥanti, taṃ na sundaraṃ. **Yena sakapitu nivesananti** yena sakassa pitu attano pitu nivesananti attho. Thero pitari pemeneva subbaco hutvā agamāsi. **Adhivāsesīti** thero ukkaṭṭhapiṇḍapātikopi samāno “sace ekabhattampi na gahessāmi, ativiya nesaṃ domanassaṃ bhavissatī”ti ñātīnaṃ anukampāya adhivāsesi.

33. **Opuñjāpetvāti** upalimpāpetvā. **Ekam hiraññassāti** ettha **hiraññanti** kahāpaṇo veditabbo. **Purisoti** nātidīgho nātirasso majjhimappamāṇo veditabbo. **Tirokaraṇīyanti** karaṇatthe bhummaṃ, sānipākārena parikkhipitvāti attho. Atha vā tiro karonti etenāti tirokaraṇīyaṃ, taṃ parikkhipitvā, samantato katvāti attho. **Tenahīti** yasmā ajja Sudinno āgamissati, tena kāraṇena. **Hi-iti** padapūraṇamatte nipāto. **Tenāti** ayampi vā uyyojanatthe nipātoyeva.

34. **Pubbaṇhasamayanti** ettha kiñcāpi Pāliyaṃ kālārocanaṃ na vuttaṃ, atha kho ārociteyeva kāle agamāsīti veditabbo. **Idaṃ te tātāti** dve puñje dassento āha. **Mātūti** janettiyā.

1. Anokappanāparisahanatthavasena (Ka)

2. Atthisadde (Syā) Ma-Ṭṭha 3. 216; Am-Ṭṭha 3. 58 piṭṭhesupi passitabbaṃ.

3. Paccakkhamasi (Ka)

4. Parisahāmīti (Ka)

Mattikanti mātito āgataṃ, idaṃ te mātāmahiyā mātu imaṃ gehaṃ āgacchantiyā dinnadhananti attho. **Itthikāya itthidhananti** hiḷento āha. **Itthikāya** nāma itthiparibhogānaṃyeva nhānacunṇādīnaṃ atthāya laddhaṃ dhanam kittakaṃ bhavyeaya, tassāpi tāva parimāṇam passa. Atha vā idaṃ te tāta Sudinna mātu dhanam, tañca kho mattikaṃ, na mayā dinnam, tava mātuyeva santakanti vuttam hoti. Tam panetaṃ na kasiyā na vaṇijjāya sambhūtam, apica kho itthikāya itthidhanam. Yam itthikāya nātikulato sāmikakulam gacchantiyā laddhabbam nhānacunṇādīnaṃ atthāya itthidhanam, tam tāva ettakanti evamettha attho daṭṭhabbo.

Aññam pettikaṃ aññam pitāmahanti yam pana te pitu ca pitāmahānañca santakam, tam aññaṃyeva. Nihitañca payuttañca ativiya bahu. Ettha ca **pitāmahanti** taddhitalopam katvā veditabbam, petāmahanti vā pāṭho. **Labbhā tāta Sudinna hīnāyāvattitvāti** tāta Sudinna uttamaṃ ariyaddhajaṃ pabbajitaliṅgam pahāya hīnāya gihibhāvāya āvattitvā labbhā bhogaṃ bhuñjituṃ, na alabbhā bhuñjituṃ, na tvaṃ rājabhīto pabbajito, na iṇāyikehi palibuddho hutvāti. **Tāta na ussahāmīti** ettha pana **tātāti** vacanam gehasitapemena āha, na samaṇatejena. **Na ussahāmīti** na sakkomi. **Na visahāmīti** nappahomi na samatthomhi.

“**Vadeyyāma kho tam gahapatī**”ti idaṃ pana vacanam samaṇatejenāha. **Nātikaḍḍheyyāsīti** yam te mayi pemaṃ patiṭṭhitam, tam kodhavasena na atikaḍḍheyyāsī, sace na kujjheyyāsīti vuttam hoti. Tato seṭṭhi “putto me saṅgahaṃ maññe kattukāmo”ti udaggacitto āha “vadehi tāta Sudinnā”ti. **Tena hīti** uyyojanatthe vibhattipatirūpako nipāto. **Tatonidānanti** tamnidānam tamhetukanti paccattavacanassa **to-ādeso** veditabbo, samāse cassa lopābhāvo. **Bhayaṃ vāti** “kinti me bhoge neva rājāno hareyyun”ti-ādinaṃ nayena vuttam rājādibhayaṃ, cittutrāsoti attho. **Chambhitattanti** rājūhi vā corehi vā “dhanam dehī”ti kammakāraṇam kāriyamānassa kāyīñjanam kāyakampo hadayamaṃsacalanam. **Lomahaṃsoti** uppanne bhaye lomānam haṃsanaṃ uddhaggabhāvo. **Ārakkhoti** anto ca bahi ca rattiñca divā ca ārakkhaṇam.

35. **Tena hi vadhūti** seṭṭhi gahapati dhanam dassetvā puttam attanā gihibhāvattāya palobhetum asakkonto “mātugāmasadisam dāni purisānam bandhanam natthi”ti maññitvā tassa purānadutiyaikam āmantesi “tena hi vadhū”ti. **Purānadutiyaikanti** purānam dutiyaikam pubbe gihikāle dutiyaikam, gehasitasukhumabhogasahāyikam bhūtapubbabhariyanti attho. **Tena hīti** yena kāraṇena mātugāmasadisam bandhanam natthi. **Pādesu gahetvāti** pāde gahetvā, upayogathe bhummavacanam. Pādesu vā tam gahetvā. **Kīdisā nāma tā ayyaputta accharāyoti** kasmā evamāha. Tadā kira sambahule khattiyakumārepi brāhmaṇakumārepi seṭṭhiputtepi mahāsampattiyo pahāya pabbajante disvā pabbajjāguṇam ajānantā katham samuṭṭhāpentī “kasmā ete pabbajanti”ti, athaññe vadanti “devaccharānam devanāṭakānam kāraṇā”ti. Sā kathā vitthārikā ahoṣi, tam gahetvā ayaṃ evamāhāti. Thero tam paṭikkhipanto “**na kho aham bhagini**”ti āha. **Samudacarātīti** voharati vadeti. **Tattheva mucchitā papatāti** nam bhaginivādena samudācarantam disvā “anattiko dāni mayā ayaṃ, yo maṃ pajāpatim samānam attanā saddhim ekamātukucchiyā sayitadārikam viya maññati”ti samuppannalavasokā hutvā tasminyeva padese mucchitā papatā, patitāti attho.

Mā no vehetḥayitthābhi mā amhe dhanam dassetvā, mātugāmañca uyyojetvā vihetḥayittha, vihesā hesā pabbajitānanti. **Tena hi tāta Sudinna bījakampi dehīti** ettha **tena hīti** abhiratiyaṃ uyyojeti. Sace tvaṃ abhirato brahmacariyaṃ carasi, caritvā ākāse nisīditvā parinibbāyitā hohi, amhākam pana kulavaṃsabījakam ekam puttam dehi. **Mā no aputtakam sāpateyyam Licchavayo atiharāpesunti** mayaṃ hi Licchavīnam gaṇarājūnam rajje vasāma, te te pituno accayena imaṃ sāpateyyam evaṃ mahantaṃ amhākam vibhavaṃ aputtakam kuladhanarakkhakena puttana virahitaṃ attano rājantepuram atiharāpeyyunti tam te mā atiharāpesum, mā atiharāpentūti.

Etam kho me amma sakkā kātunti kasmā evamāha? So kira cintesi “etesam sāpateyyassa ahameva sāmī, añño natthi. Te maṃ sāpateyyarakkhaṇattāya niccam anubandhissanti, tenāham na lacchāmi

apossukko samaṇadhammaṃ kātuṃ, puttakaṃ pana labhitvā oramiṃṣanti, tato ahaṃ yathāsukhaṃ samaṇadhammaṃ karissāmi”ti imaṃ nayaṃ passanto evamāhāti.

36. **Pupphanti** utukāle uppannalohitassa nāmaṃ. Mātugāmassa hi utukāle gabbhapatiṭṭhānattṭhāne lohitavaṇṇā piḷakā saṅṭhahitvā satta divasāni vaḍḍhitvā bhijjanti, tato lohitaṃ paggharati, tassetam nāmaṃ “pupphan”ti. Taṃ pana yāva balavaṃ hoti bahu paggharati, tāva dinnāpi paṭisandhi na tiṭṭhati, doseneva saddhiṃ paggharati. Dose pana paggharite suddhe vatthumhi dinnā paṭisandhi khippaṃ patiṭṭhāti. **Pupphamsā uppajjīti** pupphaṃ assā uppajji, akāralopena sandhi. **Purāṇadutiyaikāya bāhāyaṃ gahetvāti** purāṇadutiyaikāya yā bāhā, tatra naṃ gahetvāti attho.

Apaññatte sikkhāpadeti paṭhamapārājikasikkhāpade aṭṭhapite. Bhagavato kira paṭhamabodhiyaṃ vīsati vassāni bhikkhū cittaṃ ārādhayaṃsu, na evarūpaṃ ajjhācāramakaṃsu. Taṃ sandhāyeva idaṃ suttamāha “ārādhayaṃsu vata me bhikkhave bhikkhū ekaṃ samayaṃ cittaṃ”ti¹. Atha Bhagavā ajjhācāraṃ apassanto pārājikaṃ vā saṃghādisesaṃ vā na paññapesi. Tasmim tasmim pana vatthusmim avasese pañca khuddakāpattikkhandhe eva paññapesi. Tena vuttaṃ “apaññatte sikkhāpade”ti.

Anādīnavadassoti yaṃ Bhagavā idāni sikkhāpadaṃ paññapento ādīnavaṃ dassessati, taṃ apassanto anavajjasāññi hutvā. Sace hi ayaṃ “idaṃ na karaṇīyanti vā mūlacchejjāya vā saṃvattati”ti jāneyya, saddhāpabbajito kulaputto tatonidānaṃ jīvitakkhayaṃ pāpuṇantopi na kareyya. Ettha pana ādīnavaṃ apassanto niddosasaññi ahoṣi. Tena vuttaṃ “anādīnavadasso”ti. **Purāṇadutiyaikāyāti** bhumnavacanaṃ. **Abhiviññāpesīti** pavattesi, pavattanāpi hi kāyaviññāticopanato viññāpanāti vuccati. Tikkhattuṃ abhiviññāpanaṅcesa gabbhasaṅṭhānasanniṭṭhānatthamakāsīti veditabbo.

Sā tena gabbhaṃ gaṇhīti sā ca teneva ajjhācārena gabbhaṃ gaṇhi, na aññathā. Kim pana aññathāpi gabbhaggahaṇaṃ hotīti? Hoti. Kathaṃ?

1. Ma 1. 175 piṭṭhe.

Kāyasaṃsaggena coḷaggahaṇena asucipānena nābhiparāmasanena rūpadassanena saddena gandhena. Itthiyo hi ekaccā utusamaye chandarāgarattā purisānaṃ hatthaggaḥaveṇiggāha-
aṅgapaccāṅgaparāmasanaṃ sādīyantiyopi gabbhaṃ gaṇhanti. Evaṃ kāyasaṃsaggena gabbhaggahaṇaṃ hoti.

Udāyittherassa pana purāṇadutiyikā bhikkhunī taṃ asuciṃ ekadesaṃ mukhena aggahesi, ekadesaṃ coḷakeneva saddhiṃ aṅgajāte pakkhipi, sā tena gabbhaṃ gaṇhi. Evaṃ coḷaggahaṇena gabbhaggahaṇaṃ hoti.

Migasiṅgatāpasassa¹ mātā migī utusamaye tāpasassa passāvaṭṭhānaṃ āgantvā sasambhavaṃ passāvaṃ pivi, sā tena gabbhaṃ gaṇhitvā migasiṅgaṃ² vijāyi. Evaṃ asucipānena gabbhaggahaṇaṃ hoti.

Sāmassa pana bodhisattassa mātāpitūnaṃ cakkhuparihāniṃ ñatvā Sakko puttaṃ dātukāmo Dukūlapaṇḍitaṃ āha “vaṭṭati tumhākaṃ methunadhammo”ti. Anattikā mayaṃ etena isipabbajjaṃ pabbajitāmhāti. Tena hi imissā utusamaye aṅguṭṭhena nābhiṃ parāmaseyyāthāti. So tathā akāsi, sā tena gabbhaṃ gaṇhitvā sāmaṃ tāpasadāraḥkaṃ vijāyi. Evaṃ nābhiparāmasanena gabbhaggahaṇaṃ hoti. Eteneva nayena Maṇḍabyassa ca Caṇḍapajjotassa ca vatthu veditabbaṃ.

Kathaṃ rūpadassanena hoti? Idhekaccā itthi utusamaye purisaṃsaggaṃ alabhamānā chandarāgavasena antogehagatāva purisaṃ upanijjhāyati rājorodhā viya, sā tena gabbhaṃ gaṇhāti. Evaṃ rūpadassanena gabbhaggahaṇaṃ hoti.

Balākāsu pana puriso nāma natthi, tā utusamase meghasaddaṃ sutvā gabbhaṃ gaṇhanti. Kukkuṭiyopi kadāci ekassa kukkuṭassa saddaṃ sutvā bahukāpi gabbhaṃ gaṇhanti. Tathā gāvī usabhassa. Evaṃ saddena gabbhaggahaṇaṃ hoti.

Gāvī eva ca kadāci usabhagandhena gabbhaṃ gaṇhanti. Evaṃ gandhena gabbhaggahaṇaṃ hoti.

1. Isisiṅgatāpasassa (?) Khu 6. 31 Niḷinikājātaḥkaṃ passitabbaṃ.

2. Isisiṅgaṃ (?)

Idha panāyaṃ ajjhācārena gabbhaṃ gaṇhi. Yaṃ sandhāya vuttaṃ
“mātāpitaro ca sannipatitā honti, mātā ca utunī hoti, gandhabbo ca
paccupaṭṭhito hoti. Evaṃ tiṇṇaṃ sannipātā gabbhassāvakkanti hoti”¹.

Bhummā devā saddamanussāvesunti yasmā natthi loke raho nāma
pāpakammaṃ pakubbato. Sabbapaṭṭhamaṃ hissa taṃ pāpaṃ attanā jānāti,
tato ārakkhadevatā, athaññāpi paracittaviduniyo devatā. Tasmāssa
paracittavidū sakalavanasaṇḍanissitā bhummā devā taṃ ajjhācāraṃ disvā
saddaṃ anussāvesuṃ, yathā aññepi devā suṇanti, tathā nicchāresuṃ. Kinti?
Nirabbudo vata bho -pa- ādīnavo uppāditoti. Tassattho **Verañjakaṇḍo**
vuttanayeneva veditabbo.

Bhummānaṃ devānaṃ saddaṃ sutvā cātumahārājikāti ettha pana
bhummānaṃ devānaṃ saddaṃ ākāsaṭṭhadevatā assosuṃ, ākāsaṭṭhānaṃ
cātumahārājikāti ayamanukkamo veditabbo. **Brahmakāyikāti** asaññasatte ca
arūpāvacare ca ṭhapetvā sabbepi brahmāno assosuṃ, sutvā ca saddaṃ
anussāvesunti veditabbo. **Itiha tena khaṇenāti** evaṃ tena Sudinnassa
ajjhācārakkhaṇena. **Tena muhuttanāti** ajjhācāramuhutteneva. **Yāva**
brahmalokāti yāva Akaniṭṭhabrahmalokā. **Abbhuggacchīti** abhi-uggacchi
abbhuṭṭhāsi ekakolāhalamahosīti.

Puttaṃ vijāyīti suvaṇṇabimbasaḍisaṃ pacchimabhavikasattaṃ janesi.
Bījakoti nāmamakaṃsūti na aññaṃ nāmaṃ kātumadaṃsu, “bījakampidehī”²ti
mātāmahiya vuttabhāvassa pākaṭattā “Bījako” tvevassa nāmaṃ hotūti
“Bījako”²ti nāmamakaṃsu. Puttassa pana nāmavaseneva ca
mātāpitūnampissa nāmamakaṃsu. **Te aparena samayenāti** bījakañca
bījakamātarañca sandhāya vuttaṃ. Bījakassa kira sattaṭṭhavassakāle tassa
mātā bhikkhūṃsu, so ca bhikkhūsu pabbajitvā kalyāṇamitte upanissāya
arahatte patiṭṭhahiṃsu. Tena vuttaṃ “**ubho agārasmā anagāriyaṃ pabbajitvā**
arahattaṃ sacchākaṃsū”²ti.

37. Evaṃ mātāputtānaṃ pabbajjā saphalā ahosi. Pitā pana
vippaṭisārābhībhūto vihāsi. Tena vuttaṃ “**atha kho āyasmato**

1. Ma 1. 332 piṭṭhe.

Sudinnassa ahudeva kukkucan”ti-ādi. Tattha **ahudevāti** ahu eva, dakāro padasandhikaro, ahosiyevāti attho. **Kukkucanti** ajjhācārahetuko pacchānutāpo, vippaṭisārotipi tasseva nāmaṃ. So hi viññūhi akattabbatāya kucchitakiriyabhāvato kukkucam, kataṃ ajjhācāram nivattetuṃ asamatthatāya taṃ paṭicca virūpaṃ saraṇabhāvato vippaṭisāroti vuccati. **Alābhā vata meti** mayhaṃ vata alābhā, ye jhānādīnaṃ guṇānaṃ alābhā nāma, te mayhaṃ, na aññassāti adhippāyo. **Na vata me lābhāti** yepi me paṭiladdhā pabbajjasaraṇagamanasikkhāsamādānaguṇā, tepi neva mayhaṃ lābhā ajjhācāramalīnattā. **Dulladdhaṃ vata meti** idaṃ sāsanaṃ laddhampi me dulladdhaṃ. **Na vata me suladdhanti** yathā aññesaṃ kulaputtānaṃ, evaṃ na vata me suladdhaṃ. Kasmā? Yamahaṃ evaṃ svākkhāte dhammavinaye -pa- brahmacariyaṃ caritunti. **Brahmacariyanti** sikkhattayasaṅghitaṃ maggabrahmacariyaṃ. **Kiso ahosīti** khādituṃ vā bhuñjituṃ vā asakkonto tanuko ahosi appamaṃsalohito. **Uppaṇḍuppaṇḍukajātoti** sañjātuppaṇḍuppaṇḍukabhāvo paṇḍupalāsappaṭibhāgo. **Dhamanisanthatagattoti** pariyādinnamaṃsalohitattā sirājāleneva santharitagatto. **Antomanoti** anusocanavasena abbhantareyeva ʔhitacitto. Hadayavatthum nissāya pavattanavasena pana sabbepi antomanāyeva. **Līnamanoti** uddese, paripucchāya, kammaṭṭhāne, adhisīle, adhicitte, adhipaññāya, vattaṭṭipattipūraṇe ca nikkhattadhuro avipphāriko, aññadatthu kosajjavaseneva līno saṅkucito mano assāti līnamano. **Dukkhīti** cetodukkhena dukkhī. **Dummanoti** dosena duṭṭhamano. Virūpamano vā domanassābhībhūtātāya. **Pajjhāyīti** vippaṭisāravasena vahacchinno viya gadrabho taṃ taṃ cintayi.

38. **Sahāyakā bhikkhūti** taṃ evambhūtaṃ gaṇasaṅgaṇikāpapañcena vītināmentaṃ disvā ya’ssa vissāsikā kathāphāsukā bhikkhū, te naṃ etadavocum. **Piṇḍriyoti** pasādapaṭiṭṭhānokāsassa sampuṇṇattā paripuṇṇacakkhu-ādi-indriyo. **So dāni tvanti** ettha **dānīti** nipāto, so pana tvanti vuttaṃ hoti. **Kacci no tvanti** kacci nu tvaṃ. **Anabhiratoti** ukkaṇṭhito, gihibhāvaṃ patthayamānoti attho. Tasmā tameva anabhiratiṃ paṭikkhipanto āha “na kho ahaṃ āvuso

anabhirato”ti. Adhikusalānaṃ pana dhammānaṃ bhāvanāya abhiraṭova ahanti. **Atthi me pāpakammaṃ katanti** mayā kataṃ ekaṃ pāpakammaṃ atthi upalabbhati saṃvijjati, niccakālaṃ abhimukhaṃ viya me tiṭṭhati. Atha naṃ pakāsentō “**purāṇadutiyikāyā**”ti-ādimāha.

Alaṃ hi te āvuso Sudinna kukkucāyāti āvuso Sudinna tuyhetam pāpakammaṃ alaṃ samatthaṃ kukkucāya, paṭibalaṃ kukkucāraṃ uppādetunti vuttaṃ hoti. **Yaṃ tvanti** ādimhi yena pāpena tvaṃ na sakkhissasi brahmacariyaṃ carituṃ, taṃ te pāpaṃ alaṃ kukkucāyāti evaṃ sambandho veditabbo. Atha naṃ anusāsantā “**nanu āvuso Bhagavatā**”ti-ādimāhaṃsu. Tattha **nanūti** anumattiggaṇaṭṭhe nipāto. **Anekapariyāyenāti** anekakāraṇena. **Virāgāyāti** virāgaṭṭhāya. **No sarāgāyāti** no rāgena rajjanaṭṭhāya. Bhagavatā hi “imaṃ me dhammaṃ sutvā sattā sabbabhavabhogesu virajjissanti, no rajjissanti”ti etadatṭhāya dhammo desitoti adhippāyo. Esa nayo sabbapadesu. Idaṃ panettha pariyaṇavacanamatṭam. **Visaṃyogāyāti** kilesehi visaṃyujjanaṭṭhāya. **No saṃyogāyāti** na saṃyujjanaṭṭhāya. **Anupādānāyāti** aggahaṇaṭṭhāya. **No sa-upādānāyāti** na saṅghaṇaṭṭhāya.

Tattha nāma tvanti tasmim nāma tvaṃ. **Sarāgāya cetessasīti** saha rāgena vattamānāya methunadhammāya cetessasi kappessasi pakappessasi, etadatṭhaṃ vāyamiṃssasīti attho. Esa nayo sabbattha. Puna rāgavirāgādīni nava padāni nibbattitalokuttaranibbānameva sandhāya vuttāni. Tasmā “rāgavirāgāyā”ti vā “madanimmadānāyā”ti vā vuttepi “nibbānaṭṭhāyā”ti evameva attho daṭṭhabbo. Nibbānaṃhi yasmā taṃ āgama ārabha paṭicca rāgo virajjati na hoti, tasmā **rāgavirāgoti** vuccati. Yasmā pana taṃ āgama mānamadapurisamadādayo madā nimmadā amadā honti vinassanti, tasmā **madanimmadananti** vuccati. Yasmā ca taṃ āgama sabbāpi kāmapiṇṇāsā vinayaṃ abbatthaṃ yāti, tasmā **piṇṇāsavinayoti** vuccati. Yasmā pana taṃ āgama pañca kāmagaṇālayā samugghātaṃ gacchanti, tasmā **ālayasamugghātoti** vuccati. Yasmā ca taṃ āgama tebhūmakavattāṃ upacchijjati, tasmā **vattupacchedoti** vuccati. Yasmā pana taṃ āgama sabbaso taṇhā khayaṃ gacchati, virajjati, nirujjhati ca, tasmā **taṇhakkhaya virāgo nirodhoti** vuccati.

yasmā panetaṃ catasso yoniyo, pañca gatiyo, satta viññāṇaṭṭhitiyo, nava ca sattāvāse aparāparabhāvāya vinanato ābandhanato saṃsibbanato vānanti laddhavohārāya taṇhāya nikkhantaṃ nissaṇṇaṃ visambyuttaṃ, tasmā nibbānanti vuccatīti.

Kāmānaṃ pahānaṃ akkhātanti vatthukāmānaṃ, kilesakāmānaṃca pahānaṃ vuttaṃ. **Kāmasaññānaṃ pariññāti** sabbāsampi kāmasaññānaṃ ñātaṭṭiraṇapahānavasena tividhā pariññā akkhātā. **Kāmapiṭāsānanti** kāmesu pātabyatānaṃ, kāme vā pātumicchānaṃ. **Kāmavitakkānanti** kāmupasañhitānaṃ vitakkānaṃ. **Kāmapariḷāhānanti** pañcakāmaguṇikarāgavasena uppannapariḷāhānaṃ antodāhānaṃ. Imesu pañcasu ṭhānesu kilesakkhayakaro lokuttaramaggo kathito. Sabbapaṭhamesu pana tīsu ṭhānesu lokiya lokuttaramissako maggo kathitoti veditabbo.

Netarṃ āvusoti na etaṃ āvuso, tava pāpakammaṃ appasannānaṃca pasādāya evarūpānaṃ pasādatthāya na hoti. **Atha khvetanti** atha kho etaṃ, atha kho tantipi pāṭho. **Aññathattāyāti** pasādaññathābhāvāya vippaṭisārāya hoti. Ye maggena anāgatasaddhā, tesāṃ vippaṭisāraṃ karoti “īdisepi nāma dhammavinaye mayāṃ pasannā, yatthevaṃ duppaṭipannā bhikkhū”ti. Ye pana maggenāgatasaddhā, tesāṃ Sineru viya vātehi acalo pasādo īdisēhi vatthūhi ito vā dāruṇatarehi. Tena vuttaṃ “ekaccānaṃ aññathattāyā”ti.

39. **Bhagavato etamatthaṃ ārocesunti** Bhagavato etaṃ atthaṃ ācikkhiṃsu paṭivedayimṃsu. Ārocayamānā ca neva piyakamyatāya, na bhedapurekkhārātāya, na tassāyasmato avaṇṇapakāsanatthāya, na kalisāsanāropanatthāya, nāpi “idaṃ sutvā Bhagavā imassa sāsane paṭiṭṭhaṃ na dassati, nikkadḍhāpessati nan”ti maññamānā ārocesuṃ. Atha kho “imaṃ sāsane uppannaṃ abbudaṃ ña, tvā Bhagavā sikkhāpadaṃ paññāpessati, velaṃ mariyādaṃ āṇaṃ ṭhapessati”ti ārocesuṃ.

Etasmim nidāne etasmim pakaraṇeti ettha Sudinnassa ajjhācāravītikamo sikkhāpadapaññattiyā kāraṇattā nidānañceva pakaraṇaṅcāti vuttoti veditabbo. Kāraṇaṅhi yasmā nideti attano phalaṃ, “gaṇhātha

nan”ti dassentaṃ viya appeti, pakaroti ca naṃ kattuṃ ārabhati, karoti yeva vā, tasmā nidānañceva pakaraṇaṅcāti vuccati. **Vigrahi Buddho Bhagavāti** Buddho Bhagavā vigrahi nindi, yathā taṃ vaṇṇāvaṇṇārahānaṃ vaṇṇaṅca avaṇṇaṅca bhaṇantesu aggapuggalo. Na hi Bhagavato sīlavītikkamakaraṃ puggalaṃ disvā “ayaṃ jātiyā vā gottena vā kolaputtiyena vā ganthena vā dhutaṅgena vā ñāto yasassī, īdisaṃ puggalaṃ rakkhituṃ vaṭṭatī”ti cittaṃ uppajjati. Atha kho garahitabbaṃ garahati eva, pasaṃsitabbaṅca pasaṃsati eva, ayaṅca garahitabbo, tasmā taṃ tādilakkhaṇe ṭhito avikampamānena cittena vigrahi Buddho Bhagavā “ananucchavikaṇ”ti-ādīhi vacanehi.

Tatthāyaṃ atthavaṇṇanā—yadidaṃ tayā moghapurisa tucchamanussa kammaṃ kataṃ, taṃ samaṇakaraṇānaṃ dhammānaṃ, maggaphalanibbānasāsanaṅca vā **na anucchavikaṇ**, tesaṃ chaviṃ chāyaṃ sundarabhāvaṃ na anveti nānugacchati, atha kho ārakāva tehi dhammehi. Ananucchavikattā eva ca **ananulomikaṇ**, tesaṃ na anulometi, atha kho vilomaṃ paccanīkabhāve ṭhitaṃ. Ananulomikattā eva ca **appatirūpaṃ**, patirūpaṃ sadisaṃ paṭibhāgaṃ na hoti, atha kho asadisāṃ appaṭibhāgameva. Appatirūpattā eva ca **assāmaṇakaṇ**, samaṇānaṃ kammaṃ na hoti. Assāmaṇakattā **akappiyaṃ**. Yaṅhi samaṇakammaṃ na hoti, taṃ tesaṃ na kappati. Akappiyattā **akaraṇīyaṃ**. Na hi samaṇā yaṃ na kappati, taṃ karonti. Taṅcetaṃ tayā kataṃ, tasmā ananucchavikaṇ te moghapurisa kataṃ -pa- akaraṇīyanti. **Kathaṃ hi nāmā**ti kena nāma kāraṇena, kiṃ nāma kāraṇaṃ passantoti vuttaṃ hoti. Tato kāraṇābhāvaṃ dassento parato “**nanu mayā moghapurisa**”ti-ādīmāha. Taṃ sabbaṃ vuttatthameva.

Idāni yasmā yaṃ tena pāpakammaṃ kataṃ, taṃ vipaccamānaṃ ativiya dukkhavipākaṃ hoti, tasmāssa taṃ vipākaṃ dassetuṃ katāparādhaṃ viya puttaṃ anukampakā mātāpitaro dayālukena cittaṃ Sudinnaṃ paribhāsanto “**varaṃ te moghapurisa**”ti-ādīmāha. Tattha āsu sīghaṃ etassa visaṃ āgacchatīti āsīviso¹. Ghorāṃ caṇḍamassa visanti ghoraviso, tassa **āsīvisassa ghoravisassa**. “Pakkhittaṇ”ti etassa “varaṇ”ti iminā

1. Āsiviso (Ka)

sambandho. Īdisassa āsīvisassa ghoravisassa mukhe aṅgajātaṃ varaṃ pakkhitaṃ, sace pakkhitaṃ bhaveyya, varaṃ siyā, sundaraṃ sādhu suṭṭhu siyāti attho. **Na tvevāti** na tu eva varaṃ, na sundarameva na sādhumeva na suṭṭhumeva. Esa nayo sabbattha. **Kaṇhasappassāti** kāḷasappassa. **Āṅgārakāsuyāti** aṅgārapuṇṇakūpe, aṅgārarāmhī vā. **Ādittāyāti** padittāyāti padittāya gahita-aggivaṇṇāya. **Sampajjalitāyāti** samantato pajjalitāya acciyo mucchantiyā. **Sajotibhūtāyāti** sappabhāya samantato uṭṭhitāhi jālahi ekappabhāsamudayabhūtāyāti vuttaṃ hoti.

Taṃ kissa hetūti yaṃ mayā vuttaṃ “varaṃ”ti, taṃ kissa hetu, katarena kāraṇenāti ce. **Maraṇaṃ vā nigaccheyyāti** yo tattha aṅgajātaṃ pakkhipeyya, so maraṇaṃ vā nigaccheyya maraṇamattaṃ vā dukkhaṃ. **Itonidānaṃ kho -pa- upapajjeyyāti** yaṃ idaṃ mātugāmassa aṅgajāte aṅgajātapakkhipanaṃ, itonidānaṃ tassa kārako puggalo nirayaṃ upapajjeyya, evaṃ kammaṃ mahāsāvajjataṃ passanto taṃ garaḥi, na tassa dukkhāgamaṃ icchamāno. **Tattha nāma tvanti** tasmim nāma evarūpe kamme evaṃ mahāsāvajje samānepi tvaṃ. **Yaṃ tvanti** ettha **yanti** hīlanatthe nipāto. **Tvanti** taṃ-saddassa vevacanaṃ. Dvīhipi yaṃ vā taṃ vā hīlitaṃ avaññātanti vuttaṃ hoti. **Asaddhammanti** asataṃ nīcajanānaṃ dhammaṃ, tehi sevitabbanti attho. **Gāmadhammanti** gāmānaṃ dhammaṃ, gāmaṃvāsikamanussānaṃ dhammanti vuttaṃ hoti. **Vasaladhammanti** pāpadhamme vasanti¹ paggharantīti vasalā, tesāṃ vasalānaṃ hīnapurisānaṃ dhammaṃ. Vasalaṃ vā kilesapaggharaṇakaṃ dhammaṃ. **Duṭṭhullanti** duṭṭhu ca kilesadūsitāṃ, thūlaṃ asukhumaṃ, anipuṇanti vuttaṃ hoti. **Odakantikanti** udakakiccaṃ antikaṃ avasānaṃ assāti odakantiko, taṃ odakantikaṃ. **Rahassanti** rahobhavaṃ paṭicchane okāse uppajjanakaṃ. Ayañhi dhammo jigucchaniyattā na sakkā āvi aññesaṃ dassanavisaye kātum, tena vuttaṃ “rahassan”ti. **Dvayaṃ dvayasamāpattinti** dvīhi dvīhi samāpajjitabbaṃ. Dvayaṃ dvayaṃ samāpattintipi pāḥo. Dayaṃ dayaṃ samāpattintipi paṭhanti, taṃ na sundaraṃ. **Samāpajjissasīti** etaṃ “tattha nāma tvaṃ”ti ettha vuttanāmasaddena yojetabbaṃ “samāpajjissasi nāmā”ti.

Bahūnaṃ kho -pa- ādikattā pubbaṅgamoti sāsanaṃ sandhāya vadati. Imasmim sāsane tvaṃ bahūnaṃ puggalānaṃ akusalānaṃ dhammānaṃ ādikattā

1. Vassanti (Sī, Syā)

sabbapaṭhamam karanato, pubbaṅgamo sabbapaṭhamam etaṃ maggam paṭipannattā, dvāraṃdado¹, upāyadassakoti vuttam hoti. Imañhi lesam laddhā tava anusikkhamānā bahū puggalā nānappakārake makkaṭṭiyā methunapaṭisevanādike akusaladhamme karissantīti ayamettha adhippāyo.

“**Anekapariyāyenā**”ti imehi “ananucchavikan”ti-ādinā nayena vuttehi bahūhi kāraṇehi. **Dubbharatāya -pa- kosajjassa avaṇṇam bhāsivāti** dubbharatādinam vatthubhūtaṃ asamvarassa avaṇṇam nindam garaham bhāsivāti attho. Yasmā hi samvare ṭhitassa puggalassa attā dubbharatānceva dupposatāñca āpajjati, tasmā samvaro “dubbharatā, dupposatā”ti ca vuccati. Yasmā pana samvare ṭhitassa attā catūsu paccayesu mahicchataṃ, Sineruppamāṇepi ca paccaye laddhā asantuṭṭhitam āpajjati, tasmā samvaro “mahicchata, asantuṭṭhitā”ti ca vuccati. Yasmā ca samvare ṭhitassa attā gaṇasaṅgaṇikāya ceva kilesasaṅgaṇikāya ca samvattati, kosajjānugato ca hoti aṭṭhakusītavatthupāripūriyā samvattati, tasmā samvaro “saṅgaṇikā ceva kosajjāñcā”ti vuccati.

Subharatāya -pa- vīriyārambhassa vaṇṇam bhāsivāti subharatādinam vatthubhūtaṃ samvarassa vaṇṇam bhāsivāti attho. Yasmā hi samvaram pahāya samvare ṭhitassa attā subharo hoti suposo, catūsu ca paccayesu appicchataṃ nittaṇhabhāvam āpajjati, ekamekasmiñca paccaye yathālābhayathābalayathāsārūppavasena tippabhedāya santuṭṭhiyā samvattati, tasmā samvaro “subharatā ceva suposatā ca appiccho ca santuṭṭho cā”ti vuccati.

Yasmā pana samvaram pahāya samvare ṭhitassa attā kilesasallekhanatāya ceva niddhunanatāya ca samvattati, tasmā samvaro “sallekho ca dhuto cā”ti vuccati.

Yasmā ca samvaram pahāya samvare ṭhitassa attā kāyavācānam appāsādikaṃ appasādanīyam asantaṃ asārūppam kāyavacīduccaritam cittassa appāsādikaṃ appasādanīyam asantaṃ assārūppam akusalavitakkattayañca

1. Dvāradado (Syā)

anupagamma tabbiparītassa kāyavacīsucaritassa ceva kusalavitakkattayassa ca pāsādikassa pasādanīyassa santassa sāruppassa pāripūriyā saṃvatati, tasmā saṃvaro “pāsādiko”ti vuccati.

Yasmā pana asaṃvaram pahāya saṃvare ʒhitassa attā sabbakilesāpacayabhūtāya, vivaṭṭāya, aṭṭhavīriyārambhavatthupāripūriyā ca saṃvattati, tasmā saṃvaro “apacayo ceva vīriyārambho cā”ti vuccatīti.

Bhikkhūnaṃ tadanucchavikaṃ tadanulomikaṃ tattha sannipatitānaṃ bhikkhūnaṃ yaṃ idāni sikkhāpadaṃ paññapessati, tassa anucchavikañceva anulomikañca. Yo vā yaṃ subharatādīhi saṃvaro vutto, tassa anucchavikañceva anulomikañca saṃvarappahānapaṭisaṃyuttaṃ asuttantavinibaddhaṃ Pāḷivinimuttaṃ okkantikadhammadesanaṃ katvāti attho. Bhagavā kira īdisesu ʒhānesu pañcavaṇṇakusumamālaṃ karonto viya, ratanadāmaṃ sajjento viya ca ye paṭikkhipanādhippāyā asaṃvarābhiraṭā, te samparāyikena vaṭṭabhayena tājento anekappakāraṃ ādīnavaṃ dassento, ye sikkhākāmā saṃvare ʒhitā, te appekacce arahatte patiṭṭhapento, appekacce anāgāmi sakadāgāmi sotāpattiphalesu, upanissayavirahitepi saggamagge patiṭṭhapento Dīghanikāyappamāṇampi Majjhimanikāyappamāṇampi dhammadesanaṃ karoti. Taṃ sandhāyetaṃ vuttaṃ “bhikkhūnaṃ tadanucchavikaṃ tadanulomikaṃ dhammiṃ kathaṃ katvā”ti.

Tena hīti tena Sudinnassa ajjhācārena kāraṇabhūtena. **Sikkhāpadanti** ettha sikkhitabbāti sikkhā, pajjate imināti padaṃ, sikkhāya padaṃ sikkhāpadaṃ, sikkhāya adhighamupāyoti attho. Atha vā mūlaṃ nissayo patiṭṭhāti vuttaṃ hoti. Methunaviratiyā methunasāṃvarassetāṃ adhivacanaṃ. Methunasāṃvaro hi tadaññesaṃ sikkhāsaṅkhātānaṃ sīlavipassanājhānamaggadhammānaṃ vuttatthavasena padattā idha sikkhāpadanti adhippeto. Ayañca attho sikkhāpadavibhaṅge vuttanayeneva veditabbo. Apica tassatthassa dīpakaṃ vacanampi sikkhāpadanti veditabbaṃ. Vuttampi cetāṃ “sikkhāpadanti yo tattha nāmakāyo padakāyo niruttikāyo byañjanakāyo”ti. Atha vā yathā “anabhihjhā dhammapadan”ti vutte anabhihjhā eko dhammakotṭhāsoti attho hoti, **evamidhāpi sikkhāpadanti** sikkhākoṭṭhāso sikkhāya eko padesotipi attho veditabbo.

Dasa atthavase paṭiccāti dasa kāraṇavase sikkhāpadaññattihetu adhigamanīye hitavisesse paṭicca āgama ārabha, dasannaṃ hitavisesānaṃ nipphattiṃ sampassamānoti vuttaṃ hoti. Idāni te dasa atthavase dassento “**saṃghasuṭṭhūṭāyā**”ti-ādimāha. Tattha saṃghasuṭṭhūṭā nāma saṃghassa suṭṭhubhāvo, “suṭṭhu devā”ti āgataṭṭhāne viya “suṭṭhu bhante”ti vacanasampannicchanabhāvo. Yo ca Tathāgatassa vacanaṃ sampannicchati, tassa taṃ dīgharattaṃ hitāya sukhāya hoti, tasmā saṃghassa “suṭṭhu bhante”ti mama vacanasampannicchanatthaṃ paññapessāmi asampannicchane ādīnavaṃ, sampannicchane ca ānisaṃsaṃ dassetvā, na balakkārena abhibhavivāti etamatthaṃ āvikaronto āha “saṃghasuṭṭhūṭāyā”ti. **Samghaphāsutāyā**ti saṃghassa phāsubhāvāya. Sahajīvitāya sukhavīhāratthāyāti attho.

Dummaṅkūnaṃ puggalānaṃ niggahāyāti dummaṅkū nāma dussīlapuggalā, ye maṅkutaṃ āpādiya-amānāpi dukkhena āpajjanti, vītikkamaṃ karontā vā katvā vā na lajjanti, tesaṃ niggahatthāya. Te hi sikkhāpade asati “kiṃ tumhehi diṭṭhaṃ, kiṃ suttaṃ, kiṃ amhehi kataṃ, katarasmiṃ vatthudsmiṃ katamaṃ āpattiṃ āropetvā amhe niggahatthā”ti saṅghaṃ viheṭhessanti, sikkhāpade pana sati te saṅgho sikkhāpadaṃ dassetvā dinayena Satthusāsanena niggahessati, tena vuttaṃ “dummaṅkūnaṃ puggalānaṃ niggahāyā”ti.

Pesalānaṃ bhikkhūnaṃ phāsuvihārāyāti pesalānaṃ piyasīlānaṃ bhikkhūnaṃ phāsuvihārathāya. Piyasīlā hi bhikkhū kattabbākattabbaṃ sāvajjānavajjaṃ velaṃ mariyādaṃ ajānantā sikkhattayapāripūriyā ghaṭamānā kilamanti, sandiṭṭhamānā¹ ubbāḷhā honti, kattabbākattabbaṃ pana sāvajjānavajjaṃ velaṃ mariyādaṃ ñatvā sikkhattayapāripūriyā ghaṭamānā na kilamanti, sandiṭṭhamānā na ubbāḷhā honti, tena nesaṃ sikkhāpadapaññāpanā phāsuvihārāya saṃvattati. Yo vā dummaṅkūnaṃ puggalānaṃ niggaho, sveva etesaṃ phāsuvihāro. Dussīlapuggale nissāya hi uposatho na tiṭṭhati, pavāraṇā na tiṭṭhati, saṅghakammāni nappavattanti, sāmaggī na hoti, bhikkhū anekaggā uddesaparipucchākammaṭṭhānādīni anuyūñjitum na sakkonti. Dussīlesu pana niggahitesu sabbopi ayam upaddavo na hoti, tato

1. Sandihamānā (?)

pesalā bhikkhū phāsu viharanti. Evaṃ “pesalānaṃ bhikkhūnaṃ phāsuvihārāyā”ti ettha dvidhā attho veditabbo.

Diṭṭhadhammikānaṃ āsavānaṃ saṃvarāyāti diṭṭhadhammikā āsavā nāma asaṃvare ṭhitena tasmiññeva attabhāve pattaḃbā pāṇippahāraḃḃappahāraḃḃhaccheda pādaccheda akitti ayasa vippaṭṭisārādayo dukkhavisesā. Iti imesaṃ diṭṭhadhammikānaṃ āsavānaṃ saṃvarāyā pidhānāyā āvamaṃamaggaḃḃhakanāyāti attho.

Samparāyikānaṃ āsavānaṃ paṭighātāyāti samparāyikā āsavā nāma asaṃvare ṭhitena katapāpakammamūlakā samparāye narakādīsu pattaḃbā dukkhavisesā, tesāṃ paṭighātathāyā paṭippassambhanatthāyā vūpasamatthāyāti vuttaṃ hoti.

Appasannānaṃ pasādāyāti sikkhāpadapaññattiyā hi sati sikkhāpadapaññattim ṇatvā vā, yathāpaññattaṃ paṭipajjamāne bhikkhū disvā vā, yepi appasannā paṇḃitamanussā, te “yāni vata loke mahājanassa rajjana dussana muyhanatṭhānāni, tehi ime samaṇā Sakyaputtiyā ārakā viratā viharanti, dukkaraṃ vata karonti bhāriyaṃ vata karontī”ti pasādaṃ āpajjanti, Vinayapiṭake potthakaṃ disvā micchādiṭṭhikativedī¹brāhmaṇo viya. Tena buttaṃ “appasannānaṃ pasādāyā”ti.

Pasannānaṃ bhīyyobhāvāyāti yepi sāsane pasannā kulaputtā, tepi sikkhāpadapaññattim ṇatvā, yathāpaññattaṃ paṭipajjamāne bhikkhū vā disvā “aho ayyā dukkarakārino, ye yāvajīvaṃ ekabhattaṃ brahmacariyaṃ vinayasāṃvaram ānupālentī”ti bhīyyo bhīyyo pasīdanti. Tena vuttaṃ “pasannānaṃ bhīyyobhāvāyā”ti.

Saddhammaṭṭhitiyāti tividho saddhammo pariyaṭṭisaddhammo paṭipattisaddhammo adhigamasaddhammoti. Tattha piṭakattayasāṃgahitaṃ sabbampi Buddhavacanaṃ **pariyaṭṭisaddhammo** nāma. Terasa dhutaḃḃuṇā, cuddasa khandhakavattāni, dve-asīti mahāvattāni, sīlasamādhivipassanāti ayaṃ **paṭipattisaddhammo** nāma. Cattāro ariyamaggā, cattāri ca sāmāññaphalāni, nibbānaṃcāti ayaṃ **adhigamasaddhammo** nāma. So sabbopi yasmā sikkhāpadapaññattiyā sati bhikkhū sikkhāpadaṃca tassa

1. Micchādiṭṭhiko katavedī (Ka)

vibhaṅgañca tadatthajotanattham aññañca Buddhavacanam pariyāpuṇanti,
yathāpaññattañca paṭipajjamānā paṭipattim pūretvā paṭipattiyā
adhigantabbaṃ lokuttaradhammaṃ adhigacchanti, tasmā
sikkhāpadapaññattiyā ciraṭṭhitiko hoti. Tena vuttam “saddhammaṭṭhitiyā”ti.

Vinayānuggahāyāti sikkhāpadapaññattiyā hi sati saṃvaravinayo ca
pahānavinayo ca samathavinayo ca paññattivinayo cāti catubbidhopi vinayo
anuggahito hoti upatthambhito sūpatthambhito. Tena vuttam
“vinayānuggahāyā”ti.

Sabbāneva cetāni padāni “sikkhāpadaṃ paññapessāmi”ti iminā
vacanena saddhim yojetabbāni. Tatrāyam paṭhamapacchimapadayojanā—
“saṃghasuṭṭhūyā sikkhāpadaṃ paññapessāmi, vinayānuggahāyā
sikkhāpadaṃ paññapessāmi”ti.

Api cettha yaṃ saṃghasuṭṭhu, taṃ saṃghaphāsu, yaṃ
saṃghaphāsu, taṃ dummaṅkūnam puggalānam niggahāyāti evaṃ
saṅkhalikanayam, yaṃ saṃghasuṭṭhu, taṃ saṃghaphāsu, yaṃ saṃghasuṭṭhu,
taṃ dummaṅkūnam puggalānam niggahāyāti evañca ekekapadamūlikam
dasakkhattum yojanam katvā yaṃ vuttam **Parivāre**¹—

“Atthasatam dhammasatam, dve ca niruttisatāni.

Cattāri nāṇasatāni, atthavase pakaraṇe”ti.

Tam sabbam veditabbaṃ. Tam panetaṃ yasmā parivāreyeva āvi
bhavissati, tasmā idha na vaṇṇitanti.

Evaṃ sikkhāpadapaññattiyā ānisaṃsam dassetvā tasmim sikkhāpade
bhikkhūhi kattabbakiccaṃ dīpento “**evañca pana bhikkhave imam
sikkhāpadaṃ uddiseyyāthā**”ti āha. Kim vuttam hoti? Bhikkhave imam pana
mayā iti sandāssitānisaṃsam sikkhāpadaṃ evaṃ Pātimokkhuddese
uddiseyyātha ca pariyāpuṇeyyātha ca dhāreyyātha ca aññesañca
vāceyyāthāti. Atirekānayanattho hi ettha **ca**-saddo, tenāyamattho ānīto hotīti.

1. Vi 5. 254 piṭṭhe.

Idāni yaṃ vuttaṃ “imaṃ sikkhāpadan’ti, taṃ dassento “**yo pana bhikkhu methunaṃ dhammaṃ paṭiseveyya, pārājiko hoti asaṃvāso**”ti āha. Evaṃ mūlacchejjasena dalhaṃ katvā paṭhamapārājike paññatte aparampi anupaññattathāya Makkaṭṭivattu udapādi. Tassuppattidīpanatthametaraṃ vuttaṃ **evañcidaṃ Bhagavatā bhikkhūnaṃ sikkhāpadaṃ paññattaṃ hotīti**. Tassattho—Bhagavatā bhikkhūnaṃ idaṃ sikkhāpadaṃ evaṃ paññattaṃ hoti ca, idaṃca aññaṃ vatthu udapādīti.

Paṭhamapaññattikathā niṭṭhitā.

Sudinnabhānavāraṃ niṭṭhitaṃ.

Makkaṭṭivattukathā

40. Idāni yaṃ taṃ aññaṃ vatthu uppannaṃ, taṃ dassetuṃ “**tena kho pana samayenā**”ti-ādīmāha. Tatrāyaṃ anuttānapadavaṇṇanā. **Makkaṭṭim āmisenāti** Mahāvane bhikkhūnaṃ khantimettādiguṇānubhāvena nirāsaṅkacittā bahū migamorakukkuṭamakkaṭṭādayo tiracchānā padhānāgāraṭṭhānesu vicaranti, tatra-ekaṃ makkaṭṭim āmisena yāgubhattakhajjādinā upalāpetvā, saṅgaṇhitvāti vuttaṃ hoti. **Tassāti** bhummavacanaṃ. **Paṭisevatīti** pacurapaṭisevano hoti. Pacuratthe hi vattamānavacanaṃ. **So bhikkhūti** so methunadhammapaṭisevanako bhikkhu. **Senāsanacārikaṃ āhiṇḍantāti** te bhikkhū āgantukā Buddhadassanāya āgatā pātova āgantukabhattāni labhitvā katabhattakiccā “bhikkhūnaṃ nivāsanaṭṭhānāni passissāmā”ti vicarimsu. Tena vuttaṃ “**senāsanacārikaṃ āhiṇḍantā**”ti. **Yena te bhikkhū tenupasaṅkamīti** tiracchānagatā nāma ekabhikkhunā saddhim viśāsaṃ katvā aññesupi tādisaññeva cittaṃ uppādentī, tasmā sā makkaṭṭi yena te bhikkhū tenupasaṅkami, upasaṅkamtivā ca attano viśāsikabhikkhusseva tesampi taṃ vikāraṃ dassesi.

Cheppanti naṅguṭṭhaṃ. **Oḍḍīti** abhimukhaṃ ṭhapesi. **Nimittampi akāsīti** yena niyāmena yāya kiriyāya methunādhippāyaṃ te jānanti, taṃ akāsīti attho. **So bhikkhūti** yassayaṃ viharo. **Ekamantaṃ nilīyimsūti** ekasmiṃ okāse paṭicchānā acchimsu.

41. **Saccam āvusoti** sahoḍḍhaggahito¹ coro viya paccakkham disvā coditattā “kim vā mayā katan”ti-ādīni vattum asakkonto “saccam āvuso”ti āha. **Nanu āvuso tatheva tam hoti**ti āvuso yathā manussitthiyā nanu tiracchānagatitthiyāpi tam sikkhāpadam tatheva hoti. Manussitthiyāpi hi dassanampi gahaṇampi āmasanampi phusanampi ghaṭṭanampi duṭṭhullameva, tiracchānagatitthiyāpi tam sabbam duṭṭhullameva, ko ettha viseso, alesatṭhāne tvam lesam oḍdesīti.

42. **Antamaso tiracchānagatāyapi pārājiko hoti asamvāsoti** tiracchānagatāyapi methunam dhammam paṭisevitvā pārājiko yeva hotiṭi dalhataram sikkhāpadamakāsi. Duvidhañhi sikkhāpadam lokavajjam paṇṇattivajjañca. Tattha yassa sacittakapakkhe cittam akulasameva hoti, tam lokavajjam nāma, sesam paṇṇattivajjam. Tattha lokavajje anupaññatti uppajjamānā rundhantī dvāram pidahantī sotam pacchindamānā gāḷhataram karontī uppajjati. Aññatra adhimānā, aññatra supinantāti ayam pana vītikkamābhāvā, abbohārikattā ca vuttā. Paṇṇattivajje akate vītikkame uppajjamānā sithilam karontī mocentī dvāram dadamānā aparāparampi anāpattim kurumānā uppajjati gaṇabhojanaparamparabhojanādīsu anupaññattiyo viya. **Antamaso taṅkhaṇikāyapīti** evarūpā pana kate vītikkame uppattā paññattigatikāva hoti. Idam pana paṭhamasikkhāpadam yasmā lokavajjam, na paṇṇattivajjam, tasmā ayam anupaññatti rundhantī dvāram pidahantī sotam pacchindamānā gāḷhataram karontī uppajji.

Evam dvepi vatthūni sampiṇḍetvā mūlacchejjasena dalhataram katvā paṭhamapārājike paññatte aparampi anupaññattatthāya Vajjiputtakavatthu udapādi. Tassuppattidassanattametaṃ vuttam “evañcidam Bhagavatā bhikkhūnam sikkhāpadam paññattam hoti”ti. Tassattho—Bhagavatā bhikkhūnam idam sikkhāpadam evam paññattam hoti ca, idañca aññampi vatthu udapādīti.

Makkaṭivattukathā niṭṭhitā.

1. Sabhaṇḍagahito (Sī), sahoḍḍhagahito (Syā, Sakkatānulomam), sahoḍḍaggahito (Ka) ā + vaha + ta = oḍḍha, saha + oḍḍha + gahito = sahoḍḍhaggahito—iti padasiddhi.

Santatabhāṇavāra

Vajjiputtakavatthuvaṇṇanā

43. Idāni yaṃ taṃ aññampi vatthu uppannaṃ, taṃ dassetuṃ “**tena kho pana samayenā**”ti-ādimāha. Tatrāpi ayamanuttānapadavaṇṇanā. **Vesālikāti** Vesālivāsino. **Vajjiputtakāti** Vajjiraṭṭhe Vesāliyaṃ kulānaṃ puttā. Sāsane kira yo yo upaddavo ādīnavo abbudamuppajji, sabbaṃ taṃ Vajjiputtake nissāya. Tathā hi Devadattopi Vajjiputtake pakkhe labhitvā saṃghaṃ bhindi, Vajjiputtakā eva ca vassasatapariniḅbute Bhagavati uddhammaṃ ubbinayaṃ Satthusāsanāṃ dīpesuṃ. Imepi tesāṃ yeva ekacce evaṃ paññattepi sikkhāpade yāvadatthaṃ bhuñjimsu -pa- methunaṃ dhammaṃ paṭiseviṃsūti.

Ñātibyaśanenapīti ettha aśanaṃ byaśanaṃ vikkhepo viddhamśanaṃ vināsoti sabbametaṃ ekatthaṃ. Ñātīnaṃ byaśanaṃ **ñātibyaśanaṃ**, tena ñātibyaśanena, rājadaṇḍabyādhiramaṇavippavāśanimittena ñātivināśenāti attho. Esa nayo dutiyapadepi. Tatiyapade pana ārogyavināśako rogo-eva **rogabyaśanaṃ**. So hi ārogyaṃ byaśati vikkhipati vināsetīti byaśanaṃ. Rogova byaśanaṃ rogabyaśanaṃ, tena rogabyaśanena. **Phuṭṭhāti** adhipannā abhibhūtā, samannāgatāti attho.

Na mayaṃ bhante Ānanda Buddhagarahinoti bhante Ānanda mayaṃ na Buddhaṃ garahāma, na Buddhassa dosaṃ dema, na dhammagarahino, na saṃghagarahino. **Attagarahino mayanti** attānameva mayaṃ garahāma, attano dosaṃ dema. **Alakkhikāti** nissirikā. **Appapuññāti** parittapuññā. **Vipassakā kusalānaṃ dhammānanti** ye aṭṭhatimsārammaṇesu vibhattā kusalā dhammā, tesāṃ vipassakā, tato tato ārammaṇato vuṭṭhāya teva dhamme vipassamānāti attho. **Pubbarattāpararattanti** rattiyā pubbaṃ pubbarattaṃ, rattiyā aparaṃ apararattaṃ, paṭhamayāmañca pacchimayāmañcāti vuttaṃ hoti. **Bodhipakkhikānanti** bodhissa pakkhe bhavānaṃ, arahattamaggañāṇassa upakāraṇānanti attho. **Bhāvanānuyoganti** vaḍḍhanānuyogaṃ. **Anuyuttā vihareyyāmāti** gihipalibodhaṃ, āvāśapalibodhañca pahāya vivittesu senāśanesu yuttapayuttā anaññakiccā vihareyyāma.

Evamāvusoti thero etesaṃ āsayam ajānanto idaṃ nesaṃ mahāgajjitam sutvā “sace ime īdisā bhavissanti, sādhu”ti maññamāno “evamāvuso”ti sampatiṇchi. **Aṭṭhānametaṃ anavakāso**ti ubhayampetaṃ kāraṇapaṭikkhepavacanam. Kāraṇaṇhi yasmā tattha tadāyattavuttibhāvena phalaṃ tiṭṭhati. Yasmā cassa taṃ okāso hoti tadāyattavuttibhāvena, tasmā “ṭhānaṇca avakāso cā”ti vuccati, taṃ paṭikkhipanto āha “aṭṭhānametaṃ Ānanda anavakāso”ti. Etaṃ ṭhānam vā okāso vā natthi. Yaṃ **Tathāgatoti** yena Tathāgato vajjīnam vā -pa- samūhaneyya, taṃ kāraṇam natthīti attho. Yadi hi Bhagavā etesaṃ “labheyeyāma upasampadan”ti yācantānam upasampadam dadeyya, evaṃ sante “pārājiko hoti asaṃvāso”ti paññattam samūhaneyya. Yasmā panetaṃ na samūhanati, tasmā “aṭṭhānametan”ti-ādimāha.

So āgato na upasampādetabboti yadi hi evaṃ āgato upasampadam labheyya, sāsane agāravo bhaveyya. Sāmaṇerabhūmiyam pana ṭhito sagāravo ca bhavissati, attatthaṇca karissatīti nātvā anukampamāno Bhagavā āha “so āgato na upasampādetabbo”ti. **So āgato upasampādetabboti** evaṃ āgato bhikkhubhāve ṭhatvā avipannasīlatāya sāsane sagāravo bhavissati, so sati upanissaye nacirasseva uttamattham pāpuṇissatīti nātvā upasampādetabboti āha.

44. Evaṃ methunam dhammam paṭisevitvā āgatesu anupasampādetabbaṇca upasampādetabbaṇca dassetvā tīṇipi vatthūni samodhānetvā paripuṇṇam katvā sikkhāpadaṃ paññapetukāmo “evaṇca pana bhikkhave imaṃ sikkhāpadaṃ uddiseyyāthā”ti vatvā “**yo pana bhikkhu -pa- asaṃvāso**”ti paripuṇṇam sikkhāpadaṃ paññapesi.

Catubbidhavinayakathā

45. Idānissa attham vibhajanto “**yo panāti yo yādiso**”ti-ādimāha. Tasmim pana sikkhāpade ca sikkhāpadavibhaṅge ca sakale ca vinayavinicchaye kosallaṃ patthayantena **catubbidho vinayo** jānitabbo.

Catubbidham hi vinayam, mahātherā mahiddhikā.
Nīharitvā pakāsesuṃ, dhammasaṅgāhakā purā.

Katamaṃ catubbidhaṃ? Suttaṃ, suttānulomaṃ, ācariyavādaṃ, attanomatinti. Yaṃ sandhāya vuttaṃ “āhaccapadena rasena ācariyavaṃsena adhippāyā”ti¹. Ettha hi **āhaccapadanti** suttaṃ adhippetam, **rasoti** suttānulomaṃ, **ācariyavaṃsoti** ācariyavādo, **adhippāyoti** attanomati.

Tattha **suttaṃ** nāma sakale Vinayapiṭake Pāḷi.

Suttānulomaṃ nāma cattāro mahāpadesā, ye Bhagavatā evaṃ vuttā “yaṃ bhikkhave mayā ‘idaṃ na kappatī’ti appaṭikkhittaṃ, tañce akappiyaṃ anulometi, kappiyaṃ paṭibāhati, taṃ vo na kappati. Yaṃ bhikkhave mayā ‘idaṃ na kappatī’ti appaṭikkhittaṃ, tañce kappiyaṃ anulometi, akappiyaṃ paṭibāhati, taṃ vo kappati. Yaṃ bhikkhave mayā ‘idaṃ kappatī’ti ananuññātaṃ, tañce akappiyaṃ anulometi, kappiyaṃ paṭibāhati, taṃ vo na kappati. Yaṃ bhikkhave mayā ‘idaṃ kappatī’ti ananuññātaṃ, tañce kappiyaṃ anulometi, akappiyaṃ paṭibāhati, taṃ vo kappatī”ti².

Ācariyavādo nāma dhammasaṅgāhakehi pañcahi arahantasatehi ṭhapitā Pāḷivinimuttā okkantavinicchayappavattā Aṭṭhakathātanti.

Attanomati nāma suttasuttānuloma-ācariyavāde muñcitvā anumānena attano anubuddhiyā nayaggāhena upaṭṭhitākārahathanam.

Apica Suttantābhidhammavinayaṭṭhakathāsu āgato sabbopi theravādo attanomati nāma. Taṃ pana attanomatiraṃ gahetvā kathentena na daḷhaggāhaṃ gahetvā voharitabbaṃ. Kāraṇam sallakkhetvā atthena Pāḷiraṃ, Pāḷiyā ca atthaṃ saṃsanditvā kathetabbaṃ. Attanomati ācariyavāde otāretabbā. Sace tattha otarati ceva sameti ca, gahetabbā. Sace neva otarati na sameti, na gahetabbā. Ayañhi attanomati nāma sabbadubbālā. Attanomatito ācariyavādo balavataro.

Ācariyavādopi suttānulome otāretabbo. Tattha otaranto samentoyeva gahetabbo, itaro na gahetabbo. Ācariyavādato hi suttānulomaṃ balavataram.

1. Āhaccapadena kho mahārāja rasena ācariyavaṃsatā adhippāyoti (sabbttha)

Khu 11. 150 Milindapañhe pana passitabbaṃ.

2. Vi 3. 349 piṭṭhe.

Suttānulomampi sutte otāretabbaṃ. Tattha otarantaṃ samentameva gahetabbaṃ, itaraṃ na gahetabbaṃ. Suttānulomato hi suttameva balavataraṃ. Suttaṃ hi appaṭivattiyaṃ kārakasaṃghasadisāṃ, Buddhānaṃ ṭhitakālasadisāṃ. Tasmā yadā dve bhikkhū sākacchanti, sakavādī suttaṃ gahetvā katheti, paravādī suttānulomaṃ. Tehi aññaṃaññaṃ khepaṃ vā garaḥaṃ vā akatvā suttānulomaṃ sutte otāretabbaṃ. Sace otarati sameti, gahetabbaṃ. No ce, na gahetabbaṃ. Suttasmiṃyeva ṭhātabbaṃ. Athāyaṃ suttaṃ gahetvā katheti, paro ācariyavādaṃ. Tehipi aññaṃaññaṃ khepaṃ vā garaḥaṃ vā akatvā ācariyavādo sutte otāretabbo. Sace otarati sameti, gahetabbo. Anotaranto asamento ca gārayhācariyavādo na gahetabbo. Suttasmiṃyeva ṭhātabbaṃ.

Athāyaṃ suttaṃ gahetvā katheti, paro attanomaṃ. Tehipi aññaṃaññaṃ khepaṃ vā garaḥaṃ vā akatvā attanomaṃ sutte otāretabbā. Sace otarati sameti, gahetabbā. No ce, na gahetabbā. Suttasmiṃ yeva ṭhātabbaṃ.

Atha paṇāyaṃ suttānulomaṃ gahetvā katheti, paro suttaṃ. Suttaṃ suttānulome otāretabbaṃ. Sace otarati sameti, tisso saṅgītiyo ārūḷhaṃ Pāli-āgataṃ paññāyati, gahetabbaṃ. No ce tathā paññāyati na otarati na sameti, bāhirakasuttaṃ vā hoti siloko vā aññaṃ vā gārayhasuttaṃ gūḷhavessantaragūḷhavinayavedallādīnaṃ aññatarato āgataṃ, na gahetabbaṃ. Suttānulomasmīyeva ṭhātabbaṃ.

Athāyaṃ suttānulomaṃ gahetvā katheti, paro ācariyavādaṃ. Ācariyavādo suttānulome otāretabbo. Sace otarati sameti, gahetabbo. No ce, na gahetabbo. Suttānulomeyeva ṭhātabbaṃ.

Athāyaṃ suttānulomaṃ gahetvā katheti, paro attanomaṃ. Attanomaṃ suttānulome otāretabbā. Sace otarati sameti, gahetabbā. No ce, na gahetabbā. Suttānulomeyeva ṭhātabbaṃ.

Atha paṇāyaṃ ācariyavādaṃ gahetvā katheti, paro suttaṃ. Suttaṃ ācariyavāde otāretabbaṃ. Sace otarati sameti, gahetabbaṃ. Itaraṃ gārayhasuttaṃ na gahetabbaṃ. Ācariyavādeyeva ṭhātabbaṃ.

Athāyaṃ ācariyavādaṃ gahetvā katheti, paro suttānulomaṃ. Suttānulomaṃ ācariyavāde otāretabbaṃ. Otarantaṃ samentameva gahetabbaṃ, itaraṃ na gahetabbaṃ. Ācariyavādeyeva ṭhātabbaṃ.

Athāyaṃ ācariyavādaṃ gahetvā katheti, paro attanomaṃ. Attanomaṃ ācariyavāde otāretabbā. Sace otarati sameti, gahetabbā. No ce, na gahetabbā. Ācariyavādeyeva ṭhātabbaṃ.

Atha paṇāyaṃ attanomaṃ gahetvā katheti, paro suttāṃ. Suttāṃ attanomaṃ otāretabbaṃ. Sace otarati sameti, gahetabbaṃ. Itaraṃ gārayhasuttāṃ na gahetabbaṃ. Attanomaṃyameva ṭhātabbaṃ.

Athāyaṃ attanomaṃ gahetvā katheti, paro suttānulomaṃ. Suttānulomaṃ attanomaṃ otāretabbaṃ. Otarantaṃ samentameva gahetabbaṃ, itaraṃ na gahetabbaṃ. Attanomaṃyameva ṭhātabbaṃ.

Athāyaṃ attanomaṃ gahetvā katheti, paro ācariyavādaṃ. Ācariyavādo attanomaṃ otāretabbo. Sace otarati sameti, gahetabbo. Itaro gārayhācariyavādo na gahetabbo. Attanomaṃyameva ṭhātabbaṃ. Attano gahaṇameva baliyaṃ kātabbaṃ. Sabbatṭhānesu ca khepo vā garahā vā na kātabbāti.

Atha paṇāyaṃ “kappiyan”ti gahetvā katheti, paro “akappiyan”ti. Sutte ca suttānulome ca otāretabbaṃ. Sace kappiyaṃ hoti, kappiye ṭhātabbaṃ. Sace akappiyaṃ, akappiye ṭhātabbaṃ.

Athāyaṃ tassa kappiyabhāvasādhakaṃ suttato bahuṃ kāraṇaṇca vinicchayaṇca dasseti, paro kāraṇaṃ na vindati. Kappiyeva ṭhātabbaṃ. Atha paro tassa akappiyabhāvasādhakaṃ suttato bahuṃ kāraṇaṇca vinicchayaṇca dasseti, anena attano gahaṇanti katvā daḷhaṃ ādāya na ṭhātabbaṃ. “Sādhū”ti sampañcchitvā akappiyeva ṭhātabbaṃ. Atha dvinnampi kāraṇacchāyā dissati, paṭikkhittabhāvoyeva sādhu, akappiye ṭhātabbaṃ. Vinayaṇhi patvā kappiyākappiyavicāraṇamāgamma rundhitabbaṃ, gāḷhaṃ kattabbaṃ, sotam pacchinditabbaṃ, garukabhāveyyeva ṭhātabbaṃ.

Atha panāyaṃ “akappiyan”ti gahetvā katheti, paro “kappiyan”ti. Sutte ca suttānulome ca otāretabbaṃ. Sace kappiyaṃ hoti, kappiye ṭhātabbaṃ. Sace akappiyaṃ, akappiye ṭhātabbaṃ.

Athāyaṃ bahūhi suttavinicchayaḥkāraṇehi akappiyabhāvaṃ dasseti, paro kāraṇaṃ na vindati, akappiye ṭhātabbaṃ. Atha paro bahūhi suttavinicchayaḥkāraṇehi kappiyabhāvaṃ dasseti, ayaṃ kāraṇaṃ na vindati, kappiye ṭhātabbaṃ. Atha dvinnampi kāraṇacchāyā dissati, attano gahaṇaṃ na vissajjetabbaṃ. Yathā cāyaṃ kappiyākappiye, akappiyakappiye ca vinicchayo vutto, evaṃ anāpatti-āpattivāde, āpattānāpattivāde ca lahukagarukāpattivāde, garukalahukāpattivāde cāpi vinicchayo veditabbo, nāmamattaṃyeva hi ettha nānaṃ, yojanānaye nānaṃ natthi, tasmā na vitthāritaṃ.

Evaṃ kappiyākappiyādivinicchaye uppanne yo suttasuttānuloma-ācariyavāda-attanomatīsu atirekakāraṇaṃ labhati, tassa vāde ṭhātabbaṃ. Sabbaso pana kāraṇaṃ vinicchayaṃ alabhantena suttāṃ na jahitabbaṃ, suttasmiṃyeva ṭhātabbanti. Evaṃ tasmim sikkhāpade ca sikkhāpadavibhaṅge ca sakale ca vinayavinicchaye kosallaṃ patthayantena ayaṃ catubbidho vinayo jānītabbo.

Imaṅca pana catubbidhaṃ vinayaṃ ṇātvāpi vinayadharena puggalena tilakkhaṇasamannāgatena bhavitabbaṃ. **Tīṇi** hi **vinayadharassa lakkhaṇāni** icchitabbāni. Katamāni tīṇi? Suttaṅcassa svāgataṃ hoti suppvatti suvinicchitaṃ suttato anubyañjanatoti idamekaṃ lakkhaṇaṃ, vinaye kho pana ṭhito hoti asaṃhīroti idaṃ dutiyaṃ, ācariyaparamparā kho panassa suggahitā hoti sumanasikatā sūpadhāritāti idaṃ tatiyaṃ.

Tattha **suttāṃ** nāma sakalaṃ Vinayaṇītakāṃ. Taṅcassa **svāgataṃ hotīti** suṭṭhu āgataṃ. **Suppvattīti** suṭṭhu pavattaṃ paguṇaṃ vācuggataṃ. **Suvinicchitaṃ suttato anubyañjanatoti** Pālito ca paripucchato ca Aṭṭhakathāto ca suvinicchitaṃ hoti kaṅkhacchedaṃ katvā uggahitaṃ.

Vinaye kho pana ṭhito hotīti vinaye lajjībhāvena patīṭṭhito hoti. Alajjī hi bahussutopi samāno lābhagarutāya tantim

visaṃvādetvā uddhammaṃ ubbinayaṃ Satthusāsanam dīpetvā sāsane mahantaṃ upaddavaṃ karoti, saṃghabhedampi saṃgharājimpi uppādeti. Lajjī pana kukkuccako sikkhākāmo jīvitahetupi tantim avisaṃvādetvā dhammameva vinayameva ca dīpeti, Satthusāsanam garuṃ katvā ṭhpeti. Tathā hi pubbe mahātherā tikkhattuṃ vācam nicchāresuṃ **“anāgate lajjī rakkhissati, lajjī rakkissati, lajjī rakkhissati”**ti. Evaṃ yo lajjī, so vinayaṃ avijahanto avokkamanto lajjībhāvena vinaye ṭhito hoti suppatiṭṭhito. **Asamhīro**ti samhīro nāma yo Pāḷiyam vā Aṭṭhakathāyam vā heṭṭhato vā uparito vā padapaṭipāṭiyā vā pucchiamāno vitthunati vipphandati santiṭṭhituṃ na sakkoti, yaṃ yaṃ parena vuccati, taṃ taṃ anujānāti, sakavādam chaddetvā paravādam gaṇhāti. Yo pana Pāḷiyam vā Aṭṭhakathāya vā heṭṭhupariyena vā padapaṭipāṭiyā vā pucchiamāno na vitthunati na vipphandati, ekekalomaṃ saṇḍāsena gaṇhanto viya “evaṃ mayam vadāma, evaṃ no ācariyā vadanti”ti vissajjeti, yamhi Pāḷi ca Pāḷivinicchayo ca suvaṇṇabhājane pakkhittasīhavasā viya parikkhayaṃ pariyādānam agacchanto tiṭṭhati. Ayaṃ vuccati “asamhīro”ti.

Ācariyaparamparā kho panassa suggahitā hotīti theraparamparā, vaṃsaparamparā cassa suṭṭhu gahitā hoti. **Sumanasikatāti** suṭṭhumanasikatā, āvajjitamatte ujjalitapadīpo viya hoti. **Sūpadhāritāti** suṭṭhu upadhāritā pubbāparānusandhito, atthato, kāraṇato ca upadhāritā. Attano matim pahāya ācariyasuddhiyā vattā hoti “mayham ācariyo asukācariyassa santike uggaṇhi, so asukassā”ti evaṃ sabbam ācariyaparamparam theravādaṅgam¹ āharitvā yāva Upālitthero Sammāsambuddhassa santike uggaṇhīti pāpetvā ṭhpeti. Tatopi āharitvā Upālitthero Sammāsambuddhassa santike uggaṇhi, Dāsakatthero attano upajjhāyassa Upālittherassa, Soṇakatthero attano upajjhāyassa Dāsakattherassa, Siggavatthero attano upajjhāyassa Soṇakattherassa, Moggaliputtatissatthero attano upajjhāyassa Siggavattherassa, Caṇḍavajjittherassa cāti evaṃ sabbam ācariyaparamparam theravādaṅgam āharitvā attano ācariyam pāpetvā ṭhpeti.

1. Therataraṅgam (Sī, Syā)

Evam uggahitā hi ācariyaparamparā suggahitā hoti. Evam asakkontena pana avassam dve tayo parivaṭṭā uggahetabbā. Sabbapacchimena hi nayena yathā ācariyo ca ācariyācariyo ca Pāḷiṅca paripucchaṅca vadanti, tathā ñātum vaṭṭati.

Imehi ca pana tīhi lakkhaṇehi samannāgatena vinayadharena vatthuvinicchayattham sannipatite saṅghe otiṅṅe vatthusmiṃ codakena, cuditakena ca vutte vattabbe sahasā avinicchinitvāva **cha ṭhānāni** oloketabbāni. Katamāni cha? Vatthu oloketabbaṃ, mātikā oloketabbā, padabhājanīyaṃ oloketabbaṃ, tikaparicchedo oloketabbo, antarāpatti oloketabbā, anāpatti oloketabbāti.

Vatthum oloketopi hi “tiṅṅena vā paṇṇena vā paṭicchādetvā āgantabbaṃ, na tveva naggena āgantabbaṃ, yo āgaccheyya, āpatti dukkaṭassā”¹ti¹ evam ekaccaṃ āpattiṃ passati, so taṃ suttaṃ ānetvā taṃ adhikaraṇaṃ vūpasamessati.

Mātikam oloketopi “sampajānamusāvāde pācittiyā”²ti-ādinā² nayena pañcannaṃ āpattiṇaṃ aññataraṃ āpattiṃ passati, so taṃ suttaṃ ānetvā taṃ adhikaraṇaṃ vūpasamessati.

Padabhājanīyaṃ oloketopi “akkhayite sarīre methunaṃ dhammaṃ paṭisevati, āpatti pārājikassa. Yebhuyyena khayite sarīre methunaṃ dhammaṃ paṭisevati, āpatti thullaccayassā”³ti-ādinā³ nayena sattannaṃ āpattiṇaṃ aññataraṃ āpattiṃ passati, so padabhājanīyato suttaṃ ānetvā taṃ adhikaraṇaṃ vūpasamessati.

Tikaparicchedaṃ oloketopi tikasaṅghādisesaṃ vā tikapācittiyāṃ vā tikadukkaṭaṃ vā aññataraṃ vā āpattiṃ tikaparicchede passati, so tato suttaṃ ānetvā taṃ adhikaraṇaṃ vūpasamessati.

Antarāpattiṃ oloketopi “paṭilātaṃ ukkhipati, āpatti dukkaṭassā”⁴ti⁴ evam yā sikkhāpadantaresu antarāpatti hoti, taṃ passati, so taṃ suttaṃ ānetvā taṃ adhikaraṇaṃ vūpasamessati.

1. Vi 1. 314 piṭṭhe.

3. Vi 1. 36 piṭṭhādīsu atthato sameti.

2. Vi 2. 2 piṭṭhe.

4. Vi 2. 154 piṭṭhe.

Anāpattiṃ oloketopi “anāpatti bhikkhu asādiyantassa, attheyyacittassa, namaraṇādhippāyassa, anullapanādhippāyassa, namocanādhippāyassa asaṅcicca assatiyā aṅānantassā”¹ evaṃ tasmim̃ tasmim̃ sikkhāpade niddiṭṭhaṃ anāpattiṃ passati, so taṃ suttaṃ ānetvā taṃ adhikaraṇaṃ vūpasamessati.

Yo hi bhikkhu catubbidhavinayakovido tilakkhaṇasampanno imāni cha ṭhānāni oloketvā adhikaraṇaṃ vūpasamessati, tassa vinicchayo appaṭivattiyo, Buddhena sayam̃ nisīditvā vinicchitasadiso hoti. Tañcevaṃ vinicchayakusalaṃ bhikkhum̃ koci katasikkhāpadavītikkamo bhikkhu upasaṅkamitvā attano kukkuccaṃ puccheyya. Tena sādhukaṃ sallakkhetvā sace anāpatti hoti, “anāpatti”^{ti} vattabbaṃ. Sace pana āpatti hoti, “āpatti”^{ti} vattabbaṃ. Sā desanāgāminī ce, “desanāgāminī”^{ti} vattabbaṃ. Vuṭṭhānagāminī ce, “vuṭṭhānagāminī”^{ti} vattabbaṃ. Athassa pārājikacchāyā dissati, “pārājikāpatti”^{ti} na tāva vattabbaṃ. Kasmā? Methunadhammavītikkamo, hi uttarimanussadhammavītikkamo ca oḷāriko. Adinnādānamanussaviggahavītikkamā pana sukhumā cittalahukā. Te sukhumeneva āpajjati, sukhumena rakkhati, tasmā visesena taṃvatthukaṃ kukkuccaṃ pucchiyamāno “āpatti”^{ti} avatvā sacassa ācariyo dharati, tato tena so bhikkhu “amhākaṃ ācariyaṃ pucchā”^{ti} pesetabbo. Sace so puna āgantvā “tumhākaṃ ācariyo suttato nayato oloketvā ‘satekiccho’^{ti} maṃ āhā”^{ti} vadati. Tato anena so “sādhu suṭṭhu yaṃ ācariyo bhaṇati, taṃ karohī”^{ti} vattabbo. Atha panassa ācariyo natthi, saddhim̃ uggahitatthero pana atthi, tassa santikaṃ pesetabbo “amhehi saha uggahitatthero gaṇapāmokkho, taṃ gantvā pucchā”^{ti}. Tenāpi “satekiccho”^{ti} vinicchite “sādhu suṭṭhu tasseva vacanaṃ karohī”^{ti} vattabbo. Atha saddhim̃ uggahitattheropi natthi, antevāsiko paṇḍito atthi, tassa santikaṃ pesetabbo “asukadaharaṃ gantvā pucchā”^{ti}. Tenāpi “satekiccho”^{ti} vinicchite “sādhu suṭṭhu tassa vacanaṃ karohī”^{ti} vattabbo. Atha daharassāpi pārājikacchāyāva upaṭṭhāti, tenāpi “pārājikosī”^{ti} na vattabbo. Dullabho hi Buddhuppādo, tato

1. Vi 1. 45, 72, 101, 141, 166 piṭṭhādīsu.

dullabhatarā pabbajjā ca upasampadā ca. Evaṃ pana vattabbo “vivittaṃ okāsaṃ sammajjitvā divāvihāraṃ nisīditvā sīlāni sodhetvā dvattimsākāraṃ tāva manasi karohī”ti. Sace tassa arogaṃ¹ sīlaṃ, kammaṭṭhānaṃ ghaṭayati, saṅkhārā pākaṭā hutvā upaṭṭhahanti, upacārappanāppattaṃ viya cittaṃpi ekaggaṃ hoti, divasaṃ atikkantampi na jānāti. So divasātikkame upaṭṭhānaṃ āgato evaṃ vattabbo “kīdisā te cittaṃpavattī”ti. Ārocitāya cittaṃpavattiyā vattabbo “pabbajjā nāma cittaṃvisuddhatthāya, appamatto samaṇadhammaṃ karohī”ti.

Yassa pana sīlaṃ bhinnaṃ hoti, tassa kammaṭṭhānaṃ na ghaṭayati, patodābhitunnaṃ viya cittaṃ vikampati, vippaṭisāragginā ḍayhati, tattapāsāṇe nisinna viya taṅkhaṇaṅṅeva vuṭṭhāti. So āgato “kā te cittaṃpavattī”ti pucchitabbo. Ārocitāya cittaṃpavattiyā “natthi loke raho nāma pāpakammaṃ pakubbato, sabbapaṭṭhamaṃ hi pāpaṃ karonto attanā jānāti, athassa ārakkhadevatā paracittaṃvidū samaṇabrāhmaṇā aññā ca devatā jānanti, tvaṃyeva dāni tava sotthiṃ pariyesāhi”ti vattabbo.

Niṭṭhitā catubbidhavinayakathā

Vinayadharassa ca lakkhaṇādikathā.

Bhikkhupadabhājanīyavaṇṇanā

Idāni sikkhāpadavibhaṅgassa atthaṃ vaṇṇayissāma. Yaṃ vuttaṃ “**yo panāti yo yādiso**”ti-ādi, ettha **yo panāti** vibhajitabbapadaṃ, “yo yādiso”ti-ādīni tassa vibhajanapadāni. Ettha ca yasmā **panāti** nipātamattaṃ, **yoti** atthapadaṃ, taṅca aniyamena puggalaṃ dīpeti, tasmā tassa atthaṃ dassento aniyamena puggaladīpakaṃ yo-saddameva āha. Tasmā ettha evamattho veditabbo—**yo panāti** yo, yokocīti vuttaṃ hoti. Yasmā pana ²yo yokoci nāma, so² avassaṃ liṅgayuttajātināmagottasīlavihāragocaravayesu ekenākārena paññāyati, tasmā taṃ tathā nāpetuṃ taṃ pabhedāṃ pakāseto

1. Abhedāṃ (Ka)

2-2. Yo so yokoci nāmeso (Sī, Syā)

“yādiso”ti-ādīmāha. Tattha **yādisoti** liṅgavasena yādiso vā tādiso vā hotu, dīgho vā rasso vā kāḷo vā odāto vā maṅguracchavi vā kiso vā thūlo vāti attho. **Yathāyuttoti** yogavasena yena vā tena vā yutto hotu, navakammayutto yogavasena yena vā tena vā yutto hotu, navakammayutto vā uddesayutto vā vāsadhurayutto vāti attho. **Yathājaccoti** jātivasena yaṁjacco vā taṁjacco vā hotu, khattiyo vā brāhmaṇo vā veso vā suddo vāti attho. **Yathānāmoti** nāmavasena yathānāmo vā tathānāmo vā hotu, Buddharakkhito vā Dhammarakkhito vā Saṅgharakkhito vāti attho. **Yathāgottoti** gottavasena yathāgotto vā tathāgotto vā yena vā tena vā gottena hotu, Kaccāyano vā Vāsīṭṭho vā Kosiyo vāti attho. **Yathāsīloti** sīlesu yathāsīlo vā tathāsīlo vā hotu, navakammasīlo vā uddesasīlo vā vāsadhurasīlo vāti attho. **Yathāvihārīti** vihāresupi yathāvihārī vā tathāvihārī vā hotu, navakammavihārī vā uddesavihārī vā vāsadhuravihārī vāti attho. **Yathāgocaroti** gocaresupi yathāgocarō vā tathāgocarō vā hotu, navakammagocarō vā uddesagocarō vā vāsadhuragocarō vāti attho. **Thero vāti**-ādīsu vayovuḍḍhadīsu yo vā so vā hotu, paripuṇṇadasavassatāya thero vā ūnapaṅcavassatāya navo vā atirekapaṅcavassatāya majjhimo vāti attho. Atha kho sabbova imasmim atthe eso vuccati “yo paṇā”ti.

Bhikkhuniddese bhikkhatīti **bhikkhako**, labhanto vā alabhanto vā ariyāya yācanāya yācatīti attho. Buddhādīhi ajjhupagataṁ bhikkhācariyaṁ ajjhupagatatā **bhikkhācariyaṁ ajjhupagato** nāma. Yo hi koci appaṁ vā mahantaṁ vā bhogakkhandhaṁ pahāya agārasmā anagāriyaṁ pabbajito. So kasigorakkhādīhi jīvikakappanaṁ¹ hitvā liṅgasampañicchaneneva **bhikkhācariyaṁ ajjhupagatoti bhikkhu**. Parapaṭibaddhajīvikattā vā vihāramajjhe kājabhattaṁ bhuñjamānopi **bhikkhācariyaṁ ajjhupagatoti bhikkhu**. Piṇḍiyālopabhōjanaṁ nissāya pabbajjāya ussāhajātattā vā **bhikkhācariyaṁ ajjhupagatoti bhikkhu**. Agghaphassavaṇṇabhedena bhinnaṁ paṭaṁ dhāretīti

1. Jīvitakappanaṁ (Ka)

bhinnapaṭadharo. Tattha satthakacchedanena agghabhedo veditabbo, saḥassagghanakopi hi paṭo satthakena khaṇḍākhaṇḍikam chinno bhinnaggho hoti, purimagghato upaḍḍhampi na agghati. Suttasamsibbanena phassabhedo veditabbo, sukhasamphassopi¹ hi paṭo suttehi samsibbito bhinnaphasso hoti, kharasamphassataṃ pāpuṇāti. Sūcimalādīhi vaṇṇabhedo veditabbo, suparisuddhopi hi paṭo sūcikkammato paṭṭhāya sūcimalena, hatthasedamalajallikāhi, avasāne rajanakappakaraṇehi ca bhinnavaṇṇo hoti, pakativāṇṇam vijahati. Evaṃ tīhākārehi bhinnapaṭadhāraṇato **bhinnapaṭadharoti bhikkhu.** Gihivatthavisabhāgānam vā kāsāvānam dhāraṇamatteneva **bhinnapaṭadharoti bhikkhu.**

Samaññāyāti paññattiyā, vohārenāti attho. Samaññāya eva hi ekacco “bhikkhū”ti paññāyati, tathā hi nimantanādīmhi bhikkhūsu gaṇiyamānesu sāmaṇerepi gahetvā “satam bhikkhū saḥsam bhikkhū”ti vadanti. **Paṭiññāyāti** attano paṭijānanena. Paṭiññāyapi hi ekacco “bhikkhū”ti paññāyati. Tassa “ko etthāti, ahaṃ āvuso bhikkhū”ti² evamādīsu sambhavo daṭṭhabbo. Ayam pana Ānandattherena vuttā³ dhammikā paṭiññā. Rattibhāge pana dussīlāpi paṭipathaṃ āgacchantā “ko etthā”ti vutte adhammikāya paṭiññāya abhūtāya “mayam bhikkhū”ti vadanti.

Ehi bhikkhūti ehibhikkhu nāma⁴ Bhagavato “ehi bhikkhū”ti vacanamattena bhikkhubhāvaṃ ehibhikkhūpasampadam patto. Bhagavā hi ehibhikkhubhāvāya upaniṣṣayasampannaṃ puggalaṃ dīsvā rattapaṃsukūlantarato suvaṇṇavaṇṇam dakkhiṇahattham nīharitvā brahmaghoṣam nicchārento “ehi bhikkhu, cara brahmacariyam sammā dukkhassa antakiriyāya”ti vadati. Tassa saheva Bhagavato vacanena gihiliṅgam antaradhāyati, pabbajjā ca upasampadā ca ruhati, bhaṇḍu kāsāyavasano hoti ekaṃ nivāsetvā ekaṃ pārupitvā ekaṃ aṃse ṭhapetvā vāmaṃsakūṭe āsattanīluppalavaṇṇamattikāpatto.

Ticivaraṇca patto ca, vāsi sūci ca bandhanam.

Parissāvanena aṭṭhete, yuttayogassa bhikkhunoti—

1. Atisukhumasamphassopi (Ka)

3. Vuttattā (Sī, Ka)

2. Am 3. 415 piṭṭhe.

4. Ehibhikkhūti bhikkhu nāma (Sī, Syā)

Evam vuttehi aṭṭhahi parikkhārehi sarīre paṭimukkehiyeva saṭṭhivassikatthero¹ viya iriyāpathasampanno Buddhācariyako Buddhupajjhāyako Sammāsambuddham vandamānoyeva tiṭṭhati. Bhagavā hi paṭhamabodhiyam ekasmim kāle ehibhikkhūpasampadāya eva upasampādeti, evam upasampannāni ca sahasupari-ekacattālīsuttarāni tīṇi bhikkhusatāni ahesuṃ. Seyyathidaṃ, pañca pañcavaggiyattherā, Yaso kulaputto, tassa parivārā catupaṇṇāsa sahāyakā, tiṃsa Bhaddavaggiyā, sahasapurāṇajaṭilā, saddhim dvīhi aggasāvakehi aḍḍhateyyasatā paribbājakā, eko Aṅgulimālattheroti. Vuttañhetam **Aṭṭhakathāyam**—

Tīṇi sataṃ sahasaṅca, cattālīsam punāpare.

Eko ca thero sappañño, sabbe te ehibhikkhukāti.

Na kevalaṅca ete eva, aññepi bahū santi. Seyyathidaṃ, tisataparivāro Selo brāhmaṇo, sahasaparivāro Mahākappino, dasasahassā Kapilavatthuvāsino kulaputtā, soḷasasahassā Pārāyanikabrāhmaṇāti evamādayo, te pana Vinayapiṭake Pāliyam na niddiṭṭhattā na vuttā, ime tattha niddiṭṭhattā vuttāti.

Sattavīsa sahasāni, tīṇiyeva satāni ca.

Etepi sabbe saṅkhātā, sabbe te ehibhikkhukāti.

Tīhi saraṇagamanehi upasampannoti “Buddham saraṇam gacchāmi”-ti-ādinā nayena tikkhattuṃ vācam bhinditvā vuttehi tīhi saraṇagamanehi upasampanno. Ayañhi upasampadā nāma aṭṭhavidhā ehibhikkhūpasampadā, saraṇagamanūpasampadā, ovādapāṭiggahaṇūpasampadā, pañhabyākaraṇūpasampadā, garudhammapāṭiggahaṇūpasampadā, dūtenūpasampadā, aṭṭhavācīkūpasampadā, ñatticatutthakammūpasampadāti. Tattha ehibhikkhūpasampadā saraṇagamanūpasampadā ca vuttā eva.

Ovādapāṭiggahaṇūpasampadā nāma “tasmātiha te Kassapa evam sikkhitabbaṃ ‘tibbaṃ me hirottappaṃ paccupaṭṭhitam bhavissati thesuvavesu majjhimesu ca’-ti, evam hi te Kassapa sikkhitabbaṃ. Tasmātiha te Kassapa evam sikkhitabbaṃ ‘yam kiñci dhammam sossāmi kusalūpasamhitam, sabbaṃ tam aṭṭhimkatvā manasi katvā sabbacetasā samannāharitvā ohitasoto dhammam

1. Vassasatikatthero (Sī, Syā), Vassasaṭṭhikatthero (Ka)

soṣṣāmī'ti, evaṃ hi te Kassapa sikkhitabbaṃ. Tasmātiha te Kassapa evaṃ sikkhitabbaṃ 'sātasahagatā ca me kāyagatāsati na vijahissatī'ti, evaṃ hi te Kassapa sikkhitabban'ti¹ iminā ovādapaṭiggahaṇena Mahākassapattherassa anuññāta-upasampadā.

Pañhabyākaraṇūpasampadā nāma Sopākassa anuññāta-upasampadā. Bhagavā kira Pubbārāme anucaṅkamantaṃ Sopākasāmaṇeraṃ "uddhumātakasaññāti vā Sopāka 'Rūpasaññā'ti vā ime dhammā nānatthā nānābyañjanā, udāhu ekatthā byañjanaṃeva nānan'ti dasa asubhanissite pañhe pucchi. So te byākāsi. Bhagavā tassa sādhuḱāraṃ datvā "kativassosi tvaṃ Sopākā'ti pucchi. Sattavassohaṃ Bhagavāti. Sopāka tvaṃ mama sabbaññutaññāṇena saddhiṃ saṃsanditvā pañhe byākāsīti āraddhacitto upasampadaṃ anujāni. Ayaṃ pañhabyākaraṇūpasampadā.

Garudhammapaṭiggahaṇūpasampadā nāma Mahāpajāpatiyā aṭṭhagarudhammassa paṭiggahaṇena anuññāta-upasampadā.

Dūtenūpasampadā nāma Aḍḍhakāsiyā gaṇikāya anuññāta-upasampadā.

Aṭṭhavācīkūpasampadā nāma bhikkhuniyā bhikkhunisaṃghato ñatticatutthena, bhikkhusaṃghato ñatticatutthenāti imehi dvīhi kammehi upasampadā.

Ñatticatutthakammūpasampadā nāma bhikkhūnaṃ etarahi upasampadā. Imāsu aṭṭhasu upasampadāsu "yā sā bhikkhave mayā tīhi saraṇagamanehi upasampadā anuññātā, taṃ ajjatagge paṭikkhipāmi. Anujānāmi bhikkhave ñatticatutthena kammena upasampādetun'ti² evaṃ anuññātāya³ imāya upasampadāya upasampannoti vuttaṃ hoti.

Bhadroti apāpako. Kalyāṇaputhujjanādayo hi yāva arahā, tāva bhadrena sīlena, samādhinā, paññāya, vimuttiyā, vimuttiñāṇadassanena ca samannāgatattā "bhadro bhikkhū'ti saṅkhyāṃ gacchanti. **Sāroti** tehiyeva sīlasārādīhi samannāgatattā nīlasamannāgamena nīlo paṭo viya "sāro bhikkhū'ti veditabbo, vigatakilesapheggubhāvato vā khīṇāsavova "sāro'ti veditabbo. **Sekhoti** puthujjanakalyāṇakena saddhiṃ

1. Saṃ 1. 420 piṭṭhe.

2. Vi 3. 70 piṭṭhe.

3. Anuññātā (sabbattha)

satta ariyā tisso sikkhā sikkhantīti sekhā, tesu yo koci “sekho bhikkhū”ti veditabbo. Na sikkhatīti **asekho**. Sekkhadhamme atikkamma aggaphale ṭhīto, tato uttari sikkhitabbābhāvato khīṇāsavo “asekho”ti vuccati.

Samaggena saṃghenāti sabbantimena pariyāyena pañcavaggakaraṇīye kamme yāvaticā bhikkhū kammappattā, tesam āgatattā, chandārahānaṃ chandassa āhaṭṭā, sammukhībhūtānaṃ appaṭikkosanato ekasmim kamme samaggabhāvaṃ upagatena. **Ñatticatutthenāti** tīhi anussāvanāhi, ekāya ca ñattiyā kātabbena. **Kammenāti** dhammikenā vinayakammena.

Akuppenātivatthuṇatti-anussāvanasīmāparisasampattisampannattā akopetabbataṃ, appaṭikkositabbataṃ upagatena. **Ṭhānārahenaṃ** kāraṇārahena Satthusāsanārahena. **Upasampanno** nāma uparibhāvaṃ samāpanno, pattoti attho. Bhikkhubhāvo hi uparibhāvo, tañcesa yathāvuttena kammena samāpannattā “upasampanno”ti vuccati. Ettha ca ñatticatutthakammaṃ ekameva āgataṃ. Imasmim pana ṭhāne ṭhatvā cattāri saṃghakammāni nīharitvā vitthārato kathetabbānīti sabba-aṭṭhakathāsu vuttaṃ, tāni ca “apalokanakammaṃ ñattikammaṃ ñattidutiyakammaṃ ñatticatutthakammaṃ”ti paṭipāṭiyā ṭhapetvā vitthārena Khandhakato Parivārāvasāne kammavibhaṅgato ca Pāḷim āharitvā kathitāni. Tāni mayam **parivārāvasāne kammavibhaṅge**yeva vaṇṇayissāma. Evañhisati paṭhamapārājikavaṇṇanā ca na bhāriyā bhavissati, yathāṭṭhitāya ca Pāḷiyā vaṇṇanā suviññeyyā bhavissati, tāni ca ṭhānāni asuññāni bhavissantī, tasmā anupadavaṇṇanameva karoma.

Tatrāti tesu “bhikkhako”ti-ādinā nayena vuttasu bhikkhūsu. Yvāyam bhikkhūti yo ayam bhikkhu. **Samaggena saṃghena -pa- upasampannoti** aṭṭhasu upasampadāsu ñatticatuttheneva kammena upasampanno. **Ayam imasmim atthe adhippeto bhikkhūti** ayam imasmim “methunaṃ dhammaṃ paṭisevitvā pārājiko hotī”ti atthe “bhikkhū”ti adhippeto. Itare pana “bhikkhako”ti-ādayo atthuddhārasena vuttā. Tesuca “bhikkhako”ti-ādayo niruttivasena vuttā, “samaññāya bhikkhu, paṭiññāya bhikkhū”ti ime dve abhilāpavasena vuttā, “ehi bhikkhū”ti Buddhena upajjhāyena paṭiladdha-upasampadāvasena vutto, saraṇagamanabhikkhu anuppannāya kammavācāya

upasampadāvasena vutto, “bhadro”ti-ādayo guṇavasena vuttāti veditabbā.

Sikkhāsājīvapadabhājanīyavaṇṇanā

Idāni “**bhikkhūnan**”ti idaṃ padaṃ visesatthābhāvato avibhajitvāva yaṃ sikkhañca sājīvañca samāpannattā bhikkhūnaṃ sikkhāsājīvasamāpanno hoti, taṃ dassento **sikkhāti**-ādimāha. Tattha sikkhitabbāti **sikkhā**. Tissoṭi gaṇanaparicchedo. **Adhisīlasikkhāti** adhikaṃ uttamaṃ sīlanti adhisīlaṃ, adhisīlañca taṃ sikkhitabbato sikkhā cāti adhisīlasikkhā. Esa nayo adhicitta-adhipaññāsikkhāsu.

Katamaṃ panettha sīlaṃ, katamaṃ adhisīlaṃ, katamaṃ cittaṃ, katamaṃ adhicittaṃ, katamā paññā, katamā adhipaññāti? Vuccate— pañcaṅgadasaṅgasīlaṃ tāva sīlameva. Tañhi Buddhē uppannepi anuppannepi loke pavattati. Uppanne Buddhē tasmim sīle Buddhāpi sāvakāpi mahājanaṃ samādapenti, anuppane Buddhē Paccekabuddhā ca kammavādino ca dhammikā samaṇabrāhmaṇā cakkavattī ca mahārājāno mahābodhisattā ca samādapenti, sāmampi paṇḍitā samaṇabrahmaṇā samādiyanti. Te taṃ kusalaṃ dhammaṃ paripūretvā devesu ca manussesu ca sampattiṃ anubhonti. Pātimokkhasaṃvarasīlaṃ pana “adhisīlan”ti vuccati, tañhi sūriyo viya pajjotānaṃ Sineru viya pabbatānaṃ sabbalokiyasīlānaṃ adhikañceva uttamañca, Buddhuppādeyeva ca pavattati, na vinā Buddhuppādā. Na hi taṃ paññattiṃ uddharitvā añño satto ṭhapetuṃ sakkoti, Buddhāyeva pana sabbaso kāyavacīdvāra-ajjhācārasotaṃ chinditvā tassa tassa vītikkamassa anucchavikaṃ taṃ sīlasaṃvaraṃ paññapenti. Pātimokkhasaṃvaratopi ca maggaphalasampayuttameva sīlaṃ adhisīlaṃ, taṃ pana idha anadhippetam¹. Na hi taṃ samāpanno bhikkhu methunaṃ dhammaṃ paṭisevati.

Kāmāvacarāni pana aṭṭha kusalacittāni, lokiya-aṭṭhasamāpatticittāni ca ekajjhaṃ katvā cittamevāti veditabbāni. Buddhuppādānuppāde cassa pavatti, samādapanāṃ, samādānañca sīle vuttanayeneva veditabbāni. Vipassanāpādakaṃ aṭṭhasamāpatticittaṃ pana “adhicittan”ti vuccati. Tañhi adhisīlaṃ viya sīlānaṃ sabbalokiyacittānaṃ adhikañceva uttamañca, Buddhuppādeyeva ca hoti, na

1. Na adhippetam (?)

vinā Buddhuppādā. Tatopi ca maggaphalacittameva adhiccittam, tam pana idha anadhippetam¹. Na hi tam samāpanno bhikkhu methunam dhammam paṭisevati.

“Atthi dinnam, atthi yiṭṭhan”²ti² ādinayappavattam pana kammassakataññaṇam paññā, sā hi Buddhē uppannepi anuppannepi loke pavattati. Uppanne Buddhē tassā paññāya Buddhāpi Buddhasāvakāpi mahājanam samādapenti, anuppanne Buddhē Paccekabuddhā ca kammavādino ca dhammikā samaṇabrāhmaṇā cakkavattī ca mahārajano mahābodhisattā ca samādapenti, sāmampi paṇḍitā sattā samādiyanti. Tathā hi **Ankuro** dasavassasahassāni mahādānam adāsi, **Velāmo**, **Vessantaro**, aññe ca bahū paṇḍitamanussā mahādānāni adāmsu. Te tam kusalam dhammam paripūretvā devesu ca manussesu ca sampattim anubhaviṃsu. Tilakkaṇāṅkāraparicchedakam pana vipassanāññaṇam “adhipaññā”²ti vuccati, sā hi adhisīla-adhittāni viya sīlacittānam sabbalokiyapaññānam adhikā ceva uttamā ca, na ca vinā Buddhuppādā loke pavattati. Tatopi ca maggaphalapaññāva adhipaññā, sā pana idha anadhippetā. Na hi tam samāpanno bhikkhu methunam dhammam paṭisevatīti.

Tatrāti tāsū tīsu sikkhāsu. **Yāyam adhisīlasikkhāti** yā ayam Pātimokkhasīlasāṅkhātā adhisīlasikkhā. **Etam sājīvam nāmāti** etam sabbampi Bhagavatā vinaye ṭhapitam sikkhāpadam, yasmā ettha nānādesajātigottādibhedabhinnā bhikkhū saha jīvanti ekajīvikā sabhāgajīvikā sabhāgavuttino honti, tasmā “sājīvan”²ti vuccati. **Tasmim sikkhatīti** tam sikkhāpadam cittassa adhikaraṇam katvā yathāsikkhāpadam nu kho sikkhāmi, na sikkhāmīti cittaena olokento sikkhati. Na kevalañcāyametasmim sājīvasāṅkhāte sikkhāpadeyeva sikkhati. Na kevalañcāyametasmim sājīvasāṅkhāte sikkhāpadeyeva sikkhati, sikkhāyapi sikkhati, “etam sājīvam nāmā”²ti imassa pana anantarassa padassa vasena “tasmimsikkhatī”²ti vuttam. Kiñcāpi tam evam vuttam, atha kho ayamettha attho daṭṭhabbo—tassā ca sikkhāya sikkham paripūrento sikkhati, tasmīṅca sikkhāpade avītikkamanto sikkhatīti. **Tena vuccati sājīvasamāpannoti** idampi anantarassa sājīvapadasseva vasena vuttam. Yasmā pana so sikkhampi samāpanno,

1. Na adhippetam (?)

2. Abhi 1. 263; Abhi 2. 341; Ma 3. 74 piṭṭhādīsu.

tasmā sikkhāsamāpannotipi atthato veditabbo. Evañhi sati
“sikkhāsājīvasamāpanno”ti etassa padassa padabhājanampi paripuṇṇam hoti.

Sikkhāsājīvapadabhājanīyam niṭṭhitam.

Sikkhāpaccakkhānavibhaṅgavaṇṇanā

Sikkham appaccakkhāya dubbalyam anāvikatvāti sikkhañca appaṭikkhipivā, dubbalabhāvañca appakāsetvā. Yasmā ca dubbalye āvikatepi sikkhā appaccakkhātāva hoti, sikkhāya pana paccakkhātāya dubbalyam āvikatameva hoti. Tasmā “dubbalyam anāvikatvā”ti iminā padena na koci visesattho labbhati. Yathā pana “dirattatirattam sahasayyam kappeyyā”ti vutte dirattavacanena na koci visesattho labbhati, kevalam lokavohāravasena byañjanasiliṭṭhatāya mukhārūḷhatāya etaṃ vuttam. Evamidampi vohāravasena byañjanasiliṭṭhatāya mukhārūḷhatāya vuttanti veditabban.

Yasmā vā Bhagavā sāttham sabyañjanam dhammam deseti, tasmā “sikkham appaccakkhāyā”ti iminā attham sampādetvā “dubbalyam anāvikatvā”ti iminā byañjanam sampādeti. Parivārapadavirahitam hi ekameva atthapadam vuccamānam parivāravirahito rājā viya, vatthālankāravirahito viya ca puriso na sobhati, parivārakena pana atthānulomena sahāyapadena saddhim tam sobhatīti.

Yasmā vā sikkhāpaccakkhānassa ekaccam dubbalyāvikammaṃ attho hoti, tasmā nam sandhāya “sikkham appaccakkhāyā”tipadassa attham vivaranto “dubbalyam anāvikatvā”ti āha.

Tattha siyā—yasmā na sabbam dubbalyāvikammaṃ sikkhāpaccakkhānam, tasmā “dubbalyamanāvikatvā”ti paṭhamamvatvā tassa-atthaniyamanattham “sikkham appaccakkhāyā”ti vattabbanti. Tañca na. Kasmā? Atthānukkamābhāvato. “Sikkhāsājīvasamāpanno”ti hi vuttattāyam sikkham samāpanno, tam appaccakkhāyāti vuccamāno anukkameneva attho vutto hoti, na aññathā. Tasmā idameva paṭhamam vuttanti.

Apica anupaṭipāṭiyāpi ettha attho veditabbo. Kathaṃ?
Sikkhāsājīvasamāpannoti ettha yaṃ sikkhaṃ samāpanno, taṃ
appaccakkhāya, yañca sājīvaṃ samāpanno, tатtha dubbalyaṃ anāvikatvāti.

Idāni sikkhāpaccakkhānadubbalyāvikkammānaṃ viśesāvīśesaṃ,
sikkhāpaccakkhānalakkhaṇaṃ dassento “**atthi bhikkhave**”ti-ādimāha.
Tатtha **atthi bhikkhave**ti-ādīni dve mātikāpadāni, tāni vibhajanto “**kathaṃca
bhikkhave**”ti-ādimāha. Tatrāyaṃ anuttānapadavaṇṇanā—**kathanti** kena
ākārena. **Dubbalyāvikkammañcāti** dubbalyassa āvikammaṃca. **Idhāti**
imasmiṃ sāsane. **Ukkaṇṭhitoti** anabhiratiyā imasmiṃ sāsane
kicchajīvikappatto. Atha vā ajja yāmi, sve yāmi, ito yāmi, ettha yāmīti
uddhaṃ kaṇṭhaṃ katvā viharamāno, vikkhitto anekaggoti vuttaṃ hoti.
Anabhiratoti sāsane abhirativirahito.

Sāmaññā cavitukāmoti samaṇabhāvato apagantukāmo. **Bhikkhubhāvanti**
bhikkhubhāvena, karaṇatthe upayogavacanaṃ. “Kaṇṭhe āsattena
aṭṭiyeyyā”ti-ādīsu¹pana yathālakkhaṇaṃ karaṇavacaneneva vuttaṃ.
Aṭṭiyamānoti aṭṭaṃ pīlitaṃ dukkhitaṃviya attānamācaramāno, tena vā
bhikkhubhāvena aṭṭo kariyamāno pīliyamānoti attho. **Harāyamānoti**
lajjamāno. **Jigucchamānoti** asuciṃ viya taṃ jigucchanto. **Gihibhāvaṃ
patthayamānoti**-ādīni uttānatthāniyeva. **Yannūnāhaṃ Buddhaṃ
paccakkheyyanti** ettha **yannūnāti** parivitakkadassane nipāto. Idaṃ vuttaṃ
hoti—sacāhaṃ Buddhaṃ paccakkheyyaṃ, sādhu vata me siyāti. **Vadati
viññāpetīti** imamatthaṃ etehi vā aññehi vā byañjanehi vacībhedaṃ katvā
vadati ceva, yassa ca vadati, taṃ viññāpeti jānāpeti. Evampīti
uparimatthasampiḍḍanatto pikāro. Evampi dubbalyāvikkammañceva hoti
sikkhā ca appaccakkhātā, aññathāpi.

Idāni taṃ aññathāpi dubbalyāvi-akmmaṃ, sikkhāya ca appaccakkhānaṃ
dassento “**atha vā panā**”ti-ādimāha. Taṃ sabbaṃ atthato uttānameva. Padato
panettha ādito paṭṭhāya “Buddhaṃ paccakkheyyaṃ. Dhammaṃ. Saṃghaṃ.
Sikkhaṃ. Vinayaṃ. Pātimokkhaṃ. Uddesaṃ. Upajjhāyaṃ. Ācariyaṃ.
Saddhivihārikaṃ. Antevāsikaṃ.

Samānupajjhāyakaṃ. Samānācariyakaṃ. Sabrahamcāriṃ paccakkheyyan”ti imāni cuddasa padāni paccakkhānākārena vuttāni.

Gihī assanti-ādīni “gihī, upāsako, ārāmiko, sāmaṇero, titthiyo, titthiyasāvako, assamaṇo, asakyaputtiyo assan”ti imāni aṭṭha padāni “assan”ti iminā bhāvavikappākārena vuttāni. Evaṃ “yannūnāhan”ti iminā paṭisaṃyuttāni dvāvīsati padāni.

46. Yathā ca etāni, evaṃ “yadi panāhaṃ, apāhaṃ, handāhaṃ, hoti me”ti imesu ekamekena paṭisaṃyuttāni dvāvīsati sabbāneva satañca dasa ca padāni honti.

47. Tato paraṃ saritabbavatthudassananayena pavattāni “mātaraṃ sarāmī”ti-ādīni sattarasa padāni. Tattha **khettanti** sālikhettādīṃ. **Vatthunti** tiṇapaṇṇasākaphalāphalasamuṭṭhānaṭṭhānaṃ. **Sippanti** kumbhakārapesakārasippādikaṃ.

48. Tato paraṃ sakiñcanasapalibodhabhāvadassanavasena pavattāni “mātā me atthi, sā mayā posetabbā”ti-ādīni nava padāni.

49. Tato paraṃ sanissayasappatiṭṭhabhāvadassanavasena pavattāni “mātā me atthi, sā maṃ posessatī”ti-ādīni soḷasa padāni.

50. Tato paraṃ ekabhatta-ekaseyyabrahamcariyānaṃ dukkarabhāvadassanavasena pavattāni “dukkan”ti-ādīni aṭṭha padāni.

Tattha **dukkaranti** ekabhattādīnaṃ karaṇe dukkarataṃ dasseti. **Na sukaranti** sukarabhāvaṃ paṭikkhipati. Evaṃ **duccaraṃ na sucaranti** ettha. **Na ussahāmīti** tattha ussāhābhāvaṃ asakkuṇeyyataṃ dasseti. **Na visahāmīti** asayhataṃ dasseti. **Na ramāmīti** ratiyā abhāvaṃ dasseti. **Nābhiramāmīti** abhiratiyā abhāvaṃ dasseti. Evaṃ imāni ca paññāsa, purimāni ca dasuttarasatanti saṭṭhisataṃ padāni dubbalyāvikkammavāre vuttānīti veditabbāni.

51. Sikkhāpaccakkhānavārepi “kathañca bhikkhave”ti-ādi sabbaṃ atthato uttānameva. Padato panetthāpi “Buddhaṃ paccakkhāmi. Dhammaṃ. Saṃghaṃ. Sikkhaṃ. Vinayaṃ. Pātimokkhaṃ. Uddesaṃ. Upajjhāyaṃ. Ācariyaṃ. Saddhivihārikaṃ. Antevāsikaṃ. Samānupajjhāyakaṃ. Samānācariyakaṃ. Sabrahmacāriṃ paccakkhāmi”ti imāni cuddasa padāni sikkhāpaccakkhānavacanasambandhena pavattāni. Sabbapadesu ca “**vadati viññāpeti**”ti vacanassa ayamattho—vacībhedaṃ katvā vadati, yassa ca vadati taṃ teneva vacībhedena “ayaṃ sāsanaṃ jahitukāmo sāsanaṃ muccitukāmo bhikkhubhāvaṃ cajitukāmo imaṃ vākyabhedaṃ karotī”ti viññāpeti sāveti jānāpeti.

Sace panāyaṃ “Buddhaṃ paccakkhāmi”ti vattukāmo padapaccābhaṭṭhaṃ katvā “paccakkhāmi Buddhaṃ”ti vā vadeyya. Milakkhabhāsāsu vā aññatarabhāsāya tamatthaṃ vadeyya. “Buddhaṃ paccakkhāmi”ti vattukāmo uppaṭipāṭiyā “dhammaṃ paccakkhāmi”ti vā “sabhmacāriṃ paccakkhāmi”ti vā vadeyya, seyyathāpi uttarimanussadhammavibhaṅge “paṭhamaṃ jhānaṃ samāpajjāmi”ti vattukāmo “dutiyaṃ jhānaṃ”ti vadati. Sace yassa vadati, so “ayaṃ bhikkhubhāvaṃ cajitukāmo etamatthaṃ vadati”ti ettakamattampi jānāti, viraddhaṃ nāma natthi, khettameva otiṇṇaṃ. Paccakkhātāva hoti sikkhā. Sakkattā vā brahmattā vā cutasatto viya cutova hoti sāsanaṃ.

Sace pana “Buddhaṃ paccakkhin”ti vā, “Buddhaṃ paccakkhissāmi”ti vā, “Buddhaṃ paccakkheyyaṃ”ti vāti atītānāgataparikkappavacanehi vadati, dūtaṃ vā paṇḍitāni, sāsanaṃ vā peseti, akkharaṃ vā chindati, hatthamuddāya vā tamatthaṃ āroceti, appaccakkhātā hoti sikkhā.

Uttarimanussadhammārocanaṃ pana hatthamuddāyapi sīsaṃ eti. Sikkhāpaccakkhānaṃ manussajātikasattassa santike cittasampayuttaṃ vacībhedaṃ karontasseva sīsaṃ eti. Vacībhedaṃ katvā viññāpentopi ca yadi “ayameva jānātū”ti ekaṃ niyamevā āroceti, tañca soyeva jānāti, paccakkhātā hoti sikkhā. Atha so na jānāti, añño samīpe ṭhito jānāti, appaccakkhātā hoti sikkhā. Atha dvinnaṃ ṭhitaṭṭhāne dvinnampi niyamevā “etesāni ārocemi”ti vadati, tesu ekasmiṃ jānantepi dvīsu jānantesupi paccakkhātāva hoti sikkhā. Evaṃ sambahulesupiveditabbaṃ.

Sace pana anabhiratiyā pīḷito sabhāge bhikkhū parisāṅkamāno “yo koci jānātū”ti uccasaddam karonto “Buddham paccakkhāmī”ti vadati, tañca avidūre ṭhito navakammiko¹ vā añño vā samayaññū puriso sutvā “ukkaṇṭhito ayam samaṇo gihibhāvaṃ pattheti sāsano cuto”ti jānāti, paccakkhātāva hoti sikkhā. Taṅkhaṇaṇṇeva pana apubbam acarimam dujjānam, sace āvajjanasamaye jānāti, yathā pakatiyā loke manussā vacanam sutvā jānanti, paccakkhātā hoti sikkhā. Atha aparabhāge “kiṃ iminā vuttan”ti kaṅkhanto cirena jānāti, appaccakkhātā hoti sikkhā. Idañhi sikkhāpaccakkhānañca upari Abhūtarocanaduṭṭhullavācā-attakāmaduṭṭhadosabhūtārocanasikkhāpadāni ca ekaparicchedāni. Āvajjanasamaye ñāte eva sīsam enti, “kiṃ ayam bhaṇati”ti kaṅkhātā cirena ñāte sīsam na enti. Yathā cāyaṃ “Buddham paccakkhāmī”ti pade vinicchaye vutto, evaṃ sabbapadesu vedītabbo.

Yasmā ca yadā sikkhā paccakkhātā hoti, tadā “yannūnāham Buddham paccakkheyyan”ti-ādīni avadatāpi dubbalyam āvikatameva hoti, tasmā sabbesaṃ padānam avasāne vuttam **“evampi bhikkhave dubbalyāvikammañceva hoti sikkhā ca paccakkhātā”**ti.

Tato param **gihīti mam dhārehī**ti ettha sacepi “gihī bhavissāmi”ti vā “gihī homī”ti vā “gihī jātomhī”ti vā “gihimhī”ti vā vadati, appaccakkhātā hoti sikkhā. Sace pana “ajja paṭṭhāya gihīti mam dhārehī”ti vā “jānāhī”ti vā “sañjānāhī”ti vā “manasi karohī”ti vā vadati, ariyakena vā vadati milakkhakena vā. Evametasmim atthe vutte yassa vadati, sace so jānāti, paccakkhātā hoti sikkhā. Esa nayo sesesupi “upāsako”ti-ādīsu sattasu padesu. Evaṃ imāni ca aṭṭha, purimāni ca cuddasāti dvāvīsati padāni honti.

52. Ito param purimāneva cuddasa padāni “alam me kiṃ nu me, na mamattho, sumuttāhan”ti imehi catūhi yojetvā vuttāni chappaññāsa honti. Tattha **alanti** hotu, pariyattanti attho. **Kiṃ nu meti** kiṃ mayham kiccaṃ kiṃ karaṇīyam, kiṃ sādhetabbanti attho. **Na mamattho**ti natthi mama

1. Vanakammiko (Syā)

attho. **Sumuttāhanti** sumutto ahaṃ. Sesemettha vuttanayameva. Evaṃ imāni ca chappaññāsa, purimāni ca dvāvīsati ti aṭṭhasattati padāni sarūpeneva vuttāni.

53. Yasmā pana tesam vevacanehipi sikkhāpaccakkhānam hoti, tasmā “**yāni vā panaññānipī**”ti-ādimāha. Tattha **yāni vā panaññānipī**ti Pāliyaṃ “Buddhan”ti-ādīni āgatapadāni ṭhapetvā yāni aññāni atthi. **Buddhavevacanāni vā**ti Buddhassa vā pariyāyanāmāni -pa- asakyaputtīyassa vā. Tattha vaṇṇapaṭṭhāne āgataṃ nāmasahassam, upāligāthāsu¹ nāmasataṃ, aññāni ca guṇato labbhamānāni nāmāni “Buddhavevacanāni”ti veditabbāni. Sabbānipi dhammassa nāmāni “dhammavevacanāni”ti veditabbāni. Esa nayo sabbattha.

Yaṃ panettha yojanā—**Buddham paccakkhāmī**ti na vevacanena paccakkhānam, yathārutameva. “Sammāsambuddham paccakkhāmi. Anantabuddham. Anomabuddhim. Bodhipaññānam. Dhīram. Vigatamohaṃ. Pabhinnakhīlam. Vijitavijayaṃ paccakkhāmī”ti evamādi buddhavevacanena sikkhāpaccakkhānam.

Dhammam paccakkhāmīti na vevacanena paccakkhānam, yathārutameva. “Svākkhātam dhammam paccakkhāmi. Sandiṭṭhikam. Akālikam. Ehipassikam. Opaneyyikam. Paccattam veditabbam viññūhi dhammam paccakkhāmi. Asaṅkhataṃ dhammam paccakkhāmi. Virāgam. Nirodham. Amataṃ dhammam paccakkhāmi. Dīghanikāyaṃ paccakkhāmi. Brahmajālam. Majjhimanikāyaṃ. Mūlapariyāyaṃ. Saṃyuttanikāyaṃ. Oghataraṇam. Aṅguttaranikāyaṃ. Cittapariyādānam. Khuddakanikāyaṃ. Jātakam. Abhidhammam. Kusalam dhammam. Akusalam dhammam. Abyākataṃ dhammam. Satipaṭṭhānam. Sammappadhānam. Iddhipādānam. Indriyam. Balam. Bojjhaṅgam. Maggam. Phalam. Nibbānam paccakkhāmī”ti caturāsītidhammakkhandhasahassesu ekadhammakkhandhassapi nāmaṃ dhammavevacanameva. Evaṃ dhammavevacanena sikkhāpaccakkhānam hoti.

Samgham paccakkhāmīti na vevacanena paccakkhānam. “Suppaṭipannam samgham paccakkhāmi. Ujuppaṭipannam. Nāyappaṭipannam. Sāmīcippaṭipannam samgham. Catupurisayugam samgham. Aṭṭhapurisapuggalam samgham. Āhuneyyam samgham. Pāhuneyyam. Dakkhiṇeyyam. Añjalikaraṇīyam. Anuttaram puññakkhettam samgham paccakkhāmī”ti evam samghavevacanena sikkhāpaccakkhānam hoti.

1. Ma 2. 48 piṭṭhe Upālisutte.

Sikkhaṃ paccakkhāmīti na vevacanena paccakkhānaṃ.

“Bhikkhusikkhaṃ paccakkhāmi. Bhikkhunīsikkhaṃ. Adhisīlasikkhaṃ. Adhicittasikkhaṃ. Adhipaññāsikkhaṃ paccakkhāmī”ti evaṃ sikkhāvevacanena sikkhāpaccakkhānaṃ hoti.

Vinayaṃ paccakkhāmīti na vevacanena paccakkhānaṃ.

“Bhikkhuvinayaṃ paccakkhāmi. Bhikkhunīvinayaṃ. Paṭhamaṃ pārājikaṃ. Dutiyāṃ. Tatiyāṃ. Catutthaṃ pārājikaṃ. Saṃghādisesaṃ. Thullaccayaṃ. Pācittiyāṃ. Pāṭidesanīyāṃ. Dukkaṭaṃ. Dubbhāsitaṃ paccakkhāmī”ti evamādivinayavevacanena sikkhāpaccakkhānaṃ hoti.

Pātimokkhaṃ paccakkhāmīti na vevacanena paccakkhānaṃ.

“Bhikkhupātimokkhaṃ. Bhikkhunīpātimokkhaṃ paccakkhāmī”ti evaṃ Pātimokkhavevacanena sikkhāpaccakkhānaṃ hoti.

Uddesaṃ paccakkhāmīti na vevacanena paccakkhānaṃ.

“Bhikkhupātimokkhuddesaṃ. Bhikkhunīpātimokkhuddesaṃ. Paṭhamaṃ Pātimokkhuddesaṃ. Dutiyāṃ. Tatiyāṃ. Catutthaṃ. Pañcamaṃ Pātimokkhuddesaṃ. Sammāsambuddhuddesaṃ. Anantabuddhi-uddesaṃ. Anomabuddhi-uddesaṃ. Bodhipaññāṇuddesaṃ. Dhīruddesaṃ. Vigatamohuddesaṃ. Pabhinnakhīluddesaṃ. Vijitavijayuddesaṃ paccakkhāmī”ti evamādi-uddesavevacanena sikkhāpaccakkhānaṃ hoti.

Upajjhāyaṃ paccakkhāmīti na vevacanena paccakkhānaṃ. “Yo maṃ pabbājesi. Yo maṃ upasampādesi. Yassa mūlenāhaṃ pabbajito. Yassa mūlenāhaṃ upasampanno. Yassamūlikā mayhaṃ pabbajjā. Yassamūlikā mayhaṃ upasampadā, tāhaṃ paccakkhāmī”ti evaṃ upajjhāyavevacanena sikkhāpaccakkhānaṃ hoti.

Ācariyaṃ paccakkhāmīti na vevacanena paccakkhānaṃ. “Yo maṃ pabbājesi. Yo maṃ anussāvesi. Yāhaṃ nissāya vasāmi. Yāhaṃ uddisāpemi. Yāhaṃ paripucchāmi. Yo maṃ uddisati. Yo maṃ paripucchāpeti, tāhaṃ paccakkhāmī”ti evaṃ ācariyavevacanena sikkhāpaccakkhānaṃ hoti.

Saddhivihārikaṃ paccakkhāmīti na vevacanena paccakkhānaṃ.

“Yāhaṃ pabbājesiṃ. Yāhaṃ upasampādesiṃ. Mayhaṃ mūlena yo pabbajito. Mayhaṃ mūlena yo upasampanno. Mayhammūlikā yassa pabbajjā. Mayhammūlikā yassa upasampadā, tāhaṃ paccakkhāmī”ti evaṃ saddhivihārikavevacanena sikkhāpaccakkhānaṃ hoti.

Antevāsikaṃ paccakkhāmīti na vevacanena paccakkhānaṃ. “Yāhaṃ pabbājesiṃ. Yāhaṃ anussāvesiṃ. Yo maṃ nissāya vasati. Yo maṃ uddisāpeti. Yo maṃ paripucchati. Yassāhaṃ uddisāmi. Yāhaṃ paripucchāpemi, taṃ paccakkhāmī”ti evaṃ antevāsikavevacanena sikkhāpaccakkhānaṃ hoti.

Samānupajjhāyakaṃ paccakkhāmīti na vevacanena paccakkhānaṃ. “Mayhaṃ upajjhāyo yaṃ pabbājesi. Yaṃ upasampādesi. Yo tassa mūlena pabbajito. Yo tassa mūlena upasampanno. Yassa tammūlikā pabbajjā. Yassa tammūlikā upasampadā, taṃ paccakkhāmī”ti evaṃ samānupajjhāyakavevacanena sikkhāpaccakkhānaṃ hoti.

Samānācariyakaṃ paccakkhāmīti na vevacanena paccakkhānaṃ. “Mayhaṃ ācariyo yaṃ pabbājesi. Yaṃ anussāvesi. Yo taṃ nissāya vasati. Yo taṃ uddisāpeti. Paripucchati. Yassa me ācariyo uddisati. Yaṃ paripucchāpeti, taṃ paccakkhāmī”ti evaṃ samānācariyakavevacanena sikkhāpaccakkhānaṃ hoti.

Sabrahmacāriṃ paccakkhāmīti na vevacanena paccakkhānaṃ. “Yenāhaṃ saddhiṃ adhisīlaṃ sikkhāmi. Adhicittaṃ. Adhipaññaṃ sikkhāmi, taṃ paccakkhāmī”ti evaṃ sabrahmacārivevacanena sikkhāpaccakkhānaṃ hoti.

Gihīti maṃ dhārehīti na vevacanena paccakkhānaṃ. “Āgārikoti maṃ dhārehi. Kassako. Vāṇijo. Gorakkho. Okallako¹. Moḷibaddho. Kamaguṇikoti maṃ dhārehī”ti evaṃ gihivevacanena sikkhāpaccakkhānaṃ hoti.

Upāsakoti maṃ dhārehīti na vevacanena paccakkhānaṃ. “Dvēvāciko upāsakoti maṃ dhārehi. Tevāciko upāsako. Buddhaṃ saraṇagamaniko. Dhammaṃ. Saṃghaṃ saraṇagamaniko. Pañcasikkhāpadiko. Dasasikkhāpadiko upāsakoti maṃ dhārehī”ti evaṃ upāsakavevacanena sikkhāpaccakkhānaṃ hoti.

Ārāmīkoti maṃ dhārehīti na vevacanena paccakkhānaṃ. “Kappiyakārakoti maṃ dhārehi. Veyyāvaccakaro. Appaharitakāraṅko.

1. Otallako (Sī), ogallako (Syā)

Yāgubhājako. Phalabhājako. Khajjakabhājako maṃ dhārehi”ti evaṃ āramikavevacanena sikkhāpaccakkhānaṃ hoti.

Sāmaṇeroti maṃ dhārehiti na vevacanena paccakkhānaṃ. “Kumārakoti maṃ dhārehi. Cellako. Ceṭako. Moḷigallo¹. Samaṇuddesoti maṃ dhārehi”ti evaṃ sāmaṇeravevacanena sikkhāpaccakkhānaṃ hoti.

Titthiyoti maṃ dhārehiti na vevacanena paccakkhānaṃ. “Nigaṇṭhoti maṃ dhārehi. Ājīvako. Tāpaso. Paribbājako. Paṇḍaraṅgoti maṃ dhārehi”ti evaṃ titthiyavevacanena sikkhāpaccakkhānaṃ hoti.

Titthiyasāvakoti maṃ dhārehiti na vevacanena paccakkhānaṃ. “Nigaṇṭhasāvakoti maṃ dhārehi. Ājīvaka. Tāpasa. Paribbājaka. Paṇḍaraṅgasāvakoti maṃ dhārehi”ti evaṃ titthiyasāvakavevacanena sikkhāpaccakkhānaṃ hoti.

Assamaṇoti maṃ dhārehiti na vevacanena paccakkhānaṃ. “Dussīloti maṃ dhārehi. Pāpadhammo. Asucisaṅkassarasamācāro. Paṭicchannakammanto. Assamaṇo samaṇapaṭiñño. Abrahmacārī brahmacāripaṭiñño. Antopūti. Avassuto. Kasambujāto. Koṇṭhoti² maṃ dhārehi”ti evaṃ assamaṇavevacanena sikkhāpaccakkhānaṃ hoti.

Asakyaputtiyoti maṃ dhārehiti na vevacanena paccakkhānaṃ. “Na Sammāsambuddhaputtoti maṃ dhārehi. Na anantabuddhiputto. Na anomabuddhiputto. Na bodhipaññāputto. Na dhīraputto. Na vigatamohaputto. Na pabhinnakhīlaputto. Na vijitavijayaputtoti maṃ dhārehi”ti evaṃ asakyaputtiyavevacanena sikkhāpaccakkhānaṃ hoti.

Tehi ākārehi tehi līngehi tehi nimittehiti tehi “Buddhavevacanāni vā”ti-ādinā nayena vuttehi Buddhādīnaṃ vevacanehi. Vevacanāni hi sikkhāpaccakkhānassa kāraṇattā **ākārāni**, Buddhādīnaṃ saṅṭhānadīpanattā, sikkhāpaccakkhānasaṅṭhānattā eva vā **līngāni**, sikkhāpaccakkhānassa sañjānanahetuto manussānaṃ tilakādīni viya **nimittāni**

1. Monigallo (Sī), moṇigallo (Syā), moḷikatto (Ka) Vi 3. 119 piṭṭhe passitabbari.

2. Koṇḍoti (Sī, Syā)

vuccanti. **Evam̐ kho bhikkhavi** ito param̐ aññassa sikkhāpaccakkhānakāraṇassa abhāvato niyamento āha. Ayaṃ hettha attho, evameva dubbalyāvīkammañceva hoti sikkhāpaccakkhānañca, na ito param̐ kāraṇamatthīti.

54. Evam̐ sikkhāpaccakkhānalakkaṇaṃ dassetvā appaccakkhāne asammohatthaṃ, tasseva ca sikkhāpaccakkhānalakkaṇassa puggalādivasena vipattidassanattaṃ “**kathañca bhikkhave appaccakkhātā**”ti-ādimāha. Tattha **yehi ākārehīti**-ādi vuttanayameva. **Ummattakoti** yakkhumattako vā pittummattako vā yo koci viparītasāñño, so sace paccakkhāti, appaccakkhātā hoti sikkhā. **Ummattakassāti** tādisasseva ummattakassa. Tādisassa hi santike sace pakatatto sikkhaṃ paccakkhāti, ummattako na jānāti, appaccakkhātāva hoti sikkhā. **Khittacittoti** yakkhumattako vuccati. Purimapade pana ummattakasāmaññena vuttaṃ “yakkhumattako vā pittummattako vā”ti. Ubhinnampi viseso anāpattivāre āvi bhavissati. Evam̐ khittacitto sikkhaṃ paccakkhāti, appaccakkhātāva hoti. Tassa santike paccakkhātāpi tamhi ajānante appaccakkhātāva hoti.

Vedanāṭṭobhi balavatiyā dukkhavedanāya phuṭṭho mucchāpareto, tena vilapantena paccakkhātāpi appaccakkhātāva hoti. Tassa santike paccakkhātāpi tamhi ajānante appaccakkhātā hoti.

Devatāya santiketi bhummadevataṃ ādim̐ katvā yāva akanitṭhadevatāya santike paccakkhātāpi appaccakkhātāva hoti. **Tiracchānagatassāti** nāgamāṇavakassa vā supaṇṇamāṇavakassa vā kinnarahatthimakkaṭṭādīnaṃ vā yassa kassaci santike paccakkhātāpi appaccakkhātāva hoti. Tatra ummattakādīnaṃ santike ajānanabhāvena “appaccakkhātā”ti āha. Devatāya santike atikhippaṃ jānanabhāvena. Devatā nāma mahāpaññā tihetukapaṭisandhikā atikhippaṃ jānanti, cittañca nāmetaṃ lahuparivattaṃ. Tasmā cittalahukassa puggalassa cittavaseneva mā atikhippaṃ vināso ahoṣīti devatāya santike sikkhāpaccakkhānaṃ paṭikkhipi.

Manussesu pana niyamo natthi. Yassa kassaci sabhāgassa vā visabhāgassa vā gahaṭṭhassa gā pabbajitassa vā viññussa santike paccakkhātā

paccakkhātāva hoti. Sace pana so na jānāti, appaccakkhātāva hotīti etamattham dassento “**ariyakenā**”ti-ādimāha. Tattha **ariyakam** nāma ariyavohāro māgadhabhāsā. **Milakkhakam** nāma yo koci anariyako andhadamiḷādi. **So ca na paṭivijānātīti** bhāsantare vā anabhiññatāya, Buddhasamaye vā akovidatāya “idaṃ nāma attham esa bhaṇatī”ti nappaṭivijānāti. **Davāyāti** sahasā aññaṃ bhaṇitukāmo sahasā “Buddham paccakkhāmī”ti bhaṇati. **Ravāyāti** ravābhaññaena “aññaṃ bhaṇissāmī”ti aññaṃ bhaṇanto. Purimena ko visesoti ce. Purimaṃ paṇḍitassāpi sahasāvasena aññabhaṇanaṃ. Idaṃ pana mandattā momūhattā apakataññuttā pakkhalantassa “aññaṃ bhaṇissāmī”ti aññabhaṇanaṃ.

Asāvetukāmo sāvetīti imassa sikkhāpadassa Pāḷim vāceti, paripucchati, uggaṇhāti, sajjhāyaṃ karoti, vaṇṇeti, ayaṃ vuccati “asāvetukāmo sāvetī”ti. **Sāvetukāmo na sāvetīti** dubbalabhāvaṃ āvikatvā sikkham paccakkhanto vacībhedam na karoti, ayaṃ vuccati “sāvetukāmo na sāvetī”ti. **Aviññussa sāvetīti** mahallakassa vā potthakarūpasadisassa, garumedhassa vā samaye akovidassa, gāmadārakānaṃ vā aviññutaṃ pattānaṃ sāveti. **Viññussa na sāvetīti** paṇḍitassa nāturaṃ samatthassa na sāveti. **Sabbaso vā panāti** “Buddham paccakkhāmī”ti-ādīsu yena pariyāyena sikkhā paccakkhātā hoti, tato ekampi vacībhedam katvā na sāveti. **Evaṃ khoti** appaccakkhānalakkhaṇaṃ niyameṭi. Ayaṃ hettha attho—evameva sikkhā appaccakkhātā hoti, na aññaena kāraṇenāti.

Sikkhāpaccakkhānavibhaṅgaṃ niṭṭhitaṃ.

Mūlapaññattivāṇṇā

55. Idāni “**methunaṃ dhammaṃ paṭiseveyyā**”ti-ādīnaṃ atthadassanattham “**methunadhammo nāmā**”ti-ādimāha. Tattha **methunadhammo nāmāti** idaṃ niddisitabbassa methunadhammassa uddesapadaṃ. **Asaddhammoti** asataṃ nīcajanānaṃ

dhammo. **Gāmadhammoti** gā mavāsīnaṃ sevanadhammo. **Vasaladhammoti** vasalānaṃ dhammo, kilesavassanato vā sayameva vasalo dhammoti vasaladhammo. **Duṭṭhullanti** duṭṭhuñca kilesehi duṭṭhattā, thūlañca anipuṇabhāvatoti duṭṭhullaṃ. Ito paṭṭhāya ca tīsu padesu “yo so”ti idaṃ parivattetvā “yaṃ taṃ”ti katvā yojetabbaṃ “yaṃ taṃ duṭṭhullaṃ, yaṃ taṃ odakantikaṃ, yaṃ taṃ rahassaṃ”ti. Ettha ca yasmā tassa kammaṃ parivārabhūtaṃ dassanampi gahaṇampi āmasanampi phusanampi ghaṭṭanampi duṭṭhullaṃ, tasmāpi taṃ kammaṃ duṭṭhullaṃ. Yaṃ taṃ duṭṭhullaṃ, so methunadhammo. Udaṃ assa ante suddhatthaṃ ādīyatīti udakantaṃ, udakantameva **odakantikaṃ**, yaṃ taṃ odakantikaṃ, so methunadhammo. Raho paṭicchanne okāse kattabbatāya **rahassaṃ**, yaṃ taṃ rahassaṃ, so methunadhammoti evaṃ yojanā veditabbā.

Dvayena dvayena samāpajjitabbato **dvayaṃdvayasamāpatti**. Tattha yojanā “yā sā dvayaṃdvayasamāpatti, so methunadhammo nāmā”ti. Idha pana taṃ sabbaṃ ekajjhaṃ nigamento āha “**eso methunadhammo nāmā**”ti. Kim kāraṇā vuccati methunadhammoti? Ubhinnaṃ rattānaṃ sārattānaṃ avassutānaṃ pariyuṭṭhitānaṃ ubhinnaṃ sadisānaṃ dhammoti taṃkāraṇā vuccati methunadhammoti.

“**Paṭisevati nāmā**”ti idaṃ “paṭiseveyyā”ti ettha yenākārena paṭiseveyyāti vuccati, tassākārassa dassanatthaṃ mātikāpadaṃ. **Yo nittena nimittanti-** ādīsu yo bhikkhu itthiyā nimittena attano nimittaṃ itthiyā aṅgajātena attano aṅgajātaṃ sabbantimena pamāṇena ekatilabījātamattampi vātena asamphuṭṭhe allokāse paveseti, eso paṭisevati nāma. Ettakena sīlabhedam pāpuṇāti, pārājiko hoti.

Ettha ca itthinimitte cattāri passāni, vemajjhañcāti pañca ṭhānāni labbhanti. Purisanimitte cattāri passāni, majjhaṃ, upari cāti cha. Tasmā itthinimitte heṭṭhā pavesentopi pārājiko hoti, uparito pavesentopi, ubhohi passehi pavesentopi, cattāri ṭhānāni muñcitvā majjhena pavesentopi pārājiko hoti. Purisanimittaṃ pana heṭṭhābhāgena chupantaṃ pavesentopi pārājiko hoti, uparibhāgena chupantaṃ pavesentopi, ubhohi passehi chupantaṃ pavesentopi, majjheneva chupantaṃ pavesentopi samañchitaṅgulim viya majjhimapabbapiṭṭhiyā saṅkocetvā uparibhāgena chupantaṃ

pavesentopi pārājiko hoti. Tattha tulādaṇḍasadisam pavesentassāpi cattāri passāni, majjhañcāti pañca ṭhānāni, saṅkocetvā pavesentassāpi cattāri passāni, uparibhāgamajjhañcāti pañca ṭhānāni, evam sabbānīpi purisanimitte dasa ṭhānāni honti.

Nimutte jātam anattakāyappasādam cammakhīlam vā piḷakam¹ vā paveseti, āpatti pārājikassa. Natthakāyappasādam matacammam vā sukkhapiḷakam vā paveseti, āpatti dukkaṭassa. Methunassādena lomam vā aṅguli-aṅguṭṭhabījādīni vā pavesentassāpi dukkaṭameva. Ayañca methunakathā nāma yasmā duṭṭhullā kathā asabbhikathā, tasmā etam vā aññam vā vinaye īdisam ṭhānam kathentena paṭikkūlamanasikārañca samaṇasaññāñca hirottappañca paccupaṭṭhapetvā Sammāsambuddhe gāravam uppādetvā asamakāruṇikassa Lokanāthassa karuṇāguṇam āvajjetvā kathetabbam. So hi nāma Bhagavā sabbaso kāmehi vinivattamānasopi sattānuddayāya lokānukampāya sattesu kāruṇṇītam paṭicca sikkhāpadapaññāpanatthāya īdisam katham kathesi, aho Satthu karuṇāguṇoti evam Lokanāthassa karuṇāguṇam āvajjetvā kathetabbam.

Apica yadī Bhagavā sabbākārena īdisam katham na katheyya, ko jāneyya “ettakesu ṭhānesu pārājikam, ettakesu thullaccayam, ettakesu dukkaṭan”ti. Tasmā suṇantenapi kathentenapi bījakena mukham apidhāya dantavidarṇasakam hasamānena na nisīditabbam, Sammāsambuddhenāpi īdisam kathitanti paccavekkhitvā gabbhitena² hirottappasampannena Satthupaṭibhāgena hutvā kathetabbanti.

Mūlapaññattam niṭṭhitam.

Anupaññattivāre **antamasoti** sabbantimena paricchena.

Tiracchānagatāyapīti paṭisandhivasena tiracchānesu gatāyapi. **Pageva manussitthiyāti** paṭhamataram manussajātikāya itthiyā. Pārājikavatthubhūtā eva cettha tiracchānagatitthī tiracchānagatāti gahetabbā, na sabbā. Tatrāyam paricchedo—

1. Tilakam (Sī)

2. Gabbitena (Sī), tabbhitena (Syā)

Apadānaṃ ahimacchā, dvīpadānañca kukkuṭī.

Catuppadānaṃ majjārī, vatthu pārājikassimāti.

Tattha ahiggahaṇena sabbāpi ajagaragonasādibhedā dīghajāti saṅgahitā. Tasmā dīghajātīsu yattha tiṇṇaṃ maggānaṃ aññatarasmim sakkā tilaphalamattampi pavesetuṃ, sā pārājikavatthu. Avasesā dukkaṭavattthūti veditabbā. Macchaggahaṇena sabbāpi macchakacchapamaṇḍūkādibhedā odakajāti saṅgahitā. Tatrāpi dīghajātiyaṃ vuttanayeneva pārājikavatthu ca dukkaṭavattthu ca veditabbaṃ. Ayaṃ pana viseso—pataṅgamukhamaṇḍūkā¹ nāma honti, tesāṃ mukhasaṅṭhānaṃ mahantaṃ, chiddaṃ appakaṃ, tattha pavesanaṃ nappahoti, mukhasaṅṭhānaṃ pana vaṇasaṅkhepaṃ gacchati. Tasmā taṃ thullaccayavattthūti veditabbaṃ. Kukkuṭiggahaṇena sabbāpi kākakapotādibhedā pakkhijāti saṅgahitā. Tatrāpi vuttanayeneva pārājikavatthu ca dukkaṭavattthu ca veditabbaṃ. Majjāriggahaṇena sabbāpi rukkhasunakhamāṅgusagodhādibhedā catuppadajāti saṅgahitā. Tatrāpi vuttanayeneva pārājikavatthu ca dukkaṭavattthu ca veditabbaṃ.

Pārājikoti parājito, parājayam āpanno. Ayañhi pārājikasaddo sikkhāpadāpattipuggalesu vattati, tattha “aṭṭhānametaṃ Ānanda anavakāso yaṃ Tathāgato vajjīnaṃ vā vajjiputtakānaṃ vā kāraṇā sāvakānaṃ pārājikaṃ sikkhāpadaṃ paññattaṃ samūhaneyyā”²ti evaṃ sikkhāpade vattamāno veditabbo. “Āpattim tvaṃ bhikkhu āpanno pārājikaṃ”³ti evaṃ āpattiyam. “Na mayaṃ pārājikā, yo avahaṭo, so pārājiko”⁴ti evaṃ puggale vattamāno veditabbo. “Pārājikeṇa dhammena anuddhamseyyā”⁵ti-ādīsu⁵ pana dhamme vattatīti vadanti. Yasmā pana tattha dhammoti katthaci āpatti, katthaci sikkhāpadameva adhippetam, tasmā so visuṃ na vattabbo. Tattha sikkhāpadaṃ yo taṃ atikkamati, taṃ parājeti, tasmā pārājikanti vuccati. Āpatti pana yo naṃ ajjhāpajjati, taṃ parājeti, tasmā pārājikāti vuccati. Puggalo yasmā parājito parājayamāpanno, tasmā pārājikoti vuccati. Etameva hi atthaṃ sandhāya **Parivārepi**—

1. Baraṅkamukhamaṇḍūkā (Sī), kharakamukhamaṇḍūkā (Syā)

3. Vi 1. 42 piṭṭhādīsu.

4. Vi 1. 81 piṭṭhe.

2. Vi 1. 27 piṭṭhe.

5. Vi 1. 249 piṭṭhe.

“Pārājikanti yaṃ vuttaṃ, taṃ suṇohi yathātathaṃ.
Cuto paraddho bhaṭṭho ca, saddhammā hi niraṅkato.
Saṃvāsopi taḥiṃ natthi, tenetaṃ iti vuccatī”¹ti vuttaṃ.

Ayaṃ hettha attho—taṃ sikkhāpadaṃ vītikkamanto āpattiṅca āpanno puggalo cuto hotīti sabbam yojetabbam. **Tena vuccatīti** yena kāraṇena assamaṇo hoti asakyaputtiyo paribhaṭṭho chinno parājito sāsanato, tena vuccati, kinti? “Pārājiko hotī”ti.

Saha vasanti etthāti **saṃvāso**, taṃ dassetuṃ “**saṃvāso nāma**”ti vatvā “**ekakamma**”ti-ādimāha. Tatrāyaṃ saddhiṃ yojanāya vaṇṇanā—catubbidhampi saṃghakammaṃ sīmāparicchinnehi pakatattehi bhikkhūhi ekato kattabbattā **ekakammaṃ nāma**. Tathā pañcavidhopi Pātimokkhuddeso ekato uddisittabbattā **ekuddeso nāma**. Paññattaṃ pana sikkhāpadaṃ sabbehipi lajjipuggalehi samaṃ sikkhitabbabhāvato **samasikkhatā nāma**. Ettha yasmā sabbepi lajjino etesu kammādīsu saha vasanti, na ekopi tato bahiddhā sandissati, tasmā tāni sabbānipi gahetvā “**eso saṃvāso nāma**”ti āha. So ca vuttappakāro saṃvāso tena puggalena saddhiṃ natthi, tena kāraṇena so pārājiko puggalo “**asaṃvāso**”ti vuccatīti.

56. Evaṃ uddiṭṭhasikkhāpadaṃ padānukkamena vibhajitvā idāni yaṃ taṃ “paṭiseveyyā”ti ettha yenākārena paṭiseveyyāti vuccati, tassākārassa dassanattam “paṭisevati nāma”ti idaṃ mātikāpadaṃ ṭhapetvā “nimittena nimittam aṅgajātena aṅgajātan”ti vuttaṃ. Tattha yasmā na kevalaṃ itthiyā eva nimittam pārājikavatthu, na ca manussitthiyā eva, suvaṇṇarajatādimayānaṅca itthīnampi nimittam vatthumeva na hoti, tasmā yaṃ yaṃ vatthu hoti taṃ taṃ dassetuṃ “**tisso itthiyo**”ti-ādinā nayena yesaṃ nimittāni vatthūni honti, te satte vatvā “**manussitthiyā tayo magge**”ti-ādinā nayena tāni vatthūni āha.

Tattha tisso itthiyo, tayo ubhatobyañjanakā, tayo paṇḍakā, tayo purisāti pārājikavatthūnaṃ nimittānaṃ nissayā dvādasa

sattā honti. Tesu itthipurisā pākaṭā eva, paṇḍaka-ubhatobyañjanakabhedo **Pabbajjākhandhakavaṇṇanāyaṃ** pākaṭo bhavissati.

Manussitthiyā tayo magge methunaṃ dhammaṃ paṭisevantassāti ettha ca manussitthiyā tisu maggesūti attho veditabbo. Evaṃ sabbattha. Sabbe eva cete manussitthiyā tayo maggā, amanussitthiyā tayo, tiracchānagatitthiyā tayoti nava, manussa-ubhatobyañjanakādīnaṃ nava, manussapaṇḍakādīnaṃ dve dve katvā cha, tathā manussapurisādīnanti samatimsa maggā honti. Etesu nimittasaṅkhātesu yattha katthaci attano aṅgajātaṃ tilaphalamattampi pavesetvā methunaṃ dhammaṃ paṭisevanto pārājikaṃ āpajjati.

Paṭhamacatukkakathāvaṇṇanā

57. Āpajjanto pana yasmā sevanacitteneva āpajjati, na vinā tena, tasmā taṃ lakkhaṇaṃ dassento Bhagavā “**bhikkhussa sevanacittaṃ upaṭṭhite**”ti-ādimāha. Tattha **bhikkhassāti** methunasevanakassa bhikkhussa. **Sevanacittaṃ upaṭṭhiteti** bhummatthe paccattavacanaṃ, sevanacitte paccupaṭṭhiteti attho. **Vaccamaggaṃ aṅgajātaṃ pavesentassāti** yena maggena vaccaṃ nikkhamati, taṃ maggaṃ attano aṅgajātaṃ purisanimittaṃ tilaphalamattampi pavesentassa. **Āpatti pārājikassāti** āpatti pārājikā assa, hotīti attho. Atha vā **āpattīti** āpajjanaṃ hoti. **Pārājikassāti** pārājikadhammassa. Esa nayo sabbattha.

58. Evaṃ sevanacitteneva pavesentassa āpattiṃ dassetvā idāni yasmā taṃ pavesanaṃ nāma na kevalaṃ attūpakkameneva, parūpakkamenāpi hoti, tatrāpi ca sādiyantasseva āpatti paṭisevanacittasamaṅgissa, na itarassa, tasmā ye saddhāpabbajitā kulaputtā sammāpaṭipannaṃ parūpakkamena pavesanepi sati na sādiyanti, tesāṃ rakkhaṇatthaṃ “**bhikkhupaccatthikā manussitthin**”ti-ādimāha.

Tattha paṭipakkaṃ atthayanti icchantīti **paccatthikā**, bhikkhū eva paccatthikā **bhikkhupaccatthikā**, visabhāgānaṃ veribhikkhūnametaṃ adhivacanaṃ. **Manussitthin bhikkhussa santike ānetvāti** issāpakatā taṃ bhikkhuṃ nāsetukāmā āmisena vā upalāpetvā mittasanthavavasena vā “idaṃ amhākaṃ

kiccaṃ karohī”ti vatvā kañci manussitthiṃ rattibhāge tassa bhikkhussa vasanokāsaṃ ānetvā. **Vaccamaggena aṅgajātaṃ abhinisīdentī** taṃ bhikkhuṃ hatthapādasīsādīsu suggahitaṃ nipparipphandaṃ gahetvā itthiyā vaccamaggena tassa bhikkhuno aṅgajātaṃ abhinisīdenti, sampayojentīti attho.

So ceti-ādīsu so ce bhikkhu vaccamaggabbhantaraṃ attano aṅgajātassa pavesanaṃ sādīyati adhivāseti, tasmim̄ khaṇe sevanacittaṃ upaṭṭhāpeti. Paviṭṭhaṃ sādīyati adhivāseti, pavīṭṭhakāle sevanacittaṃ upaṭṭhāpeti. Ṭhitaṃ sādīyati adhivāseti, ṭhānappattakāle sukkavissaṭṭhisamaye sevanacittaṃ upaṭṭhāpeti. Uddharaṇaṃ sādīyati adhivāseti, nīharaṇakāle paṭisevanacittaṃ upaṭṭhāpeti. Evaṃ catūsū ṭhānesu sādīyanto “mama verisamaṇehi idaṃ katan”ti vattum̄ na labhati, pārājikāpattimeva āpajjati. Yathā ca imāni cattāri sādīyanto āpajjati, evaṃ purimaṃ ekaṃ asādīyitvā tīṇi sādīyantopi, dve asādīyitvā dve sādīyantopi, tīṇi asādīyitvā ekaṃ sādīyantopi āpajjatiyeva. Sabbaso pana asādīyanto āsīvisamukhaṃ viya, aṅgārakāsum̄ viya ca pavīṭṭhaṃ aṅgajātaṃ maññamāno nāpajjati. Tena vuttaṃ “**pavesanaṃ na sādīyati -pa- uddharaṇaṃ na sādīyati, anāpattī**”ti. Imañhi evarūpaṃ āraddhavipassakaṃ kāye ca jīvite ca anapekkhaṃ ekādasahi aggīhi sampajjalitāni ca sabbāyatanāni¹ ukkhittāsike viya ca vadhake pañca kāmagaṇe passantaṃ puggalaṃ rakkhanto Bhagavā paccatthikānañcassa manorathaviḡhātaṃ karonto imaṃ “pavesanaṃ na sādīyatī”ti-ādikaṃ catukkaṃ nīharitvā ṭhapesīti.

Paṭhamacatukkakathā niṭṭhitā.

Ekūnasattatidvisatacatukkakathā

59-60. Evaṃ paṭhamacatukkaṃ dassetvā idāni yasmā bhikkhupaccatthikā itthiṃ ānetvā na kevalaṃ vaccamaggeneva abhinisīdenti, atha kho passāvamaggenapi mukhenapi. Itthiṃ ānetvāpi ca keci jāgarantiṃ ānenti. Keci

1. Sabbāyatanāni upaṭṭhahanta (Sī)

suttaṃ. Keci mattaṃ. Keci ummattaṃ. Keci **pamattaṃ**, aññavihitaṃ vikkhittacittanti attho. Keci **mataṃ akkhāyitaṃ**, soṇasiṅgālādīhi akkhāyitanimittanti attho. Keci **mataṃ yebhuyyena akkhāyitaṃ**, yebhuyyena akkhāyitā nāma yassā nimitte vaccamagge, passāvamagge, mukhe vā bahutaro okāso akkhāyito hoti. Keci **mataṃ yebhuyyena khāyitaṃ**, yebhuyyena khāyitā nāma yassā vaccamaggādike nimitte bahum khāyitaṃ hoti appaṃ akkhāyitaṃ. Na kevalañca manussitthimeva ānenti, atha kho amanussitthimpi tiracchānagatitthimpi. Na kevalañca vuttappakāraṃ itthimeva, ubhatobyañjanakampi paṇḍakampi purisampi ānenti. Tasmā tesam vasena aññānipi catukkāni dassento “**bhikkhupaccatthikā manussitthim jāgarantin**”ti-ādimāha.

Tattha Pāḷiyā asammohatthaṃ vuttacatukkāni evaṃ saṅkhyāto veditabbāni—manussitthiyā tiṇṇaṃ maggānaṃ vasena tīṇi suddhikacatukkāni, tīṇi jāgarantīcatukkāni, tīṇi suttacatukkāni, tīṇi mattacatukkāni, tīṇi ummattacatukkāni, tīṇi pamattacatukkāni, tīṇi mata-akkhāyitacatukkāni, tīṇi yebhuyyena akkhāyitacatukkāni, tīṇi yebhuyyena khāyitacatukkānīti sattavīsati catukkāni. Tathā amanussitthiyā. Tathā tiracchānagatitthiyāti itthivāre ekāsīti catukkāni. Yathā ca itthivāre, evaṃ ubhatobyañjanakavāre. Paṇḍakapurisavāresu pana dvinnaṃ maggānaṃ vasena catupaṇṇāsa catupaṇṇāsa honti. Evaṃ sabbānipi dvesatāni, sattati ca catukkāni honti, tāni uttānatthāniyeva.

Sabbavāresu panettha “**mataṃ yebhuyyena akkhāyitaṃ, khāyitaṃ**”ti etasmim ṭhāne ayaṃ vinicchayo—Tambapaṇṇidīpe kira dve vinayadharā samānācariyakā therā ahesum **Upatissatthero** ca, **Phussadevatthero** ca. Te mahābhaye uppanne Vinayapiṭakaṃ pariharantā rakkhimsu. Tesu Upatissatthero byattataro. Tassāpi dve antevāsikā ahesum **Mahāpadumatthero** ca, **Mahāsumatthero**¹ ca. Tesu Mahāsumatthero navakkhattum Vinayapiṭakaṃ assosi, Mahāpadumatthero tena saddhim navakkhattum, visuñca ekakova navakkhattuntī aṭṭhārasakkhattum assosi, ayameva tesu byattataro. Tesu Mahāsumatthero navakkhattum Vinayapiṭakaṃ sutvā ācariyaṃ muñcitvā

1. Mahāsummatthero (Sī)

aparagaṅgaṃ agamāsi. Tato Mahāpadumatthero āha “sūro vata re esa vinayadharo, yo dharamānakaṃyeva ācariyaṃ muñcitvā aññattha vasitabbaṃ maññati, nanu ācariye dharamāne Vinayapiṭakaṃca Aṭṭhakathā ca anekakkhattuṃ gahetvāpi na vissajjetabbaṃ, niccakālaṃ sotabbaṃ, anusamvaccharaṃ sajjhāyitabbaṃ”ti.

Evam vinayagarukānaṃ bhikkhūnaṃ kāle ekadivasam Upatissatthero Mahāpadumattherappamukhānaṃ pañcannaṃ antevāsikasatānaṃ paṭhamapārājikasikkhāpade imaṃ padesaṃ vaṇṇento nisinno hoti. Taṃ antevāsikā pucchimsu “bhante yebhuyyena akkhāyite pārājikaṃ, yebhuyyena khāyite thullaccayaṃ, upaḍḍhakkhāyite kena bhavitabbaṃ”ti. Thero āha “āvuso Buddhā nāma pārājikaṃ paññapentā na sāvasesaṃ katvā paññapenti, anavasesaṃyeva katvā sabbaṃ pariyādiyitvā sotaṃ chinditvā pārājikavatthusmiṃ pārājikameva paññapenti, idaṃhi sikkhāpadaṃ lokavajjaṃ, na paṇṇattivajjaṃ. Tasmā yadi upaḍḍhakkhāyite pārājikaṃ bhaveyya, paññapeyya Sammāsambuddho. Pārājikacchāyā panettha na dissati, thullaccayaṃeva dissatī”ti.

Apica matasarīre pārājikaṃ paññapento Bhagavā yebhuyyena akkhāyite ṭhapesi “tato paraṃ pārājikaṃ natthī”ti dassetuṃ, thullaccayaṃ paññapento yebhuyyena khāyite ṭhapesi “tato paraṃ thullaccayaṃ natthī”ti dassetuntipi veditabbaṃ. Khāyitākhāyitaṃca nāmetaṃ matasarīrasmiṃyeva veditabbaṃ, na jīvamāne. Jīvamāne hi nakhapiṭṭhippamāṇepi chavimaṃse vā nhārumhi vā sati pārājikameva hoti. Yadiipi nimittaṃ sabbaso khāyitaṃ chavicammaṃ natthi, nimittasaṅṭhānaṃ paññāyati, pavesanaṃ jāyati, pārājikameva. Nimittasaṅṭhānaṃ pana anavasesetvā sabbasmim nimitthe chinditvā samantato tacchetvā uppāṭite vaṇasaṅkhepavasena thullaccayaṃ. Nimittato patitāya maṃsapesiyā upakkamantassa dukkaṭaṃ. Matasarīre pana yadiipi sabbaṃ sarīraṃ khāyitaṃ hoti yadiipi akkhāyitaṃ, tayo pana maggā akkhāyitā, tesu upakkamantassa pārājikaṃ. Yebhuyyena akkhāyite pārājikameva. Upaḍḍhakkhāyite ca yebhuyyena khāyite ca thullaccayaṃ.

Manussānaṃ jīvamānakaasarīre akkhināsakaṇṇacchiddavatthikosesu, satthakādīhi katavaṇe vā methunarāgena tilaphalamattampi aṅgajātaṃ

pavesentassa thullaccayameva, avasesasarīre upakacchakādīsu dukkaṭaṃ.
 Mate allasarīre pārājikakkhette pārājikaṃ, thullaccayakkhette thullaccayaṃ,
 dukkaṭakkhette dukkaṭaṃ. Yadā pana sarīraṃ uddhumātakaṃ hoti kuthitaṃ
 nīlamakkhikasamākiṇṇaṃ kimikulasamākulaṃ navahi vaṇamukhehi
 paggaḷitapubbakuṇapabhāvena¹ upagantumpi asakkuṇeyyaṃ, tadā
 pārājikavatthuñca thullaccayavatthuñca vijahati, tādise sarīre yattha katthaci
 upakkamato dukkaṭameva. Tiracchānagatānaṃ hatthi-assagoṇagadrabha-
 oṭṭhamahimsādīnaṃ nāsāya thullaccayaṃ, vatthikose thullaccayameva.
 Sabbesampi tiracchānagatānaṃ akkhikaṇṇavaṇesu dukkaṭaṃ,
 avasesasarīrepi dukkaṭameva. Matānaṃ allasarīre pārājikakkhette pārājikaṃ,
 thullaccayakkhette thullaccayaṃ, dukkaṭakkhette dukkaṭaṃ.

Kuthitakuṇape pana pubbe vuttanayeneva sabbattha dukkaṭaṃ.
 Kāyasaṃsaggarāgena vā methunarāgena vā jīvamānakapurisassa
 vatthikosaṃ appavesento nimittena nimittaṃ chupati, dukkaṭaṃ.
 Methunarāgena itthiyā appavesento nimittena nimittaṃ chupati,
 thullaccayaṃ. Mahā-aṭṭhakathāyaṃ pana “itthinimittaṃ methunarāgena
 mukhena chupati, thullaccayaṃ”ti vuttaṃ. Cammakkhandhake “chabbaggiyā
 bhikkhū Aciravatiyā nadiyā gāvīnaṃ tarantīnaṃ visāṇesupi gaṇhanti,
 kaṇṇesupi gaṇhanti, gīvāyapi gaṇhanti, cheppāyapi gaṇhanti, piṭṭhimpī
 abhiruhanti, rattacittāpi aṅgajātaṃ chupantī”ti² imissā aṭṭhuppattiyā
 avisesena vuttaṃ “na ca bhikkhave rattacittena aṅgajātaṃ chupitabbaṃ, yo
 chupeyya āpatti thullaccayassa”ti³. Taṃ sabbampi saṃsanditvā yathā na
 virujjhati, tathā gahetabbaṃ. Kathaṅca na virujjhati? Yaṃ tāva Mahā-
 aṭṭhakathāyaṃ vuttaṃ “methunarāgena mukhena chupati”ti. Tatra kira
 nimittamukhaṃ mukhanti adhippetāṃ. “Methunarāgenā”ti ca vuttattāpi
 ayameva tattha adhippāyoti vedītabbo. Na hi itthinimitte pakatimukhena
 methunupakkamo hoti. Khandhakepi ye piṭṭhiṃ abhiruhantā methunarāgena
 aṅgajātena aṅgajātaṃ chupimsu, te sandhāya thullaccayaṃ vuttanti
 vedītabbaṃ. Itarathā hi dukkaṭaṃ siyā. Keci panāhu “Khandhakepi
 mukheneva chupanaṃ sandhāya oḷārikattā kammaṃ thullaccayaṃ vuttaṃ,
 Aṭṭhakathāyampi taṃ sandhāyabhāsitaṃ gahetvāva

1. Paggharītapubbaṃ kuṇapabhāvena (Sī), gaḷītapubbaṃ kuṇapabhāvena (Ka)

2. Vi 3. 279 piṭṭhe.

3. Vi 3. 280 piṭṭhe.

‘methunarāgena mukhena chupati thullaccayan’*ti vuttan*’*ti*. Tasmā suṭṭhu sallakkhetvā ubhosu vinicchayesu yo yuttataro, so gahetabbo. Vinayaññū pana purimaṃ pasamsanti. Kāyasaṃsaggarāgena pana pakatimukhena vā nimittamukhena vā itthinimittam chupantassa saṃghādiseso. Tiracchānagatitthiyā passāvamaggaṃ nimittamukhena chupantassa vuttanayeneva thullaccayaṃ. Kāyasaṃsaggarāgena dukkaṭanti.

Ekūnasattatidvisatacatukkakathā niṭṭhitā.

Santhatacatukkabheda-kathā

61-62. Evaṃ Bhagavā paṭipannakassa bhikkhuno rakkhaṇattham sattatidvisatacatukkāni nīharitvā idāni “ye anāgate pāpabhikkhū ‘santhataṃ imaṃ na kiñci upādinnakam upādinnakena phusati, ko ettha doso’*ti* sañcicca lesam oḍḍessanti, tesam sāsane paṭiṭṭhā eva na bhavissati”*ti* disvā tesu sattatidvisatacatukkesu ekamekam catukkam catūhi santhatādibhedehi bhinditvā dassento “**bhikkhupaccatthikā manussitthim bhikkhussa santike ānetvā vaccamaggena passāvamaggena mukhena aṅgajātam abhinisīdenti santhatāya asanthatassā**”*ti*-ādimāha.

Tattha **santhatāya asanthatassā***ti*-ādīsu santhatāya itthiyāvaccamaggena passāvamaggena mukhena asanthatassa bhikkhussa aṅgajātam abhinisīdenti iminā nayena yojanā veditabbā. Tattha **santhatā** nāma yassā tīsu maggesu yo koci maggo paliveṭhetvā vā anto vā pavesetvā yena kenaci vatthena vā paṇṇena vā vākapattena vā cammena vā tipusīsādīnam paṭṭena vā paṭicchanno. **Santhato** nāma yassa aṅgajātam tesamīyeva vatthādīnam yena kenaci paṭicchannam. Tattha upādinnakena vā anupādinnakam ghaṭṭiyatu, anupādinnakena vā upādinnakam, anupādinnakena vā anupādinnakam, upādinnakena vā upādinnakam, sace yattake pavitṭhe pārājikam hotīti vuttam, tattakam pavisati, sabbattha sādiyantassa pārājikkakhethe pārājikam, thullaccayakkhethe thullaccayaṃ, dukkaṭakkhethe dukkaṭameva hoti. Sace itthinimittam khāṇum katvā santhatam, khāṇum ghaṭṭentassa dukkaṭam. Sace purisanimittam khāṇum katvā santhatam, khāṇum

pavesentassa dukkaṭaṃ. Sace ubhayaṃ khāṇuṃ katvā santhataṃ, khāṇunā khāṇuṃ ghaṭṭentassa dukkaṭaṃ. Sace itthinimutte veḷunaḷapabbādīnaṃ kiñci pakkhittaṃ, tassa heṭṭhābhāgaṃ cepi phusanto tilaphalamattaṃ paveseti pārājikaṃ. Uparibhāgaṃ cepi, ubhosu passesu ekapassaṃ cepi phusanto paveseti pārājikaṃ. Cattāripi passāni aphasanto pavesetvā tassa talāṃ cepi phusati pārājikaṃ. Yadi pana passesu vā tale vā aphasanto ākāsagatameva katvā pavesetvā nīharati dukkaṭaṃ. Bahiddhā khāṇuke phusati dukkaṭameva. Yathā ca itthinimutte vuttaṃ, evaṃ sabbattha lakkhaṇaṃ veditabbanti.

Santhatacatukkabhedaṭṭakathā niṭṭhitā.

Bhikkhupaccatthikacatukkabhedavaṇṇanā

63-64. Evaṃ santhatacatukkabhedaṃ vatvā idāni yasmā na kevalaṃ manussitthi-ādike bhikkhussa eva santike ānenti, atha kho bhikkhumpi tāsāṃ santike ānenti, tasmā tappabhedaṃ dassento “**bhikkhupaccatthikā bhikkhuṃ manussitthiyā santike**”ti-ādinā nayena sabbāni tāni catukkāni punapi nīharitvā dassesi. Tesu vinicchayo vuttanayeneva veditabboti.

Bhikkhupaccatthikavasena catukkabhedavaṇṇanā niṭṭhitā.

Rājapaccatthikādicatukkabhedaṭṭakathā

65. Yasmā pana na bhikkhupaccatthikā eva evaṃ karonti, rājapaccatthikādayopi karonti, tasmā tampi pabhedaṃ dassento “**rājapaccatthikā**”ti-ādimāha. Tattha rājāno eva paccatthikā **rājapaccatthikā**. Te ca sayāṃ ānentāpi aññehi āṇāpentāpi ānentiyevatī veditabbā. Corā eva paccatthikā **corapaccatthikā**. **Dhuttā**ti methunupasaṃhitakhiḍḍāpasutā nāgarikakerāṭiyapurisā, itthidhuttasurādhuttādayo vā. Dhuttā eva paccatthikā **dhuttapaccatthikā**. Gandhanti hadayaṃ vuccati, taṃ uppāṭentīti uppalagandhā, uppalagandhā eva paccatthikā **uppalagandhapaccatthikā**. Ete

kira na kasivaṇijjādīhi jīvanti, panthaghātagāmaghātādīni katvā puttadāraṃ poṣenti. Te kammaśiddhiṃ patthayamānā devatānaṃ āyācetvā tāsāṃ balikammaṭṭhaṃ manussānaṃ hadayaṃ uppāṭenti, sabbakāle ca manussā dullabhā, bhikkhū pana araṇṇe viharantā sulabhā honti, te sīlavantaṃ bhikkhuṃ gahetvā “sīlavato vadho nāma bhāriyo hotī”ti maññamānā tassa sīlavināsanatthaṃ manussitthi-ādike vā ānenti, taṃ vā tattha nenti. Ayamettha viseso. Sesāṃ vuttanayeneva veditabbaṃ. Bhikkhupaccatthikavāre vuttanayeneva ca imesu catūsupi vāresu catukkāni veditabbāni. Pāliyaṃ pana saṃkhittena vuttāni.

Sabbākārena catukkabhedaḥkathā niṭṭhitā.

Āpattānāpattivāraṇṇanā

66. Idāni yaṃ vuttaṃ “manussitthiyā tayo magge methunaṃ dhammaṃ paṭisevantassā”ti-ādi, ettha asaṃmohatthaṃ “**maggena maggan**”ti-ādimāha. Tattha **maggena magganti** itthiyā tisu maggesu aññatarena maggena attano aṅgajātaṃ paveseti. Atha vā sambhinnesu dvīsu maggesu passāvamaggena vaccamaggaṃ, vaccamaggena vā passāvamaggaṃ paveseti. **Maggena amagganti** passāvādimaggena pavesetvā tassa sāmāntā vaṇena nīharati. **Amaggena magganti** maggasāmāntena vaṇena pavesetvā maggena nīharati. **Amaggena amagganti** dvīsu sambhinnavānesu ekena vaṇena pavesetvā dutiyena nīharati. Imassa suttassa anulomavasena sabbattha vaṇasaṅkhepe thullaccayaṃ veditabbaṃ.

Idāni yaṃ parato vakkhati “anāpatti ajānantassa asādiyantassā”ti, tattha asaṃmohatthaṃ “**bhikkhu suttabhikkhumhī**”ti-ādimāha. Tatrāyaṃ adhippāyo—yo paṭibuddho sādiyati, so “suttamhi mayi eso vipaṭipajji, nāhaṃ jānāmī”ti na muccati. **Ubho nāsetabbā**ti cettha dvepi līnganāsanena nāsetabbā. Tatra dūsakassa paṭiññākaraṇaṃ natthi, dūsito pucchitvā paṭiññāya nāsetabbo. Sace na sādiyati na nāsetabbo. Esa nayo sāmaṇeravārepi.

Evam tattha tattha taṃ taṃ āpattiṅca anāpattiṅca dassetvā idāni anāpattimeva dassento “**anāpatti ajānantassā**”ti-ādimāha. Tattha

ajānanto nāma yo mahāniddaṃ okkanto parena kataṃ upakkamampi na jānāti Vesāliyaṃ Mahāvane divāvihāragato bhikkhu viya, evarūpassa anāpatti. Vuttampi cetam “nāhaṃ Bhagavā jānāmīti. Anāpatti bhikkhu ajānantassā”¹. **Asādiyanto** nāma yo jānitvāpi na sādiyati tattheva sahasā vuṭṭhitabhikkhu viya. Vuttampi cetam “nāhaṃ Bhagavā sādiyinti. Anāpatti bhikkhu asādiyantassā”².

Ummattako nāma pittummattako. Duvidhañhi pittaṃ baddhapittañcāti. Tattha abaddhapittaṃ lohitaṃ viya sabbaṅgagataṃ, tamhi kupite sattānaṃ kaṇḍukacchusarīrakampādīni honti, tāni bhesajjakiriyāya vūpasamanti. Baddhapittaṃ pana pittaḥosake ṭhitaṃ, tamhi kupite sattā ummattakā honti vipallatthasaññā hirottappaṃ chaḍḍetvā asārūppācāraṃ caranti, lahukagarukāni sikkhāpadāni maddantāpi na jānanti, bhesajjakiriyāyapi atekicchā honti, evarūpassa ummattakassa anāpatti.

Khittacitto nāma vissaṭṭhacitto yakkhummattako vuccati. Yakkhā kira bheravāni vā ārammaṇāni dassetvā, mukhena hatthaṃ pavevetvā hadayarūpaṃ vā maddantā satte vikkhittacitte vipallatthasaññe karonti, evarūpassa khittacittassa anāpatti. Tesam pana ubhinnaṃ ayaṃ viseso—pittummattako niccomeva ummattako hoti pakatisaññaṃ na labhati, yakkhummattako antarantarā pakatisaññaṃ paṭilabhatīti. Idha pana pittummattako vā hotu yakkhummattako vā, yo sabbaso muṭṭhassati kiñci na jānāti, aggimpi suvaṇṇampi vuthampi candanampi ekasadisam maddantova vicarati, evarūpassa anāpatti. Antarantarā saññaṃ paṭilabhitvā ñatvā karontassa pana āpattiyeva.

Vedanāṭṭo nāma yo adhimattāya dukkhavedanāya āturo kiñci na jānāti, evarūpassa anāpatti.

Ādikammiko nāma yo tasmiṃ kamme ādibhūto. Idha pana Sudinnatthero ādikammiko, tassa anāpatti. Avasesānaṃ Makkaṭṭisamaṇavajjiputtakādīnaṃ āpattiyevāti.

Padabhājanīyavaṇṇanā niṭṭhitā.

Pakiṇṇakakathā

Imasmim pana sikkhāpade kosallattham idam **pakiṇṇakam**
veditabbam—

Samuṭṭhānaṅca kiriyā, atho saññā sacittakam.

Lokavajjaṅca kammaṅca, kusalam vedanāya cāti.

Tattha **samuṭṭhānanti** sabbasaṅgāhakavasena cha
sikkhāpadasamuṭṭhānāni, tāni **Parivāre** āvi bhavissanti. Samāsato pana
sikkhāpadaṃ nāma atthi chasamuṭṭhānaṃ, atthi catusamuṭṭhānaṃ, atthi
tisamuṭṭhānaṃ, atthi kathinasamuṭṭhānaṃ, atthi eḷakalomasamuṭṭhānaṃ,
atthi dhuranikkhepādisamuṭṭhānanti.

Tatrāpi kiñci kiriyato samuṭṭhāti, kiñci akiriyato samuṭṭhāti, kiñci
kiriyākiriyato samuṭṭhāti, kiñci siyā kiriyato, siyā akiriyato samuṭṭhāti, kiñci
siyā kiriyato, siyā kiriyākiriyato samuṭṭhāti.

Tatrāpi atthi saññāvimokkham, atthi nosaññāvimokkham. Tattha yaṃ
cittaṅgam labhatiyeva, taṃ saññāvimokkham. Itaram nosaññāvimokkham.

Puna atthi sacittakam, atthi acittakam. Yaṃ saheva cittena āpajjati, taṃ
sacittakam. Yaṃ vināpi cittena āpajjati, taṃ acittakam. Taṃ sabbampi
lokavajjam paṇṇattivajjanti duvidham, tesam lakkhaṇaṃ vuttameva.

Kammakusalavedanāvasenāpi cettha atthi sikkhāpadaṃ kāyakammaṃ,
atthi vacīkammaṃ. Tattha yaṃ kāyadvārikam taṃ kāyakammaṃ, yaṃ
vacīdvārikam taṃ vacīkammanti veditabbam. Atthi pana sikkhāpadaṃ
kusalam, atthi akusalam, atthi abyākataṃ. Dvittimseva hi
āpattisamuṭṭhāpakacittāni—aṭṭha kāmāvacarakusalāni, dvādasa akusalāni,
dasa kāmāvacarakiriyacittāni, kusalato ca kiriyato ca dve abhiññācittānīti.
Tesu yaṃ kusalacittena āpajjati, taṃ kusalam. Itarehi itaram. Atthi ca
sikkhāpadaṃ tivedanaṃ, atthi dvivedanaṃ, atthi ekavedanaṃ. Tattha yaṃ
āpajjanto tisu vedanāsu aññataravedanāsamaṅgī hutvā āpajjati, taṃ
tivedanaṃ. Yaṃ āpajjanto sukhasamaṅgī vā upekkhāsamaṅgī vā āpajjati,
taṃ dvivedanaṃ. Yaṃ āpajjanto dukkhavedanāsamaṅgīyeva āpajjati, taṃ
ekavedananti veditabbam. Evaṃ

Samuṭṭhānañca kiriyā, atho saññā sacittakaṃ.

Lokavajjañca kammañca, kusalaṃ vedanāya cāti—

imaṃ pakiṇṇakaṃ viditvā tesu samuṭṭhānādīsu idaṃ sikkhāpadaṃ samuṭṭhānato ekasamuṭṭhānaṃ. Aṅgavasena dukasamuṭṭhānaṃ, kāyacittato samuṭṭhāti. Kiriyasamuṭṭhānañca, karontoyeva hi etaṃ āpajjati. Methunapaṭisaṃyuttāya kāmasaññāya abhāvena mucchanato saññāvimokkhaṃ, “anāpatti aṅānantassa asādiyantassa”ti hi vuttaṃ. Methunacitteneva naṃ āpajjati, na vinā cittenāti sacittakaṃ. Rāgavaseneva āpajjitabbato lokavajjaṃ. Kāyadvārenea samuṭṭhānato kāyakammaṃ, cittaṃ panettha aṅgamattaṃ hoti, na tassa vasena kammabhāvo labbhati. Lobhacittena āpajjitabbato akusalacittaṃ. Sukhasamaṅgī vā upekkhāsamaṅgī vā taṃ āpajjatīti dvivedananti veditabbaṃ. Sabbañcetaṃ āpattiyaṃ yujjati, sikkhāpadasīsenā pana **sabba-aṭṭhakathāsu** desanā arūḷhā, tasmā evaṃ vuttaṃ.

Pakiṇṇakakathā niṭṭhitā.

Vinītavatthuvaṇṇanā

“**Makkaṭṭi vajjiputtā ca -pa- vuḍḍhapabbajito migo**”ti idaṃ kim? Imā vinītavatthūnaṃ Bhagavatā sayāṃ vinicchitānaṃ tesāṃ tesāṃ vatthūnaṃ uddānagāthā nāma. Tāni vatthūni “sukhaṃ vinayadharā uggaṇhissanti”ti dhammasaṅgāhakatherehi ṭhapitāni, vatthugāthā pana dharamāneyeva Bhagavati Upālittherena ṭhapitā “iminā lakkhaṇena āyatim vinayadharā vinayaṃ vinicchinissanti”ti. Tasmā ettha vuttalakkhaṇaṃ sādhukaṃ sallakkhetvā paṭhamasikkhāpadaṃ vinicchinitabbaṃ, dutiyādīnañca vinītavatthūsu vuttalakkhaṇena dutiyādīni. Vinītavatthūni hi sippikānaṃ paṭicchannakarūpāni viya vinayadharānaṃ paṭicchannakavatthūni hontīti.

67. Tattha purimāni dve vatthūni anupaññattiyaṃyeva vuttatthāni. Tatiye vatthumhi **gihiliṅgenā**ti gihivesena odātavattho hutvā. Catutthe natthi kiñci vattabbaṃ. Tato paresu sattasu vatthūsu **kusacīranti** kuse ganthetvā katacīraṃ. **Vākacīraṃ** nāma tāpasānaṃ vakkalaṃ. **Phalakacīraṃ** nāma

phalakasaṅṭhānāni phalakāni sibbitvā katacīram. **Kesakambaloti** kesehi tante vāyitvā katakambalo. **Vālakambaloti** camaravālehi¹ vāyitvā katakambalo. **Ulūkapakkhikanti** ulūkasakuṇassa pakkhehi katanivāsanam. **Ajinakkhipanti** salomaṃ sakhuraṃ ajinamigacammaṃ. Dvādasame vatthumhi **sāratto**ti kāyasaṃsaggarāgena sāratto, taṃ rāgam ṇatvā Bhagavā “**āpatti saṃghādisesassā**”ti āha.

68. Terasame vatthumhi **Uppalavaṇṇāti** sā therī Sāvattiyam seṭṭhidhīta sataśahassakappe abhinīhārasampannā, tassā pakatiyāpi atidassanīyā nīluppalavaṇṇā kāyacchavi, abbhantare pana kilesasantāpassa abhāvena ativiya virocāti, sā tāyeva vaṇṇapokkharatāya “Uppalavaṇṇā”ti nāmaṃ labhi. **Paṭibaddhacittoti** gihikālato paṭṭhāya rattacitto, so kira tassā ṇātidārako hoti. **Atha khoti** anantaratthe nipāto, mañcake nisinnānantaramevāti vuttaṃ hoti, divā bāhirato āgantvā dvāram pidhāya nisinnānañhi paṭhamam andhakāram² hoti, so yāvassā taṃ andhakāram na nassati, tāvadeva evamakāsīti attho. **Dūsesiti** padhamāsesi. Therī pana anavajjā attano samaṇasaññaṃ paccupaṭṭhapetvā asādiyantī nisīdi asaddhammādhippāyena parāmaṭṭhā aggikkhandhasilāthambhakhadirasārakhāṇukā viya. Sopi attano manoratham pūretvā gato, tassā theriyā dassanapatham vijahantasseva ayam mahāpathavī Sinerupabbatam dhāretum samatthāpi taṃ pāpapurisam byāmamattakāḷevaram dhāretum asakkontī viya bhijjitvā vivaramadāsi. So taṅkhaṇaṇṇeva Avīcijālānam indhanabhāvam āgamāsi. Bhagavā taṃ sutvā “anāpatti bhikkhave asādiyantiyā”ti vatvā therim sandhāya **Dhammapade** imaṃ gātham abhāsi—

“Vāri pokkharapatteva, āraggeriva sāsapo.

Yo na limpati kāmesu, tamaham brūmi brāhmaṇam”ti³.

69. Cuddasame vatthumhi **itthilingam pātubhūtanti** rattibhāge niddam okkantassa purisasaṅṭhānam massudāṭṭhikādi sabbam antarahitam, itthisaṅṭhānam uppannam. **Tameva upajjham tameva upasampadanti** pubbe gahita-upajjhāyameva pubbe

1. Cāmarivālehi (Syā), cāmarivālehi (Ka) 2. Andhakāro (Ka) 3. Khu 1. 71 piṭṭhe.

kata-upasampadameva anujānāmi, puna upajjhā na gahetabbā, upasampadā na kātabbāti attho. **Tāniyeva vassānīti** bhikkhu-upasampadato pabhuti yāva vassagaṇanā, tamyeva vassagaṇanam anujānāmi, na ito paṭṭhāya vassagaṇanā kātabbāti attho. **Bhikkhunīhi saṅgamitunti**¹ bhikkhunīhi saddhim saṅgamitum² saṅgantum samaṅgī bhavitum anujānāmīti attho. Idaṃ vuttam hoti—appatirūpaṃ dānissā bhikkhūnaṃ majjhe vasitum, bhikkhunupassayaṃ gantvā bhikkhunīhi saddhim vasatūti³. **Yā āpattiyo bhikkhūnaṃ bhikkhunīhi sādharmaṇāti** yā desanāgāminiyo vā vuṭṭhānāgāminiyo vā āpattiyo bhikkhūnaṃ bhikkhunīhi saddhim sādharmaṇā. **Tā āpattiyo bhikkhunīnaṃ santike vuṭṭhātunti** tā sabbāpi bhikkhunīhi kātabbāṃ vinayakammaṃ katvā bhikkhunīnaṃ santike vuṭṭhātum anujānāmīti attho. **Tāhi āpattihi anāpattīti** yā pana bhikkhūnaṃ bhikkhunīhi asādharmaṇā sukkavissaṭṭhi-ādikā āpattiyo, tāhi anāpatti, liṅgaparivattanena tā āpattiyo vuṭṭhitāva honti, puna pakatiliṅge uppannepi tāhi āpattihi tassa anāpattiyevāti ayaṃ tāvettha Pāḷiviniṅchayo.

Ayaṃ pana **Pāḷimutto okkantikaviniṅchayo**—imesu tāva dvīsu liṅgesu purisaliṅgaṃ uttamaṃ, itthiliṅgaṃ hīnaṃ, tasmā purisaliṅgaṃ balava-akusalena antaradhāyati, itthiliṅgaṃ dubbalakusalena paṭiṭṭhāti. Itthiliṅgaṃ pana antaradhāyantaṃ dubbala-akusalena antaradhāyati, purisaliṅgaṃ balavakusalena paṭiṭṭhāti. Evaṃ ubhayampi akusalena antaradhāyati, kusalena paṭilabbhati.

Tattha sace dvinnaṃ bhikkhūnaṃ ekato sajjhāyaṃ vā dhammasākacchaṃ vā katvā ekāgāre nipajjitvā niddaṃ okkantānaṃ ekassa itthiliṅgaṃ pātubhavati, ubhinnampi sahaseyyāpatti hoti. So ce paṭibujjhivā attano taṃ vippakāraṃ disvā dukkhī dummano rattibhāgeyeva itarassa āroceyya, tena samassāsetabbo “hotu mā cintayittha, vaṭṭasseveso doso. Sammāsambuddhena dvāraṃ dinnam, bhikkhu vā hotu bhikkhunī vā anāvaṭo dhammo avārito saggamaggo”ti. Samassāsetvā ca evaṃ vattabbari “tumhehi bhikkhunupassayaṃ gantum vaṭṭati, atthi vo kāci sandiṭṭhā bhikkhuniyo”ti. Sacassā honti tādisā bhikkhuniyo, atthīti,

1. Saṅkamitunti (Sī, Syā, Ka)

2. Saṅkamibhum (Sī, Syā, Ka)

3. Vasitunti (Ka)

no ce honti, natthīti vatvā so bhikkhu vattabbo “mama saṅgahaṃ karotha, idāni maṃ paṭhamam bhikkhunupassayam nethā”ti. Tena bhikkhunā taṃ gahetvā tassā vā sandiṭṭhānam, attano vā sandiṭṭhānam bhikkhunīnam santikaṃ gantabbam. Gacchantena ca na ekakena gantabbam, catūhi pañcahi bhikkhūhi saddhim jotikañca kattaradaṇḍaṇca gahetvā samvidahanam parimocetvā “mayam asukam nāma ṭhānam gacchāmā”ti gantabbam. Sace bahigāme dūre vihāro hoti, antarāmagge gāmantara nadīpāra rattivippavāsa gaṇa-ohīyanāpattīhi anāpatti. Bhikkhunupassayam gantvā tā bhikkhuniyo vattabbā “asukam nāma bhikkhum jānāthā”ti. Āma ayyāti. Tassa itthilingam pātubhūtam, saṅgahaṃ dānissa karoṭhāti. Tā ce “sādhu ayyā, idāni mayampi sajjhāyissāma, dhammam sossāma, gacchatha tumhe”ti vatvā saṅgahaṃ karonti, ārādhikā ca honti saṅgāhikā lajjiniyo. Tā kopetvā aññattha na gantabbam. Gacchati ce, gāmantara nadīpāra rattivippavāsa gaṇa-ohīyanāpattīhi na muccati. Sace pana lajjiniyo honti, na saṅgāhikāyo. Aññattha gantum labbhati. Sacepi alajjiniyo honti, saṅgahaṃ pana karonti. Tāpi pariccajitvā aññattha gantum labbhati. Sace lajjiniyo ca saṅgāhikā ca, nātikā na honti, āsannagāme pana aññā nātikāyo honti paṭijagganikā¹. Tāsampi santikaṃ gantum vaṭṭatīti vadanti. Gantvā sace bhikkhubhāvepi nissayaapaṭipanno, patirūpāya bhikkhuniyā santike nissayo gahetabbo, mātikā vā vinayo vā uggahito suggahito, puna uggaṇhanakāraṇam natthi. Sace bhikkhubhāve parisāvacaro, tassa santikeyeva upasampannā sūpasampannā. Aññassa santike nissayo gahetabbo. Pubbe taṃ nissāya vasantehipi aññassa santike nissayo gahetabbo. Paripuṇṇavassasāmaṇerenāpi aññassa santikeyeva upajjhā gahetabbā.

Yam panassa bhikkhubhāve adhiṭṭhitam ticīvaraṇca patto ca, taṃ adhiṭṭhānam vijahati, puna adhiṭṭhātabbam. Saṅkaccikā ca udakasāṭikā ca gahetabbā. Yam atirekacīvaram vā atirekapatto vā vinayakammaṃ katvā ṭhapito hoti, taṃ sabbampi vinayakammaṃ vijahati, puna kātabbam. Paṭiggahitatela madhuphāṇitādīnipi paṭiggahaṇam vijahanti. Sace paṭiggahaṇato sattame

1. Paṭijagganikā (Syā)

divase liṅgam parivattati, puna paṭiggahetvā sattāham vaṭṭati. Yam pana bhikkhukāle aññassa bhikkhuno santakam paṭiggahitam, tam paṭiggahaṇam na vijahati. Yam ubhinnaṃ sādharmaṇam avibhajitvā ṭhapitam, tam pakatatto rakkhati. Yam pana vibhantaṃ etasseva santakam, tam paṭiggahaṇam vijahati. Vuttampi cetam **Parivāre**—

“Telaṃ madhum phāṇitañcāpi sappim,
Sāmaṃ gahetvāna nikkhipeyya.
Avītivatte sattāhe,
Sati paccaye paribhuñjantassa āpatti.
Pañhā mesā kusalehi cintitā”ti¹—

Idaṇhi liṅgaparivattanaṃ sandhāya vuttaṃ. Paṭiggahaṇam nāma liṅgaparivattana, kālamkiriya, sikkhāpaccakkhāna, hīnāyāvattana, anupasampanna dāna, anapekkhaviṣṣajjana, acchinditvā gahaṇa ca vijahati. Tasmā sacepi haritakakhaṇḍampi paṭiggahetvā ṭhapitamatti, sabbamassa paṭiggahaṇam vijahati. Bhikkhuvihāre pana yamkiñcissā santakam paṭiggahetvā vā appaṭiggahetvā vā ṭhapitam, sabbassa sāva issarā, āharāpetvā gahetabbaṃ. Yam panettha thāvaram tassā santakam senāsanam vā uparopakā vā, te yassicchati tassa dātabbā. Terasasu sammutisu yā bhikkhukāle laddhā sammuti, sabbā sā paṭippassambhati. Purimikāya senāsanaggāho paṭippassambhati. Sace pacchimikāya senāsane gahite liṅgam parivattati, bhikkhunisaṃgho cassā uppannaṃ lābham dātukāmo hoti, apaloketvā dātabbo. Sace bhikkhunīhi sādharmaṇāya paṭicchannāya āpattiyā parivasantassa liṅgam parivattati, pakkhamānattameva dātabbaṃ. Sace mānattaṃ carantassa parivattati, puna pakkhamānattameva dātabbaṃ. Sace ciṇṇamānattassa parivattati, bhikkhunīhi abbhānakammaṃ kātappaṃ. Sace akusalavipāke parikkhīṇe pakkhamānattakāle punadeva liṅgam parivattati, chārattaṃ mānattameva dātabbaṃ. Sace ciṇṇe pakkhamānatte parivattati, bhikkhūhi abbhānakammaṃ kātappanti.

Anantare bhikkhuniyā liṅgaparivattanavattumhi idha vuttanayeneva sabbo vinicchayo veditabbo. Ayam pana viseso—sacepi bhikkhunikāle

1. Vi 5. 375 piṭṭhe.

āpannā sañcarittāpatti paṭicchannā hoti, parivāsadānaṃ natthi, chārattaṃ mānattameva dātabbaṃ. Sace pakkhamānattaṃ carantiyā liṅgaṃ parivattati, na tenattho, chārattaṃ mānattameva dātabbaṃ. Sace ciṅṇamānattāya parivattati, puna mānattaṃ adatvā bhikkhūhi abbhetaḥ. Atha bhikkhūhi mānatte adinne puna liṅgaṃ parivattati, bhikkhunīhi pakkhamānattameva dātabbaṃ. Atha chārattaṃ mānattaṃ carantassa puna parivattati, pakkhamānattameva dātabbaṃ. Ciṅṇamānattassa pana liṅgaparivatte jāte bhikkhunīhi abbhānakammaṃ kātabbaṃ. Puna parivatte ca liṅge bhikkhunibhāve ʔhitāyapi yā āpattiyo pubbe paṭippassaddhā, tā suppaṭippassaddhā evāti.

70. Ito parāni “**mātuyā methunaṃ dhamman**”ti-ādāni cattāri vatthūni uttānatthāniyeva.

71. Mudupiṭṭhikavatthumhi so kira bhikkhu naṭapubbako, tassa sippakosallatthaṃ parikkammakātā piṭṭhi mudukā ahosi, tasmā evaṃ kātum asakki.

Lambīvatthumhi tassa bhikkhussa aṅgajātaṃ dīghaṃ hoti lambati, tasmā lambīti vutto.

Ito parāni dve vaṇavatthūni uttānāneva. Lepacittavatthumhi **lepacittaṃ** nāma cittaḥkammaṃ.

Dārudhītalikavatthumhi **dārudhītalikā** nāma kaṭṭharūpaṃ. Yathā ca imesu dvīsu, evaṃ aññesupi dantarūpapotthakarūpaloharūpādīsū anupādinnakesu itthirūpesu nimitte methunarāgena upakkamantassa asuci mucatu vā mā vā, dukkaṭameva. Kāyasaṃsaggarāgena upakkamantassāpi tatheva dukkaṭaṃ. Mocanarāgena pana upakkamantassa mutte saṃghādiseso, amutte thullaccayanti.

72. Sundaravatthumhi ayaṃ **Sundaro** nāma Rājagahe kuladārako saddhāya pabbajīto atabhāvassa abhirūpatāya Sundaroti nāmaṃ labhi. Taṃ rathikāya gacchantaṃ disvā samuppannachandarāgā sā itthī imaṃ vippakāraṃ akāsi. Thero pana Anāgāmī, tasmā so na sādīyi. Aññesaṃ pana avisayo eso.

Ito paresu catūsu vatthūsu te bhikkhū jaḷā dummedhā mātugāmassa vacanaṃ gahetvā tathā katvā pacchā kukkucāyimsu.

73. Akkhāyitādīni tīni vatthūni uttānatthāneva. Dvīsu chinnaśisavattthūsu ayaṃ vinicchayo—vaṭṭakate mukhe vivaṭe aṅgajātaṃ pavesento sace heṭṭhā vā upari vā ubhayapassehi vā chupantaṃ paveseti pārājikaṃ. Catūhipi passehi achupantaṃ pavesetvā abbhantare thālukaṃ chupati pārājikameva. Cattāri passāni tālukaṅca achupanto ākāśagatameva katvā paveseti ca nīharati ca dukkaṭaṃ. Yadi pana dantā suphusitā, antomukhe okāso natthi, dantā ca bahi oṭṭhamānsena paṭicchannā, tattha vātena asamphuṭṭhaṃ allokāsaṃ tilaphalamattampi pavesentassa pārājikameva. Uppāṭite pana oṭṭhamānse dantesuyeva upakkamantassa thullaccayaṃ. Yopi danto bahi nikkhamitvā tiṭṭhati, na sakkā oṭṭhehi pidahituṃ. Tattha upakkamantepi bahi nikkhantajivhāya upakkamantepi thullaccayameva. Jīvamānakasarīrepi bahi nikkhantajivhāya thullaccayameva. Yadi pana bahijivhāya paliveṭhetvā antomukhaṃ paveseti pārājikameva. Uparigīvāya chinnaśisassapi adhobhāgena aṅgajātaṃ pavesetvā tālukaṃ chupantassa pārājikameva.

Aṭṭhikavatthumhi susānaṃ gacchantassāpi dukkaṭaṃ. Aṭṭhikāni saṅkaḍḍhantassāpi, nimitte methunarāgena upakkamantassāpi, kāyasaṃsaggarāgena upakkamantassāpi, muccatu vā mā vā dukkaṭameva. Mocanarāgena pana upakkamantassa muccante saṃghādiseso, amuccante thullaccayameva.

Nāgīvatthumhi nāgamāṇavikā vā hotu kinnarī-ādīnaṃ vā aññatarā, sabbattha pārājikaṃ.

Yakkhīvatthumhi sabbāpi devatā yakkhīyeva.

Petīvatthumhi nijjhāmatanḥhikādipetiyo allīyitumpi na sakkā. Vimānapetiyo pana atthi, yāsaṃ kāḷapakke akusalaṃ vipaccati, juṅhapakke devatā viya sampattiṃ anubhonti. Evarūpāya petiyā vā yakkhiyā vā sace dassanagahaṇa-āmasanaphusanaghaṭṭanāni paññāyanti, pārājikaṃ. Athāpi dassanaṃ natthi, itarāni paññāyanti, pārājikameva.

atha dassanagahaṇāni na paññāyanti, āmasanaphusanaghaṭṭanehi paññāyamānehi taṃ puggalaṃ visaññaṃ katvā attano manoratham pūretvā gacchati, ayaṃ avisayo nāma. Tasmā ettha avisayatā anāpatti. Paṇḍakavatthu pākaṭameva.

Upahatindriyavatthumhi **upahatindriyoti** upahatakāyappasādo khāṇukaṇṭakamiva sukhaṃ vā dukkhaṃ vā na vedayati. Avedayantassāpi sevanacittavasena āpatti.

Chupitamattavatthusmiṃ yo “methunaṃ dhammaṃ paṭisevissāmī”ti mātuḡāmaṃ gaṇhitvā methune virajjitvā vipaṭisārī hoti, dukkaṭamevassa hoti. Methunadhammassa hi pubbaḡayogā hatthaggaḡhādayo, yāvasīsaṃ na pāpuṇāti, tāva dukkaṭe tiṭṭhanti. Sīse patte pārājikaṃ hoti. Paṭhamapārājikassa hi dukkaṭameva sāmantaṃ. Itaresaṃ tiṇṇaṃ thullaccayaṃ. Ayaṃ pana bhikkhu methunadhamme virajjitvā kāyasamsaggaṃ sādīyīti veditaḡbo. Tenāha Bhagavā “āpatti saṃghādisesassā”ti.

74. Bhaddiyavatthusmiṃ **Bhaddiyaṃ** nāma taṃ nagaraṃ. **Jātiyāvanam** nāma jātipupphagumbānaṃ ussannaṭāya evaṃ laddhanāmaṃ, taṃ tassa nagarassa upacāre vanaṃ hoti. So tattha nipanno tena vātupatthambhena mahāniddaṃ okkami, ekarasaṃ bhavaṅgameva vattati. **Kilinnaṃ passitvā** asucikiliṭṭhaṃ passitvā.

75. Ito parāni sādīyanapaṭisaṃyuttāni cattāri vatthūni, ajānanavatthu cāti pañca uttānatthāneva.

76. Dvīsu asādīyanavatthūsu **sahasā vuṭṭhāsīti** āsīvisena daṭṭho viya, agginā daḡḡo viya ca turitaṃ vuṭṭhāsī. **Akkamitvā pavattesīti** appamatto bhikkhu āraddhavipassako upaṭṭhitassati khippaṃ vuṭṭhahantova akkamitvā bhūmiyaṃ vaṭṭento parivaṭṭento viheṭṭento pātesi. Puthujjanakalyāṇakena hi evarūpesu ṭhānesu cittaṃ rakkhitabbaṃ. Ayañca tesam aññatāro saṅgāmasīsayodho bhikkhu.

77. Dvāraṃ vivarivā nipannaḡvatthumhi **divā paṭisalliyantenāti** divā nipajjantena. **Dvāraṃ saṃvaritvā paṭisalliyitunti** dvāraṃ pidahitvā nipajjitum.

Ettha ca kiñcāpi Pāḷiyam “ayaṃ nāma āpatti”ti na vuttā. Vivarivā nipannadosena pana uppanne vatthusmiṃ “anujānāmi bhikkhave divā paṭisalliyantena dvāraṃ saṃvaritvā paṭisalliyitun”ti vuttattā asaṃvaritvā paṭisalliyantassa dukkaṭaṃ vuttaṃ. Bhagavato hi adhippāyaṃ ñatvā Upālittherādīhi Aṭṭhakathā ṭhapitā. “Atthāpatti divā āpajjati no rattin”ti¹ imināpi cetam siddham.

Kīdisaṃ pana dvāraṃ saṃvaritabbaṃ, kīdisaṃ na saṃvaritabbaṃ? Rukkhapadaravelupadarakilañjapaṇṇādīnaṃ yena kenaci kavāṭaṃ katvā heṭṭhā udukkhale, upari uttarapāsake ca pavevetvā kataṃ parivattakadvārameva saṃvaritabbaṃ. Aññaṃ gorūpānaṃ vajesu viya² rukkhasūcikaṇṭakadvāraṃ, gāmathakanakaṃ cakkalakayuttadvāraṃ, phalakesu vā kiṭṭikāsu vā dve tīṇi cakkalakāni yojetvā kataṃ saṃsaraṇakiṭṭikadvāraṃ, āpaṇesu viya kataṃ ugghāṇanakiṭṭikadvāraṃ, dvīsu tīsu ṭhānesu veṇusalākā gopphetvā paṇṇakuṭīsu kataṃ salākahatthakadvāraṃ, dussasāṇidvāranti evarūpaṃ dvāraṃ na saṃvaritabbaṃ. Pattahatthassa kavāṭappaṇāmane pana ekaṃ dussasāṇidvārameva anāpattikaraṃ, avasesāni paṇāmentassa āpatti. Divā paṭisalliyantassa pana parivattakadvārameva āpattikaraṃ, sesāni saṃvaritvā vā asaṃvaritvā vā nipannassa āpatti natthi. Saṃvaritvā pana nipajjitabbaṃ, etaṃ vattaṃ.

Parivattakadvāraṃ pana kittakena saṃvutaṃ hoti? Sūcighaṭṭikādīsu dinnāsu saṃvutameva hoti. Apica kho sūcimattepi dinne vaṭṭati, ghaṭṭikamattepi dinne vaṭṭati, dvārabāhaṃ phusitvā pihitamattepi vaṭṭati, īsakaṃ aphasitepi vaṭṭati, sabbantimena vidhinā yāvataṃ sīsam nappavisati tāvatā aphasitepi vaṭṭatīti. Sace bahūnaṃ vaḷaṇjanaṭṭhānaṃ hoti, bhikkhuṃ vā sāmaṇeraṃ vā “dvāraṃ āvuso jaggāhī”ti vatvāpi nipajjitum vaṭṭati. Atha bhikkhū cīvarakammaṃ vā aññaṃ vā kiñci karontā nisinnā honti “ete dvāraṃ jaggissanti”ti ābhogaṃ katvāpi nipajjitum vaṭṭati.

Kurundaṭṭhakathāyaṃ pana “upāsakampi āpucchitvā vā ‘esa jaggissati’ti ābhogaṃ katvā vā nipajjitum vaṭṭati, kevalaṃ bhikkhuniṃ vā mātugāmaṃ vā āpucchitum na vaṭṭati”ti vuttaṃ. Atha dvārassa udukkhalaṃ vā uttarapāsako vā bhinno vā hoti aṭṭhapito vā, saṃvaritum na sakkoti, navakammattaṃ vā pana iṭṭhakapuñjo vā mattikādīnaṃ vā rāsi antodvāre kato hoti, aṭṭaṃ vā bandhanti,

1. Vi 5. 217 piṭṭhe.

2. Vajesu (Syā, Ka)

yathā saṁvaritum na sakkoti. Evarūpe antarāye sati asaṁvaritvāpi nipajjitum vaṭṭati. Yadi pana kavāṭam natthi laddhakappameva. Upari sayantena nissenim āropetvā nipajjitabbaṁ. Sace nissenimatthake thakanakaṁ hoti, thaketvāpi nipajjitabbaṁ. Gabbhe nipajjantena gabbhadvāraṁ vā, pamukhadvāraṁ vā yaṁkiñci saṁvaritvā nipajjitum vaṭṭati. Sace ekakuṭṭake gehe dvīsu passesu dvārāni katvā vaḷaṅjanti, dvepi dvārāni jaggitabbāni.

Tibhūmakepi pāsāde dvāraṁ jaggitabbameva. Sace bhikkhācārā paṭikkamma lohapāsādasadisāṁ pāsādaṁ bahū bhikkhū divāvihārattham pavisanti. Saṁghattherena dvārapālassa “dvāraṁ jaggāhī”ti vatvā vā “dvārajagganaṁ etassa bhāro”ti ābhogaṁ katvā vā pavisitvā nipajjitabbaṁ. Yāva saṁghanavakena evameva kattabbaṁ. Pure pavisantānaṁ “dvārajagganaṁ nāma pacchimānaṁ bhāro”ti evaṁ ābhogaṁ kātumpi vaṭṭati. Anāpucchā vā ābhogaṁ vā akatvā antogabbhe vā asaṁvutadvāre bahi vā nipajjantānaṁ āpatti. Gabbhe vā bahi vā nipajjanakālepi “dvārajagganaṁ nāma mahādvāre dvārapālassa bhāro”ti ābhogaṁ katvā nipajjitum vaṭṭatiyeva. Lohapāsādādīsu ākāsatale nipajjantenāpi dvāraṁ saṁvaritabbameva.

Ayaṁ hettha saṅkhepo—idaṁ divāpaṭisallīyanaṁ yena kenaci parikkhite sadvārabandhe ṭhāne kathitaṁ, tasmā abbhokāse vā rukkhamūle vā maṇḍape vā yattha katthaci sadvārabandhe nipajjantena dvāraṁ saṁvaritvāva nipajjitabbaṁ. Sace mahāpariveṇaṁ hoti mahābodhiyaṅgaṇalohapāsādaṅgaṇasadisāṁ bahūnaṁ osaraṇaṭṭhānaṁ, yattha dvāraṁ saṁvutampi saṁvutaṭṭhāne na tiṭṭhati, dvāraṁ alabhantā pākāraṁ āruhitvāpi vicaranti, tattha saṁvaraṇakiccaṁ natthi. Rattim dvāraṁ vivaritvā nipanno aruṇe uggate uṭṭhahati, anāpatti. Sace pabujjhivā puna supati, āpatti. Yo pana “aruṇe uggate vuṭṭahissāmī”ti paricchindivāva dvāraṁ asaṁvaritvā rattim nipajjati, yathāparicchidameva ca na vuṭṭhāti, tassa āpattiyeva. **Mahāpaccariyaṁ** pana “evaṁ nipajjanto anādariyadukkaṭāpi na muccati”ti vuttaṁ.

Yo pana bahudeva rattim jaggitvā, addhānaṁ vā gantvā divā kilantarūpo mañce nisinna pāde bhūmito amocetvāva niddāvasena nipajjati, tassa anāpatti. Sace okkantaniddo ajānantopi pāde mañcakaṁ āropeti, āpattiyeva. Nisīditvā apassāya supantassa anāpatti.

Yopi ca “niddam vinodessāmī”ti caṅkamanto pativā sahasāva vuṭṭhāti, tassāpi anāpatti. Yo pana pativā tattheva sayati na vuṭṭhāti, tassa āpatti.

Ko muccati, ko na muccatīti? **Mahāpaccariyam** tāva “ekabhaṅgena nipannakoyeva muccati. Pāde pana bhūmito mocetvā nipanno yakkhagahitakopi visaññibhūtopi na muccati”ti vuttam.

Kurundaṭṭhakathāyam pana “bandhitvā nipajjāpitova muccati”ti vuttam.

Mahā-aṭṭhakathāyam pana “yo caṅkamanto mucchivā patito tattheva supati, tassāpi avisayattā āpatti na dissati. Ācariyā pana evam na kathayanti, tasmā āpattiyevāti **Mahāpadumattherena** vuttam. Dve pana janā āpattito mucchantiyeva yo ca yakkhagahitako, yo ca bandhitvā nipajjāpito”ti.

78. Bhārukacchakavatthumhi **anāpatti supinantenā**ti yasmā supinante avisayattā evam hoti, tasmā Upālithero Bhagavatā avinicchitapubbampi imam vatthum nayaggāhena vinicchini. Bhagavāpi ca sutvā “sukathitam bhikkhave Upālīnā, apade padaṃ karonto viya, ākāse padaṃ dassento viya Upālī imam pañham kathesi”ti vatvā theram etadagge ṭhapesi “etadaggaṃ bhikkhave mama sāvakanam bhikkhūnam vinayadharānam yadidaṃ Upālī”ti¹. Ito parāni Supabbādīni vatthūni uttānatthāneva.

80. Bhikkhunīsampayojanādīsu te Licchavikumārakā khiḍḍāpasutā attano anācārena² evam akamsu, tato paṭṭhāya ca licchavīnam vināso eva udapādi.

82. Vuḍḍhapabbajitavatthumhi **dassanam agamāsī**ti anukampāya “tam dakkhissāmī”ti geham agamāsi. Athassa sā attano ca dāraṅkānañca nānappakārehi anāthabhāvaṃ samvaṇṇesi, anapekkhañca nam ṇatvā kupitā “ehi vibbhamāhī”ti balakkārena aggahesi. So attānam mocetum paṭikkamanto jarādubbalatāya uttāno paripati. Tato sā attano manam akāsi. So pana bhikkhu Anāgāmī samucchinnakāmarāgo, tasmā na sādīyīti.

1. Am 1. 25 piṭṭhe.

2. Anādarena (Ka)

83. Migapotakavatthu uttānatthamevāti.

Samantapāsādikāya Vinayasamvaṇṇanāya

Paṭhamapārājikavaṇṇanā niṭṭhitā.

Tatridaṃ samantapāsādikāya samantapāsādikattasmiṃ—

Ācariyaparamparato, nidānavatthupphadedāpanato.

Parasamayavivajjanato, sakasamayavisuddhito ceva.

Byañjanaparisodhanato, padatthato Pāḷiyojanakkamato.

Sikkhāpadanicchayato, vibhaṅganayabhedadassanato.

Sampassataṃ na dissati, kiñci apāsādikam yato ettha.

Viññūnamayaṃ tasmā, “**Samantapāsādikā**”tveva.

Samvaṇṇanā pavattā, vinayassa vineyyadamanakusalena.

Vuttassa Lokanāthena, lokamanukampamānenāti.

Paṭhamapārājikavaṇṇanā niṭṭhitā.

2. Dutiyapārājika

Dutiyam adutiyena, yam Jinena pakāsitam.

Pārājikam tassa dāni, patto samvaṇṇanākkamo.

Yasmā tasmā suviññeyyam, yam pubbe ca pakāsitam.

Tam sabbam vajjayitvāna, hoti samvaṇṇanā ayam.

Dhaniyavatthuvaṇṇanā

84. Tena samayena **Buddho Bhagavā Rājagahe viharati Gijjhakūṭe pabbateti** tattha **Rājagaheti** evaṃnāmake nagare, tañhi Mandhātumahāgovindādīhi pariggahitattā Rājagahanti vuccati, aññepettha pakāre vaṇṇayanti, kim tehi, nāmametam¹ tassa nagarassa. Tam panetaṃ Buddhakāle ca dcakkavattikāle ca nagaram hoti, sesakāle suññam hoti

1. Nāmamattametam (Dī-Tṭha 1. 122 piṭṭhe)

yakkhapariggahitaṃ, tesam vasantavanaṃ hutvā tiṭṭhati. Evaṃ gocaragāmaṃ dassetvā nivāsanaṭṭhānamāha **Gijjhakūṭe pabbateti**. So ca gijjhā tassa kūṭesu vasimsu, gijjhasadisāni vā tassa kūṭāni, tasmā **Gijjhakūṭoti** vuccatīti veditabbo.

Sambahulāti vinayapariyāyena tayo janā sambahulāti vuccanti, tato param saṅgho. Suttantapariyāyena tayo tayo eva, tato paṭṭhāya sambahulā. Idha pana te suttantapariyāyena sambahulāti veditabbā. **Sandiṭṭhāti** nātivissāsikā na daḥhamittā, tattha tattha saṅgama diṭṭhattā hi te sandiṭṭhāti vuccanti. **Sambhattāti** ativissāsikā daḥhamittā, te hi suṭṭhu bhattā bhajamānā ekasambhogaparibhogāti katvā sambhattāti vuccanti. **Isigilipasseti** Isigili nāma pabbato, tassa passe. Pubbe kira pañcasatamattā Paccakabuddhā Kāsikosalādīsu janapadesu piṇḍāya caritvā pacchābhataṃ tasmim pabbate sannipatitvā samāpattiyā vītināmenti. Manussā te pavisanteva passantī na nikkhamante. Tato āhaṃsu “ayaṃ pabbato ime isayo gilati”ti. Tadupādāya tassa “isigili” tveva samaññā udapādi, tassa passe pabbatapāde.

Tiṇakuṭiyo karitvāti tiṇacchadanā sadvārabandhā kuṭiyo katvā. Vassaṃ upagacchantena, hi nālakapaṭipadaṃ paṭipannenāpi pañcannaṃ chadanānaṃ aññatarena channeyeva sadvārabandhe senāsane upagantabbaṃ. Vuttañhetam “na bhikkhave asenāsānikena vassaṃ upagantabbaṃ, yo upagaccheyya āpatti dukkaṭassā”ti¹. Tasmā vassakāle sace senāsanaṃ labhati, iccetaṃ kusalaṃ. No ce labhati, hatthakammaṃ pariyesitvāpi kātabbaṃ. Hatthakammaṃ alabhantena sāmampi kātabbaṃ, na tveva asenāsānikena vassaṃ upagantabbaṃ. Ayamanudhammatā. Tasmā te bhikkhū tiṇakuṭiyo karitvā rattitṭhānadivāṭṭhānādīni paricchinditvā katikavattāni ca khandhakavattāni ca adhiṭṭhāya tīsu sikkhāsu sikkhamānā vassaṃ upagacchimsu.

Āyasmāpi Dhaniyoti na kevalaṃ te therāva, imassa sikkhāpadassa ādikammiko āyasmā Dhaniyopi. **Kumbhakāraputtoti** Kumbhakārassa putto. Tassa hi nāmaṃ Dhaniyo, pitā Kumbhakāro. Tena vuttam

1. Vi 3. 212 piṭṭhe.

“Dhaniyo Kumbhakāraputto”ti. **Vassaṃ upagacchīti** tehi therehi saddhim ekaṭṭhāneyeva tiṇakuṭīkaṃ karitvā vassaṃ upagacchi. **Vassaṃvutthāti** purimikāya upagatā mahāpavāraṇāya pavāritā pāṭipadadivasato paṭṭhāya “vutthavassā”ti vuccanti, evaṃ vassaṃvutthā hutvā.

Tiṇakuṭīyo bhindivāti na daṇḍamuggarādīhi cuṇṇavicuṇṇaṃ katvā, vattasīsenā pana tiṇaṅca dāruvalli-ādīni ca oropetvāti attho. Yena hi vihārapaccante kuṭi katā hoti, tena sace āvāsikā bhikkhū honti, te āpucchitabbā. “Sace imaṃ kuṭim paṭijaggitvā koci vasitum ussahati, tassa dethā”ti vatvā pakkamitabbāṃ. Yena araṅṅe vā katā hoti, paṭijagganakaṃ vā na labhati, tena “aṅṅesampi paribhogaṃ bhavissatī”ti paṭisāmetvā gantabbāṃ. Te pana bhikkhū araṅṅe kuṭīyo katvā paṭijagganakaṃ alabhantā tiṇaṅca kaṭṭhaṅca paṭisāmetvā, saṅgopetvāti attho. Yathā ca ṭhapitaṃ taṃ upacikāhi na khajjati, anovassakaṅca hoti, tathā ṭhapetvā “idaṃ ṭhānaṃ āgantvā vasitukāmaṇaṃ sabrahmacārīnaṃ upakārāya bhavissatī”ti gamiyavattaṃ pūretvā.

Janapadacārikaṃ pakkamimsūti attano attano cittānukūlaṃ janapadaṃ agamaṃsu. **Āyasmā pana Dhaniyo kumbhakāraputto tattheva vassaṃ vasīti-**ādī uttānatthameva. **Yāvatatiyakanti** yāvatatiyavāraṃ. **Anavayoti** anu-avayo, sandhivasena ukāralopo, anu anu avayo, yaṃ yaṃ kumbhakārehi kattabbaṃ nāma atthi, sabbattha anūno paripuṇṇasippoti attho. **Saketi** attano santake. **Ācariyaketi** ācariyakamme. **Kumbhakārakammeti** kumbhakārānaṃ kamme, kumbhakārehi kattabbakammeti attho. Etena sakaṃ ācariyakaṃ sarūpato dassitaṃ hoti. **Pariyodātasippoti** parisuddhasippo, anavayattepi sati aṅṅehi asadisasippoti vuttaṃ hoti.

Sabbamattikāmayanti piṭṭhasaṅghāṭaka kavāṭa sūci ghaṭika vātapānakavāṭamattaṃ ṭhapetvā avasesaṃ bhittichadaniṭṭhakathambhādibhedāṃ sabbāṃ ghasambhāraṃ mattikāmayameva katvāti attho. **Tiṇaṅca kaṭṭhaṅca gomayaṅca saṅkaḍḍhitvā taṃ kuṭīkaṃ pacīti** taṃ sabbamattikāmayāṃ katvā pāṇikāya ghaṃsitvā sukkhāpetvā telatambamattikāya parimajjitvā anto ca bahi ca tiṇādīhi pūretvā yathā pakkā supakkā hoti, evaṃ paci. Evaṃ pakkā ca pana sā

ahosi kuṭikā. **Abhirūpāti** surūpā. **Pāsādikāti** pasādajanikā. **Lohitikāti** lohitavaṇṇā. **Kiṅkaṇikasaddoti**¹ kiṅkaṇikajālassa saddo. Yathā kira nānāratānchi katassa kiṅkaṇikajālassa saddo hoti, evaṃ tassā kuṭikāya vātapānantarikādīhi pavīṭṭhena vātena samāhatāya saddo ahosi. Etenassā anto ca bahi ca supakkabhāvo dassito hoti. **Mahā-aṭṭhakathāyaṃ** pana “**kiṅkaṇikāti** kaṃsabhājanāṃ. Tasmā yathā abhihatassa kaṃsabhājanassa saddo, evamassā vātapāhatāya saddo ahoṣī”ti vuttaṃ.

85. **Kiṃ etaṃ bhikkhavi** ettha jānantova Bhagavā kathāsamuṭṭhāpanatthaṃ pucchi. **Bhagavato etamatthaṃ ārocesunti** sabbamattikāmayāya kuṭikāya karaṇabhāvaṃ ādito paṭṭhāya Bhagavato ārocesuṃ. “**Kathaṃ hi nāma so bhikkhave -pa- kuṭikaṃ karissati**”ti idaṃ atītatthe anāgatavacanāṃ, akāsīti vuttaṃ hoti. Tassa lakkhaṇāṃ saddasatthato pariyesitabbaṃ. **Na hi nāma bhikkhave tassa moghapurisassa pāṇesu anuddayā anukampā aviheṣā bhavissatīti** ettha **anuddayāti** anurakkhaṇā. Etena mettāpubbabhāgaṃ dasseti. **Anukampāti** paradukkheṇa cittakampanā. **Aviheṣāti** avihimsanā. Etehi karuṇāpubbabhāgaṃ dasseti. Idaṃ vuttaṃ hoti—bhikkhave tassa moghapurisassa pathavīkhaṇānacikkhallamaddana-aggidānesu bahū khuddānukhuddake pāṇe byābādhentassa vināsentassa tesu pāṇesu mettākaraṇānaṃ pubbabhāgamattāpi anuddayā anukampā aviheṣā na hi nāma bhavissati, appamattakāpi nāma na bhavissatīti. **Mā pacchimā janatā pāṇesu pātabyatāṃ āpajjīti** pacchimo janasamūho pāṇesu pātabyabhāvaṃ mā āpajjī. “Buddhakālepi bhikkhūhi evaṃ kataṃ, idisesu ṭhānesu pāṇātipātāṃ karontānaṃ natthi doṣo”ti maññitvā imassa diṭṭhānugatiṃ āpajjamānā pacchimā janatā mā pāṇesu pātabye ghaṃsitabbe evaṃ maññīti vuttaṃ hoti.

Evaṃ Dhaniyaṃ garahitvā **na ca bhikkhave sabbamattikāmayā kuṭikā kātabbāti** āyatim tādīsāya kuṭikāya karaṇāṃ paṭikkhipi. Paṭikkhipitvā ca “yo kareyya āpatti dukkaṭassā”ti sabbamattikāmayakuṭikākaraṇe āpattim ṭhapesi. Tasmā yopi pathavīkhaṇānādīnā pāṇesu pātabyatāṃ

1. Kiṅkaṇikasaddoti (Sī, Syā)

anāpajjanto tādisaṃ kuṭikaṃ karoti, sopi dukkaṭaṃ āpajjati.
 Pathavīkhaṇanādīhi pana pāṇesu pātabyataṃ āpajjanto yaṃ yaṃ vatthum
 vītikkamati, tattha tattha vuttameva āpattiṃ āpajjati. Dhaniyattherassa
 ādikammikattā anāpatti. Sesānaṃ sikkhāpadaṃ atikkamitvā karontānampi
 kataṃ labhitvā tattha vasantānampi dukkaṭameva. Dabbasambhāramissakā
 pana yathā vā tathā vā missā hotu, vaṭṭati. Suddhamattikāmayāva na vaṭṭati.
 Sāpi iṭṭhakāhi giñjakāvasathasaṅkhepena katā vaṭṭati. **Evaṃ bhanteti kho**
-pa- taṃ kuṭiṃ bhindimsūti Bhagavato vacanaṃ sampañcchitvā kaṭṭhehi ca
 pāsāṇehi ca taṃ kuṭikaṃ vikirantā bhindimsu.

Atha kho āyasmā Dhaniyoti-ādimhi ayaṃ saṅkhepattho—Dhaniyo
 ekapasse divāvihāraṃ nisinno tena saddena āgantvā te bhikkhū “kissa me
 tumhe āvuso kuṭiṃ bhindathā”ti pucchitvā “Bhagavā bhedāpetī”ti sutvā
 subbacatāya sampañcchi.

Kasmā pana Bhagavā iminā atimahantena ussāhena attano vasanatthaṃ
 kataṃ kuṭikaṃ bhedāpesi, nanu etassettha vayakammampi atthīti? Kiñcāpi
 atthi, atha kho naṃ Bhagavā akappiyāti bhindāpesi, titthiyadhajoti
 bhindāpesi. Ayamettha vinicchayo. Aṭṭhakathāyaṃ pana aññānīpi kāraṇāni
 vuttāni sattānuddayāya, pattacīvaraguttatthāya,
 senāsanabāhullapaṭisedhanāyāti-ādīni. Tasmā idānīpi yo bhikkhu bahussuto
 vinayaññū aññaṃ bhikkhuṃ akappiyaṃ parikkhāraṃ gahetvā vicarantaṃ
 disvā taṃ chindāpeyya vā bhindāpeyya vā, anupavajjo, so neva codetabbo
 na sāretabbo, na taṃ labbhā vattum “mama parikkhāro tayā nāsito, taṃ me
 dehī”ti.

Pālimuttakavinicchaya

Tatrāyaṃ Pālimuttako **kappiyākappiyaparikkhāravinicchayo**—keci
 tālapaṇṇacchattaṃ anto vā bahi vā pañcavaṇṇena suttana sībantaṃ
 vaṇṇamaṭṭhaṃ karonti, taṃ na vaṭṭati. Ekavaṇṇena pana nīlena vā pītakena
 vā yena kenaci suttana anto vā bahi vā sibbitum chattaḍaṇḍaggāhakaṃ
 salākapañjaraṃ vā vinandhitum vaṭṭati, tañca kho thirakaraṇatthaṃ, na
 vaṇṇamaṭṭhatthāya. Chattapaṇṇakesu makaradantakaṃ vā aḍḍhacandakaṃ
 vā chinditum na vaṭṭati. Chattadaṇḍe gehathambhesu viya ghaṭako vā
 vālarūpakaṃ vā na vaṭṭati. Sacepi sabbattha

āraggena lekhā dinnā hoti, sāpi na vaṭṭati, ghaṭakampi vālarūpampi bhinditvā dhāretabbaṃ. Lekhāpi ghaṃsitvā vā apanetabbā, suttakena vā daṇḍo veṭhetabbo. Daṇḍabunde pana ahicchattakasaṅṭhānaṃ vaṭṭati. Vāṭappahārena acalanatthaṃ chattamaṇḍalikaṃ rajjukehi gāhetvā daṇḍe bandhanti, tasmim̐ bandhanaṭṭhāne valayamiva ukkiritvā lekhaṃ ṭhapenti, sā vaṭṭati.

Cīvaramaṇḍanatthāya nānāsuttakehi satapadīsadisam̐ sabbantā āgantukapaṭṭam̐ ṭhapenti, aññampi yaṃkiñci sūcikkammavikāraṃ karonti, paṭṭamukhe vā pariyante vā veṇim̐ vā saṅkhalikaṃ vā evamādi sabbam̐ na vaṭṭati. Pakatisūcikkammameva vaṭṭati. Gaṇṭhikapapaṭṭakañca pāsakapaṭṭaṅca aṭṭhakoṇampi soḷasakoṇampi karonti, tattha agghiyagayamuggarādīni¹ dassenti, kakkatakkhīni ukkiranti, sabbam̐ na vaṭṭati. Catukoṇameva vaṭṭati. Koṇasuttapiḷakā ca cīvare ratte duviññeyyarūpā vaṭṭanti. Kañjikapiṭṭhakhali-ādīsu cīvaraṃ pakkhipitum̐ na vaṭṭati. Cīvarakammakāle pana hatthamalāsūcimalādīnaṃ dhovanatthaṃ, kiliṭṭhakāle ca dhovanatthaṃ vaṭṭati. Gandham̐ vā lākham̐ vā telam̐ vā rajane pakkhipitum̐ na vaṭṭati.

Cīvaraṃ rajitvā saṅkhena vā maṇinā vā yena kenaci na ghaṭṭetabbaṃ. Bhūmiyaṃ jāṇukāni nihantvā hatthehi gahtevā doṇiyampi na ghaṃsitabbaṃ. Doṇiyaṃ vā phalake vā ṭhapetvā ante gāhāpetvā hatthehi paharitum̐ pana vaṭṭati. Tampi muṭṭhinā na kātabbaṃ. Porāṇakattherā pana doṇiyampi na ṭhapesum̐. Eko gahtevā tiṭṭhati, aparo hatthe katvā hatthena paharati. Cīvarassa kaṇṇasuttakaṃ na vaṭṭati, rajitakāle chinditabbaṃ. Yaṃ pana “anujānāmi bhikkhave kaṇṇasuttakan”ti² evaṃ anuññātam̐, tam̐ anuvāte pāsakaṃ katvā bandhitabbaṃ rajanakāle lagganatthāya. Gaṇṭhikepi sobhākaraṇatthaṃ lekhā vā piḷakā vā na vaṭṭati, nāsetvā paribhuñjitabbaṃ.

Patte vā thālake vā āraggena lekhaṃ karonti, anto vā bahi vā na vaṭṭati. Pattam̐ bhamaṃ āropetvā majjitvā pacanti “maṇivaṇṇam̐ karissāmā”ti, na vaṭṭati, telavaṇṇo pana vaṭṭati. Pattamaṇḍale bhittikammaṃ na vaṭṭati, makaradantaṃ pana vaṭṭati.

Dhamakaraṇachattakassa upari vā heṭṭhā vā dhamakaraṇakucchiyaṃ vā lekhā na vaṭṭati, chattamukhavaṭṭiyaṃ panassa lekhā vaṭṭati.

1. Agghiyagadāmuggarādīni (Sī)

2. Vi 3. 400 piṭṭhe.

Kāyabandhanassa sobhanattham tahiṃ tahiṃ diguṇam suttaṃ koṭṭenti, kakkācchīni uṭṭhenti, na vaṭṭati. Ubhosu pana antesu dasāmukhassa thirabhāvāya diguṇam koṭṭetum vaṭṭati. Dasāmukhe pana ghaṭakam vā makaramukham vā deḍḍubhasīsam vā yaṃkiñci vikārarūpaṃ kātum na vaṭṭati. Tattha tattha acchīni dassetvā, mālākammalatākammādīni vā katvā koṭṭitakāyabandhanampi na vaṭṭati, ujukameva pana macchakaṇṭakam vā khajjuripattakam vā maṭṭhapaṭṭikam vā katvā koṭṭitum vaṭṭati. Kāyabandhanassa dasā ekā vaṭṭati, dve tīṇi cattāripi vaṭṭanti. Tato param na vaṭṭanti. Rajjukakāyabandhanam ekameva vaṭṭati. Pāmaṅgasaṅṭhānam pana ekampi na vaṭṭati. Dasā pana pāmaṅgasaṅṭhānāpi vaṭṭati. Bahurajjuka ekato katvā ekena nirantaram veṭhetvā kataṃ bahurajjukanti na vattabham, tam vaṭṭati.

Kāyabandhanavidhe aṭṭhamaṅgalādikam yaṃkiñci vikārarūpaṃ na vaṭṭati, paricchedalekhāmatam vaṭṭati. Vidhakassa ubhosu antesu thirakaraṇatthāya ghaṭakam karonti, ayampi vaṭṭati.

Añjaniyam itthipurisacatuppadasakuṇarūpaṃ vā mālākamma latākamma makaradantaka gomuttaka aḍḍhacandakādibhedam vā vikārarūpaṃ na vaṭṭati, ghaṃsitvā vā chinditvā vā yathā vā na paññāyati, tathā suttena veṭhetvā vaḷaṅṅjetabbā. Ujukameva pana caturamsā vā aṭṭhamsā vā soḷasamsā vā añjanī vaṭṭati, heṭṭhatopissā dve vā tisso vā vaṭṭalekhāyo vaṭṭanti, gīvāyampissā pidhānakabandhanattham ekā vaṭṭalekhā vaṭṭati.

Añjanisalākāyapi vaṇṇamaṭṭhakammaṃ na vaṭṭati. Añjanitthavikāyampi yaṃkiñci nānāvaṇṇena suttena vaṇṇamaṭṭhakammaṃ na vaṭṭati. Eseva nayo kuñcikākosakepi. Kuñcikāya vaṇṇamaṭṭhakammaṃ na vaṭṭati. Tathā sipāṭikāyam. Ekavaṇṇasuttena panettha yena kenaci sibbitum¹ vaṭṭati.

Āraṇṭakepi vaṭṭamaṇikam vā aññaṃ vā vaṇṇamaṭṭham na vaṭṭati, gīvāyam pana paricchedalekhā vaṭṭati. Pipphalikepi maṇikam vā piḷakam vā yaṃkiñci uṭṭhpetum na vaṭṭati, daṇḍake pana paricchedalekhā vaṭṭati. Nakhacchedanam valitakamyeva karonti, tasmā tam vaṭṭati. Uttarāraṇiyam vā adharāraṇiyam vā araṇidhanuke vā uparipellanadaṇḍake vā mālākammādikam yaṃkiñci vaṇṇamaṭṭham na

1. Yaṃkiñci sibbitum (Syā, Ka)

vaṭṭati, pellanadaṇḍakassa pana vemajjhe maṇḍalam hoti, tattha paricchedalekhāmattam vaṭṭati. Sūcisaṇḍāsam karonti, yena sūcim ḍamsāpetvā ghaṃsanti, tattha makaramukhādikam yamkiñci vaṇṇamaṭṭham na vaṭṭati. Sūciḍamsanattham pana mukhamattam hoti, tam vaṭṭati.

Dantakaṭṭhacchedanavāsiyampi yamkiñci vaṇṇamaṭṭham na vaṭṭati, ujukameva kappiyalohena ubhosu vā passesu caturamsam vā aṭṭhamsam vā bandhitum vaṭṭati. Kattaradaṇḍepi yamkiñci vaṇṇamaṭṭham na vaṭṭati, heṭṭhā ekā vā dve vā vaṭṭalekhā upari ahicchattakamakuḷamattañca vaṭṭati.

Telabhājanesu visāṇe vā nāḷiyam vā alābuke vā āmaṇḍasārake vā ṭhapetvā itthirūpaṃ, purisarūpañca avasesam sabbampi vaṇṇamaṭṭhakammaṃ vaṭṭati.

Mañcapīṭhe bhisibimbohane bhūmattharaṇe pādapuñchane caṅkamanabhisiyā sammunjanīyam kacavarachadḍanake rajanadoṇikāya pānīya-uḷunke pānīyaghaṭe pādakathalikāya phalakapīṭhake valayādhārake daṇḍādadhārake pattapidhāne tālavaṇṭe bījaneti etesu sabbam mālākammādivaṇṇamaṭṭhakammaṃ vaṭṭati. Senāsane pana dvārakavāṭavāṭapānakavāṭādīsū sabbaratanamayampi vaṇṇamaṭṭhakammaṃ vaṭṭati.

Senāsane kiñci paṭisedhetabbaṃ natthi aññatra viruddhasenāsanaṃ, viruddhasenāsanaṃ nāma aññesaṃ sīmāya rājavallabhehi katasenāsanaṃ vuccati. Tasmā ye tādisaṃ senāsanaṃ karonti, te vattabbā “mā amhākaṃ sīmāya senāsanaṃ karothā”ti. Anādiyitvā karontiyeva, punapi vattabbā “mā evaṃ akattha, mā amhākaṃ uposathapavāraṇānaṃ antarāyamakattha, mā sāmaggim bhindittha, tumhākaṃ senāsanaṃ katampi kataṭṭhāne na ṭhassatī”ti. Sace balakkārena karontiyeva, yadā tesam lajjiparisā ussannā hoti, sakkā ca hoti laddhum dhammiko vinicchayo, tadā tesam pesetabbaṃ “tumhākaṃ āvāsam harathā”ti. Sace yāva tatiyam pesite haranti, sādhu. No ce haranti, ṭhapetvā bodhiñca cetiyañca avasesasenāsanaṃ bhinditabbāni, no ca kho aparibhogam karontehi, paṭipāṭiyā pana chadanagopānasī-iṭṭhakādīni apanetvā tesam pesetabbaṃ “tumhākaṃ dabbasambhāre harathā”ti. Sace haranti,

sādhu. No ce haranti, atha tesu dabbasambhāresu himavassavātātapādīhi pūtibhūtesu vā corehi vā haṭesu agginā vā daḍḍhesu sīmasāmikā bhikkhū anupavajjā, na labbhā codetum “tumhehi amhākaṃ dabbasambhārā nāsītā”ti vā “tumhākaṃ gīvā”ti vā. Yam pana sīmasāmikehi bhikkhūhi kataṃ, taṃ sukatameva hotīti.

Pālimuttakavinicchayo niṭṭhito.

86. Evaṃ bhinnāya pana kuṭikāya Dhaniyassa parivītakkañca puna kuṭikaraṇatthāya ussāhañca dassetum “**atha kho āyasmato**”ti-ādi vuttaṃ. Tattha **dārugāhe gaṇakoti** rañño dārubhaṇḍāgāre dārugopako. **Devagahadārūnī**ti devena gahitadārūni, rājapaṭiggahitabhūtāni¹ dārūnīti attho. **Nagarapaṭisaṅkhārikānī**ti nagarassa paṭisaṅkhārūpakaraṇāni. **Āpadatthāya nikkhittānī**ti aggidāhena vā purāṇabhāvena vā paṭirājūparundhanādīnā vā gopuraṭṭālaka rājantepura hatthisālādīnaṃ vipatti āpadāti vuccati, tadatthaṃ nikkhittānīti vuttaṃ hoti. **Khaṇḍākhaṇḍikaṃ chedāpetvā**ti attano kuṭiyā pamāṇaṃ sallakkhetvā kiñci agge, kiñci majjhe, kiñci mūle khaṇḍākhaṇḍaṃ karonto chedāpesi.

87. **Vassakāro**ti tassa brāhmaṇassa nāmaṃ. **Magadhamahāmattoti** Magadharaṭṭhe mahāmatto, mahatiyā issariyamattāya samannāgato. Magadharañño vā mahāmatto, mahā-amaccoti vuttaṃ hoti. **Anusaññāyamānoti** tattha tattha gantvā paccavekkhamāno. **Bhaṇeti** issarānaṃ nīcaṭṭhānikapurisālapanam. **Bandham āṇāpesī**ti brāhmaṇo pakatiyāpi tasmim issāpakatova, so rañño “āṇāpehī”ti vacanaṃ sutvā yasmā “pakkosāpehī”ti raññā na vuttaṃ, tasmā “naṃ hatthesu ca pādesu ca bandham katvā āṇāpessāmī”ti bandham² āṇāpesi. **Addasa kho āyasmā Dhaniyoti** kathaṃ addasa? So kira attanā lesena dārūnaṃ haṭabhāvaṃ ñatvā “nissamsayaṃ esa dārūnaṃ kāraṇā rājakulato vadhaṃ vā bandham vā pāpuṇissati, tadā naṃ ahameva mocessāmī”ti niccakālaṃ tassa pavattim suṇantoyeva vicarati, tasmā taṅkhaṇaṇṇeva gantvā addasa. Tena vuttaṃ “addasa kho āyasmā Dhaniyo”ti. **Dārūnaṃ kiccāti** dārūnaṃ

1. Rājapariggahabhūtāni (Sī, Syā)

2. Baddham (Sī)

kāraṇā. **Purāhaṃ haññāmi**ti ahaṃ purā haññāmi, yāva ahaṃ na haññāmi, tāva tvaṃ eyyāsīti attho.

88. **Īṅha bhante sarāpehīti** ettha **īṅhāti** codanatthe nipāto. **Paṭhamābhisittoti** abhisitto hutvā paṭhamam. **Evarūpiṃ vācam bhāsītāti** “dinnaññeva samaṇabrāhmaṇānaṃ tiṇakaṭṭhodakaṃ paribhuñjantū”ti imarṃ evarūpiṃ vācam abhisitto hutvā paṭhamameva yaṃ tvaṃ abhāsi, taṃ sayameva bhāsivā idāni sarasī, na sarasīti vuttaṃ hoti¹. Rājāno kira abhisittamattāyeva dhammabheriṃ carāpentī “dinnaññeva samaṇabrāhmaṇānaṃ tiṇakaṭṭhodakaṃ paribhuñjantū”ti, taṃ sandhāya esa vadati. **Tesaṃ mayā sandhāya bhāsītanti** tesaṃ appamattakepi kukkucāyantānaṃ samitabāhitapāpānaṃ samaṇabrāhmaṇānaṃ tiṇakaṭṭhodakahaṇaṃ sandhāya mayā etaṃ bhāsitaṃ, na tumhādisānanti adhippāyo. **Taṅca kho araṅṅe apariggahitanti** taṅca tiṇakaṭṭhodakaṃ yaṃ araṅṅe apariggahitaṃ hoti, etaṃ sandhāya mayā bhāsītanti dīpeti.

Lomena tvaṃ muttosīti ettha lomamiva lomaṃ, kiṃ pana taṃ, pabbajjāliṅgaṃ. Kiṃ vuttaṃ hoti? Yathā nāma dhuttā “maṃsaṃ khādissāmā”ti mahagghalomaṃ eḷakaṃ gaṇheyyuṃ, tamenam añño viññupuriso disvā “imassa eḷakassa maṃsaṃ kahāpaṇamattaṃ agghati, lomāni pana lomavāre lomavāre aneke kahāpaṇe agghantī”ti dve alomake eḷake datvā gaṇheyya, evaṃ so eḷako viññupurisaṃmāgamma lomena mucceyya. Evameva tvaṃ imassa kammaṃ katattā vadhabandhanāraho, yasmā pana arahaddhajo sabbhi avajjharūpo, tvaṅca sāsane pabbajitattā yaṃ pabbajjāliṅgabhūtaṃ arahaddhajaṃ dhāresi, tasmā tvaṃ iminā pabbajjāliṅgalomena eḷako viya viññupurisaṃmāgamma muttosīti.

Manussā ujjhāyantīti raṅṅo parisatī² bhāsamānassa sammukhā ca parammukhā ca sutvā tattha tattha manussā ujjhāyanti avajjhāyanti, avajānantā taṃ jhāyanti olokenti, lāmakato vā cintenti attho. **Khiyyanti** tassa avaṇṇaṃ kathenti pakāsenti. **Vipācentīti** vitthārikaṃ karonti, sabbattha pattharanti, ayaṅca attho saddasatthānusārena veditabbo.

1. Idāni sarasīti vuttaṃ hoti (Ka)

2. Parisatīti (Sī)

Ayaṃ panettha yojanā—“alajjino ime samaṇā Sakyaputtiyā”ti-ādīni cintentā ujjhāyanti, “natthi imesaṃ sāmāññaṃ”ti-ādīni bhaṇantā khiyyanti, “apagatā ime sāmāññaṃ”ti-ādīni tattha tattha vitthārentā vipācentīti. Etena nayena imesaṃ padānaṃ ito parampi tattha tattha āgatapadānurūpena yojanā veditabbā. Tattha **brahmacārinoti** seṭṭhacāriṇo. **Sāmāññanti** samaṇabhāvo. **Brahmaññanti** seṭṭhabhāvo. Sesaṃ uttānatthameva.

Raṇṇo dārūnīti ādimhi “adinnaṃ ādiyissatī”ti ayaṃ ujjhāyanattho. Yaṃ panetaṃ adinnaṃ ādiyi, taṃ dassetuṃ “raṇṇo dārūnī”ti vuttaṃ. Iti vacanabhede asammuyhantehi attho veditabbo. **Purāṇavohāriko mahāmattoti** bhikkhubhāvato purāṇe gihikāle vinicchayavohāre niyuttattā “vohāriko”ti saṅkhaṃ gato mahā-amacco.

Atha kho Bhagavā taṃ bhikkhuṃ etadavocāti Bhagavā sāmānyeva lokavohārampi jānāti, atītabuddhānaṃ paññattimpi jānāti “pubbepi Buddhā ettakena pārājikaṃ paññapenti, ettakena thullaccayaṃ, ettakena dukkaṭaṇ”ti, evaṃ santepi sace aññehi lokavohāraviññūhi saddhiṃ saṃsanditvā pādamattena pārājikaṃ paññapeyya, tenassa siyuṃ vattāro “silasaṃvaro nāma ekabhikkhussapi appameyyo asaṅkhyeyyo mahāpathavīsamudda-ākāsāni viya ativittinṇo, kathaṅhi nāma Bhagavā pādamattakena nāsesī”ti. Tato Tathāgatassa ñāṇabalaṃ ajānantā sikkhāpadaṃ kopeyyuṃ, paññattampi sikkhāpadaṃ yathāṭhāne na tiṭṭheyya, lokavohāraviññūhi pana saddhiṃ saṃsanditvā paññatte so upavādo na hoti, aññadatthu evaṃ vattāro honti “imehi nāma agārikāpi pādamattena coraṃ hanantipi bandhantipi pabbājentipi, kasmā Bhagavā pabbajitaṃ na nāsessati, yena parasantakaṃ tiṇasalākamattampi na gahetabban”ti. Tathāgatassa ca ñāṇabalaṃ jānissanti, paññattampi ca sikkhāpadaṃ akuppaṃ bhavissati, yathāṭhāne ṭhassati, tasmā lokavohāraviññūhi saddhiṃ saṃsanditvā paññapetukāmo sabbāvantaṃ parisāṃ anuvilokento **atha kho Bhagavā avidūre nisinnaṃ disvā taṃ bhikkhuṃ etadavoca** “kittakena kho bhikkhu rājā Māgadho Seniyo Bimbisāro coraṃ gahetvā hanati vā bandhati vā pabbajeti vā”ti.

Tattha **Māgadhoti** Magadhānaṃ issaro. **Seniyoti** senāya sampanno. **Bimbisāro**ti tassa nāmaṃ. **Pabbājeti vā**ti raṭṭhato nikkhāmeti. Sesamettha uttānatthameva. **Pañcamāsako pādoti** tadā Rājagahe vīsati māsa ko kahāpaṇo hoti, tasmā pañcamāsako pādo. Etena lakkhaṇena sabbajanapadesu kahāpaṇassa catuttho bhāgo “pādo”ti veditabbo. So ca kho porāṇassa nīlakahāpaṇassa vasena, na itaresaṃ rudradāmakādīnaṃ¹. Tena hi pādena atītabuddhāpi pārājikaṃ paññapesuṃ, anāgatāpi paññapessanti. Sabbabuddhānaṃhi pārājikavattumhi vā pārājike vā nāmatthaṃ natthi, imāneva cattāri pārājikavattūni, imāneva cattāri pārājikāni, ito ūnaṃ vā atirekaṃ vā natthi. Tasmā Bhagavāpi Dhaniyaṃ vigarahitvā pādeneva dutiyapārājikaṃ paññapento “**yo pana bhikkhu adinnaṃ theyyasaṅkhātan**”ti-ādimāha.

Evam mūlacchejjasena daḷhaṃ katvā dutiyapārājike paññatte aparampi anupaññattathāya Rajakabhaṇḍikavattu udapādi, tassuppattidīpanatthametthaṃ vuttaṃ “**evañcidaṃ Bhagavatā bhikkhūnaṃ sikkhāpadaṃ paññattaṃ hoti**”ti. Tassattho ca anupaññattisambandho ca **paṭhamapārājikavaṇṇanāyaṃ** vuttanayeneva veditabbo. Yathā ca idha, evam ito paresu sabbasikkhāpadesu. Yaṃ yaṃ pubbe vuttaṃ, taṃ taṃ sabbaṃ vajjetvā uparūpari apubbameva vaṇṇayissāma. Yadi hi yaṃ yaṃ vuttanayaṃ, taṃ taṃ punapi vaṇṇayissāma, kadā vaṇṇanāya antaṃ gamissāma. Tasmā yaṃ yaṃ pubbe vuttaṃ, taṃ taṃ sabbaṃ sādhukaṃ upasallakkhetvā tattha tattha attho ca yojanā ca veditabbā. Apubbaṃ pana yaṃkiñci anuttānatthaṃ, taṃ sabbaṃ mayameva vaṇṇayissāma.

Dhaniyavattu vaṇṇanā niṭṭhitā.

90. **Rajakattharaṇaṃ gantvā**ti rajakatitthaṃ gantvā. Tañhi yasmā tattha rajakā vattāni attharanti, tasmā rajakattharaṇanti vuccati.

Rajakabhaṇḍikanti rajakānaṃ bhaṇḍikaṃ. Rajakā sāyanhasamaye nagaraṃ pavisantā bahūni vattāni ekekaṃ bhaṇḍikaṃ bandhanti, tato ekaṃ bhaṇḍikaṃ tesam pamaḍena apassantānaṃ avaharitvā thenetvāti attho.

1. Dudradāmakādīnaṃ (Ka)

Padabhājanīyavaṇṇanā

92. **Gāmo nāmāti** evamādi “gāmā vā araṇṇā vā”ti ettha vuttassa gāmassa ca araṇṇassa ca pabhedadassanattham vuttam. Tattha yasmiṃ gāme ekā eva kuṭi, ekaṃ gehaṃ seyyathāpi Malayajanapade. Ayaṃ ekakuṭiko gāmo nāma. Etena nayena aparepi veditabbā. **Amanusso** nāma yo sabbaso vā manussānaṃ abhāvena yakkhapariggahabhūto, yato vā manussā kenaci kāraṇena punapi āgantukāmā eva apakkantā. **Parikkhitto** nāma iṭṭhakapākāraṃ ādiṃ katvā antamaso kaṇṭakasākhāhipi parikkhitto. **Gonisādiniviṭṭho** nāma vīthisannivesādivasena anivisitvā yathā gāvo tattha tattha dve tayo nisīdanti, evaṃ tattha tattha dve tīṇi gharāni katvā nivīṭṭho. **Satthoti** jaṅghasatthasakaṭasatthādīsu yo koci. Imasmiṃca sikkhāpade nigamopi nagarampi gāmaggaṇeṇeva gahitanti veditabbaṃ.

Gāmūpacāroti-ādi araṇṇaparicchedadassanattham vuttam. **Indakhīle** **ṭhitassāti** yassa gāmassa Anurādhapurasseva dve indakhīlā, tassa abhantarime indakhīle ṭhitassa. Tassa hi bāhiro indakhīlo ābhidhammikanayena araṇṇasaṅkhepaṃ gacchati. Yassa pana eko, tassa gāmadvārabāhānaṃ vemajjhe ṭhitassa. Yatrāpi hi indakhīlo natthi, tatra gāmadvārabāhānaṃ vemajjameva “indakhīlo”ti vuccati. Tena vuttam “gāmadvārabāhānaṃ vemajjhe ṭhitassā”ti. **Majjhimassāti** thāmamajjhimassa, no pamāṇamajjhimassa, neva appathāmassa, na mahāthāmassa, majjhimathāmassāti vuttam hoti. **Leḍḍupātoti** yathā mātugāmo kāke uḍḍāpento¹ ujukameva hattham ukkhipitvā leḍḍum khipati, yathā ca udakukkhepe udakam khipanti, evaṃ akhipitvā yathā taruṇamanussā attano balaṃ dassentā bāham pasāretvā leḍḍum khipanti, evaṃ khittassa leḍḍussa patanaṭṭhānaṃ. Patito pana luṭhitvā yattha gacchati, tam na gahetabbaṃ.

Aparikkhittassa gāmassa gharūpacāre ṭhitassa **majjhimassa purisassa leḍḍupātoti** ettha pana nibbakosassa² udakapātaṭṭhāne ṭhitassa majjhimassa purisassa suppapāto vā musalapāto vā **gharūpacāro**

1. Uṭṭhāpento (Sī, Syā, Ka)

2. Nimbakosassa (Sī, Syā)

nāma. Tasmim̄ gharūpacāre ṭhitassa leḍḍupāto **gāmūpacāro**ti **Kurundaṭṭhakathāyam** vuttam̄. **Mahāpaccariyampi** tādisameva. **Mahā-aṭṭhakathāyam** pana “gharam̄ nāma gharūpacāro nāma gāmo nāma gāmūpacāro nāmā”ti mātikaṃ ṭhapetvā nibbakosassa udakapātāṭṭhānabbhantaram̄ **gharam̄** nāma. Yam̄ pana dvāre ṭhito mātugāmo bhājanadhovana-udakaṃ chaḍḍeti, tassa patanaṭṭhānañca mātugāmeneva antogehe ṭhitena pakatiyā bahi khittassa suppassa vā sammūñjaniyā vā patanaṭṭhānañca gharassa purato dvīsu koṇesu sambandhitvā majjhe rukkhasūcidvāram̄ ṭhapetvā gorūpānam̄ pavesananivāraṇattham̄ kataparikkhepo ca ayam̄ sabbopi **gharūpacāro** nāma. Tasmim̄ gharūpacāre ṭhitassa majjhimassa purisassa leḍḍupātabbhantaram̄ **gāmo** nāma. Tato aññassa leḍḍupātassa abbhantaram̄ **gāmūpacāro** nāmāti vuttam̄. Idamettha pamāṇam̄. Yathā cettha, evam̄ sabbattha yo yo Aṭṭhakathāvādo vā theravādo vā pacchā vuccati, so pamāṇato daṭṭhabbo.

Yañcetam̄ **Mahā-aṭṭhakathāyam** vuttam̄, tam̄ Pāḷiyā viruddhamiva dissati. Pāḷiyam̄ hi “gharūpacāre ṭhitassa majjhimassa purisassa leḍḍupāto”ti ettakameva vuttam̄. Aṭṭhakathāyam̄ pana tam̄ leḍḍupātam̄ gāmasaṅkhepaṃ katvā tato param̄ gāmūpacāro vuttoti? Vuccate, saccameva¹ Pāḷiyam̄ vuttam̄, adhippāyo panettha veditabbo. So ca Aṭṭhakathācariyānameva vidito. Tasmā yathā “gharūpacāre ṭhitassā”ti ettha gharūpacāralakkhaṇam̄ Pāḷiyam̄ avuttampi Aṭṭhakathāyam̄ vuttavasena gahitam̄. Evam̄ sesampi gahetabbam̄.

Tatrāyam̄ nayo—idha gāmo nāma duvidho hoti parikkhitto ca aparikkhitto ca. Tatra parikkhittassa parikkhepoyeva paricchedo, tasmā tassa visum̄ paricchedam̄ avatvā “gāmūpacāro nāma parikkhittassa gāmassa indakhīle ṭhitassa majjhimassa purisassa leḍḍupāto”ti Pāḷiyam̄ vuttam̄. Aparikkhittassa pana gāmassa gāmaparicchedo vattabbo. Tasmā tassa gāmaparicchedadassanattham̄ “aparikkhittassa gāmassa gharūpacāre ṭhitassa majjhimassa purisassa leḍḍupāto”ti vuttam̄. Gāmaparicchede ca dassite gāmūpacāralakkhaṇam̄ pubbe vuttanayeneva sakkā ñātunti puna “tattha ṭhitassa majjhimassa purisassa leḍḍupāto”ti na vuttam̄. Yo pana gharūpacāre

1. Sabbametam̄ (Sī), sabbameva (Syā)

ṭhitassa leḍḍupātaṃyeva “gāmūpacāro”ti vadati, tassa gharūpacāro gāmoti āpajjati. Tato gharaṃ, gharūpacāro, gāmo, gāmūpacāroti esa vibhāgo saṅkarīyati¹, asaṅkarato cettha vinicchayo vedītabbo vikāle gāmappavesanādīsu. Tasmā Pāḷīna Aṭṭhakathāna saṃsanditvā vuttanayenevettha gāmo ca gāmūpacāro ca vedītabbo. Yopi ca gāmo pubbe mahā hutvā pacchā kulesu naṭṭhesu appako hoti, so gharūpacārato leḍḍupāteneva paricchīditabbo. Purīmaparicchēdo paṇassa parikkhittassāpi aparikkhittassāpi appamāṇamevāti.

Araññaṃ nāma ṭhapetvā gāmaṇca gāmūpacāraṇcāti imaṃ yathāvuttalakkhaṇaṃ gāmaṇca gāmūpacāraṇca ṭhapetvā imasmiṃ adinnādānasikkhāpade avasesaṃ araṇñaṃ nāmāti vedītabbaṃ. Abhidhamme pana “araṇñaṇti nikkhamitvā bahi indakhīlā sabbametaṃ araṇñaṇ”ti² vuttaṃ. Āraṇñaṇkasikkhāpade “āraṇñaṇcaṃ nāma senāsaṇaṃ pañcadhanusatikaṃ pacchīmaṇ”ti³ vuttaṃ, taṃ indakhīlato paṭṭhāya āropitena ācariyadhaṇuṇā pañcadhanusatappamāṇanti vedītabbaṃ. Evaṃ Bhagavatā “gāmā vā araṇña vā”ti etassa atthaṃ vibhajanteṇa gharaṃ, gharūpacāro, gāmo, gāmūpacāro, araṇñaṇti pāpabhikkhūnaṃ lesokāsanisedhaṇatthaṃ pañca koṭṭhāsā dassitā, tasmā ghare vā gharūpacāre vā gāme vā gāmūpacāre vā araṇña vā pādagghanaṇkato paṭṭhāya sassāmikaṃ bhaṇḍaṃ avaharaṇtassa pārājīkamevāti vedītabbaṃ.

Idāni “adīnaṃ theyyasaṅkhātaṃ ādiyeyyā”ti-ādīnaṃ atthaḍassanaṇtthaṃ “**adīnaṃ nāmā**”ti-ādīmaḥa. Tattha **adīnaṇti** Dantaṇasaṅkhāpade attano sataṇkampi appaṭṭiggahaṇtaṇcaṃ kappīyaṃ aṇṇharaṇīyaṃ vuccati. Idha pana yaṃkiṇci paraṇariggahaṇtaṃ sassāmikaṃ bhaṇḍaṃ, tadetaṃ tehi sāmīkehi kāyena vā vācāya vā na dīnaṇti adīnaṃ. Attano hatthato vā yathāṭṭhitaṭṭhānato vā na nīsaṭṭhanti **anīsaṭṭhaṇaṃ**. Yathāṭṭhāne ṭṭhītaṃpī anaṇekkhataṃya na paṇiccattanti **apaṇiccattaṇaṃ**. Ārakkhasaṃvīdhāneṇa rakkhītaṇtā **rakkhītaṇaṃ**. Maṇṇūsādīsu paṇkhipitvā gopītaṇtā **gopītaṇaṃ**. “Mama idan”ti taṇḥāmaṇattena maṇāyītaṇtā **maṇāyītaṇaṃ**. Tāhi apaṇiccāgarakkhaṇagopaṇāhi tehi bhaṇḍasaṃīkehi parehi paṇiggahaṇtanti **paraṇariggahaṇtaṇaṃ**. Etaṃ adīnaṃ nāma.

1. Saṅkiyati (Ka)

2. Abhi 2. 260 piṭṭhe.

3. Vi 1. 377 piṭṭhe.

Theyyasaṅkhātanti ettha **thenoti** coro. Thenassa bhāvo **theyyam**, avaharaṇacittassetam adhivacanam. Saṅkhā saṅkhātanti atthato ekaṃ, koṭṭhāsassetam adhivacanam “saññānidānā hi papañcasāṅkhā”¹ti-ādīsu¹ viya. Theyyañca tam saṅkhātāñcāti **theyyasaṅkhātām**, theyyacittasaṅkhāto eko cittakoṭṭhāsoti attho. Karaṇatthe cetam paccattavacanam, tasmā theyyasaṅkhātenāti atthato daṭṭhabbam. Yo ca theyyasaṅkhātena ādiyati, so yasmā theyyacitto hoti, tasmā byañjanam anādiyitvā atthameva dassetum “**theyyacitto avaharaṇacitto**”ti evamassa padabhājanam vuttanti veditabbam.

Ādiyeyya, hareyya, avahareyya, iriyāpatham vikopeyya, ṭhānā cāveyya, saṅketam vītināmeyyāti ettha pana paṭhamapadam abhiyogavasena vuttam, dutiyapadam aññesam bhaṇḍam harantassa gacchato vasena, tatiyapadam upanikkhittabhaṇḍavasena, catuttham saviññāṇakavasena, pañcamam thale nikkhattādivasena, chaṭṭham parikappavasena vā suṅkaghātavasena vā vuttanti veditabbam. Yojanā panettha ekabhaṇḍavasenapi nānābhaṇḍavasenapi hoti. Ekabhaṇḍavasena ca saviññāṇakeneva labbhati, nānābhaṇḍavasena saviññāṇakāvīññāṇakamissakena.

Tattha nānābhaṇḍavasena tāva evarim veditabbam—**ādiyeyyāti** ārāmaṃ abhiyuñjati, āpatti dukkaṭassa. Sāmikassa vimatiṃ uppādeti, āpatti thullaccayassa. Sāmiko “na mayham bhavissati”ti dhuraṃ nikkhipati, āpatti pārājikassa.

Hareyyāti aññassa bhaṇḍam haranto sīse bhāram theyyacitto āmasati, āpatti dukkaṭassa. Phandāpeti, āpatti thullaccayassa. Khandham oropeti, āpatti pārājikassa.

Avahareyyāti upanikkhittam bhaṇḍam “dehi me bhaṇḍan”ti vuccamāno “nāham gaṇhāmī”ti bhaṇati, āpatti dukkaṭassa. Sāmikassa vimatiṃ uppādeti, āpatti thullaccayassa. Sāmiko “na mayham dassati”ti dhuraṃ nikkhipati, āpatti pārājikassa.

1. Khu 1. 414 piṭṭhe Suttanipāte.

Iriyāpatham vikopeyyāti “sahabhaṇḍahārakaṃ nessāmī”ti paṭhamam pādam saṅkāmeti, āpatti thullaccayassa. Dutiyam pādam saṅkāmeti, āpatti pārājikassa.

Ṭhānā cāveyyāti thalaṭṭham bhaṇḍam theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

Saṅketam vītināmeyyāti parikappitaṭṭhānam paṭhamam pādam atikkāmeti, āpatti thullaccayassa. Dutiyam pādam atikkāmeti, āpatti pārājikassa. Atha vā paṭhamam pādam suṅkaghātam atikkāmeti, āpatti thullaccayassa. Dutiyam pādam atikkāmeti, āpatti pārājikassāti ayamettha nānābhaṇḍavasena yojanā.

Ekabhaṇḍavasena pana sassāmikaṃ dāsam vā tiracchānam vā yathāvuttena abhiyogādinā nayena ādiyati vā harati vā avaharati vā iriyāpatham vā vikopeti, ṭhānā vā cāveti, paricchedam vā atikkāmeti. Ayamettha ekabhaṇḍavasena yojanā.

Pañcavīsati-avahārakathā

Apica imāni cha padāni vaṇṇentena pañca pañcake samodhānetvā pañcavīsati avahārā dassetabbā. Evaṃ vaṇṇayatā hi idaṃ adinnādānapārājikaṃ suvaṇṇitaṃ hoti. Imasmim ca ṭhāne sabba-aṭṭhakathā ākulā luḷitā duviññeyyavinicchayā. Tathā hi sabba-aṭṭhakathāsu yāni tāni Pāḷiyam “pañcahākārehi adinnam ādiyantassa āpatti pārājikassa, parapariggahitañca hoti”ti-ādinā nayena avahāraṅgāni vuttāni, tānipi gahetvā katthaci ekaṃ pañcakaṃ dassitam, katthaci “chahākārehi”ti āgatehi saddhim dve pañcakāni dassitāni. Etāni ca pañcakāni na honti. Yattha hi ekekena padena avahāro sijjhati, taṃ pañcakaṃ nāma vuccati. Ettha pana sabbehipi padehi ekoyeva avahāro. Yāni ca tattha labbhamānāniyeva pañcakāni dassitāni, tesampi na sabbesam attho pakāsito. Evamimasmim ṭhāne sabba-aṭṭhakathā ākulā luḷitā duviññeyyavinicchayā, tasmā **pañca pañcake** samodhānetvā dassiyamānā ime **pañcavīsati avahārā** sādhuṃkaṃ sallakkhetabbā.

Pañca pañcakāni nāma nānābhaṇḍapañcakam, ekabhaṇḍapañcakam, sāhatthikapañcakam, pubbapayogapañcakam, theyyāvahārapañcakanti. Tattha nānābhaṇḍapañcakañca ekabhaṇḍapañcakañca “ādiyeyya hareyya avahareyya iriyāpatham vikopeyya ṭhānā cāveyyā”ti imesaṃ padānam vasena labbhanti, tāni pubbe yojetvā dassitanayeneva veditabbāni. Yaṃ panetaṃ “saṅketaṃ vītināmeyyā”ti chaṭṭham padaṃ, taṃ parikappāvahārassa ca nissaggiyāvahārassa ca sādharāṇam. Tasmā taṃ tatiyapañcomesu pañcakesu labbhamānapadavasena yojetabbaṃ. Vuttam nānābhaṇḍapañcakañca ekabhaṇḍapañcakañca.

Katamaṃ sāhatthikapañcakam? Pañca avahārā sāhatthiko āṇattiko nissaggiyo atthasādhako dhuranikkhepoti. Tattha **sāhatthiko** nāma parassa bhaṇḍam sahatthā avaharati. **Āṇattiko** nāma “asukassa bhaṇḍam avahārā”ti aññam āṇāpeti. **Nissaggiyo** nāma antosuṅkaghāte ṭhito bahisuṅkaghātam pāpeti, āpatti pārājikassāti iminā ca saddhim “saṅketaṃ vītināmeyyā”ti idam padayojanam labhati. **Atthasādhako** nāma “asukam nāma bhaṇḍam yadā sakkosi, tadā avahārā”ti āṇāpeti. Tattha sace paro anantarāyiko hutvā taṃ avaharati, āṇāpako āṇattikkhaṇeyeva pārājiko hoti, avahārako pana avahaṭakāle. Ayaṃ atthasādhako. **Dhuranikkhepo** pana upanikkhittabhaṇḍavasena veditabbo. Idam sāhatthikapañcakam.

Katamaṃ pubbapayogapañcakam? Aparepi pañca avahārā pubbapayogo sahapayogo samvidāvahāro saṅketakammaṃ nimittakammanti. Tattha āṇattivasena **pubbapayogo** veditabbo, ṭhānā cāvanavasena **sahapayogo**, itare pana tayo Pāḷiyam¹ āgatanayeneva veditabbāti. Idam pubbapayogapañcakam.

Katamaṃ theyyāvahārapañcakam? Aparepi pañca avahārā theyyāvahāro pasayhāvahāro parikappāvahāro paṭicchannāvahāro kusāvahāroti. Te pañcapi “aññataro bhikkhusamghassa cīvare bhāḷiyamāne theyyacitto kusam saṅkāmetvā cīvaram aggahesī”ti² etasmim

1. Vi 1. 65 piṭṭhe.

2. Vi 1. 73 piṭṭhe; Upari 330 piṭṭhe.

kusasaṅkāmanavatthusmiṃ vaṇṇayissāma. Idaṃ theyyāvahārapañcakam. Evamimāni pañca pañcakāni samodhānetvā ime pañcavīsati avahārā veditabbā.

Imesu ca pana pañcasu pañcakesu kusalena vinayadharena otiṇṇam vatthum sahasā avinicchinitvāva **pañca ṭhānāni** oloketabbāni. Yāni sandhāya porāṇā āhu—

“Vatthum kālaṅca desaṅca, aggham paribhogapañcamam.
Tulayitvā pañca ṭhānāni, dhāreyyattham vicakkhaṇo”ti.

Tattha **vatthunt**i bhaṇḍam. Avahārakena hi “mayā idaṃ nāma avahaṭan”ti vuttepi āpattim anāropetvāva taṃ bhaṇḍam sassāmikam vā assāmikam vāti upaparikkhitabbaṃ. Sassāmikepi sāmikānam sālāyabhāvo vā nirālayabhāvo vā upaparikkhitabbo. Sace tesam sālāyakāle avahaṭam, bhaṇḍam agghāpetvā āpatti kātabbā. Sace nirālayakāle, na pārājikena kāretabbo. Bhaṇḍasāmikesu pana bhaṇḍam āharāpentesu bhaṇḍam dātabbaṃ. Ayamettha sāmīci.

Imassa panatthassa dīpanatthamidaṃ vatthu—**Bhātiyarājakāle** kira mahācetiyaṇḍāyā dakkhiṇadisato eko bhikkhu sattahattham paṇḍukāsāvaṃ amse karitvā cetiyaṅgaṇam pāvīsi, taṅkhaṇameva ca rājāpi cetiyavandanattham āgato. Tattha ussāraṇāya vattamānāya mahājanasammaddo ahoṣi. Atha so bhikkhu janasammaddapīlito aṃsato patantaṃ kāsāvaṃ adisvāva nikkhanto, nikkhamitvā ca kāsāvaṃ aṃsanto “ko īdise janasammadde kāsāvaṃ lacchatī, na dāni taṃ mayhan”ti dhuranikkhepaṃ katvā gato. Athañño bhikkhu pacchā āgacchanto taṃ kāsāvaṃ disvā theyyacittena gahetvā puna vippaṭṭisārī hutvā “assamaṇo dānimhi, vibbhamissāmī”ti citte uppannepi “vinayadhare pucchitvā ñassāmī”ti cintesi.

Tena ca samayena **Cūlasumanatthero** nāma sabbapariyattidharo vinayācariyaṇḍāyā Mahāvihāre paṭivasati. So bhikkhu theram upasaṅkamitvā vanditvā okāsam kāretvā attano kukkucam pucchi, thero tena bhaṭṭhe janakāye pacchā āgantvā gahitabhāvaṃ ñatvā “atthi dāni ettha okāso”ti cintetvā āha “sace kāsāvasāmikam

bhikkhuṃ āneyyāsi, sakkā bhaveyya tava paṭiṭṭhā kātun”ti. Kathāhaṃ bhante taṃ dakkhissāmīti. Tahiṃ tahiṃ gantvā olokehīti. So pañcapi Mahāvihāre oloketvā neva addakkhi. Tato naṃ thero pucchi “katarāya disāya bahū bhikkhū āgacchanti”ti. Dakkhiṇadisāya bhanteti. Tena hi kāsavaṃ dīghato ca tiriyañca minivā ṭhapehi, ṭhapetvā dakkhiṇadisāya vihārapaṭipāṭiyā vicinitvā taṃ bhikkhuṃ ānehīti. So tathā katvā taṃ bhikkhuṃ disvā therassa santikaṃ ānesi. Thero pucchi “tavedaṃ kāsāvan”ti. Āma bhanteti. Kuhiṃ te pātinti. So sabbaṃ ācikkhi. Thero pana tena kataṃ dhuranikkhepaṃ sutvā itaraṃ pucchi “tayā idaṃ kuhiṃ disvā gahitan”ti. Sopi sabbaṃ ārocesi. Tato naṃ thero āha “sace te suddhacittena gahitaṃ abhavissa, anāpattiyeva te assa, theyyacittena pana gahitattā dukkaṭaṃ āpannosi, taṃ desetvā anāpattiko hohi, idañca kāsavaṃ attano santakaṃ katvā etasseva bhikkhuno dehī”ti. So bhikkhu amateneva abhisitto paramassāsappatto ahosīti. Evaṃ vatthu oloketabbaṃ.

Kāloti avahārakālo. Tadeva hi bhaṇḍaṃ kadāci samagghaṃ hoti, kadāci mahagghaṃ. Tasmā taṃ bhaṇḍaṃ yasmiṃ kāle avahaṭaṃ, tasmimyeva kāle yo tassa aggho hoti, tena agghena āpatti kāretabbā. Evaṃ kālo oloketabbo.

Desoti avahāradeso. Tañhi bhaṇḍaṃ yasmiṃ dese avahaṭaṃ, tasmimyeva dese yo tassa aggho hoti, tena agghena āpatti kāretabbā. Bhaṇḍuṭṭhānadese hi bhaṇḍaṃ samagghaṃ hoti, aññattha mahagghaṃ.

Imassāpi ca atthassa dīpanatthamidaṃ vatthu—antarasamudde kira eko bhikkhu susaṅṭhānaṃ nāḷikeram labhitvā bhamaṃ āropetvā saṅkhathālakasadisam manoramaṃ pānīyathālakam katvā tattheva ṭhapetvā cetiyagiriṃ agamāsi. Athañño bhikkhu antarasamuddaṃ gantvā tasmim vihāre paṭivasanto taṃ thālakam disvā theyyacittena gahetvā cetiyagirimeva āgato. Tassa tattha yāguṃ pivantassa taṃ thālakam disvā thālakasāmiko bhikkhu āha “kuto te idaṃ laddhan”ti. Antarasamuddato me ānīnti. So taṃ “netam tava santakaṃ, theyyāya te gahitan”ti

saṅghamajjham ākaḍḍhi. Tattha ca vinicchayaṃ alabhitvā Mahāvihāraṃ agamiṃsu. Tattha bheriṃ paharāpetvā mahācetiyaśamīpe sannipātaṃ katvā vinicchayaṃ ārabhiṃsu. vinayadharattherā avahāraṃ saññāpesuṃ.

Tasmim ca sannipāte **Ābhidhammikagodattatthero** nāma vinayakusalo hoti, so evamāha “iminā idaṃ thālakaṃ kuhiṃ avahaṭaṇ”ti. Antarasamudde avahaṭanti. Tatridaṃ kiṃ agghatīti. Na kiñci agghati, tatra hi nāḷikeram bhinditvā miñjaṃ khāditvā kapālam chaḍḍenti, dāru-atthaṃ pana pharatīti. Imassa bhikkhuno ettha hatthakammaṃ kiṃ agghatīti. Māsakaṃ vā ūnamāsakaṃ vāti. Atthi pana katthaci Sammāsambuddena māsakena vā ūnamāsakena vā pārājikaṃ paññattanti. Evaṃ vutte “sādhu sādhu sukathitaṃ suvinicchitaṃ”ti ekasādhukāro ahosi. Tena ca samayena **Bhātiyarājāpi** cetiyavandanatthaṃ nagarato nikkhamanto taṃ saddaṃ sutvā “kiṃ idan”ti pucchitvā sabbaṃ paṭipāṭiyā sutvā nagare bheriṃ carāpesi “mayi sante bhikkhūnampi bhikkhunīnampi gihīnampi adhikaraṇaṃ Ābhidhammikagodattattherena vinicchitaṃ suvinicchitaṃ, tassa vinicchaye atitṭhamānaṃ rājāṇāya ṭhapemī”ti. Evaṃ deso oloketabbo.

Agghoti bhaṇḍaggho. Navabhaṇḍassa hi yo aggho hoti, so pacchā parihāyati. Yathā navadhoto patto aṭṭha vā dasa vā agghati, so pacchā bhinno vā chiddo vā āṇigaṇṭhikāhato vā appaggho hoti, tasmā na sabbadā bhaṇḍaṃ pakati-aggheneva kātabbanti. Evaṃ aggho oloketabbo.

Paribhogoti bhaṇḍaparibhogo. Paribhogenāpi hi vāsi-ādibhaṇḍassa aggho parihāyati. Tasmā evaṃ upaparikkhitabbaṃ, sace koci kassaci pādagghanakaṃ vāsiṃ harati, tatra vāsisāmiko pucchitabbo “tayā ayaṃ vāsi kittakena kītā”ti. Pādena bhanteti. Kiṃ pana te kiṇitvāva ṭhapitā, udāhu taṃ vaḷañjesīti. Sace vadati “ekadivasaṃ me dantakaṭṭhaṃ vā rajanachallim vā pattapacanakadāruṃ vā chinnaṃ, ghaṃsitvā vā nisitā”ti. Athassā porāṇo aggho bhaṭṭhoti veditabbo. Yathā ca vāsiyā evaṃ añjaniyā vā añjanisalākāya vā kuñcikāya vā palālana vā thusehi vā iṭṭhakacuṇṇena vā ekavāraṃ ghaṃsitvā dhovanamattenāpi aggho bhassati. Tipumaṇḍalassa makaradantacchedanenāpi

parimajjitamattenāpi, udakasāṭīkāya sakim̐ nivāsanapārūpanenāpi paribhogasīsenā añse vā sīse vā ṭhapanamattenāpi, taṇḍulādīnam papphoṭānenāpi tato ekam̐ vā dve vā apanayanenāpi, antamaso ekam̐ pāsāṇasakkharam̐ uddharitvā chaḍḍitamattenāpi, sappitelādīnam bhājanantaraparivattanenāpi, antamaso tato makkhikam̐ vā kipillikam̐ vā uddharitvā chaḍḍitamattenāpi, guḷapiṇḍakassa madhurabhāvajānanattham̐ nakhena vijjhivā aṇumattam̐ gahitamattenāpi aggho bhassati. Tasmā yam̐kiñci pādagghanakam̐ vuttanayeneva sāmikehi paribhogena ūnam̐ kataṃ hoti, na tam̐ avahaṭo bhikkhu pārājikena kātabbo. Evaṃ paribhogo oloketabbo. Evaṃ imāni tulayitvā pañca ṭhānāni dhāreyyattham̐ vicakkhaṇo, āpattim̐ vā anāpattim̐ vā garukam̐ vā lahukam̐ vā āpattim̐ yathāṭhāne ṭhapeyyāti.

Niṭṭhito “ādiyeyya -pa- saṅketam̐ vītināmeyyā”ti

Imesam̐ padānam̐ vinicchayo.

Idāni yadidam̐ “yathārūpe adinnādāne”ti-ādīni vibhajantena “yathārūpam̐ nāmā”ti-ādī vuttam̐. Tattha yathārūpanti yathājātikam̐. Tam̐ pana yasmā pādato paṭṭhāya hoti, tasmā “**pādām̐ vā pādārahām̐ vā atirekapādām̐ vā**”ti āha. Tattha pādēna kahāpaṇassa catutthabhāgam̐ akappiyabhaṇḍameva dasseti, pādārahena pādagghanakam̐ kappiyabhaṇḍam̐, atirekapādēna ubhayampi. Ettāvataṭṭa sabbākāreṇa duttiyapārājikappahonakavattu dassitam̐ hoti.

Pathabyā rājāti sakalapathaviyā rājā dīpacakkavattī Asokasadiṣo, yo vā panaññoopi ekadīpe rājā Sīhaḷarājasadiṣo. **Padesarājāti** ekadīpassa padesissaro Bimbisārapasenadi-ādāyo viya. **Maṇḍalikā** nāma ye dīpapadesēpi ekamekam̐ maṇḍalam̐ bhuñjanti. **Antarabhogikā** nāma dvinnam̐ rūjūnam̐ antarā katipayagāmasāmikā. **Akkhadassāti** dhammavinicchānakā, te dhammasabhāyam̐ nisīditvā aparādhānurūpam̐ corānam̐ hatthapādacchejjādīm̐ anusāsanti. Ye pana ṭhānantarappattā amaccā vā rājakumārā vā katāparādhā honti, te rañño āroceti, garukam̐ ṭhānam̐ sayam̐ na vinicchīnanti. **Mahāmattāti** ṭhānantarappattā mahā-amaccā,

tepi tattha tattha gāme vā nigame vā nisīditvā rājakiccaṃ karonti. **Ye vā panāti** aññepi ye rājakulanissitā vā sakissariyanissitā¹ vā hutvā chejjabhejjaṃ anusāsanti, sabbepi te imasmim atthe “rājāno”ti dasseti.

Haneyyunti potheyyuñceva chindeyyuñca. **Pabbājeyyunti** nihareyyuṃ. **Corosīti** evamādīni ca vatvā paribhāseyyuṃ. Tenevāha “paribhāso eso”ti. **Purimaṃ upādāyāti** methunaṃ dhammaṃ paṭisevitvā pārājikaṃ āpattiṃ āpannaṃ puggalaṃ upādāya. Sesam pubbe vuttanayattā, uttānapadatthattā ca pākaṭamevāti.

93. Evaṃ uddiṭṭhasikkhāpadaṃ padānukkamena vibhajitvā idāni yaṃ taṃ “ādiyeyyā”ti-ādīhi chahi padehi saṅkhepato ādānaṃ dassetvā saṅkhepato eva “pādaṃ vā pādārahaṃ vā atirekapādaṃ vā”ti ādātābbaḥṇaṃ dassitaṃ, taṃ yattha yattha ṭhitaṃ yathā yathā ādānaṃ gacchati, anāgate pāpabhikkhūnaṃ lesokāsanirundhanatthaṃ tathā tathā vitthārato dassetuṃ “**bhūmaṭṭhaṃ thalaṭṭhaṃ**”ti-ādinā nayena mātikaṃ ṭhapetvā “**bhūmaṭṭhaṃ nāma bhaṇḍaṃ bhūmiyaṃ nikkhittaṃ hoti**”ti-ādinā nayena tassa vibhaṅgaṃ āha.

Bhūmaṭṭhakathā

94. Tatrāyaṃ anuttānapadavaṇṇanāya saddhiṃ vinicchayakathā. **Nikhātanti** bhūmiyaṃ khaṇitvā ṭhapitaṃ. **Paṭicchannanti** paṃsu-iṭṭhakādīhi paṭicchannaṃ. **Bhūmaṭṭhaṃ bhaṇḍaṃ -pa- gacchati vā, āpatti dukkaṭassāti** taṃ evaṃ nikhaṇitvā vā paṭicchādetvā vā ṭhapitattā bhūmiyaṃ ṭhitaṃ bhaṇḍaṃ yo bhikkhu kenacideva upāyena ñatvā “āharissāmī”ti theyyacitto hutvā rattibhāge uṭṭhāya gacchati, so bhaṇḍaṭṭhānaṃ appatvāpi sabbakāyavacīvikāresu dukkaṭaṃ āpajjati. Kathaṃ? So hi tassa āharaṇatthāya uṭṭhahanto yaṃ yaṃ aṅgapaccaṅgaṃ phandāpeti, sabbattha dukkaṭameva. Nivāsanapārūpanaṃ saṅṭhapeti, hatthavāre hatthavāre dukkaṭaṃ. “Mahantaṃ nidhānaṃ na sakkā ekena āharituṃ, dutiyaṃ pariyesissāmī”ti kassaci sahāyassa santikaṃ gantukāmo dvāraṃ

1. Sakavīriyanissitā (Ka)

vivarati, padavāre ca hatthavāre ca dukkaṭaṃ. Dvārapidahane pana aññasmim vā gamanassa anupakāre anāpatti. Tassa nipannokāsaṃ gantvā “itthannāmā”ti pakkosati, tamatthaṃ ārocetvā “ehi gacchāmā”ti vadati, vācāya vācāya dukkaṭaṃ. So tassa vacanena uṭṭhahati, tassāpi dukkaṭaṃ. Uṭṭhahitvā tassa santikaṃ gantukāmo nivāsanapārūpanaṃ saṅṭhapeti, dvāraṃ vivaritvā tassa samīpaṃ gacchati, hatthavārapadavāresu sabbattha dukkaṭaṃ. So taṃ pucchati “asuko ca asuko ca kuhiṃ, asukañca asukañca pakkosāhi”ti, vācāya vācāya dukkaṭaṃ. Sabbe samāgate disvā “mayā asukasmim nāma ṭhāne evarūpo nidhi upaladdho, gacchāma taṃ gahetvā puññāni ca karissāma, sukhañca jīviṣṣāmā”ti vadati, vācāya vācāya dukkaṭameva.

Evam laddhasahāyo kudālaṃ¹ pariyesati. Sace panassa attano kudālo atthi, “taṃ āharissāmī”ti gacchanto ca gaṇhanto ca āharanto ca sabbattha hatthavārapadavāresu dukkaṭaṃ āpajjati. Sace natthi, aññaṃ bhikkhuṃ vā gahaṭṭhaṃ vā gantvā yācati, yācanto ca sace “kudālaṃ me dehi, kudālena me attho, kiñci kātabbaṃ atthi, taṃ katvā paccāharissāmī”ti musā abhaṇanto yācati, vācāya dukkaṭaṃ. Sace “mātikā sodhetabbā atthi, vihāre bhūmikammaṃ kātabbaṃ atthī”ti musāpi bhaṇati, yaṃ yaṃ vacanaṃ musā, tattha tattha pācittiyaṃ. **Mahā-aṭṭhakathāyaṃ** pana saccepi alikepi dukkaṭameva vuttaṃ, taṃ pamādalikhanti veditabbaṃ. Na hi adinnādānassa pubbapayoge pācittiyaṭṭhāne dukkaṭaṃ nāma atthi. Sace pana kudālassa daṇḍo natthi, “daṇḍaṃ karissāmī”ti vāsim vā pharasuṃ vā niseti, tadatthāya gacchati, gantvā sukkhakaṭṭhaṃ chindati tacchati ākoṭeti, sabbattha hatthavārapadavāresu dukkaṭaṃ. Allarukkhaṃ chindati, pācittiyaṃ. Tato paraṃ sabbapayogesū dukkaṭaṃ. **Saṅkhepaṭṭhakathāyaṃ** pana **Mahāpaccariya**ñca tattha jātakakaṭṭhalatāchedanattaṃ vāsipharasuṃ pariyesantānampi dukkaṭaṃ vuttaṃ. Sace pana tesaṃ evaṃ hoti “vāsipharasukudāle yācantā āsaṅkitā bhavissāma, lohaṃ samuṭṭhāpetvā karomā”ti tato araññaṃ gantvā lohabījattaṃ pathaviṃ khaṇanti, akappiyapathaviṃ khaṇantānaṃ dukkaṭehi saddhiṃ pācittiyānīti **Mahāpaccariyaṃ** vuttaṃ. Yathā ca idha, evaṃ sabbattha pācittiyaṭṭhāne

1. Kuddālaṃ (Sī)

dukkaṭā na muccati. Kappiyapathaviṃ khaṇantānaṃ dukkaṭāniyeva. Bijaṃ pana gahetvā tato paraṃ sabbakiriyāsu payoge payoge dukkaṭaṃ.

Piṭakapariyesanepi hatthavārapadavāresu vuttanayeneva dukkaṭaṃ, musāvāde pācittiyāṃ. Piṭakaṃ kātukāmatāya vallicchedane pācittiyanti sabbaṃ purimanayeneva veditabbaṃ. **Gacchati vā, āpatti kukkaṭassāti** evaṃ pariyaṭṭhasahāyakudālapīṭako nidhiṭṭhānaṃ gacchati, padavāre padavāre dukkaṭaṃ. Sace pana gacchanto “imaṃ nidhiṃ laddhā Buddhapūjaṃ vā dhammapūjaṃ vā saṃghabhattaṃ vā karissāmi”ti kusalaṃ uppādeti, kusalacittena gamane anāpatti. Kasmā? “Theyyacitto dutiyaṃ vā -pagacchati vā, āpatti dukkaṭassā”ti vuttattā. Yathā ca idha, evaṃ sabbattha attheyyacittassa anāpatti. Maggato okkamma nidhānaṭṭhānaṃ gamanattāya maggaṃ karonto bhūtagāmaṃ chindati, pācittiyāṃ. Sukkhakaṭṭhaṃ chindati, dukkaṭaṃ.

Tatthajātakanti ciranihitāya kumbhiyā upari jātakāṃ. **Kaṭṭhaṃ vā lataṃ vāti** na kevalaṃ kaṭṭhalatameva, yaṃkiñci allāṃ vā sukkaṃ vā tiṇarukkhalatādiṃ chindantassa sahapayogattā dukkaṭameva hoti.

Aṭṭhavidhaṃ hetāṃ **dukkaṭaṃ** nāma imasmiṃ ṭhāne samodhānetvā therehi dassitaṃ pubbapayogadukkaṭaṃ, sahapayogadukkaṭaṃ, anāmāsadukkaṭaṃ durupaciṇṇadukkaṭaṃ, vinayadukkaṭaṃ, ñātadukkaṭaṃ, ñattidukkaṭaṃ, paṭissavadukkaṭanti. Tattha “theyyacitto dutiyaṃ vā kudālaṃ vā piṭakaṃ vā pariyesati gacchati vā, āpatti dukkaṭassā”ti idaṃ **pubbapayogadukkaṭaṃ** nāma. Ettha hi dukkaṭaṭṭhāne dukkaṭaṃ, pācittiyaṭṭhāne pācittiyameva hoti. “Tatthajātakāṃ kaṭṭhaṃ vā lataṃ vā chindati, āpatti dukkaṭassā”ti idaṃ **sahapayogadukkaṭaṃ** nāma. Ettha pana pācittiyavatthu ca dukkaṭavatthu ca dukkaṭaṭṭhāneyeva tiṭṭhati. Kasmā? Avahārassa sahapayogattāti. Yaṃ pana dasavidhaṃ ratanaṃ, sattavidhaṃ dhaññaṃ, sabbañca āvudhabhaṇḍādiṃ āmasantassa dukkaṭaṃ vuttaṃ, idaṃ **anāmāsadukkaṭaṃ** nāma. Yaṃ kadalinaḷikerādīnaṃ tatthajātakaphalāni āmasantassa dukkaṭaṃ vuttaṃ, idaṃ **durupaciṇṇadukkaṭaṃ** nāma. Yaṃ pana piṇḍāya carantassa patte raje patite pattāṃ appaṭiggahetvā adhovitvā vā tattha bhikkhaṃ gaṇhantassa dukkaṭaṃ vuttaṃ,

idaṃ **vinayadukkaṭaṃ** nāma. “Sutvā na vadanti, āpatti dukkaṭassā”¹ idaṃ **ñātadukkaṭaṃ** nāma. Yaṃ ekādasasu samanubhāsanāsu “ñattiyā dukkaṭaṃ”² vuttaṃ, idaṃ **ñattidukkaṭaṃ** nāma. “Tassa bhikkhave bhikkhuno purimikā ca na paññāyati, paṭissave ca āpatti dukkaṭassā”³ idaṃ **paṭissavadukkaṭaṃ** nāma. Idaṃ pana sahapayogadukkaṭaṃ, tena vuttaṃ “yaṃkiñci allāṃ vā sukkhaṃ vā tiṇarukkhalatādim chindantassa sahapayogattā dukkaṭameva hotī”⁴ti.

Sace panassa tatthajātake tiṇarukkhalatādimhi chinnepi lajjidhammo okkamati, saṃvaro uppajjati, chedanapaccayā dukkaṭaṃ desetvā muccati. Atha dhuranikkhepaṃ akatvā sa-ussāhova paṃsum khaṇati, chedanadukkaṭaṃ paṭippassambhati, khaṇanadukkaṭe patiṭṭhāti. Akappiyapathevīṃ khaṇantopi hi idha sahapayogattā dukkaṭameva āpajjati. Sace panassa sabbadisāsu khaṇitvā kumbhimūlaṃ pattassāpi lijjidhammo okkamati, khaṇanapaccayā dukkaṭaṃ desetvā muccati.

Byūhati vāti atha pana sa-ussāhova paṃsum viyūhati, ekapasse rāsīṃkaroti, khaṇanadukkaṭaṃ paṭippassambhati, viyūhanadukkaṭe patiṭṭhāti. Tañca paṃsum tattha tattha puñjaṃ karonto payoge payoge dukkaṭaṃ āpajjati. Sace pana rāsīṃkatvāpi dhuranikkhepaṃ karoti, lajjidhammaṃ āpajjati, viyūhanadukkaṭaṃ desetvā muccati. **Uddharati vāti** atha pana sa-ussāhova paṃsum uddharitvā bahi pāpeti, viyūhanadukkaṭaṃ paṭippassambhati, uddharaṇadukkaṭe patiṭṭhāti. Paṃsum pana kudālena vā hatthehi vā pacchiyā vā tahiṃ tahiṃ pātentō payoge payoge dukkaṭaṃ āpajjati. Sace pana sabbaṃ paṃsum nīharitvā kumbhiṃ thalaṭṭhaṃ katvāpi lajjidhammaṃ āpajjati, uddharaṇadukkaṭaṃ desetvā muccati. Atha pana sa-ussāhova kumbhiṃ āmasati, uddharaṇadukkaṭaṃ paṭippassambhati, āmasanadukkaṭe patiṭṭhāti. Āmasitvāpi ca lajjidhammaṃ āpajjanto āmasanadukkaṭaṃ desetvā muccati. Atha sa-ussāhova kumbhiṃ phandāpeti, āmasanadukkaṭaṃ paṭippassambhati, “phandāpeti, āpatti thullaccayassā”⁴ti vuttathullaccaye patiṭṭhāti.

Tatrāyaṃ dukkaṭathullaccayānaṃ dvinnampi vacanatto—paṭhamāṃ tāvetha duṭṭhu kataṃ Satthārā vuttakiccaṃ virādhetvā katanti **dukkataṃ**, atha vā duṭṭham⁴ kataṃ,

1. Vi 1. 269 piṭṭhe. 2. Vi 1. 267 piṭṭhādīsu. 3. Vi 3. 214 piṭṭhe. 4. Duṭṭhu (Ka)

virūpā sā kiriyā bhikkhukiriyānaṃ majjhe na sobhatīti evampi **dukkaṭaṃ**.
Vuttañcetaṃ—

“Dukkaṭaṃ iti yaṃ vuttaṃ, taṃ suṇohi yathātathaṃ.
Aparaddhaṃ viraddhañca, khalitaṃ yañca dukkaṭaṃ.
Yaṃ manusso kare pāpaṃ, āvi vā yadi vā raho.
Dukkaṭanti pavedenti, tenetaṃ iti vuccatī”¹.

Itaraṃ pana thūlattā, accayattā ca **thullaccayaṃ**. “Samparāye ca duggati², yaṃ hoti kaṭukapphalan”³ti-ādīsu³ viya cettha saṃyogabhāvo veditabbo. Ekassa santike desetabbesu hi accayesu tena samo thūlo accayo natthi, tasmā vuttaṃ “thūlattā, accayattā ca thullaccayan”³ti. Vuttañcetaṃ—

“Thullaccayanti yaṃ vuttaṃ, taṃ suṇohi yathātathaṃ.
Ekassa mūle yo deseti, yo ca taṃ paṭiggaṇḥati.
Accayo tena samo natthi, tenetaṃ iti vuccatī”⁴.

Phandāpentassa ca payoge payoge thullaccayaṃ. Phandāpetvāpi ca lajjidhammaṃ okkanto thullaccayaṃ desetvā muccati. Sahapayogato paṭṭhāyeva cettha purimā purimā āpatti paṭippassambhati. Sahapayogaṃ pana akatvā lajjidhammaṃ okkantena yā pubbapayoge dukkaṭapācittiyā āpannā, sabbā tā desetabbā. Sahapayoge ca tatthajātakacchedane bahukānīpi dukkaṭāni paṃsukhaṇanaṃ patvā paṭippassambhanti, ekaṃ khaṇanadukkaṭameva hoti. Khaṇane bahukānīpi viyūhanaṃ, viyūhane bahukānīpi uddharaṇaṃ, uddharaṇe bahukānīpi āmasanaṃ, āmasane bahukānīpi phandāpanaṃ patvā paṭippassambhanti. Paṃsukhaṇanādīsu ca lajjidhamme uppanne bahukāpi āpattiyo hontu, ekameva desetvā muccatīti **Kurundaṭṭhakathāyaṃ** vuttaṃ. Purimāpattipaṭippassaddhi ca nāmesā “ñattiyā dukkaṭaṃ, dvīhi kammavācāhi thullaccayā paṭippassambhantī”⁵ evaṃ anusāvanāsuttasuyeva āgatā. Idha pana dutiyapārājike Aṭṭhakathācariyappamaṇena gahetabbāti.

1. Vi 5. 262 piṭṭhe.

2. Saṃ 1. 31 piṭṭhe.

3. Khu 1. 22; Khu 10. 110 piṭṭhesu.

4. Vi 5. 261 piṭṭhe.

5. Vi 1. 267 piṭṭhādīsu.

Ṭhānā cāveti, āpatti pārājikassāti yo pana phandāpetvāpi lajjidhammaṃ anokkamitvāva taṃ kumbhiṃ ṭhānato antamaso kesaggamattampi cāveti, pārājikameva āpajjatīti attho. Ṭhānācāvanañcettha chahākārehi veditabbaṃ. Kathaṃ? Kumbhiṃ mukhavaṭṭiyaṃ gahetvā attano abhimukhaṃ ākaḍḍhanto iminā antena phuṭṭhokāsaṃ kesaggamattampi pārimentena atikkāmeti, pārājikaṃ. Tatheva gahetvā parato pellento pārimentena phuṭṭhokāsaṃ kesaggamattampi iminā antena atikkāmeti, pārājikaṃ. Vāmato vā dakkhiṇato vā apanāmento vāmantena phuṭṭhokāsaṃ kesaggamattampi dakkhiṇantena atikkāmeti, pārājikaṃ. Dakkhiṇantena vā phuṭṭhokāsaṃ kesaggamattampi vāmantena atikkāmeti, pārājikaṃ. Uddhaṃ ukkhipanto kesaggamattampi bhūmito moceti, pārājikaṃ. Khaṇitvā heṭṭhato osīdento bundena phuṭṭhokāsaṃ kesaggamattampi mukhavaṭṭiyā atikkāmeti, pārājikanti evaṃ ekaṭṭhāne ṭhitāya kumbhiyā. Yadi pana kumbhimukhavaṭṭiyā pāsāṃ katvā lohakhāṇuṃ vā khadirasārādikhāṇuṃ vā pathaviyaṃ ākoṭetvā tattha saṅkhalikāya bandhitvā ṭhapenti, ekissā disāya ekāya saṅkhalikāya baddhāya dve ṭhānāni labbhanti, dvīsu. Tīsu. Catūsu disāsu catūhi saṅkhalikāhi baddhāya pañca ṭhānāni labbhanti.

Tattha ekakhāṇuke baddhakumbhiyā paṭhamāṃ khāṇukaṃ vā uddharati, saṅkhalikaṃ vā chindati, thullaccayaṃ. Tato kumbhiṃ yathāvuttanayena kesaggamattampi ṭhānā cāveti, pārājikaṃ. Atha paṭhamāṃ kumbhiṃ uddharati, thullaccayaṃ. Tato khāṇukaṃ kesaggamattampi ṭhānā cāveti, saṅkhalikaṃ vā chindati, pārājikaṃ. Etenupāyena dvīsu tīsu catūsu khāṇukesu baddhakumbhiyāpi pacchime ṭhānācāvane pārājikaṃ, sesesu thullaccayaṃ veditabbaṃ.

Sace khāṇu natthi, saṅkhalikāya agge valayaṃ katvā tathajātake mūle pavesitaṃ hoti, paṭhamāṃ kumbhiṃ uddharitvā pacchā mūlaṃ chetvā valayaṃ nīharati, pārājikaṃ. Atha mūlaṃ acchetvā valayaṃ ito cito ca sāreti, rakkhati. Sace pana mūlato anīharitvāpi hatthena gahetvā ākāsagataṃ karoti, pārājikaṃ. Ayamettha viseso. Sesāṃ vuttanayameva.

Keci pana nimittatthāya kumbhimatthake nigrodharukkhādīni ropenti, mūlāni kumbhimvinandhitvā ṭhitāni honti, “mūlāni chinditvā kumbhim gahessāmī”ti chindantassa payoge payoge dukkaṭaṃ. Chinditvā okāsaṃ katvā kumbhim kesaggamattampi ṭhānā cāveti, pārājikaṃ. Mūlāni chindatova luṭhitvā kumbhī ninnaṭṭhānaṃ gatā, rakkhati tāva. Gataṭṭhānato uddharati, pārājikaṃ. Sace chinnesu mūlesu ekamūlamattena kumbhī tiṭṭhati, so ca taṃ “imasmiṃ mūle chinne patissati”ti chindati, chinnamatte pārājikaṃ. Sace pana ekamūleneva pāse baddhasūkaro viya ṭhitā hoti, aññaṃ kiñci lagganaṃ natthi, tasmimpi mūle chinnamatte pārājikaṃ. Sace kumbhimatthake mahāpāsāṇo ṭhapito hoti, taṃ daḍḍena ukkhipitvā apānetukāmo kumbhimatthake jātaṃ rukkhaṃ chindati, dukkaṭaṃ. Tassā samīpe jātaṃ chetvā āharati, atatthajātakattā taṃ chindato pācittiyaṃ.

Attano bhājananti sace pana kumbhim uddharitum asakkonto kumbhigatabhaṇḍaggahaṇatthaṃ attano bhājanaṃ pavesetvā antokumbhiyaṃ pañcamāsakaṃ vā atirekapañcamāsakaṃ vā agghanakaṃ theyyacitto āmasati, āpatti dukkaṭassa. Paricchedo cettha pārājikaniyamanatthaṃ vutto. Theyyacittena pana unapañcamāsakampi āmasanto dukkaṭaṃ āpajjatiyeva.

Phandāpetīti ettha yāva ekābaddhaṃ katvā attano bhājanaṃ paveseti, tāva phandāpetīti vuccati. Apica ito cito ca apabyūhantopi phandāpetiyeva, so thullaccayaṃ āpajjati. Yadā pana ekābaddhabhāvo chinno, kumbhigataṃ kumbhiyameva, bhājanagatampi bhājaneyeva hoti, tadā attano bhājanagataṃ nāma hoti. Evaṃ katvā kumbhito anīhatepi ca bhājane pārājikaṃ āpajjati.

Muṭṭhiṃ vā chindatīti ettha yathā aṅgulantarehi nikkhantakahāpaṇā kumbhigate kahāpaṇe na samphusanti, evaṃ muṭṭhiṃ karonto muṭṭhiṃ chindati nāma, sopi pārājikaṃ āpajjati.

Suttārūḷhanti sutte ārūḷhaṃ, suttana āvutassāpi suttamayassāpi etaṃ adhivacanaṃ. Pāmaṅgādīni hi sovaṇṇamayānīpi honti rūpiyamayānīpi suttamayānīpi, muttāvali-ādayopi ettheva saṅgahaṃ gatā. **Veṭhananti**

sīsaveṭhanapaṭo vuccati. Etesu yaṃkiñci theyyacitto āmasati, dukkaṭaṃ. Phandāpeti, thullaccayaṃ. Pāmaṅgādīni koṭiyaṃ gahetvā ākāsaṭṭhaṃ akaronto uccāreti, thullaccayaṃ.

Ghaṃsanto nīharatīti ettha pana paripuṇṇāya kumbhiyā upari samatittikaṃ kumbhiṃ katvā ṭhapitaṃ vā ekaṃ koṭiṃ bunde ekaṃ koṭiṃ mukhavatṭiyaṃ katvā ṭhapitaṃ vā ghaṃsantassa nīharato thullaccayaṃ, kumbhimukhā mocentassa pārājikaṃ. Yaṃ pana upaḍḍhakumbhiyaṃ vā rittakumbhiyaṃ vā ṭhapitaṃ, tassa attano phuṭṭhokāsova ṭhānaṃ, na sakalā kumbhī. Tasmā taṃ ghaṃsantassāpi nīharato patiṭṭhitokāsato kesaggamate mutte pārājikameva. Kumbhiyā pana paripuṇṇāya vā ūnāya vā ujukameva uddharantassa heṭṭhimakoṭiyā patiṭṭhitokāsā muttamatteva pārājikaṃ. Antokumbhiyaṃ ṭhapitaṃ yaṃkiñci pārājikappahonakaṃ bhaṇḍaṃ sakalakumbhiyaṃ cārentassa, pāmaṅgādīñca ghaṃsitvā nīharantassa yāva mukhavatṭiṃ nātikkamati, tāva thullaccayameva. Tassa hi sabbāpi kumbhīṭhānanti **Saṅkhepamahāpaccariyā**dīsu vuttaṃ. **Mahā-aṭṭhakathāyaṃ** pana “ṭhapitaṭṭhānameva ṭhānaṃ, na sakalā kumbhī. Tasmā yathāṭṭhitaṭṭhānato kesaggamattampi mocentassa pārājikamevā”ti vuttaṃ, taṃ pamāṇaṃ. Itaraṃ pana ākāsaḡataṃ akarontassa cīvaravaṃse ṭhapitaḡvaraveṭhanakanayena vuttaṃ, taṃ na gahettabbaṃ.

Vinayavinicchaye hi āgate garuke ṭhātabbaṃ, esā vinayadhammatā. Apica “attano bhājanagataṃ vā karoti, muṭṭhiṃ vā chindatī”ti vacanatopetaṃ veditabbaṃ, yathā antokumbhiyaṃ ṭhitassa na sabbā kumbhī ṭhānanti.

Sappi-ādīsu yaṃkiñci pivato ekapayogena pītamatte pārājikanti **Mahā-aṭṭhakathāyaṃ** vuttaṃ. **Mahāpaccariyā**dīsu pana ayaṃ vibhāgo dassito— “mukhaṃ anapanetvā ākaḡḍhantassa pivato sace paragalagataṃ pādaṃ na agghati, mukhagatena saddhiṃ agghati, rakkhati tāva. Kaṇṭhena pana paricchinnakāleyeva pārājikaṃ hoti. Sacepi oṭṭhehi paricchindanto oṭṭhe pidahati, pārājikameva. Uppaladaṇḡdaveḡunāḡinaḡanāḡi-ādīhi pivantassāpi sace paragalagatameva pādaṃ agghati, pārājikaṃ. Sace saha mukhagatena agghati, na tāva pārājikaṃ hoti. Uppaladaṇḡdādigatena saddhiṃ ekābaddhabhāvaṃ kopetvā oṭṭhehi paricchinnamate pārājikaṃ. Sace uppaladaṇḡdādigatena saddhiṃ agghati, uppaladaṇḡdāḡinaṃ bunde aṅguliyāpi

pihitamatte pārājikaṃ. Pādagghanake paragalamaṃ appaviṭṭhe uppaladaṇḍādīsu ca mukhe ca atirekapādārahampi ekābaddham hutvā tiṭṭhati, rakkhatiyevā”ti. Tam sabbampi yasmā “attano bhājanagataṃ vā karoti, muṭṭhim vā chindatī”ti imaṃ nayaṃ bhajati, tasmā sudassitameva. Esa tāva ekābaddhe nayo.

Sace pana hatthena vā pattena vā thālakādīnā vā kenaci bhājanena gahetvā pivati, yamhi payoge pādagghanakaṃ pūreti, tamhi gate pārājikaṃ. Atha mahagghaṃ¹ hoti, sippikāyapi¹ ekapayogeneva pādagghanakaṃ gahetuṃ sakkā hoti, ekuddhāreyeva pārājikaṃ. Bhājanam pana nimujjāpetvā gaṇhantassa yāva ekābaddham hoti, tāva rakkhati. Mukhavaṭṭiparicchena vā uddhārena vā pārājikaṃ. Yadā pana sappim vā telam vā accham telasadisameva madhuphāṇitam vā kumbhim āviñchetvā² attano bhājane paveseti, tadā tesam acchatāya ekābaddhatā natthīti pādagghanake mukhavaṭṭito gaṇitamatte pārājikaṃ.

Pacitvā ṭhapitam pana madhuphāṇitam silesa viya cikkanam ākaḍḍhanavikaḍḍhanayoggaṃ hoti, uppanne kukkuce ekābaddhameva hutvā paṭinīharitum sakkoti. Etaṃ mukhavaṭṭiyā nikkhamitvā bhājane pavaiṭṭhampi bāhirena saddhim ekābaddhattā rakkhati, mukhavaṭṭito chinnamatte pana pārājikaṃ. Yopi theyyacittena parassa kumbhiyā pādagghanakaṃ sappim vā telam vā avassam pivanakaṃ yamkiñci dukūlasāṭakaṃ vā cammakhaṇḍādīnam vā aññataram pakkhipati, hatthato muttamatte pārājikaṃ.

Rittakumbhiyā “idāni telam ākirissantī”ti ñatvā yamkiñci bhaṇḍam theyyacitto pakkhipati, tañce tattha tele ākiñṇe pañcamāsaka-agghanakaṃ pivati, pītamatte pārājikanti **Mahā-aṭṭhakathāyam** vuttam. Tam pana tattheva sukkhatalāke sukkhamātikāya ujukaraṇavinicchayena virujjhati, avahāralakkhaṇācettha na paññāyati, tasmā na gahetabban. **Mahāpaccariyā**dīsu pana tassa uddhāre pārājikaṃ vuttam, tam yuttam.

Parassa rittakumbhiyā saṅgopanatthāya bhaṇḍam ṭhapetvā tattha tele ākiñṇe “sace ayam jānissati, maṃ palibujjhissatī”ti bhīto pādagghanakatelam pītam bhaṇḍam theyyacittena uddharati, pārājikaṃ. **Suddhacittena**

1-1. Hoti sappi-ādi, yamhi (Ka)

2. Āvaṭṭetvā (Sī, Syā) Āviñjetvā (Ka)

uddharati, pare āharāpente bhaṇḍadeyyaṃ. **Bhaṇḍadeyyaṃ** nāma yaṃ parassa naṭṭhaṃ, tassa mūlaṃ vā tadeva vā bhaṇḍaṃ dātabbanti attho. No ce deti, sāmikassa dhuranikkhepe pārājikaṃ. Sace parassa kumbhiyā añño sappiṃ vā telaṃ vā ākirati, tatra cāyaṃ theyyacittena telapivanakaṃ bhaṇḍaṃ pakkhipati, vuttanayeneva pārājikaṃ. Attano rittakumbhiyā parassa sappiṃ vā telaṃ vā ākīraṇabhāvaṃ ñatvā theyyacittena bhaṇḍaṃ nikkhipati, pubbe vuttanayeneva uddhāre pārājikaṃ. Suddhacitto nikkhipitvā pacchā theyyacittena uddharati, pārājikameva. Suddhacittova uddharati, neva avahāro, na gīvā, **Mahāpaccariyaṃ** pana anāpattimattameva vuttaṃ. “Kissa mama kumbhiyaṃ telaṃ ākīraṇā”ti kupito attano bhaṇḍaṃ uddharitvā chaḍḍeti, no bhaṇḍadeyyanti **Kurundiyaṃ** vuttaṃ. Theyyacittena mukhavaṭṭiyaṃ gahetvā kumbhiṃ āviñchati telaṃ gaḷetukāmo, pādagghanake gaḷite pārājikaṃ. Theyyacitteneva jajjaraṃ karoti “savitvā gamissatī”ti, pādagghanake savitvā gate pārājikaṃ. Theyyacitteneva chiddaṃ karoti omaṭṭhaṃ vā ummaṭṭhaṃ vā vemaṭṭhaṃ vā, idaṃ pana sammohaṭṭhānaṃ, tasmā suṭṭhu sallakkhetabbaṃ. Ayaṃ hettha vinicchayo—**omaṭṭhaṃ**nāma adhomukhachiddaṃ. **Ummaṭṭhaṃ** nāma uddhaṃmukhachiddaṃ. **Vemaṭṭhaṃ** nāma uḷṅkasseva ujugatachiddaṃ. Tatra omaṭṭhassa bahi paṭṭhāya katassa abhantarantato pādagghanake tele gaḷite bahi anikkhantepi pārājikaṃ. Kasmā? Yasmā tato gaḷitamattameva bahigataṃ nāma hoti, na kumbhigatasaṅkhyāṃ labhati. Anto paṭṭhāya katassa bāhirantato pādagghanake gaḷite pārājikaṃ. Ummaṭṭhassa yathā tathā vā katassa bāhirantato pādagghanake gaḷite pārājikaṃ. Tañhi yāva bāhirantato na gaḷati, tāva kumbhigatameva hoti. Vemaṭṭhassa ca kapālamajjhato gaḷitavasena kāretabboti Aṭṭhakathāsu vuttaṃ. Taṃ pana anto ca bahi ca paṭṭhāya majjhe ṭhapetvā katachidde taḷākassa ca mariyādabhedena sameti. Anto paṭṭhāya kate pana bāhirantena, bahi paṭṭhāya kate abhantarantena kāretabboti idamettha yuttaṃ. Yo pana “vaṭṭitvā gacchissatī”ti theyyacittena kumbhiyā ādhāraṃ vā upatthambhanaledḍuke vā apaneti, vaṭṭitvā gatāya pārājikaṃ. Telākīraṇabhāvaṃ pana ñatvā rittakumbhiyā jajjarabhāve vā chiddesu vā katesu pacchā nikkhantatelappamaṇena bhaṇḍadeyyaṃ hoti. **Aṭṭhakathāsu** pana katthaci pārājikantipi likhitaṃ, taṃ pamādalikhitaṃ.

Paripuṇṇāya kumbhiyā upari kathalaṃ vā pāsānaṃ vā “patitvā bhindissati, tato telaṃ paggharissatī”ti theyyacittena dubbandhaṃ vā karoti, duṭṭhapitaṃ vā ṭhapeti, avassaṃ patanakaṃ tathā karontassa katamatte pārājikaṃ. Rittakumbhiyā upari karoti, taṃ pacchā puṇṇakāle patitvā bhindati, bhaṇḍadeyyaṃ. Īdisesu hi ṭhānesu bhaṇḍassa natthikāle katapayogattā āditova pārājikaṃ na hoti. Bhaṇḍavināsadvārassa pana katattā bhaṇḍadeyyaṃ hoti, āharāpentesu adadato sāmikānaṃ dhuranikkhepena pārājikaṃ.

Theyyacittena mātikaṃ ujukaṃ karoti “vaṭṭitvā vā gamissati, velaṃ vā uttarāpessatī”ti, vaṭṭitvā vā gacchatu, velaṃ vā uttaratu, ujukaraṇakāle pārājikaṃ. Īdisā hi payogā pubbapayogāvahāre saṅghaṃ gacchanti. Sukkhamātikāya ujukatāya pacchā udake āgate vaṭṭitvā vā gacchatu, velaṃ vā uttaratu, bhaṇḍadeyyaṃ. Kasmā? Ṭhānācāvanapayogassa abhāvā. Tassa lakkhaṇaṃ navaṭṭhe āvi bhavissati.

Tattheva bhindati vāti-ādīsu Aṭṭhakathāyaṃ¹ tāva vuttaṃ—“bhindati vāti muggarena pothetvā bhindati. Chaḍḍeti vāti udakaṃ vā vālikaṃ vā ākiritvā uttarāpeti. Jhāpeti vāti dārūni āharitvā jhāpeti. Aparibhogaṃ vā karotīti akhādītappaṃ vā apāṭappaṃ vā karoti, uccāraṃ vā passāvaṃ vā visaṃ vā ucchiṭṭhaṃ vā kuṇapaṃ vā pāṭeti. Āpatti dukkaṭassatī ṭhānācāvanassa natthitāya dukkaṭaṃ, Buddhavisayo nāmeso. Kiñcāpi dukkaṭaṃ, āharāpente pana bhaṇḍadeyyaṃ”ti. Tattha purimadvayaṃ na sameti. Tañhi kumbhijjaraṇaṇena ca mātikā-ujukaraṇena ca saddhiṃ ekalakkhaṇaṃ. Pacchimaṃ pana dvayaṃ ṭhānā acāventenāpi sakkā kātum, tasmā ettha evaṃ vinicchayaṃ vadanti—“Aṭṭhakathāyaṃ kira ‘ṭhānācāvanassa natthitāya dukkaṭaṇ’ti idaṃ pacchimadvayaṃ sandhāya vuttaṃ. Ṭhānācāvanaṃ akarontoyeva hi theyyacittena vā vināsetukāmatāya vā jhāpeyyapi, aparibhogampi kareyya. Purimadvaye pana vuttanayena bhindantassa vā chaḍḍentassa vā ṭhānācāvanaṃ atthi, tasmā tathā karontassa vināsetukāmatāya bhaṇḍadeyyaṃ, theyyacittena pārājikaṃ”ti. Pāḷiyaṃ “dukkaṭaṇ”ti vuttattā

1. Mahā-aṭṭhakathāyaṃ (Ka)

ayuttanti ce. Na, aññathā gahetabbatthato. Pāḷiyam hi theyyacittapakke **bhindati vā**ti udakena sambhindati, **chaḍḍati vā**ti tattha vamatī vā passāvaṃ vā¹ chaḍḍetīti evameke vadanti.

Ayam panettha sāro, vinītavatthumhi tiṇajjhāpako viya ṭhānā acāvetukāmo va kevaḷam bhindati, bhinnattā pana telādīni nikkhamanti, yaṃ vā panettha patthinnaṃ, taṃ ekābaddhameva tiṭṭhati. Achāḍḍetukāmo yeva ca kevaḷam tattha udakavālikādīni ākirati, ākiṇṇattā pana telam chaḍḍiyati. Tasmā vohāravasena **“bhindati vā chaḍḍati vā”**ti vuccatīti evametesam padānaṃ attho gahetabbo. Nāsetukāmatāpakkhe pana itarathāpi yujjati. Evañhi kathiyamāne Pāḷi ca Aṭṭhakathā ca pubbāparena saṃsanditvā kathitā honti. Ettāvātāpi ca santosam akatvā ācariye payirupāsivā vinicchayo veditabboti.

Bhūmaṭṭhakathā niṭṭhitā.

Thalaṭṭhakathā

95. Thalaṭṭhe **thale nikkhittanti** bhūmitale vā pāsānata²pabbatatalādīsū vā yattha katthaci paṭicchane vā appaṭicchane vā ṭhapitaṃ “thalaṭṭhan”ti veditabbaṃ. Taṃ sace rāsikataṃ hoti, antokumbhiyaṃ bhājanagatakaraṇamuṭṭhicchedanavinicchayena vinicchinitabbaṃ. Sace ekābaddhaṃ silesaniyyāsādi, pakkamadhuphāṇitavinicchayena vinicchinitabbaṃ. Sace garukaṃ hoti bhārabaddhaṃ lohapiṇḍi guḷapiṇḍi telamadhughaṭādi³ vā, kumbhiyaṃ ṭhānācāvanavinicchayena vinicchinitabbaṃ, saṅkhalikabaddhassa ca ṭhānabhedo sallakkhetabbo. Pattharivā ṭhapitaṃ pana pāvārattharaṇasāṭakādīm ujukaṃ gahetvā ākaḍḍhati, pārimante orimantena phuṭṭhokāsaṃ atikkante pārājikaṃ. Evaṃ sabbadisāsu sallakkhetabbaṃ. Veṭhetvā uddharati, kesaggamattaṃ ākāsaḡataṃ karontassa pārājikaṃ. Sesam vuttanayamevāti.

Thalaṭṭhakathā niṭṭhitā.

1. Vaccaṃ vā passāvaṃ vā (Sī), vamaṇaṃ vā uccāraṃ vā passāvaṃ vā (Syā)

2. Pāsādatala (Sī, Syā)

3. Lohapiṇḍaguḷapiṇḍatelaṃadhughaṭādi (Sī)

Ākāsaṭṭhakathā

96. Ākāsaṭṭhe morassa chahākārehi ṭhānaparicchedo veditabbo—purato mukhatuṇḍakena, pacchato kalāpaggena, ubhayapassesu pakkhapariyantehi, adho pādanakhāya, uddham sikhaggenāti. Bhikkhu “sassāmikam ākāsaṭṭham moram gahessāmi”ti purato vā tiṭṭhati, hattham vā pasāreti, moro ākāseyeva pakkhe cāreti, vātam gāhāpetvā gamanam upacchinditvā tiṭṭhati, tassa bhikkhuno dukkaṭam. Tam aphantento hatthena āmasati, dukkaṭameva. Ṭhānā acāvento phandāpeti, thullaccayam. Hatthena pana gahetvā vā aggahetvā vā mukhatuṇḍakena phuṭṭhokāsam kalāpaggam, kalāpaggena vā phuṭṭhokāsam mukhatuṇḍakam atikkāmeti, pārājikam. Tathā vāmapakkhapariyantena phuṭṭhokāsam dakkhiṇapakkhapariyantam, dakkhiṇapakkhapariyantena vā phuṭṭhokāsam vāmapakkhapariyantam atikkāmeti, pārājikam. Tathā pādanakhasikhāya phuṭṭhokāsam sikhaggam, sikhaggena vā phuṭṭhokāsam pādanakhasikham atikkāmeti, pārājikam.

Ākāsenā gacchanto moro sīsādīsu yasmiṃ aṅge nilīyati, tam tassa ṭhānam. Tasmā tam hatthe nilīnam ito cito ca karontopi phandāpetiyeva. Yadi pana itarena hatthena gahetvā ṭhānā cāveti, pārājikam. Itaram hattham upaneti, moro sayameva uddetvā tattha nilīyati, anāpatti. Aṅge nilīnabhāvam ṇatvā theyyacittena ekam padavāram gacchati, thullaccayam. Dutīye, pārājikam.

Bhūmiyam ṭhitamoro dvinnam vā pādānam, kalāpassa ca vasena tīṇi ṭhānāni labhati, tam ukkhipantassa yāva ekampi ṭhānam pathaviṃ phusati, tāva thullaccayam, kesaggamattampi pathaviyā mocitamatte pārājikam. Pañjare ṭhitam saha pañjarena uddharati, pārājikam. Yadi pana pādānam na agghati, sabbattha agghavasena kātabbam. Antovatthumhi carantam moram theyyacittena padasā bahivatthum niharanto dvāraparicchedam atikkāmeti, pārājikam. Vaje ṭhitabalībaddassa hi vajo viya antovatthu tassa ṭhānam. Hatthena pana gahetvā antovatthusmimpi ākāśagatam karontassa pārājikameva. Antogāme carantampi gāmaparikkhepam atikkāmentassa pārājikam. Sayameva nikkhamitvā gāmūpacāre vā vatthūpacāre vā carantam pana theyyacitto kaṭṭhena vā kathaḷāya vā utrāsetvā aṭavimukham karoti, moro uddetvā antogāme vā

antovatthumhi vā chadanapiṭṭhe vā niliyati, rakkhati. Sace pana aṭavimukhe uḍḍeti vā gacchati vā, “aṭaviṃ pavesetvā gahessāmi”ti parikappe asati pathavito kesaggamattampi uḍḍitamatte vā dutiyapadavāre vā pārājikaṃ. Kasmā? Yasmā gāmato nikkhantassa ṭhitatṭhānameva ṭhānaṃ hoti.

Kapiñjarādīsupi ayameva vinicchayo.

Sāṭakaṃ vāti vātavegukkhattaṃ pathavitale pattharivā ṭhapitamiva ākāseṇa gacchantāṃ khalibaddhaṃ¹ sāṭakaṃ abhimukhāgataṃ hatthena ekasmiṃ ante gaṇhāti, ito cito ca ṭhānaṃ avikopentoyeva gamanupacchede dukkaṭaṃ. Ṭhānācāvanaṃ akaronto cāleti, phandāpane thullaccayaṃ. Ṭhānā cāveti, pārājikaṃ. Ṭhānaparicchedo cassa morasseva chahākārehi veditabbo.

Abaddhasāṭako pana ekasmiṃ ante gahitamatteva dutiyenantena pativā bhūmiyaṃ patiṭṭhāti. Tassa dve ṭhānāni honti hattho ceva bhūmi ca. Taṃ yathāgahitameva paṭhamāṃ gahitokāsappadesato cāleti, thullaccayaṃ. Pacchā bhūmito dutiyahatthena vā pādena vā ukkhipati, pārājikaṃ. Paṭhamāṃ vā bhūmito uddharati, thullaccayaṃ. Pacchā gahitokāsappadesato cāveti, pārājikaṃ. Gahaṇaṃ vā amuñcanto ujukameva hatthaṃ onāmetvā bhūmigataṃ katvā teneva hatthena ukkhipati, pārājikaṃ. Veṭhanepi ayameva vinicchayo.

Hiraññaṃ vā suvaṇṇaṃ vā chijjamānanti manussānaṃ alaṅkarontānaṃ gīveyyakādipiḷandhanaṃ vā suvaṇṇasalākaṃ chindantānaṃ suvaṇṇakārānaṃ suvaṇṇakhaṇḍaṃ vā chijjamānaṃ patati, tañce bhikkhu ākāseṇa āgacchantāṃ theyyacitto hatthena gaṇhāti, gahaṇameva ṭhānaṃ. Gahitappadesato hatthaṃ apaneti, pārājikaṃ. Cīvare patitaṃ hatthena ukkhipati, pārājikaṃ. Anuddharitvāva yāti, dutiye padavāre pārājikaṃ. Patte patitepi eseva nayo. Sīse vā mukhe vā pāde vā patiṭṭhitaṃ hatthena gaṇhāti, pārājikaṃ. Aggahetvāva yāti, dutiye padavāre pārājikaṃ. Yattha katthaci patati, tassa patitokāsova ṭhānaṃ, na sabbaṃ aṅgapaccaṅgaṃ pattacīvaraṃ vāti.

Ākāsaṭṭhakathā niṭṭhitā.

1. Khalitthaddhaṃ (Syā)

Vehāsaṭṭhakathā

97. Vehāsaṭṭhe mañcapīṭhādīsu ṭhapitaṃ bhaṇḍaṃ āmāsaṃ vā hotu anāmāsaṃ vā, theyyacittena āmasantassa dukkaṭaṃ. Mañcapīṭhesu ṭhapitabhaṇḍesu panettha thalaṭṭhe vuttanayena vinicchayo veditabbo. Ayaṃ pana viseso, sace khaliyā baddhasāṭako mañce vā piṭhe vā patthaṭo majjhena mañcatalaṃ na phusati, mañcapādeva phusati, tesāṃ vasena ṭhānaṃ veditabbaṃ. Pādānaṃ upari phuṭṭhokāsameva hi atikkamitamattena tattha pārājikaṃ hoti. Saha mañcapīṭhehi harantassa pana mañcapīṭhapādānaṃ patiṭṭhitokāsavasena ṭhānaṃ veditabbaṃ.

Cīvaravaṃse vāti cīvaraṭhapanatthāya bandhitvā ṭhapite vaṃse vā kaṭṭhadaṇḍake vā. Tattha saṃharitvā pārato antaṃ, orato bhogaṃ katvā ṭhapitacīvarassa patiṭṭhitokāsena phuṭṭhokāsova ṭhānaṃ, na sabbo cīvaravaṃso. Tasmā theyyacittena taṃ bhoge gahetvā ākaḍḍhantassa pārato vaṃse patiṭṭhitokāsaṃ orato cīvarena vaṃsassa phuṭṭhappadesaṃ atikkāmentassa ekadvaṅgulamattākāḍḍhaneneva pārājikaṃ. Ante gahetvā ākaḍḍhantassāpi eseva nayo. Tattheva pana cīvaravaṃse vāmato vā dakkhiṇato vā sārentassa¹ vāmantena dakkhiṇantaṭṭhānaṃ, dakkhiṇantena vā vāmantaṭṭhānaṃ atikkantamatte dasadvādaṅgulamattasāraṇeneva² pārājikaṃ. Uddhaṃ ukkhipantassa kesaggamattukkhipanena pārājikaṃ. Cīvaravaṃsaṃ phusantaṃ vā aphasantaṃ vā rajjukena bandhitvā ṭhapitacīvaraṃ mocentassa thullaccayaṃ, mutte pārājikaṃ. Muttamattameva hi taṃ “ṭhānā cutan”ti saṅkhyāṃ gacchati. Vaṃse veṭhetvā ṭhapitaṃ nibbeṭhentassa thullaccayaṃ, nibbeṭhitamatte pārājikaṃ. Valayaṃ katvā ṭhapite valayaṃ chindati vā moceti vā ekaṃ vā vaṃsakoṭiṃ mocetvā nīharati, thullaccayaṃ, chinnamatte, muttamatte, nīhaṭamatte ca pārājikaṃ. Tathā akatvāva cīvaravaṃse ito cito ca sāreti, rakkhati tāva. Valayassa hi sabbopi cīvaravaṃso ṭhānaṃ. Kasmā? Tattha saṃsaraṇadhammatāya. Yadā pana naṃ hatthena gahetvā ākāsaḡataṃ karoti, pārājikaṃ. Pasāretvā ṭhapitassa patiṭṭhitokāsena phuṭṭhokāsova ṭhānaṃ, tattha saṃharitvā ṭhapite vuttanayena vinicchayo veditabbo. Yaṃ pana ekenantena bhūmiṃ phusitvā ṭhitaṃ hoti, tassa

1. Osārentassa (Syā), harantassa (Ka)

2. Haraṇeneva (Ka)

cīvaravaṃse ca bhūmiyañca paṭiṭṭhitokāsavasena dve ṭhānāni. Tattha bhūmiyaṃ ekenantena paṭiṭṭhite abaddhasātake vuttanayeneva vinicchayo veditabbo. Cīvararajjuyāpi ayameva vinicchayo.

Aṅkusake laggetvā ṭhapitabhaṇḍaṃ pana bhesajjaghaṭo vā bhesajjatthavikā vā sace bhittim vā bhūmim vā aphasitvā ṭhapitaṃ, lagganakaṃ ghaṃsantassa nīharato aṅkusakoṭito nikkhantamatte pārājikaṃ. Lagganakaṃ baddhaṃ hoti, bundena ukkhipitvā ākāśagataṃ karontassa aṅkusakoṭito anikkhantepi pārājikaṃ. Bhittinissitaṃ hoti, paṭhamaṃ aṅkusakoṭito nīharati, thullaccayaṃ. Pacchā bhittim moceti, pārājikaṃ. Paṭhamaṃ bhittim mocetvā pacchā aṅkusato nīharantassāpi eseva nayo. Sace pana bhāriyaṃ bhaṇḍaṃ nīharitum asakkonto sayam bhittinissitaṃ katvā aṅkusato nīharati, puna bhittim amocetvāpi aṅkusato nīhaṃamatteyeva pārājikaṃ. Attanā kataṭṭhānaṃ hi ṭhānaṃ na hoti, bhūmim phusitvā ṭhitassa pana dve eva ṭhānāni. Tattha vuttoyeva vinicchayo. Yaṃ pana sikkāya pakkhipitvā laggitaṃ hoti, taṃ sikkāto nīharantassāpi saha sikkāya aṅkusato nīharantassāpi pārājikaṃ. Bhittibhūmisannissitavasena cettha ṭhānabhedopi veditabbo.

Bhittikhīloti ujukaṃ katvā bhittiyaṃ ākoṭito vā tathajātako eva vā, nāgadanto pana vaṅko ākoṭito eva. Tesu laggetvā ṭhapitaṃ aṅkusake vuttanayeneva vinicchinitabbaṃ. Dvīsu tīsu pana paṭipāṭiyā ṭhitesu āropetvā ṭhapitaṃ kuntaṃ vā bhindivālaṃ¹ vā agge vā bunde vā gahetvā ākaḍḍhati, ekamekassa phuṭṭhokāsamatte atikkante pārājikaṃ. Phuṭṭhokāsamattameva hi tesam ṭhānaṃ hoti, na sabbe khīlā vā nāgadantā vā. Bhitti-abhimukho ṭhatvā majjhe gahetvā ākaḍḍhati, orimantena phuṭṭhokāsaṃ pārimantena atikkantamatte pārājikaṃ. Parato pellantassāpi eseva nayo. Hatthena gahetvā ujukaṃ ukkhipanto kesaggamattampi ākāśagataṃ karoti, pārājikaṃ. Bhittim nissāya ṭhapitaṃ bhittim ghaṃsanto ākaḍḍhati, aggena phuṭṭhokāsaṃ bundaṃ, bundena vā phuṭṭhokāsaṃ aggaṃ atikkāmentassa pārājikaṃ. Bhitti-abhimukho

1. Bhiṇḍivālaṃ (Sī), bhiṇḍim vā vālaṃ vā (Syā)

ṭhatvā ākaḍḍhanto ekenantena phuṭṭhokāsaṃ aparantaṃ atikkāmeti, pārājikaṃ. Ujukaṃ ukkhipanto kesaggamattaṃ ākāsaḡataṃ karoti, pārājikaṃ.

Rukkhe vā laggitanti tālarukkhādīsu āropetvā laggite aṅkusakādīsu vuttanayena vinicchayo veditabbo. Tatthajātaḡaṃ pana tālapiṇḍim cālentassa thullaccayaṃ. Yasmiṃ phale pārājikavatthu pūraṭi, tasmim bandhanā muttamatte pārājikaṃ. Piṇḍim chindati, pārājikaṃ. Aggena paṇṇantaraṃ āropetvā ṭhapitā dve ṭhānāni labhati ṭhapitaṭṭhānaṅca vaṇṭaṭṭhānaṅca, tattha vuttanayena vinicchayo veditabbo. Yo pana “chinnamattā patamānā saddaṃ kareyyā”ti bhayena sayāṃ aggena paṇṇantaraṃ āropetvā chindati, chinnamatte pārājikaṃ. Attanā kataṭṭhānaṃ hi ṭhānaṃ na hoti. Etena upāyena sabbarukkhānaṃ pupphaphalesu vinicchayo veditabbo.

Pattādhārakepīti ettha rukkhādhāraḡo vā hotu valayādhāraḡo vā daṇḍādhāraḡo vā yaṃkiṅci pattaṭṭhapanakaṃ pacchikāpi hotu pattādhāraḡotveva saṅkhyāṃ gaḡchati. Tattha ṭhapitappattassa pattena phuṭṭhokāso eva ṭhānaṃ. Tattha rukkhādhāraḡe paṅcahākārehi ṭhānaparicchedo hoti, tattha ṭhitaṃ pattaṃ mukhavaṭṭiyaṃ gaḡetvā catūsu disāsu yato kutoci kaḍḍhanto ekenantena phuṭṭhokāsaṃ aparantaṃ atikkāmeti, pārājikaṃ. Uddhaṃ kesaggamattaṃ ukkhipato pārājikaṃ. Sahādhāraḡena harantassāpi eseva nayoti.

Vehāsaṭṭhakathā niṭṭhitā.

Udakaṭṭhakathā

98. Udakaṭṭhe **udake nikkhattaṃ hotīti** rājabhayādibhīṭehi udakena avinassanadhammesu tambalohabhājanādīsu suppaṭicchannaṃ katvā pokkharāṇī-ādīsu asandanake udake nikkhattaṃ. Tassa patiṭṭhitokāsoyeva ṭhānaṃ, na sabbaṃ udakaṃ. **Gacchati vā, āpatti dukkaṭassāti** agambhīre udake padasā gaḡchantassa padavāre padavāre dukkaṭaṃ. Gambhīre

hatthehi vā pādehi vā payogaṃ karontassa¹ hatthavārehi vā padavārehi vā¹ payoge payoge dukkaṭaṃ. Eseva nayo kumbhigahaṇatthaṃ nimujjanummujjanesu. Sace pana antarā kiñci udakasappaṃ vā vālamacchaṃ vā disvā bhīto palāyati, anāpatti. Āmasanādīsu bhūmigatāya kumbhiyā vuttanayeneva vinicchayo veditabbo. Ayaṃ pana viseso—tatta bhūmiṃ khaṇitvā kaḍḍhati, idha kaddame osāreti. Evaṃ chahākārehi ṭhānaparicchedo hoti.

Uppalādīsu yasmiṃ pupphe vatthuṃ pūreti, tasmīṃ chinnamatte pārājikaṃ. Uppalajātikānañcetta yāva ekasmimpi passe vāko na chijjati, tāva rakkhati. Padumajātikānaṃ pana daṇḍe chinne abbhantare suttam acchinnampi na rakkhati. Sāmihehi chinditvā ṭhapitāni uppalādīni honti, yaṃ vatthuṃ pūreti, tasmīṃ uddhaṭe pārājikaṃ. Hatthakabaddhāni honti, yasmiṃ hatthake vatthu pūreti, tasmīṃ uddhaṭe pārājikaṃ. Bhārabaddhāni honti, taṃ bhāraṃ channaṃ ākāraṇaṃ yena kenaci ākārena ṭhānā cāventassa bhūmaṭṭhakumbhiyaṃ vuttanayena pārājikaṃ. Dīghanālāni uppalādīni honti, pupphesu vā nālesu vā veṇiṃ katvā udakapiṭṭhe rajjukesu tiṇāni santharivā ṭhapenti vā bandhanti vā, tesāṃ dīghato pupphaggena ca nālantena ca tiriyaṃ pariyaṇtehi heṭṭhā patiṭṭhitokāseṇa uddhaṃ upariṭṭhitassa piṭṭhiyāti chahākārehi ṭhānācāvanaparicchedo veditabbo.

Yopi udakapiṭṭhiyaṃ ṭhapitapupphakalāpaṃ udakaṃ cāletvā vīciṃ uṭṭhāpetvā kesaggamattampi yathāṭṭhitatṭhānato cāveti, pārājikaṃ. Atha pana parikkappeti “ettha gataṃ gahessāmi”ti, rakkhati tāva, gataṭṭhāne pana uddharato pārājikaṃ. Udakato accuggatassa pupphassa sakalamudakaṃ ṭhānaṃ, taṃ uppāṭetvā ujukaṃ uddharantassa nāḷante kesaggamattaṃ udakato atikkante pārājikaṃ. Pupphe gahetvā apanāmetvā ākaḍḍhanto uppāṭeti, na udakaṃ ṭhānaṃ, uppāṭitamatte pārājikaṃ. Kalāpabaddhāni pupphāni udakaṭṭhāne vā² rukkhe vā gacche vā bandhitvā ṭhapenti, bandhanaṃ amocetvā ito cito ca karontassa thullaccayaṃ. Bandhane muttamatte pārājikaṃ. Paṭhamaṃ bandhanaṃ mocetvā pacchā harati, ettha chahākārehi ṭhānaparicchedoti idaṃ ubhayaṃ **Mahāpaccariyā**dīsu vuttaṃ. Paduminiyaṃ pupphāni saha

1-1. Hatthapādehi vā (Sī, Syā)

2. Udakaṭṭhāne (?)

paduminiyā gaṇhitukāmassa pupphanālehi ca pattanālehi ca phuṭṭha-
udakavasena uddhañceva tiriyañca ṭhānaparicchedo veditabbo. Tam panassa
paduminiṃ anuppāṭetvā pupphāni vā pattāni vā attano abhimukham
ākaḍḍhantassa thullaccayaṃ. Uppāṭitamatte pārājikaṃ.

Pupphapattanāle ṭhānato acāvetvāpi paṭhamam paduminiṃ uppāṭentassa
thullaccayaṃ. Pacchā pupphapattanālesu ṭhānā cāvitesu pārājikaṃ.
Uppāṭitāya paduminiyā puppham gaṇhanto pana bhaṇḍam agghāpetvā
kāretabbo. Bahi ṭhapite rāsikata kalāpabaddhabhārabaddhapupphepi eseva
nayo. Bhisam vā muḷālam vā yena vatthu pūراتi, tam uppāṭentassa
pārājikaṃ. Kaddame phuṭṭhokāsavasena cettha ṭhānam paricchinditabbam.
Tāni uppāṭentassa sukhumampi mūlam acchinnaṃ hoti, rakkhati tāva.
Bhisapabbe jātam pattam vā puppham vā hoti, tampi rakkhatīti **Mahā-
aṭṭhakathāyameva** vuttam. Bhisagaṇṭhimhi pana kaṇṭako hoti
yobbanappattānam mukhapiḷakā viya, ayam adīghattā na rakkhati. Sesam
uppalādīsu vuttanayameva.

Macchakacchapānam sassāmikānam vāpi-ādīsu sakalamudakam
ṭhānam. Tasmā yo paṭijagganaṭṭhāne sassāmikaṃ maccham baḷisena vā
jālena vā kumīnena¹ vā hatthena vā gaṇhāti, tassa yena macchena vatthu
pūراتi, tasmim kesaggamattampi udakato uddhaṭamatte pārājikaṃ. Koci
maccho gayhamāno ito cito ca dhāvati, ākāsam vā uppatati, tīre vā patati,
ākāse vā ṭhitam, tīre vā patitam gaṇhatopi pārājikameva. Kacchapampi bahi
gocarattham gataṃ gaṇhato eseva nayo. Udakaṭṭham pana udakā mocayato
pārājikaṃ.

Tesu tesu pana janapadesu sabbasādhāraṇassa mahātaḷākassa
niddhamanatumbarim nissāya sabbasādhāraṇameva kunnadīsadisam
udakavāhakaṃ khaṇanti, tato khuddakamātikāyo nīharitvā mātikakoṭiyam
attano attano vaḷañjanatthāya āvaṭe khaṇanti. Tesam pana yadā udakena
attho hoti, tadā āvaṭe khuddakamātikāyo udakavāhakañca sodhetvā
niddhamanatumbarim ugghāṭenti, tato udakena saddhim macchā nikkhamitvā
anupubbena āvaṭe patvā vasanti. Tattha taḷāke ca udakavāhakesu ca macche
gaṇhante na vārenti. Khuddakāsu pana attano attano

1. Kuminena (Sī), kumminena (Syā)

mātikāsu udaka-āvāṭesu ca pavīṭṭhamacche gaṇhituṃ na denti, vārenti. Tattha yo taḷāke vā niddhamanatumbe vā udakavāhake vā macche gaṇhāti, avahārena so na karetabbo. Khuddamātikāsu pana āvāṭesu vā pavīṭṭham gaṇhanto gahitassa agghavasena kāretabbo. Sace tato gayhamāno maccho ākāse vā uppatati, tīre vā patati, taṃ ākāsaṭṭham vā tīraṭṭham vā udakavinimuttaṃ gaṇhato avahāro natthi. Kasmā? Yasmā attano pariggahaṭṭhāne ṭhitasseva te sāmikā. Evarūpā hi tattha katikā. Kacchapepi eseva nayo.

Sace pana maccho gayhamāno āvāṭato khuddakamātikam āruhati, tattha naṃ gaṇhatopi avahāroyeva. Khuddakamātikāto pana udakavāhakam, tato ca taḷākam ārūḷham gaṇhato avahāro natthi. Yo āvāṭato bhattasitthehi palobhetvā mātikam āropetvā gaṇhāti, avahārova. Tato pana palobhetvā udakavāhakam āropetvā gaṇhantassa avahāro natthi. Keci pana kutocideva sabbasādhāraṇaṭṭhānato macche ānetvā pacchimavatthubhāge udaka-āvāṭe khipitvā posetvā divase divase dve tīṇi uttaribhaṅgatthāya mārenti, evarūpaṃ maccham udate vā ākāse vā tīre vā yattha katthaci ṭhitam gaṇhato avahāro eva. Kacchapepi eseva nayo.

Nidāghakāle pana nadiyā sote pacchinne katthaci ninnaṭṭhāne udakam tiṭṭhati, tattha manussā macchānam vināsāya madanaphalavasādīni pakkhipitvā gacchanti, macchā tāni khādantā maritvā uttānā udate plavantā¹ tiṭṭhanti. Yo tattha gantvā “yāva sāmikā nāgacchanti, tāvime macche gaṇhissāmī”ti gaṇhāti, agghavasena kāretabbo. Paṃsukūlasaṅṅāya gaṇhato avahāro natthi, āharāpente pana bhaṇḍadeyyam. Macchavisam pakkhipitvā gatamanussā bhājanāni āharitvā pūretvā gacchanti, yāva “punapi āgacchissāmā”ti sālāyā hontī, tāva te sassāmikamacchāva. Yadā pana te “alam amhākan”ti nirālayā pakkamanti, tato paṭṭhāya theyyacittena gaṇhantassa dukkaṭam, paṃsukūlasaṅṅissa anāpatti. Yathā ca macchakacchapesu, evam sabbāyapi odakajātiyā vinicchayo veditabboti.

Udakaṭṭhakathā niṭṭhitā.

1. Pilavantā (Sī)

Nāvaṭṭhakathā

99. Nāvaṭṭhe paṭhamam tāva nāvam dassento “**nāvā nāma yāya taratī**”ti āha. Tasmā idha antamaso rajanadoṇikāpi veṇukalāpakopi “nāvā”tveva veditabbo. Sīmāsammannane pana dhuvanāvā anto khaṇitvā vā phalakehi bandhitvā vā katā sabbantimena paricchena tiṇṇam vāhanikā eva vaṭṭati. Idha pana ekassapi vāhanikā “nāvā”tveva vuccati. **Nāvāya nikkhittanti** yaṁkiñci indriyabaddham vā anindriyabaddham vā, tassa avahāralakkhaṇam thalaṭṭhe vuttanayeneva veditabban. **Nāvam avaharissāmī**ti ādimhi ca dutiyapariyesanagamana-āmasanaphandāpanāni vuttanayāneva. **Bandhanam mocetī**ti ettha pana yā bandhane muttamatte ṭhānā na cavati, tassā bandhanam yāva na muttam hoti, tāva dukkaṭam. Mutte pana thullaccayampi pārājikampi hoti. Tam parato āvi bhavissati. Sesam vuttanayameva. Ayam tāva Pāḷivaṇṇanā.

Ayam panettha **Pāḷimuttakavinicchayo**—caṇḍasote bandhitvā ṭhapitanāvāya ekaṁ ṭhānam bandhanameva. Tasmim muttamatte pārājikam. Tattha yutti pubbe vuttā eva. Vippanaṭṭhā nāvā¹ pana yaṁ yaṁ udakappadesam pharitvā ṭhitā hoti, svāssā ṭhānam. Tasmā tam uddham vā uccārentassa, adho vā opilāpentassa, catūsu vā disāsu phuṭṭhokāsam atikkāmentassa atikkantamatte pārājikam. Niccale uduke abandhanam attano dhammatāya ṭhitanāvam purato vā pacchato vā vāmadakkhiṇapassato vā kaḍḍhantassa ekenantena phuṭṭhokāsam aparena uduke patiṭṭhitantena atikkantamatte pārājikam. Uddham kesaggamattam udakato mocite adho nāvātalena phuṭṭhokāsam mukhavaṭṭim atikkantamatte pārājikam. Tire bandhitvā niccale uduke ṭhapitanāvāya bandhanañca ṭhitokāso cāti dve ṭhānāni. Tam paṭhamam bandhanā moceti, thullaccayam. Pacchā channam ākārānam aññatarena ṭhānā cāveti, pārājikam. Paṭhamam ṭhānā cāvetvā pacchā bandhanamocanepi eseva nayo. Thale ussādetvā ukkujjitvā ṭhapitanāvāya phuṭṭhokāsova ṭhānam. Tassā pañcahākārehi ṭhānaparicchedo veditabbo.

Nikkujjitvā ṭhapitanāvāya pana mukhavaṭṭiyā phuṭṭhokāsova ṭhānam. Tassāpi pañcahākārehi ṭhānaparicchedaṁ ñatvā yato kutoci

1. Vippanaṭṭhanavā (Sī, Ka), vipannaṭṭhanavā (Ka)

phuṭṭhokāsaṃ, uddhañca kesaggamattaṃ atikkantamatte pārājikaṃ
veditabbaṃ. Thale pana ussādetvā dvinnaṃ dārughaṭṭikānaṃ upari
ṭhapitanāvāya dārughaṭṭikānaṃ phuṭṭhokāsoyeva ṭhānaṃ. Tasmā tattha
mañcapādamatthakesuyeva patthaṭabaddhasātake¹, nāgadantesu
ṭhapitabhindivāle ca vuttanayena vinicchayo veditabbo.

Yottabaddhāya pana nāvāya saṭṭhisattatibyāmapamāṇaṃ yottaṃ
amocetvāva ākaḍḍhitvā pathavilaggam katvā saha yottena thale ṭhapitāya
nāvāya na phuṭṭhokāsamattameva ṭhānaṃ, atha kho yottakoṭito paṭṭhāya
yāva nāvāya pathaviyaṃ patiṭṭhitokāsassa pacchimanto tāva dīghato, tiriyaṃ
pana nāvāya ca yottassa ca pathaviyaṃ patiṭṭhitapariyantappamāṇaṃ
ṭhānanti veditabbaṃ. Taṃ dīghato vā tiriyaṃ vā kaḍḍhantassa ekenantena
phuṭṭhokāsaṃ aparena pathaviyaṃ patiṭṭhitantena atikkantamatte, uddhaṃ
kesaggamattaṃ saha yottena pathavito mocite pārājikaṃ. Yo pana titthe
ṭhitanāvaṃ āruhitvā theyyacitto arittena vā phiyena vā pājeti, pārājikaṃ.
Sace pana chattaṃ vā paṇāmetvā cīvaraṃ vā pādehi akkamitvā hatthehi
ukkhipitvā laṅkārasadisam² katvā vātaṃ gaṇhāpeti, balavā ca vāto āgamma
nāvaṃ harati, vāteneva sā haṭā hoti, puggalassa natthi avahāro. Payogo
atthi, so pana ṭhānācāvanapayogo na hoti. Yadi pana taṃ nāvaṃ evaṃ
gacchantiṃ pakatigamaṃ upacchinditvā aññaṃ disābhāgaṃ neti,
pārājikaṃ. Sayameva yaṃkiñci gāmatitthaṃ sampattaṃ ṭhānā acāventova
vikkiṇitvā gacchati, nevatthi avahāro. Bhaṇḍadeyyaṃ pana hotīti.

Nāvattakathā niṭṭhitā.

Yānatthakathā

100. Yānatthe yānaṃ tāva dassento “**yānaṃ nāma vayhan**”ti-ādimāha.
Tattha upari maṇḍapasadisam padaracchannaṃ, sabbapaliḅuṇṭhimaṃ vā³

1. Patiṭṭhitatthaddhasātake (Syā), patiṭṭhitabaddhasātake (Ka)

2. Lakārasadisam (Sī)

3. Sabbapariguṇṭhimaṃ vā (Syā)

chādetvā kataṃ **vayham**. Ubhosu passesu suvaṇṇarajatādimayā gopānasiyo datvā garuḷapakkhayanena¹ katā **sandamānikā**. **Ratho ca sakatañca** pākaṭameva. Tesu yattha katthaci saviññāṇakam vā aviññāṇakam vā rāsi-ādivasena ṭhapitaṃ bhaṇḍaṃ theyyacittena ṭhānā cāventassa nāvaṭṭhe ca thalaṭṭhe ca vuttanayeneva pārājikaṃ veditabbaṃ.

Ayaṃ pana viseso—yānaṭṭhaṃ taṇḍulādibhaṇḍaṃ piṭakena gaṇhato piṭake anukkhitepi piṭakam apaharivā taṇḍulādīnam ekābaddhabhāve vikopite pārājikaṃ. Thalaṭṭhādīsupi ayaṃ nayo labbhati. **Yānam avaharissāmīti**-ādimhi dutiyapariyesanādīni vuttanayāneva. **Ṭhānā cāvetīti** ettha pana dukayuttassa yānassa dvinnam goṇānam aṭṭha pādā, dve ca cakkānīti dasa ṭhānāni, taṃ theyyacittassa dhure nisīditvā pājayato goṇānam pāduddhāre thullaccayaṃ. Cakkānam pana pathaviyaṃ patiṭṭhitappadesato kesaggamatte atikkante pārājikaṃ. Sace pana goṇā “nāyam amhākam sāmiko”ti ṇatvā dhuraṃ chaḍḍetvā ākaḍḍhantā tiṭṭhanti vā phandanti vā, rakkhati tāva. Goṇe puna ujukaṃ paṭipādetvā dhuraṃ āropetvā dalhaṃ yojetvā pācanena² vijjhivā pājentassa vuttanayeneva tesam pāduddhāre thullaccayaṃ. Cakkātikame pārājikaṃ.

Sacepi sakaddame magge ekaṃ cakkam kaddame laggaṃ hoti, dutiyaṃ cakkam goṇā parivattentā pavattenti, ekassa ṭhitattā na tāva avahāro hoti. Goṇe pana puna ujukaṃ paṭipādetvā pājentassa ṭhitacakke kesaggamattaṃ phuṭṭhokāsam atikkante pārājikaṃ. Catuyuttakassa pana aṭṭhārasa ṭhānāni, aṭṭhayuttakassa catuttimsāti etenupāyena yuttayānassa ṭhānabhedo veditabbo.

Yaṃ pana ayuttakam dhure ekāya pacchato ca dvīhi upatthambhinīhi upatthambhetvā ṭhapitaṃ, tassa tiṇṇam upatthambhinīnam, cakkānañca vasena pañca ṭhānāni. Sace dhure upatthambhinī heṭṭhābhāge kappakatā hoti, cha ṭhānāni. Pacchato pana anupatthambhetvā dhure upatthambhitasseva upatthambhinīvasena tīṇi vā cattāri vā ṭhānāni, dhurena phalakassa vā dārukassa vā upari ṭhapitassa tīṇi ṭhānāni, tathā pathaviyaṃ ṭhapitassa. Taṃ dhuraṃ³ kaḍḍhitvā vā

1. Garuḷapakkhayanena (Syā)

2. Pājanena (Tha)

3. Taṃ (Sī, Syā)

ukkipitvā vā purato ca pacchato ca ṭhānā cāventassa thullaccayaṃ.
 Cakkānaṃ patiṭṭhitattṭhāne kesaggamattaṃ atikkante pārājikaṃ. Cakkāni
 apanetvā dvīhi akkhasīsehi dārūnaṃ upari ṭhapitassa dve ṭhānāni, taṃ
 kaḍḍhanto vā ukkipanto vā phuṭṭhokāsaṃ atikkāmeti, pārājikaṃ.
 Bhūmiyaṃ ṭhapitassa dhurena ca catūhi ca akkhuddhīhi patiṭṭhitavasena
 pañca ṭhānāni. Taṃ dhure gahetvā kaḍḍhato uddhīnaṃ pacchimantehi
 purimante atikkante pārājikaṃ. Uddhīsu gahetvā kaḍḍhato uddhīnaṃ
 purimantehi pacchimante atikkante pārājikaṃ. Passe gahetvā kaḍḍhato
 uddhīnaṃyeva tiriyaṃ patiṭṭhitattṭhānassa atikkamena pārājikaṃ. Mjje
 gahetvā ukkipato kesaggamattaṃ pathavito mutte pārājikaṃ. Atha
 uddhikhāṇukā na honti, samameva bāhaṃ katvā majjhe vijjhivā akkhasīsāni
 pavesitāni honti. Taṃ heṭṭhimatalassa samantā sabbaṃ pathaviṃ phusitvā
 tiṭṭhati. Tattha catūsu disāsu uddhañca phuṭṭhattṭhānātikkamavasena
 pārājikaṃ veditabbaṃ. Bhūmiyaṃ nābhiyā ṭhapitacakkassa ekameva
 ṭhānaṃ, tassa pañcahākārehi paricchedo. Nemipassena ca nābhiyā ca
 phusitvā ṭhitassa dve ṭhānāni. Nemiyā utṭhitabhāgaṃ pādena akkamitvā
 bhūmiyaṃ phusāpetvā aresu vā nemiyā vā gahetvā ukkipantassa attanā
 kataṭṭhānaṃ ṭhānaṃ na hoti, tasmā tasmim̐ ṭhitēpi avasesattṭhāne
 atikkantamatte pārājikaṃ.

Bhittim̐ nissāya ṭhapitacakkassāpi dve ṭhānāni. Tattha paṭhamam̐ bhittito
 mocentassa thullaccayaṃ. Pacchā pathavito kesaggamattuddhāre pārājikaṃ.
 Paṭhamam̐ bhūmito mocentassa pana sace bhittiyaṃ patiṭṭhitattṭhānaṃ na
 kuppati, eseva nayo. Atha aresu gahetvā heṭṭhā kaḍḍhantassa bhittim̐
 phusitvā ṭhitokāsassa uparimo anto heṭṭhimam̐ atikkamati, pārājikaṃ.
 Maggappaṭipanne yāne yānasāmiko kenacideva karaṇīyena orohitvā maggā
 okkanto hoti, athañño bhikkhu paṭipathaṃ āgacchanto ārakkhasuññaṃ
 passitvā “yānaṃ avaharissāmī”ti ārohati, tassa payogaṃ vināyeva goṇā
 gahetvā pakkantā, avahāro natthi. Sesam̐ nāvāyaṃ vuttasadisanti.

Yānaṭṭhakathā niṭṭhitā.

Bhāraṭṭhakathā

101. Ito param bhāroyeva **bhāraṭṭham**, so sīsabhārādivasena catudhā dassito. Tattha sīsabhārādīsu asammohattham sīsādīnam paricchedo vedītabbo. Tattha sīsassa tāva purimagale galavāṭako piṭṭhigale kesañci kesante āvaṭṭo hoti, galasseva ubhosu passesu kesañci kesā oruyha jāyanti, ye kaṇṇacūlikāti vuccanti, tesam adhobhāgo cāti ayam heṭṭhimaparicchedo, tato upari sīsam. Etthantare ṭhitabhāro **sīsabhāro** nāma.

Ubhosu passesu kaṇṇacūlikāhi paṭṭhāya heṭṭhā, kapparehi paṭṭhāya upari, piṭṭhigalāvattato ca galavāṭakato ca paṭṭhāya heṭṭhā, piṭṭhivemajjhāvattato ca uraparicchedamajjhe hadaya-āvāṭato ca paṭṭhāya upari khandho. Etthantare ṭhitabhāro **khandhabhāro** nāma.

Piṭṭhivemajjhāvattato pana hadaya-āvāṭato ca paṭṭhāya heṭṭhā yāva pādanakhasikhā, ayam kaṭiparicchedo. Etthantare samantato sarīre ṭhitabhāro **kaṭibhāro** nāma.

Kapparato paṭṭhāya pana heṭṭhā yāva hatthanakhasikhā, ayam olambakaparicchedo. Etthantare ṭhitabhāro **olambako** nāma.

Idāni **sīse bhāranti**-ādīsu ayam apubbavinicchayo¹—yo bhikkhu “idaṃ gahetvā ettha yāhi”ti sāmikehi anāṇatto sayameva “mayham idaṃ nāma detha, aham vo bhaṇḍam vahāmī”ti tesam bhaṇḍam sīsena ādāya gacchanto theyyacittena tam bhaṇḍam āmasati, dukkaṭam. Yathāvuttasīsaparicchedam anatikkāmentova ito cito ca ghaṃsanto sāreṭipi paccāsāreṭipi, thullaccayam. Khandham oropitamatte kiñcāpi sāmikānam “vahaṭū”ti cittaṃ atthi, tehi pana ānāṇattatā pārājikaṃ. Khandham pana anoropetvāpi sīsato kesaggamattam mocentassa pārājikaṃ. Yamakabhārassa pana eko bhāro sīse paṭiṭṭhāti, eko piṭṭhiyam, tattha dvinnam ṭhānānam vasena vinicchayo vedītabbo. Ayam pana suddhasīsabhārādīnamyeva vasena desanā āraddhā. Yo cāyam sīsabhāre vutto, khandhabhārādīsipi ayameva vinicchayo.

1. Anupubbavinicchayo (Syā, Ka)

Hatthe bhāranti ettha pana hatthena gahitattā olambhako “hatthe bhāro”ti vutto. So paṭhamānyeva bhūmito vā gahito hotu suddhacittena sīsādīhi vā, “hatthe bhāro” tveva saṅkhyam gacchati. Tam theyyacittena tādīsam gahanaṭṭhānam disvā bhūmiyam vā gacchādīsu vā nikkhipantassa hatthato muttamatte pārājikam. **Bhūmito gaṇhātī**ti ettha pana tesam bhārānam yamkiñci pātarāsādikāraṇā suddhacittena bhūmiyam nikkhipitvā puna theyyacittena kesaggamattam uddharantassa pārājikanti.

Bhāraṭṭhakathā niṭṭhitā.

Ārāmaṭṭhakathā

102. Ārāmaṭṭhepi ārāmam tāva dassento “**ārāmo nāma pupphārāmo phalārāmo**”ti āha. Tesu vassikādīnam pupphanako **pupphārāmo**. Ambaphalādīnam phalanako **phalārāmo**. Ārāme catūhi ṭhānchi nikkhittassa vinicchayo bhūmaṭṭhādīsu vuttanayo eva.

Tatthajātake pana **mūlanti** usīrahiriverādīkam yamkiñci mūlam, tam uppāṭetvā vā uppāṭitam vā gaṇhantassa yena mūlena vatthu pūrati, tasmim gahite pārājikam. Kandopi mūleneva saṅgahito. Uppāṭentassa cettha appamattakepi acchinne thullaccayameva. Tattha vinicchayo bhise vuttanayeneva veditabbo. **Tacanti** bhesajjathāya vā rajanathāya vā upayogagamanūpagaṃ¹ yamkiñci rukkhattacam, tam uppāṭetvā vā uppāṭitam vā gaṇhantassa mūle vuttanayena pārājikam. **Phupphanti** vassikamallikādīkam yamkiñci pupham, tam ocinitvā vā ocinitam vā gaṇhantassa uppalapadumesu vuttanayena pārājikam. Pupphānampi hi vaṇṭam vā bandhanam vā acchinnaṃ rakkhati. Vaṇṭabbhantare pana kesañci sūcīkā hoti, sā na rakkhati. **Phalanti** ambaphalatalāphalādīkam yamkiñci, tam rukkhatō gaṇhantassa vinicchayo rukkhe laggitakathāyam vutto, apantvā ṭhapitam bhūmaṭṭhādīsāṅgahitameva.

Ārāmam abhiyuñjatiti parasantakam “mama santako ayan”ti musā bhaṇitvā abhiyuñjati, adinnādānassa payogattā dukkaṭam. **Sāmikassa**

1. Upayogagamanakam (Syā)

vimatiṃ uppādetīti vinicchayakusalatāya, balavanissitādibhāvena vā ārāmasāmikassa saṃsayam janeti. Katham? Tañhi tathā vinicchayappasutam disvā sāmiko cinteti “sakkhissāmi nu kho aham imam ārāmam attano kātum, na sakkhissāmi nu kho”ti. Evam tassa vimati uppajjamānā tena uppādītā hoti, tasmā thullaccayam āpajjati.

Dhuram nikkhipatīti yadā pana sāmiko “ayam thaddho kakkhaḷo jīvitabrahmacariyantarāyampi me kareyya, alam dāni mayham iminā ārāmenā”ti dhuram nikkhipati, abhiyuñjako pārājikam āpajjati, sace sayampi katadhuranikkhepo hoti. Atha ca pana sāmikena dhure nikkhittepi abhiyuñjako dhuram anikkhipitvāva “imam suṭṭhu piḷetvā mama āṇāpavattim dassetvā kiṅkārappaṭissāvibhāve nam ṭhapetvā dassāmī”ti dātabbhāve sa-ussāho hoti, rakkhati tāva. Athāpi abhiyuñjako “acchinditvā na dāni nam imassa dassāmī”ti dhuram nikkhipati, sāmiko pana na dhuram nikkhipati, pakkham pariyesati, kālam āgameti, “lajjiparisam tāva labhāmi¹, pacchā jānissāmī”ti puna gahaṇeyeva sa-ussāho hoti, rakkhatiyeva. Yadā pana sopi “na dassāmī”ti, sāmikopi “na lacchāmī”ti evam ubhopi dhuram nikkhipanti, tadā abhiyuñjakassa pārājikam, atha pana abhiyuñjitvā vinicchayam kurumāno aniṭṭhite vinicchaye sāmikenapi dhuranikkhepe akate attano assāmikabhāvam jānantoyeva tato kiñci pupham vā phalam vā gaṇhāti, bhaṇḍagghena kāretabbo.

Dhammam carantoti bhikkhusaṅghe vā rājakule vā vinicchayam karonto. **Sāmikam parājetīti** vinicchayikānam ukkocam² datvā kūṭasakkhim otāretvā ārāmasāmikam jinātīti attho. **Āpatti pārājikassāti** na kevalam tasseva, sañcicca tassa atthasādhane pavattānam kūṭavinicchayikānampi kūṭasakkhīnampi sabbesam pārājikam. Ettha ca sāmikassa dhuranikkhepavaseneva parājayo veditabbo, anikkhittadhuro hi aparājitova hoti. **Dhammam caranto parajjatīti** sacepi dhammena vinayena Satthusāsanena vinicchayassa pavattattā sayam parājayam pāpuṇāti, evampi musāvādena sāmikānam piḷākaraṇapaccayā thullaccayam āpajjatīti.

Ārāmaṭṭhakathā niṭṭhitā.

1. Alasāmi (Ka)

2. Ukkoṭam (Ka)

Vihāraṭṭhakathā

103. Vihāraṭṭhepi catūhi ṭhānehi nikkhittam vuttanayameva. Abhiyogepi cettha cātuddisam saṅgham uddissa bhikkhūnam dinnam vihāram vā pariveṇam vā āvāsam vā mahantampi khuddakampi abhiyuñjato abhiyogo na ruhati, acchinditvā gaṇhitumpi na sakkoti. Kasmā? Sabbesam dhuranikkhepābhāvato. Na hettha sabbe cātuddisā bhikkhū dhuranikkhepam karontīti. Dīghabhāṇakādibhedassa pana gaṇassa, ekapuggalassa vā santakam abhiyuñjitvā gaṇhanto sakkoti te dhuram nikkhipāpetum. Tasmā tattha ārāme vuttanayena vinicchayo veditabboti.

Vihāraṭṭhakathā niṭṭhitā.

Khettatṭhakathā

104. Khettatṭhepi khettam tāva dassento “**khettam nāma yattha pubbaṇṇam vā aparāṇṇam vā jāyati**”ti āha. Tattha **pubbaṇṇanti** sāli-ādīni satta dhañṇāni. **Aparāṇṇanti** muggamāsādīni. Ucchukhettādikampi ettheva saṅgahitam. Idhāpi catūhi ṭhānehi nikkhittam vuttanayameva. Tatthajātake pana sālisīsādīni nirumbhitvā¹ vā ekamekam hattheneva chinditvā vā asitena lāyitvā vā bahūni ekato uppāṭetvā vā gaṇhantassa yasmim bīje vā sīse vā muṭṭhiyam vā muggamāsādiphale vā vatthu pūrati, tasmim bandhanā mocitamatte pārājikam. Acchijjamāno pana daṇḍako vā vāko vā taco vā appamattakopi rakkhati.

Vihinālam dīghampi hoti, yāva antonāḷato vīhisīsadaṇḍako na nikkhamati, tāva rakkhati. Kesaggamattampi nāḷato daṇḍakassa heṭṭhimatale nikkhante bhaṇḍagghena kāretabbo. Asitena lāyitvā gaṇhato pana muṭṭhigatesu heṭṭhā chinnesupi sace sīsāni jaṭitāni, rakkhanti² tāva. Vijaṭetvā pana kesaggamattampi ukkipato sace vatthu pūrati, pārājikam. Sāmikehi pana lāyitvā ṭhapitam sabhusam vā abhusam vā katvā gaṇhato yena vatthu pūrati, tasmim gahite pārājikam. Sace parikappeti

1. Nirappitvā (Syā), nirambitvā (Ka), nidampitvā (Saddanīti)

2. Rakkhati (Sī)

“Idaṃ madditvā papphoṭevā sārāmeva gaṇhissāmī”ti, rakkhati tāva. Maddanapapphoṭanesu ṭhānā cāventassāpi pārājikaṃ natthi, pacchā bhājanagate katamatte pārājikaṃ. Abhiyogo panettha vuttanayo eva.

Khīlasaṅkamanādīsu pathavī nāma anagghā, tasmā sace ekeneva khīlena ito kesaggamattampi pathavippadesaṃ sāmikānaṃ passantānaṃ vā apassantānaṃ vā attano santakaṃ karoti, tasmim khīle nāmaṃ chinditvā vā acchinditvā vā saṅkāmitamatte tassa ca, ye cassa ekacchandā, sabbesaṃ pārājikaṃ. Sace pana dvīhi khīlehi gahetabbaṃ hoti, paṭhame khīle thullaccayaṃ, dutiye pārājikaṃ. Sace tīhi gahetabbaṃ hoti, paṭhame dukkaṭaṃ, dutiye thullaccayaṃ, tatiye pārājikaṃ. Evaṃ bahukesupi avasāne dve ṭhapetvā purimehi dukkaṭaṃ, avasāne dvinnaṃ ekena thullaccayaṃ, itarena pārājikaṃ veditabbaṃ. Tañca kho sāmikānaṃ dhuranikkhepena. Evaṃ sabbattha.

Rajjuṃ vāti “mama santakaṃ idan”ti ñāpetukamo rajjuṃ vā pasāreti, yaṭṭhim vā pātetī, dukkaṭaṃ. “Idāni dvīhi payogehi attano santakaṃ karissāmī”ti tesā paṭhame thullaccayaṃ, dutiye pārājikaṃ.

Vatim vāti parassa khettaṃ parikkhepavasena attano kātukāmo dārūni nikaṇṭati, payoge payoge dukkaṭaṃ. Ekasmim ānāgate thullaccayaṃ, tasmim āgate pārājikaṃ. Sace tattakena asakkonto sākḥāparivārenea attano kātuṃ sakkoti, sākḥāpātanepi eseva nayo. Evaṃ yena yena parikkhipitvā attano kātuṃ sakkoti, tattha tattha paṭhamapayogehi dukkaṭaṃ, avasāne dvinnaṃ ekena thullaccayaṃ, itarena pārājikaṃ veditabbaṃ.

Mariyādaṃ vāti parassa khettaṃ “mama idan”ti ñāpetukāmo attano khettamariyādaṃ kedārapālim yathā parassa khettaṃ atikkamati, evaṃ saṅkāmeti, paṃsumattikādīhi vā vaḍḍhetvā vitthataṃ karoti, akataṃ vā pana patiṭṭhabeti, purimapayogehi dukkaṭaṃ, dvinnaṃ pacchimānaṃ ekena thullaccayaṃ, itarena pārājikanti.

Khettaṭṭhakathā niṭṭhitā.

Vatthuṭṭhakathā

105. Vatthuṭṭhepi vatthum tāva dassento “**vatthu nāma āramavatthu vihāravatthū**”ti āha. Tattha bījaṃ vā uparopake vā aropetvāva kevalaṃ bhūmiṃ sodhetvā tiṇṇaṃ pākārānaṃ yena kenaci parikkhipivā vā aparikkhipivā vā pupphārāmādīnaṃ atthāya ṭhapito bhūmibhāgo āramavatthu nāma. Eteneva nayena ekavihārapariveṇa-āvāsānaṃ atthāya ṭhapito bhūmibhāgo vihāravatthu nāma. Yopi pubbe āramo ca vihāro ca hutvā pacchā vinassivā bhūmimatto¹ ṭhito āramavihārakiccaṃ na karoti, sopi āramavihāravatthusaṅgaheneva saṅgahito. Vinicchayo panettha khettaṭṭhe vuttasadisoyevāti.

Vatthuṭṭhakathā niṭṭhitā.

106. Gāmaṭṭhe yaṃ vattabbaṃ, taṃ vuttameva.

Araññaṭṭhakathā

107. Araññaṭṭhe araññaṃ tāva dassento “**araññaṃ nāma yaṃ manussānaṃ pariggahitaṃ hoti, taṃ araññaṃ**”ti āha. Tattha yasmā **araññaṃ** nāma manussānaṃ pariggahitampi atthi apariggahitampi, idha pana yaṃ pariggahitaṃ sārakkhaṃ, yato na vinā mūlena kaṭṭhalatādīni gahetuṃ labbhanti, taṃ adhippetāṃ. Tasmā “yaṃ manussānaṃ pariggahitaṃ hoti”ti vatvā puna “araññaṃ”ti vuttāṃ. Tena imamattaṃ dasseti “na pariggahitabhāvo araññaṃ lakkhaṇaṃ. Yaṃ pana attano araññalakkhaṇena araññaṃ, manussānaṃ pariggahitaṃ, taṃ imasmim atthe araññaṃ”ti. Tattha vinicchayo āramaṭṭhādīsu vuttasadisō.

Tatthajātakesu panettha ekasmimpi mahaggharukkhe chinnamate pārajikaṃ. **Latam vāti** ettha ca vettopi latāpi latā eva. Tattha yo vetto vā latā vā dīghā hoti. Mahārukkhe ca gacche ca vinivijjhivā vā veṭhetvā vā gatā, sā mūle chinnāpi avahāraṃ na janeti agge chinnāpi, yadā pana aggepi mūlepi chinnā hoti, tadā avahāraṃ janeti. Sace pana veṭhetvā ṭhitā hoti, veṭhetvā ṭhitā pana rukkhatō mocitamattā avahāraṃ janeti.

1. Bhūmibhāgamatto (Syā), bhūmimate (Ka)

Ṭiṇaṃ vāti ettha ṭiṇaṃ vā hotu paṇṇaṃ vā, sabbaṃ ṭiṇaggaṇeṇeva gahitaṃ, taṃ gehacchadanādīnamatthāya parehi chinnaṃ vā attanā chinditvā vā gaṇhanto bhaṇḍagghena kāretabbo. Na kevalaṅca ṭiṇapaṇṇameva, aññaṃpi yaṃkiñci vākachalli-ādi, yattha sāmikā sālayā, taṃ gaṇhanto bhaṇḍagghena kāretabbo. Tacchetvā ṭhapito addhagatopi rukkho na gahetabbo. Yo pana agge ca mūle ca chinno hoti, sākāpissa pūtikā jātā, challiyopi gaḷitā, yaṃ sāmikehi chaḍḍitoti gahetuṃ vaṭṭati. Lakkhaṇacchinnassāpi yadā lakkhaṇaṃ challiyā pariyonaddham hoti, tadā gahetuṃ vaṭṭati. Gehādīnaṃ atthāya rukkhe chinditvā yadā tāni katāni ajjhāvutthāni ca honti, dārūnipi araṅṅe vassena ca ātapena ca vinassanti, īdisānipi disvā “chaḍḍitāni”ti gahetuṃ vaṭṭati. Kasmā? Yasmā araṅṅasāmikā etesaṃ anissarā. Yehi araṅṅasāmikānaṃ deyyadhammaṃ datvā chinnāni, te eva issārā, tehi ca tāni chaḍḍitāni, nirālayā tattha jātāti.

Yopi bhikkhu paṭhamāṃyeva araṅṅapālānaṃ deyyadhammaṃ datvā araṅṅaṃ pavisitvā yathārucite rukkhe gāhāpeti, tassa tesāṃ ārakkhāṭṭhānaṃ agantvāpi yathārucitena maggena gantuṃ vaṭṭati. Athāpi pavisanto adatvā “nikkhamanto dassāmi”ti rukkhe gāhāpetvā nikkhamanto tesāṃ dātabbaṃ datvā gacchati, vaṭṭati eva. Athāpi ābhogaṃ katvā gacchati “dehīti vutte dassāmi”ti, “dehī”ti vutte dātabbameva. Sace koci attano dhanāṃ datvā “bhikkhussa gantuṃ dethā”ti vadati, laddhakappameva, gantuṃ vaṭṭati. Sace pana koci issarajātiko dhanāṃ adatvāva “bhikkhūnaṃ bhāgaṃ mā gaṇhathā”ti vāreti, araṅṅapālā ca “mayāṃ bhikkhūnaṃ, tāpasānaṅca bhāgaṃ agaṇhantā kuto lacchāma, detha bhante”ti vadanti, dātabbameva.

Yo pana araṅṅapālesu niddāyantesu vā kīlāpasutesu vā katthaci pakkantesu vā āgantvā “kuhiṃ araṅṅapālā”ti pakkositvāpi adisvā gacchati, bhaṇḍadeyyaṃ. Yopi ārakkhāṭṭhānaṃ patvā kammaṭṭhānādīni manasi karonto vā aññavihito vā assatiyā atikkamati, bhaṇḍadeyyameva. Yassāpi taṃ ṭhānaṃ pattassa coro vā hatthī vā vāḷamigo vā mahāmegho vā vuṭṭhahati, so ca tamhā upaddavā muccitukamyatāya

sahasā taṃ ṭhānaṃ atikkamati, rakkhati tāva, bhaṇḍadeyyaṃ pana hoti. Idaṃ pana araṇṇe ārakkhaṭṭhānaṃ nāma suṅkaghātatopi garukataraṃ. Suṅkaghātassa hi paricchedaṃ anokkamitvā dūratova pariharanto dukkaṭamevāpajjati. Idaṃ pana theyyacittena pariharantassa ākāseṇa gacchatopi pārājikameva. Tasmā ettha appamattena bhavitabbanti.

Araṇṇaṭṭhakathā niṭṭhitā.

Udakakathā

108. Udake pana **bhājanagatanti** udakadullabhakāle udakamaṇikādīsu bhājanesu saṅgopetvā ṭhapitaṃ. Taṃ yasmim bhājane ṭhapitaṃ hoti, taṃ bhājanaṃ āviñchitvā vā chiddaṃ katvā vā tattha, pokkharāṇītaḷakesu ca attano bhājanaṃ pavesetvā vā gaṇhantassa sappitelesu vuttanayena vinicchayo veditabbo.

Mariyādacchedane pana tatthajātakabhūtagāmena saddhimpi mariyādaṃ chindantassa adinnādānapayogattā dukkaṭaṃ. Tañca pana pahāre pahāre hoti. Anto ṭhatvā bahimukho chindanto bahi-antena kāretabbo. Bahi ṭhatvā antomukho chindanto anto-antena kāretabbo. Anto ca bahi ca chinditvā majjhe ṭhapetvā taṃ chindanto majjhena kāretabbo. Mariyādaṃ dubbalaṃ katvā gāvo pakkosati, gāmadārakehi vā pakkosāpeti, tā āgantvā khurehi mariyādaṃ chindanti, teneva chinnā hoti. Mariyādaṃ dubbalaṃ katvā gāvo udake paveseti, gāmadārakehi vā pavesāpeti, tāhi uṭṭhāpitavīciyo mariyādaṃ bhinditvā gacchanti. Gāmadārake vā “udake kīḷathā”ti vadati, kīḷante vā utrāseti, tehi uṭṭhāpitavīciyopi mariyādaṃ bhinditvā gacchanti. Anto-udake jātārakkhaṃ chindati, añṇena vā chindāpeti, tenapi patantena uṭṭhāpitavīciyo mariyādaṃ chinditvā gacchanti. Teneva chinnā hoti. Mariyādaṃ dubbalaṃ katvā taḷākarakkhaṇaṭṭhāya taḷākato nibbahana-udakaṃ vā niddhamanatumbaṃ vā pidahati, añṇato gacchantāṃ vā udakaṃ yathā ettha pavisati, evaṃ pālīm vā bandhati, mātikaṃ vā ujukaṃ karoti, tassa uparibhāge

ṭhitaṃ attano taḷākāṃ vā bhindati, ussannaṃ udakaṃ mariyādaṃ gahetvā gacchati. Teneva chinnā hoti. Sabbattha nikkhanta-udakagghānurūpena avahārena kāretabbo.

Niddhamanapanāḷim ugghātetvā nīharantassāpi eseva nayo. Sace pana tena mariyādāya dubbalāya katāya attano dhammatāya āgantvā vā anāṇattehi gāmadārakehi āropitā vā gāviyo khurehi mariyādaṃ bhindanti, attanoyeva dhammatāya, anāṇattehi vā gāmadārakehi udake pavesitā vīciyo uṭṭhāpentī, gāmadārakā vā sayameva pavisitvā kīlantā uṭṭhāpentī, anto-udake vā rukkho aññaena chijjamāno patitvā uṭṭhāpetī, uṭṭhāpitā vīciyo mariyādaṃ chindanti. Sacepi mariyādaṃ dubbalaṃ katvā sukkhataḷākassa udakanibbhanaṭṭhānaṃ vā udakaniddhamanatumbaṃ vā pidahati, aññato gamanamagge vā pāḷim bandhati, sukkhamātikaṃ vā ujukaṃ karoti, pacchā deve vuṭṭhe udakaṃ āgantvā mariyādaṃ bhindati. Sabbattha bhaṇḍadeyyaṃ.

Yo pana nidāghe sukkhavāpiyā mariyādaṃ yāva talaṃ pāpetvā chindati, pacchā deve vuṭṭhe āgatāgataṃ udakaṃ palāyati, bhaṇḍadeyyaṃ. Yattakaṃ tappaccayā sassaṃ uppajjati, tato pādamaṭṭagghanakampi adento sāmikānaṃ dhuranikkhepena assamaṇo hoti.

Yaṃ pana sabbasādhāraṇaṃ taḷākāṃ hoti, taḷāke udakassa sabbepi manussā issarā. Heṭṭhato panassa sassāni karonti, sassapālanatthaṃ taḷākato mahāmātikā nikkhamitvā khattamajjhena yāti, sāpi sadā¹ sandanakāle sabbasādhāraṇā. Tato pana khuddakamātikā nīharitvā attano attano kedāresu udakaṃ pavesenti, taṃ aññesaṃ gahetuṃ na denti. Nidāghasamayeva udake mandībhūte vārena udakaṃ denti, yo udakavāre sampatte na labhati, tassa sassāni milāyanti, tasmā aññesaṃ vāre añño gahetuṃ na labhati. Tattha yo bhikkhu paresaṃ khuddakamātikāto vā kedārato vā udakaṃ theyyacittena attano vā parassa vā mātikaṃ vā kedāraṃ vā pavesebhi, aṭavimukhaṃ vā vāheti, avahārovassa hoti.

Yopi “cirena me udakavāro bhavissati, idañca sassam milāyatī”ti paresam kedāre pavisantassa udakassa pavisanamaggaṃ pidahitvā attano kedāram paveseti, avahāro eva. Sace pana taḷākato aniggate paresam mātikāmukhaṃ asampatteva udake sukkhamātikāmyeva yathā āgacchantam udakaṃ aññesaṃ kedāre appavisitvā attanoyeva kedāram pavisati, evaṃ tattha tattha bandhati. Anikkhante baddhā subaddhā, nikkhante baddhā bhaṇḍadeyyam. Taḷākam gantvā sayameva niddhamanapanālim ugghāṭetvā attano kedāram pavesentassāpi natthi avahāro. Kasmā? Taḷākam nissāya khettassa katattā. **Kurundiya**disu pana “avahāro”ti vuttam, tam “vatthum kālañca desañcā”ti iminā lakkhaṇena na sameti. Tasmā **Mahā-aṭṭhakathāyam** vuttameva yuttanti.

Udakakathā niṭṭhitā.

Dantaponakathā

109. Dantaponam āramatṭhakavinicchayena vinicchinitabbam. Ayam pana viseso—yo saṃghassa vetanabhato hutvā devasikam vā pakkhamāsavārena vā dantakaṭṭham āharati, so tam āharitvā chinditvāpi yāva bhikkhusaṃgham na sampatichāpeti, tāva tasseva hoti. Tasmā tam theyyacittena gaṇhanto bhaṇḍagghena kāretabbo. Tatthajātakam pana garubhaṇḍam, tampi bhikkhusaṃghena rakkhitagopitam gaṇhanto bhaṇḍagghena kāretabbo. Eseva nayo gaṇapuggalagihimanussasantakepi chinnake, acchinnake ca. Tesam āramuyyānabhūmīsu jātam sāmaṇerā vārena bhikkhusaṃghassa dantakaṭṭham āharantā ācariyupajjhāyānampi āharanti, tam yāva chinditvā saṃgham na paṭicchāpentī, tāva sabbam tesamyeva hoti. Tasmā tampi theyyacittena gaṇhanto bhaṇḍagghena kāretabbo. Yadā pana te chinditvā saṃghassa paṭicchāpetvā dantakaṭṭhamālake nikkhipanti “yathāsukham bhikkhusaṃgho paribhuñjatū”ti, tato paṭṭhāya avahāro natthi, vattam pana jānitabbam. Yo hi devasikam saṃghamajjhe osarati, tena divase divase ekameva dantakaṭṭham gahetabbam. Yo pana devasikam na osarati, padhānaghare vasitvā dhammasavane vā uposathagge vā dissati,

tena pamāṇaṃ sallakkhetvā cattāri pañca dantakaṭṭhāni attano vasanaṭṭhāne ṭhapetvā khāditabbāni. Tesu khīṇesu sace punapi dantakaṭṭhamālake bahūni hontiyeva, punapi āharitvā khāditabbāni. Yadi pana pamāṇaṃ asallakkhetvā āharati, tesu akkhīṇesuyeva mālake khīyanti, tato keci therā “yehi gahitāni, te paṭi-āharantū”ti vadeyyum, keci “khādantu, puna sāmaṇerā āharissantī”ti, tasmā vivādapariharaṇatthaṃ pamāṇaṃ sallakkhetabbariṃ. Gahaṇe pana doso natthi. Maggaṃ gacchantenāpi ekaṃ vā dve vā thavikāya pakkhipitvā gantabbanti.

Dantaponakathā niṭṭhitā.

Vanappatikathā

110. Vanassa patīti **vanappati**, vanajeṭṭhakarukkhassetam adhivacanam. Idha pana sabbopi manussehi pariggahitarukkho adhippeto ambalabujapanasādiko, yattha vā pana maricavalli-ādīni āropenti. So chijjamāno sace ekāyapi challiyā vā vākena vā sakalikāya vā pheggunā vā sambaddhova hutvā bhūmiyaṃ patati, rakkhati tāva.

Yo pana chinnopi vallīhi vā sāmantarukkkhasākhāhi vā sambaddho sandhāritattā ujukameva tiṭṭhati, patanto vā bhūmiṃ na pāpuṇāti, natthi tattha parihāro, avahāro eva hoti. Yopi kakacena chinno acchinno viya hutvā tatheva tiṭṭhati, tasmimpi eseva nayo.

Yo pana rukkham dubbalaṃ katvā pacchā cāletvā pātetī, aññena vā cālāpetī, aññaṃ vāssa santike rukkham chinditvā ajjhottharati, parena vā ajjhottharāpetī, makkaṭe vā paripātetvā tattha āropeti, aññena vā āropāpetī, vagguliyo vā tattha āropeti, parena vā āropāpetī, tā taṃ rukkham pātetī. Tasseva avahāro.

Sace pana tena rukkhe dubbale kate añño anāṇatto eva taṃ cāletvā pātetī, rukkkena vā ajjhottharati, attano dhammatāya makkaṭā vā vagguliyo vā ārohanti, paro vā anāṇatto āropeti, sayam vā esa vātamukham sodheti, balavavāto

āgantvā rukkhaṃ pāṭeti. Sabbattha bhaṇḍadeyyaṃ. Vātamukhasodhanaṃ panettha asampatte vāte sukkhamātikāya ujukaraṇādīhi sameti, no aññathā. Rukkhaṃ āvijjhivā¹ satthena vā ākoṭeti, aggim vā deti, maṇḍukakaṇṭakam vā visam vā ākoṭeti, yena so marati. Sabbattha bhaṇḍadeyyamevāti.

Vanappatikathā niṭṭhitā.

Haraṇakakathā

111. Haraṇake aññassa haraṇakaṃ bhaṇḍaṃ theyyacitto āmasatīti paraṃ sīsabhārādīhi bhaṇḍaṃ ādāya gacchantam disvā “etaṃ harissāmī”ti vegena gantvā āmasati, ettāvata assa dukkaṭaṃ. **Phandāpetīti** ākaḍḍhanavikaḍḍhanaṃ karoti, sāmiko na muñcati, tenassa thullaccayaṃ. **Ṭhānā cāvetīti** ākaḍḍhitvā sāmikassa hatthato moceti, tenassa pārājikaṃ. Sace pana taṃ bhaṇḍasāmiko uṭṭhahitvā pothetvā puna taṃ bhaṇḍaṃ mocāpetvā gaṇheyya, bhikkhu paṭhamaggahaṇeneva pārājiko. Sīso vā kaṇṇato vā gīvato vā hatthato vā alaṅkāraṃ chinditvā vā mocetvā vā gaṇhantassa sīsādīhi mocitamatte pārājikaṃ. Hatthe pana valayaṃ vā kaṭakaṃ vā anīharitvā aggabāhaṃ ghaṃsantova aparāparaṃ vā sāreti, ākāśagataṃ vā karoti, rakkhati tāva. Rukkhamūlacīvaravaṃsesu valayamiva na pārājikaṃ janeti. Kasmā? Saviññāṇakattā. Saviññāṇakakoṭṭhāsagataṃhi yāva tato na niḥaṭaṃ, tāva tattheva hoti. Eseva nayo aṅgulimuddika pādakaṭaka kaṭūpagapiḷandhanesu.

Yo pana parassa nivatthasāṭakaṃ acchindati, paro ca salajjitāya sahasā na muñcati. Ekenantena coro kaḍḍhati, ekenantena paro, rakkhati tāva. Parassa hatthato muttamatte pārājikaṃ. Athāpi taṃ kaḍḍhantassa chijjitvā ekadeso hatthagato hoti, so ca pādaṃ agghati, pārājikameva. **Sahabhaṇḍahāraṅkanti** “sabhaṇḍahāraṅkaṃ bhaṇḍaṃ nessāmī”ti cintetvā “īto yāhī”ti bhaṇḍahāraṅkaṃ tajjeti, so

1. Āviñjitvā (Sī)

bhīto corena adhippetadisābhimukho hutvā ekaṃ pādaṃ saṅkāmeti, corassa thullaccayaṃ, dutiye pārājikaṃ. **Pātāpetī**ti athāpi coro bhaṇḍahārakassa hatthe āvudhaṃ disvā sāsaṅko hutvā pātāpetvā gahetukāmo ekamantaṃ paṭikkamma santajjetvā pātāpeti, parassa hatthato muttamatte pārājikaṃ.

Pātāpeti āpatti dukkaṭassāti-ādi pana parikappavasena vuttaṃ. Yo hi bhaṇḍaṃ pātāpetvā “yaṃ mama rucati, taṃ gahessāmī”ti parikappetvā pātāpeti, tassa pātāpane ca āmasane ca dukkaṭaṃ, phandāpane thullaccayaṃ, pādagghanakassa ṭhānācāvane pārājikaṃ. Taṃ pacchā paṭipāṭiyamānassa muñcatopi natthiyeva samaṇabhāvo. Yopi bhaṇḍahāraṃ atikkamantaṃ disvā anubandhanto “tiṭṭha tiṭṭha, bhaṇḍaṃ pātehi”ti vatvā pātāpeti, tassāpi tena hatthato muttamatte pārājikaṃ.

Yo pana “tiṭṭha tiṭṭhā”ti vadati, “pātehi”ti na vadati, itaro ca taṃ oloketvā “sace esa maṃ pāpuṇeyya, ghāteyyāpi maṃ”ti sālayova hutvā taṃ bhaṇḍaṃ gahaṇaṭṭhāne pakkhipitvā “puna nivattitvā gahessāmī”ti pakkamati, pātanapaccayā pārājikaṃ natthi. Āgantvā pana theyyacittena gaṇhato uddhāre pārājikaṃ. Atha panassa evaṃ hoti “mayā pātāpenteneva idaṃ mama santakaṃ katan”ti, tato naṃ sakasaññāya gaṇhāti, gahaṇe rakkhati, bhaṇḍadeyyaṃ pana hoti. “Dehi”ti vutte adentassa sāmikānaṃ dhuranikkhepe pārājikaṃ. “So imaṃ chaḍḍetvā gato, anajjhāvutthakaṃ dāni idan”ti paṃsukūlasaññāya gaṇhatopi eseva nayo. Atha pana sāmiko “tiṭṭha tiṭṭhā”ti vuttamatteneva olokeno taṃ disvā “na idāni idaṃ mayhan”ti dhuranikkhepaṃ katvā nirālayo chaḍḍetvā palāyati, taṃ theyyacittena gaṇhato uddhāre dukkaṭaṃ, āharāpente dātabbaṃ, adentassa pārājikaṃ. Kasmā? Tassa payogena chaḍḍitattāti **Mahā-aṭṭhakathāyaṃ** vuttaṃ. Aññesu pana vicāraṇā eva natthi. Purimanayeneva sakasaññāya vā paṃsukūlasaññāya vā gaṇhantepi ayameva vinicchayoti.

Haraṇakakathā niṭṭhitā.

Upanidhikathā

112. Upanimimhi **nāhaṃ gaṇhāmī**ti sampajānamusāvādepi adinnādānassa payogattā dukkaṭaṃ. “Kiṃ tumhe bhaṇatha, nevidaṃ mayhaṃ anurūpaṃ, na tumhākaṃ”ti-ādīni vadantassāpi dukkaṭameva. “Raho mayā etassa hatthe ṭhapitaṃ, na añño koci jānāti, dassati nu kho me, no”ti sāmiko vimatim uppādeti, bhikkhussa thullaccayaṃ. Tassa pharusādibhāvaṃ disvā sāmiko “na mayhaṃ dassatī”ti dhuraṃ nikkhipati, tatra sacāyaṃ bhikkhu “kilametvā naṃ dassāmī”ti dāne sa-ussāho, rakkhati tāva. Sacepi so dāne nirussāho, bhaṇḍassāmiko pana gahaṇe sa-ussāho, rakkhateva. Yadi pana so dāne nirussāho¹, bhaṇḍassāmikopi² “na mayhaṃ dassatī”ti dhuraṃ nikkhipati, evaṃ ubhinnāṃ dhuranikkhepena bhikkhuno pārājikaṃ. Yadi pi mukhena “dassāmī”ti vadati, cittena pana adātukāmo, evampi sāmikassa dhuranikkhepe pārājikaṃ. Taṃ pana upanidhi nāma saṅgopanatthāya attano hatthe parehi ṭhapitabhaṇḍaṃ, aguttadesato ṭhānā cāvetvā guttaṭṭhāne ṭhapanatthāya harato anāpatti, theyyacittena pi ṭhānā cāventassa avahāro natthi. Kasmā? Attano hatthe nikkhattatā, bhaṇḍadeyyaṃ pana hoti. Theyyacittena paribhuñjatopi eseva nayo. Tāvakālikaggahaṇepi tatheva. **Dhammaṃ carantoti-ādi vuttanayameva. Ayaṃ tāva Pāḷivaṇṇanā.**

Pāḷimuttakavinicchayo panettha pattacatukkādivasena evaṃ vutto. Eko kira bhikkhu parassa mahagghe patte lobhaṃ uppādetvā taṃ haritukāmo ṭhapitaṭṭhānamassa suṭṭhu sallakkhetvā attanopi pattaṃ tasseva santike ṭhapesi. So paccūsamaye āgantvā dhammaṃ vācāpetvā niddāyamānaṃ mahātheramāha “vandāmi bhante”ti. Ko esoti, ahaṃ bhante āgantukabhikkhu, kālassevamhi gantukāmo, asukasmiñca me ṭhāne īdisena nāma aṃsabaddhakena³ īdisāya pattatthavikāya patto ṭhapito, sādhamā bhante taṃ labheyyanti. Thero pavisitvā taṃ gaṇhi, uddhāreyeva corassa pārājikaṃ. Sace āgantvā “kosi tvaṃ avelāya āgato”ti vutto bhīto palāyati, pārājikaṃ

1. Tasmim dāne nirussāhe (Sī), tasmim dāne nirussāho (Syā)

2. Bhaṇḍassāmiko (Sī, Syā)

3. Aṃsavaddhakena (Sī, Syā)

patvāva palāyati. Therassa pana suddhacittatā anāpatti. Thero “taṃ gaṇhissāmī”ti aññaṃ gaṇhi, eseva nayo. Ayaṃ pana aññaṃ tādisameva gaṇhante yujjati manussaviggahe āṇattasadisavatthusmiṃ viya. **Kurundiyaṃ** pana “padavārena kāretabbo”ti vuttaṃ, taṃ atādisameva gaṇhante yujjati.

Taṃ maññaṃāno attano pattam gaṇhitvā adāsi, corassa sāmikena dinnatā pārājikaṃ natthi, asuddhacittena pana gahitattā dukkaṭam. Taṃ maññaṃāno corasseva pattam gaṇhitvā adāsi, idhāpi corassa attano santakattā pārājikaṃ natthi, asuddhacittena pana gahitattā dukkaṭameva. Sabbattha therassa anāpatti.

Aparo “pattam coressāmī”ti tatheva niddāyamānaṃ theram vandi. “Ko ayan”ti ca vutte “ahaṃ bhante gilānabhikkhu, ekaṃ tāva me pattam detha, gāmadvāram gantvā bhesajjam āharissāmī”ti. Thero “idha gilāno natthi, coro ayaṃ bhavissatī”ti sallakkhetvā “imaṃ haratū”ti attano veribhikkhussa pattam nīharitvā adāsi, dvinnampi uddhāreyeva pārājikaṃ. “Veribhikkhussa patto”ti saññāya aññaṃ pattam uddharantepi eseva nayo. Sace pana “verissāyan”ti saññāya corasseva pattam uddharitvā deti, vuttanayeneva therassa pārājikaṃ, corassa dukkaṭam. Atha “verissāyan”ti maññaṃāno attano pattam deti, vuttanayeneva ubhinnampi dukkaṭam.

Eko mahāthero upaṭṭhākaṃ daharabhikkhum “pattacīvaram gaṇha, asukaṃ nāma gāmaṃ gantvā piṇḍāya carissāmā”ti āha. Daharo gahetvā therassa pacchato pacchato gacchanto theyyacittam uppādetvā sace sīse bhāram khandhe karoti, pārājikaṃ natthi. Kasmā? Āṇattiyā gahitattā. Sace pana maggato okkamma aṭaviṃ pavisati, padavārena kāretabbo. Atha nivattitvā vihārābhimukho palāyitvā vihāram pavisitvā gacchati, upacārātikame pārājikaṃ. Athāpi mahātherassa nivāsanaparivattanaṭṭhānato gāmābhimukho palāyati, gāmūpacārātikame pārājikaṃ. Yadi pana ubhopi piṇḍāya caritvā bhuñjitvā vā gahetvā vā nikkhamanti, thero ca punapi taṃ vadati “pattacīvaram gaṇha, vihāram gamissāmā”ti. Tatra ce so purimanayeneva theyyacittena sīse bhāram khandhe karoti, rakkhati tāva. Aṭaviṃ pavisati, padavārena kāretabbo.

nivattitvā gāmābhimukho eva palāyati, gāmūpacārātikame pārājikaṃ. Purato vihārābhimukho palāyitvā vihāre aṭṭhatvā anisīditvā avūpasanteneva theyyacittena gacchati, upacārātikame pārājikaṃ. Yo pana anāṇatto gaṇhāti, tassa sīse bhāraṃ khandhe karaṇādīsipi pārājikaṃ. Sesam purimasadisameva.

Yo pana “asukam nāma vihāraṃ gantvā cīvaraṃ dhovitvā rajitvā vā ehī”ti vutto “sādhū”ti gahetvā gacchati. Tassapi antarāmagge theyyacittam uppādetvā sīse bhāraṃ khandhe karaṇādīsu pārājikaṃ natthi. Maggā okkamaṇe padavārena kāretabbo. Tam vihāraṃ gantvā tattheva vasanto theyyacittena paribhuñjanto jīrāpeti, corā vā tassa tam haranti, avahāro natthi, bhaṇḍadeyyam pana hoti. Tato nikkhamitvā āgacchatopi eseva nayo.

Yo pana anāṇatto therena nimitte vā kate sayameva vā kilīṭṭham sallakkhetvā “detha bhante cīvaraṃ, asukam nāma gāmaṃ gantvā rajitvā āharissāmī”ti gahetvā gacchati, tassa antarāmagge theyyacittam uppādetvā sīse bhāraṃ khandhe karaṇādīsu pārājikaṃ. Kasmā? Anāṇattiyā gahitattā. Maggā okkamatoṇi paṇinivattitvā tameva vihāraṃ āgantvā vihārasīmaṃ atikkamatopi vuttanayeneva pārājikaṃ. Tattha gantvā rajitvā pacchāgacchatopi theyyacitte uppanne eseva nayo. Sace pana yattha gato, tattha vā antarāmagge vihāre vā tameva vihāraṃ paccāgantvā tassa ekapasse vā upacārasīmaṃ atikkamitvā vasanto theyyacittena paribhuñjanto jīrāpeti, corā vā tassa tam haranti, yathā vā tathā vā nassati, bhaṇḍadeyyam. Upacārasīmaṃ atikkamato pana pārājikaṃ.

Yo pana therena nimitte kayiramāne “detha bhante, aham rajitvā āharissāmī”ti vatvā “kattha gantvā bhante rajāmī”ti pucchati. Thero ca nam “yattha icchasi, tattha gantvā rajāhī”ti vadati. Ayam vissatṭhadūto nāma. Theyyacittena palāyantopi na avahārena kāretabbo. Theyyacittena pana palāyatopi paribhogena vā aññathā vā nāsayatopi bhaṇḍadeyyameva hoti. Bhikkhu bhikkhussa hatthe kiñci parikkhāraṃ paṇṇati “asukavihāre asukabhikkhussa dehī”ti, tassa theyyacitte

uppanne sabbaṭṭhānesu “asukam nāma vihāram gantvā cīvaram dhovivā rajivā vā ehī”ti ettha vuttasadiso vinicchayo.

Aparo bhikkhum paṇḍitukāmo nimittam karoti “ko nu kho gahetvā gamissatī”ti, tatra ce eko “detha bhante, aham gahetvā gamissāmī”ti gahetvā gacchati. Tassa theyyacitte uppanne sabbaṭṭhānesu “detha bhante cīvaram, asukam nāma gāmam gantvā rajivā āharissāmī”ti ettha vuttasadiso vinicchayo. Therena cīvaratthāya vattham labhivā upaṭṭhākakule ṭhapitam hoti. Athassa antevāsiko vattham haritukāmo tatra gantvā “tam kiravattham dethā”ti therena pesito viya vadati, tassa vacanam saddahitvā upāsakena ṭhapitam upāsikā vā, upāsikāya ṭhapitam upāsako vā añño vā koci niharitvā deti, uddhāreyevassa pārājikam. Sace pana therassa upaṭṭhākehi “imam therassa dassāmā”ti attano vattham ṭhapitam hoti. Athassa antevāsiko tam haritukāmo tattha gantvā “therassa kira vattham dātukāmattha, tam dethā”ti vadati. Te cassa saddahitvā “mayam bhante bhojetvā dassāmāti ṭhapayimha, handa gaṇhāhī”ti denti. Sāmikehi dinnatā pārājikam natthi, asuddhacittena pana gahitattā dukkaṭam, bhaṇḍadeyyaṅca hoti.

Bhikkhu bhikkhussa vatvā gāmam gacchati “itthannāmo mama vassāvāsikam dassati, tam gahetvā ṭhapeyyāsī”ti. “Sādhū”ti so bhikkhu tena dinnam mahaggasāṭakam attanā laddhena appagghasāṭakena saddhim ṭhapetvā tena āgatena attano mahagghasāṭakassa laddhabhāvam ñatvā vā añatvā vā “dehi me vassāvāsikan”ti vutto “tava thūlasāṭako laddho, mayham pana sāṭako mahaggho, dvepi asukasim nāma okāse ṭhapitā, pavisitvā gaṇhāhī”ti vadati. Tena pavisitvā thūlasāṭake gahite itarassa itaram gaṇhato uddhāre pārājikam. Athāpi tassa sāṭake attano nāmam, attano ca sāṭake tassa nāmam likhitvā “gaccha nāmam vācetvā gaṇhāhī”ti vadati, tatrāpi eseva nayo. Yo pana attanā ca tena ca laddhasāṭake ekato ṭhapetvā tam evam vadati “tayā ca mayā ca laddhasāṭakā dvepi antogabbhe ṭhapitā, gaccha yam icchasi, tam vicinitvā gaṇhāhī”ti. So ca lajjāya āvasikena laddham thūlasāṭakameva gaṇheyya. Tatrāvāsikassa vicinitvā gahitāvesam itaram

gaṇhato anāpatti. Āgantuko bhikkhu āvāsikānaṃ cīvarakammaṃ karontānaṃ samīpe pattacīvaraṃ ṭhapetvā “ete saṅgopessanti”ti maññamāno nhāyitum vā aññatra vā gacchati. Sace naṃ āvāsikā saṅgopenti, iccetaṃ kusalaṃ. No ce, naṭṭhe gīvā na hoti. Sacepi so “idaṃ bhante ṭhapethā”ti vatvā gacchati, itare ca sakiccappasutattā na jānanti, eseva nayo. Athāpi te “idaṃ bhante ṭhapethā”ti vuttā “mayāṃ byāvaṭā”ti paṭikkhipanti. Itaro ca “avassaṃ ṭhapessanti”ti anādiyitvā gacchati. Eseva nayo. Sace pana tena yācitā vā ayācitā vā “mayāṃ ṭhapessāma, tvaṃ gacchā”ti vadanti, taṃ saṅgopitabbaṃ. No ce saṅgopenti, naṭṭhe gīvā. Kasmā? Sampaṭicchitattā.

Yo bhikkhu bhaṇḍāgāriko hutvā paccūsasamaye eva bhikkhūnaṃ pattacīvarāni heṭṭhāpāsādaṃ oropetvā dvāraṃ apidahitvā tesampi anārocetvāva dūre bhikkhācāraṃ gacchati. Tāni ce corā haranti, tasseva gīvā. Yo pana bhikkhūhi “oropetha bhante pattacīvarāni, kālo salākaggahaṇassā”ti vutto “samāgatattā”ti pucchitvā “āma samāgatamhā”ti vutte pattacīvarāni nīharitvā nikkhipitvā bhaṇḍāgāradvāraṃ bandhitvā “tumhe pattacīvarāni gahetvā heṭṭhāpāsādadvāraṃ paṭijaggitvā gaccheyyāthā”ti vatvā gacchati. Tatra ceko alasajātiko bhikkhu bhikkhūsu gatesu pacchā akkhīni puñchanto uṭṭhahitvā udakaṭṭhānaṃ mukhadhovanatthaṃ gacchati, taṃ khaṇaṃ disvā corā tassa pattacīparaṃ haranti, suhaṭaṃ. Bhaṇḍāgārikassa gīvā na hoti.

Sacepi koci bhaṇḍāgārikassa anārocetvāva bhaṇḍāgāre attano parikkhāraṃ ṭhapeti, tasmimpi naṭṭhe bhaṇḍāgārikassa gīvā na hoti. Sace pana bhaṇḍāgāriko taṃ disvā “aṭṭhāne ṭhapitaṃ”ti gahetvā ṭhapeti, naṭṭhe tassa gīvā. Sacepi ṭhapitabhikkhunā “mayā bhante īdiso nāma parikkhāro ṭhapito, upadhāreyyāthā”ti vutto “sādhū”ti sampaṭicchati, dunnikkhittaṃ vā maññamāno aññasmim ṭhāne ṭhapeti, tasseva gīvā. “Nāhaṃ jānāmī”ti paṭikkhipantassa pana natthi gīvā. Yopi tassa passantasseva ṭhapeti, bhaṇḍāgārikaṃca na sampaṭicchāpeti, naṭṭhaṃ sunaṭṭhameva. Sace taṃ bhaṇḍāgāriko aññatra ṭhapeti, naṭṭhe gīvā. Sace bhaṇḍāgāraṃ suguttaṃ, sabbo saṃghassa ca cetiyassa ca parikkhāro tattheva ṭhapiyati,

bhaṇḍāgāriko ca bālo abyatto dvāraṃ vivarivā dhammakathaṃ vā sotuṃ, aññaṃ vā kiñci kātuṃ katthaci gacchati, taṃ khaṇaṃ disvā yattakaṃ corā haranti, sabbaṃ tassa gīvā. Bhaṇḍāgārato nikkhamitvā bahi caṅkamantassa vā dvāraṃ vivarivā sarīraṃ utuṃ gāhāpentassa vā tattheva samaṇadhammānuयोगena nisinnassa vā tattheva nisiditvā kenaci kamma byāvaṭṭassa vā uccārapassāvapīlitassāpi tato tattheva upacāre vijjamāne bahi gacchato vā aññaṃ vā kenaci ākārena pamattassa sato dvāraṃ vivarivā vā vivaṭṭameva pavisitvā vā sandhiṃ chinditvā vā yattakaṃ tassa pamādapaccayā corā haranti, sabbaṃ tasseva gīvā. Uṇhasamaye pana vātapānaṃ vivarivā nipajjitum vaṭṭatīti vadanti. Uccārapīlitassa pana tasmīṃ upacāre asati aññaṭtha gacchantassa gīlānapakkhe ṭhitattā avisayo, tasmā gīvā na hoti.

Yo pana anto uṇhapīlito dvāraṃ suguttaṃ katvā bahi nikkhamati, corā ca naṃ gahetvā “dvāraṃ vivarā”ti vadanti, yāvatatiyaṃ na vivaritabbaṃ. Yadi pana te corā “sace na vivarasi, tañca māressāma, dvārañca bhinditvā parikkhāraṃ harissāmā”ti pharasu-ādīni ukkhipanti. “Mayi ca mate, saṃghassa ca senāsane vinaṭṭhe guṇo natthi”ti vivaritum vaṭṭati. Idhāpi avisayattā gīvā natthīti vadanti. Sace koci āgantuko kuñcikaṃ vā deti, dvāraṃ vā vivarati. Yattakaṃ corā haranti, sabbaṃ tassa gīvā. Saṃghena bhaṇḍāgāraguttatthāya sūciyantakañca kuñcikumuddikā ca yojetvā dinnā hoti, bhaṇḍāgāriko ghaṭikamattaṃ datvā nipajjati, corā vivarivā parikkhāraṃ haranti, tasseva gīvā. Sūciyantakañca kuñcikumuddikañca yojetvā nipannaṃ panetaṃ sace corā āgantvā “vivarā”ti vadanti, tattha purimanayeneva paṭipajjitabbaṃ. Evaṃ guttaṃ katvā nipanne pana sace bhittim vā chadanaṃ vā bhinditvā umaṅgena¹ vā pavisitvā haranti, na tassa gīvā. Sace bhaṇḍāgāre aññepi therā vasanti, vivaṭṭe dvāre attano attano parikkhāraṃ gahetvā gacchanti, bhaṇḍāgāriko tesu gatesu dvāraṃ na jaggati. Sace tattha kiñci avaharīyati, bhaṇḍāgārikassa issaratāya bhaṇḍāgārikasseva gīvā. Therehi pana sahāyehi bhavitabbaṃ. Ayaṃ tattha sāmīci.

1. Ummaggena (Sī), ummaṅgena (Syā)

Yadi bhaṇḍāgāriko “tumhe bahi ṭhatvāva tumhākaṃ parikkhāraṃ gaṇhatha, mā pavisitthā”ti vadati, tesañca eko lolamahāthero sāmaṇerehi ceva upaṭṭhākehi ca saddhiṃ bhaṇḍāgāraṃ pavisitvā nisīdati ceva nipajjati ca, yattakaṃ bhaṇḍaṃ nassati, sabbaṃ tassa gīvā. Bhaṇḍāgārikena pana avasesattherehi ca sahāyehi bhavitabbaṃ. Atha bhaṇḍāgārikova lolasāmaṇere ca upaṭṭhāke ca gahetvā bhaṇḍāgāre nisīdati ceva nipajjati ca, yaṃ tattha nassati, sabbaṃ tasseva gīvā. Tasmā bhaṇḍāgārikeneva tattha vasitabbaṃ. Avasesehi appeva rukkhamaṇe¹ vasitabbaṃ, na ca bhaṇḍāgāreti.

Ye pana attano attano sabhāgabhikkhūnaṃ vasanagabbhesu parikkhāraṃ ṭhapenti. Parikkhāre naṭṭhe yehi ṭhapito tesānyeva gīvā. Itarehi pana sahāyehi bhavitabbaṃ. Yadi pana saṃgho bhaṇḍāgārikassa vihāreyeva yāgubhattaṃ dāpeti, so ca bhikkhācārathāya gāmaṃ gacchati, naṭṭhaṃ tasseva gīvā. Bhikkhācāraṃ pavisantehi atirekacivararakkhaṇatthāya ṭhapitavihāravārikassāpi yāgubhattaṃ vā nivāpaṃ vā labhamānasseva bhikkhācāraṃ gacchato yaṃ tattha nassati, sabbaṃ gīvā. Na kevaṇca ettakameva, bhaṇḍāgārikassa viya yaṃ tassa pamādappaccayā nassati, sabbaṃ gīvā.

Sace vihāro mahā hoti, aññaṃ padesaṃ rakkhituṃ gacchantassa aññaṃ padese nikkhattaṃ haranti, avisayattā gīvā na hoti. Īdise pana vihāre vemajjhe sabbesaṃ osaraṇaṭṭhāne parikkhāre ṭhapetvā nisīditabbaṃ, vihāravārikā vā dve tayo ṭhapetabbā. Sace tesāṃ appamattānaṃ ito cito ca rakkhataṃyeva kiñci nassati, gīvā na hoti. Vihāravārike bandhitvā haritabhaṇḍampi corānaṃ paṭipathaṃ gatesu aññaṃ maggena haritabhaṇḍampi na tesāṃ gīvā. Sace vihāravārikānaṃ vihāre dātabbaṃ yāgubhattaṃ vā nivāpo vā na hoti, tehi pattabbalābhato atirekā dve tisso yāgusalākā, tesāṃ pahonakabhattasalākā ca ṭhapetuṃ vaṭṭati. Nibaddhaṃ katvā pana na ṭhapetabbā, manussā hi vippaṭisārino honti “vihāravārikāyeva amhākaṃ bhattaṃ bhuñjanti”ti. Tasmā parivattetvā ṭhapetabbā. Sace tesāṃ

1. Maṇḍape ca rukkhamaṇe ca (Syā)

sabhāgā salākabhattāni āharitvā denti, iccetaṃ kusalaṃ. No ce denti, vāraṃ gāhāpetvā nīharāpetabbāni. Sace vihāravāriko dve tisso yāgusalākā, cattāri pañca salākabhattāni ca labhamānova bhikkhācāraṃ gacchati, bhaṇḍāgārikassa viya sabbaṃ naṭṭhaṃ gīvā hoti. Sace saṃghassa vihārapālānaṃ dātabbaṃ bhattaṃ vā nivāpo vā natthi, bhikkhū vihāravāraṃ gahetvā attano attano nissitake jaggenti, sampattavāraṃ aggahetuṃ na labhanti, yathā aññe bhikkhū karonti, tatheva kātabbaṃ. Bhikkhūhi pana asahāyakassa vā attadutiyaṃ vā yassa sabhāgo bhikkhu bhattaṃ ānetvā dātā natthi, evarūpassa vāro na pāpetabbo.

Yampi pākavattatthāya¹ vihāre ṭhapenti, taṃ gahetvā upajīvanta ṭhātabbaṃ. Yo taṃ na upajīvati, so vāraṃ na gāhāpetabbo. Phalāphalattāyapi vihāre bhikkhuṃ ṭhapenti, jaggitvā gopetvā phalavāreṇa bhājetvā khādanti. Yo tāni khādanti, tena ṭhātabbaṃ. Anupajīvanto na gāhāpetabbo. Senāsanamañcapīṭhapaccattharaṇarakkha ṇatthāyapi ṭhapenti, āvāse vasantena ṭhātabbaṃ. Abbhokāsiko pana rukkhamūliko vā na gāhāpetabbo.

Eko navako hoti, bahussuto pana bahūnaṃ dhammaṃ vāceti, paripucchaṃ deti, Pāḷiṃ vaṇṇeti, dhammakathaṃ katheti, saṃghassa bhāraṃ nittharati, ayaṃ lābhaṃ paribhuñjantopi āvāse vasantopi vāraṃ na gāhetabbo, “**purisaviseso nāma ñātabbo**”ti vadanti.

Uposathāgārapaṭimāgharajaggakassa pana diguṇaṃ yāgubhattaṃ, devasikaṃ taṇḍulanāḷi, saṃvacchare ticīvaraṃ, dasavīsagghanakaṃ kappiyabhaṇḍaṇca dātabbaṃ. Sace pana tassa taṃ labhamānasseva pamādena tattha kiñci nassati, sabbaṃ gīvā. Bandhitvā balakkāreṇa acchinnaṃ pana na gīvā. Tattha cetiyassa vā saṃghassa vā santakena cetiyassa santakaṃ rakkhāpetuṃ vaṭṭati, cetiyassa santakena saṃghassa santakaṃ rakkhāpetuṃ na vaṭṭati. Yaṃ pana cetiyassa santakena saddhiṃ saṃghassa santakaṃ ṭhapitaṃ hoti, taṃ cetiyasantake

1. Pākavattatthāya (Sī, Syā)

rakkhāpīte rakkhitameva hotīti evaṃ vaṭṭati. Pakkhavārena uposathāgārādīni rakkhatopi pamādasena naṭṭhaṃ gīvāyevāti.

Upanidhikathā niṭṭhitā.

Suṅkaghātakathā

113. Suṅkaṃ tato hanantīti **suṅkaghātaṃ**, suṅkaṭṭhānassetam adhvacaṇam. Tañhi yasmā tato suṅkārahaṃ bhaṇḍam suṅkaṃ adatvā nīharantā rañño suṅkaṃ hananti vināsenti, tasmā suṅkaghātanti vuttam. **Tatra pavisitvā** tatra pabbatakhaṇḍādīsu raññā paricchedam katvā ṭhapite suṅkaṭṭhāne pavisitvā. **Rājaggaṃ bhaṇḍanti** rājārahaṃ bhaṇḍam. Yato rañño pañcamāsakaṃ vā atirekapañcamāsakaṃ vā agghanakaṃ suṅkaṃ dātabbam hoti, tam bhaṇḍanti attho. Rājakantipi pāṭho, ayamevattho. **Theyyacittoti** “ito rañño suṅkaṃ na dassāmī”ti theyyacittam uppādetvā tam bhaṇḍam āmasati, dukkaṭam. Ṭhapitaṭṭhānato gahetvā thavikāya vā pakkhipati, paṭicchannaṭṭhāne vā ūrunā saddhim bandhati, thullaccayaṃ. Suṅkaṭṭhānena paricchinnattā ṭhānācāvanam na hoti. Suṅkaṭṭhānaparicchedam dutiyam pādama atikkāmeti, pārājikaṃ.

Bahisuṅkaghātaṃ pātetīti rājapurisānaṃ aññavihitabhāvaṃ passitvā anto ṭhitova bahi patanattāya khipati. Tañce avassam patanakaṃ, hatthato muttamatte pārājikaṃ. Tañce rukkhe vā khāṇumhi vā paṭihatam balavavātavegukkhitam vā hutvā puna antoyeva patati, rakkhati. Puna gaṇhitvā khipati, pubbe vuttanayeneva pārājikaṃ. Bhūmiyam patitvā paṭṭantaṃ puna anto pavisati, pārājikameva. **Kurundīsankhepaṭṭhakathāsu** pana “sace bahi patitam ṭhatvā vaṭṭantaṃ pavisati pārājikaṃ. Sace atitṭhamānaṃyeva vaṭṭitvā pavisati rakkhati”ti vuttam.

Anto ṭhatvā hatthena vā pādēna vā yaṭṭhiyā vā vaṭṭeti, aññena vā vaṭṭāpeti, sace aṭṭhatvā vaṭṭamānaṃ gataṃ, pārājikaṃ. Anto ṭhatvā bahi gacchantaṃ rakkhati, “vaṭṭitvā gamissatī”ti vā “añño naṃ vaṭṭessatī”ti vā anto ṭhapitam pacchā sayam vā vaṭṭamānaṃ aññena vā vaṭṭitam bahi gacchati, rakkhatiyeva. Suddhacittena ṭhapite pana tathā gacchante vattabbameva natthi.

dve puṭake ekābaddhe katvā suṅkaṭṭhānasīmantare ṭhapeti, kiñcāpi bahipuṭake suṅkaṃ pādaṃ agghati, tena saddhiṃ ekābaddhatāya pana anto puṭako rakkhati. Sace pana parivattetvā abbhantarimaṃ bahi ṭhapeti, pārājikaṃ. Kājepi ekabaddham katvā ṭhapite eseva nayo. Sace pana abandhitvā kājakoṭiyam ṭhapitamattameva hoti, pārājikaṃ.

Gacchante yāne vā assapiṭṭhi-ādīsu vā ṭhapeti “bahi nīharissatī”ti, nīhaṭepi avahāro natthi, bhaṇḍadeyyampi na hoti. Kasmā? “Atra pavitṭhassa suṅkaṃ gaṇhantū”ti vuttattā idañca suṅkaṭṭhānassa bahi ṭhitam, na ca tena nītam, tasmā neva bhaṇḍadeyyam na pārājikaṃ.

Ṭhitayānādīsu ṭhapite vinā tassa payogaṃ gatesu theyyacittepi sati nevatthi avahāro. Yadi pana ṭhapetvā yānādīni pājento atikkāmeti, hatthisuttādīsu vā kataparicayattā purato ṭhatvā “ehi re”ti pakkosati, sīmātikame pārājikaṃ. Eḷakalomasikkhāpade imasmim ṭhāne aññaṃ harāpeti, anāpatti, idha pārājikaṃ. Tatra aññassa yāne vā bhaṇḍe vā ajānantassa pakkhipitvā tiyojanam atikkāmeti, nissaggiyāni hontīti pācittiyam, idha anāpatti.

Suṅkaṭṭhāne suṅkaṃ datvāva gantum vaṭṭati. Eko ābhogaṃ katvā gacchati “sace ‘suṅkaṃ dehī’ti vakkhanti, dassāmi, no ce vakkhanti, gamissāmi”ti. Tam disvā eko suṅkiko “eso bhikkhu gacchati, gaṇhatha nam suṅkaṃ”ti vadati, aparo “kuto pabbajitassa suṅkaṃ, gacchatū”ti vadati, laddhakappaṃ hoti, gantabbam. “Bhikkhūnam suṅkaṃ adatvā gantum na vaṭṭati, gaṇha upāsakā”ti vutte pana “bhikkhussa suṅkaṃ gaṇhantehi pattacīvaram gahetabbam bhavissati, kim tena, gacchatū”ti vuttepi laddhakappameva. Sacepi suṅkikā niddāyanti vā, jūtam vā kīḷanti, yattha katthaci vā gatā, ayañca “kuhim suṅkikā”ti pakkositvāpi na passati, laddhakappameva. Sacepi suṅkaṭṭhānam patvā aññavihito, kiñci cinto vā sajjhāyanto vā manasikāram anuyuñjanto vā corahatthisīhabyagghādīhi sahasā vuṭṭhāya samanubaddho¹ vā mahāmegham uṭṭhitam disvā purato sālam pavisitukāmo vā hutvā tam ṭhānam atikkamati, laddhakappameva.

1. Samanubandho (Ka)

Suñkam pariharatīti ettha upacāram okkamitvā kiñcāpi pariharati, avahāroyevāti **Kurundaṭṭhakathāyaṃ** vuttam. **Mahā-aṭṭhakathāyaṃ** pana “pariharantaṃ rājapurisā viheṭhentīti kevalam ādinavam dassetvā upacāram okkamitvā pariharato dukkaṭam. Anokkamitvā pariharato anāpattī”ti vuttam. Idam Pāḷiyā sameti. Ettha dvīhi leḍḍupātehi upacāro paricchinditabboti.

Suñkaghātakathā niṭṭhitā.

Pāṇakathā

114. Ito parasmim ekaṃsena avahārappahonakapāṇam dassento “**manussapāṇo**”ti āha. Tampi bhujissam harantassa avahāro natthi. Yopi bhujisso mātarā vā pitarā vā āṭhapito hoti, attanā vā attano upari katvā paññāsam vā saṭṭhim vā aggahesi, tampi harantassa avahāro natthi, dhanam pana gataṭṭhāne vaḍḍhati. Antojātakadhanakkītakaramarānītappabhedam pana dāsamyeva harantassa avahāro hoti. Tameva hi sandhāya idam vuttam “pāṇo nāma manussapāṇo vuccatī”ti. Ettha ca gehadāsiyā kucchimhi dāsassa jāto **antojātako**. Dhanena kīto **dhanakkīto**. Paradesato paharitvā¹ ānetvā dāsabyam upagamito **karamarānīto**ti veditabbo. Evarūpam pāṇam “harissāmī”ti āmasati, dukkaṭam. Hatthe vā pāde vā gahetvā ukkhipanto phandāpeti, thullaccayam. Ukkhipitvā palāyitukāmo kesaggamattampi ṭhitaṭṭhānato atikkāmeti, pārājikam. Kesesu vā hatthesu vā gahetvā kaḍḍhati, padavārena kāretabbo.

Padasā nessāmīti tajjento vā paharanto vā “ito gacchāhī”ti vadati, tena vuttadisābhāgam gacchantassa dutiyapadavārena pārājikam. Yepi tena saddhim ekacchandā honti, sabbesam ekakkhaṇe pārājikam. Bhikkhu dāsam disvā sukhadukkham pucchitvā vā apucchitvā vā “gaccha, palāyitvā sukham jīvā”ti vadati, so ce palāyati, dutiyapadavāre pārājikam. Tam attano

1. Āharitvā (Syā), haritvā (Ka)

samīpaṃ āgataṃ añño “palāyā”ti vadati, sace bhikkhusataṃ paṭipāṭiyā attano attano samīpamāgataṃ vadati, sabbesaṃ pārājikaṃ. Yo pana vegasā palāyantamyeva “palāya, yāva taṃ sāmikā na gaṇhantī”ti bhaṇati, anāpatti pārājikassa. Sace pana saṇikaṃ gacchantam bhaṇati, so ca tassa vacanena sīghaṃ gacchati, pārājikaṃ. Palāyitvā aññaṃ gāmaṃ vā desaṃ vā gataṃ disvā tatopi palāpentassa pārājikameva.

Adinnādānaṃ nāma pariyāyena muccati. Yo hi evaṃ vadati “tvaṃ idha kiṃ karosi, ‘kiṃ te palāyitum na vaṭṭatī’ti vā ‘kiṃ katthaci gantvā sukhaṃ jīvītum na vaṭṭatī’ti vā ‘dāsadāsiyo palāyitvā amukaṃ nāma padesaṃ gantvā sukhaṃ jīvanti’”ti vā, so ca tassa vacanaṃ sutvā palāyati, avahāro natthi. Yopi “mayam amukaṃ nāma padesaṃ gacchāma, tatrāgatā sukhaṃ jīvanti, amhehi ca saddhiṃ gacchantānaṃ antarāmaggepi pātheyyādīhi kilamatho natthi”ti vatvā sukhaṃ attanā saddhiṃ āgacchantam gahetvā gacchati maggagamanavasena, na theyyacittena, nevatthi avahāro. Antarāmagge ca coresu uṭṭhitesu “are corā uṭṭhitā, vegena palāya ehi yāhi”ti vadantassāpi corantarāya mocanattāya vuttattā avahāraṃ na vadantīti.

Pāṇakathā niṭṭhitā.

Apadakathā

Apadesu **ahi** nāma sassāmiko ahituṇḍikādīhi¹ gahitasappo, yaṃ kīḷāpentā aḍḍhampi pādampi kahāpaṇampi labhanti, muñcantāpi hiraññaṃ vā suvaṇṇaṃ vā gahetvāva muñcanti. Te kassaci bhikkhuno nisinnokāsaṃ gantvā sappakaraṇḍam ṭhapetvā niddāyanti vā, katthaci vā gacchanti. Tatra ce so bhikkhu theyyacittena taṃ karaṇḍam āmasati, dukkaṭam. Phandāpeti, thullaccayaṃ. Ṭhānā cāveti, pārājikaṃ. Sace pana karaṇḍakaṃ ugghāṭetvā sappam gīvāya gaṇhāti, dukkaṭam. Uddharati, thullaccayaṃ. Ujukaṃ katvā uddharantassa karaṇḍatalato sappassa naṅguṭṭhe kesaggamatte mutte pārājikaṃ. Ghaṃsitvā kaḍḍhantassa

1. Ahiguṇṭhikādīhi (Sī)

naṅguṭṭhe mukhavaṭṭito muttamatte pārājikaṃ. Karaṇḍamukhaṃ īsakaṃ vivarivā pahāraṃ vā datvā “ehi re”ti nāmena pakkosivā nikkhāmeti, pārājikaṃ. Tatheva vivarivā maṇḍūkasaddaṃ vā mūsikasaddaṃ vā lājāvikiraṇaṃ vā katvā nāmena pakkosati, accharaṃ vā paharati, evaṃ nikkhantepi pārājikaṃ. Mukhaṃ avivarivāpi evaṃ kate chāto sappo sīsenā karaṇḍapuṭaṃ āhacca okāsaṃ katvā palāyati, pārājikameva. Sace pana mukhe vivarite sayameva sappo nikkhamivā palāyati, bhaṇḍadeyyaṃ. Athāpi mukhaṃ vivarivā vā avivarivā vā kevalaṃ maṇḍūkamūsikasaddaṃ, lājāvikiraṇameva ca karoti, na nāmaṃ gahetvā pakkosati, na accharaṃ vā paharati, sappo ca chātattā “maṇḍūkādīni khādissāmī”ti nikkhamivā palāyati, bhaṇḍadeyyameva. Maccho kevalaṃ idha apadaggahaṇena āgato. Yaṃ panettha vattabbaṃ, taṃ udakaṭṭhe vuttamevāti.

Apadakathā niṭṭhitā.

Dvipadakathā

115. Dvipadesu ye avaharituṃ sakkā, te dassento “**manussā pakkhajātā**”ti āha. Devatā pana avaharituṃ na sakkā. Pakkhā jātā etesanti **pakkhajātā**. Te lomapakkhā cammapakkhā aṭṭhipakkhāti tividhā. Tattha morakukkuṭādayo lomapakkhā, vagguli-ādayo cammapakkhā, bhamarādayo aṭṭhipakkhāti veditabbā. Te sabbepi manussā ca pakkhajātā ca kevalaṃ idha dvipadaggahaṇena āgatā. Yaṃ panettha vattabbaṃ, taṃ ākāsaṭṭhe ca pāṇe ca vuttanayamevāti.

Dvipadakathā niṭṭhitā.

Catuppadakathā

116. Catuppadesu **pasukāti** Pāliyaṃ āgatāvasesā sabbā catuppadajātīti veditabbā. Hatthi-ādayo pākaṭāyeva. Tattha theyyacittena hatthim āmasantassa dukkaṭaṃ, phandāpentassa thullaccayaṃ. Yo pana

mahābalo balamadena taruṇaṃ bhiṅkacchāpaṃ nābhimūle sīsena uccāretvā gaṇhanto cattāro pāde, soṇḍaṅca bhūmito kesaggamattampi moceti, pārājikaṃ. Hatthī pana koci hatthisālāyaṃ bandhitvā ṭhapito hoti, koci abaddhova tiṭṭhati, koci antovatthumhi tiṭṭhati, koci rājaṅgaṇe tiṭṭhati. Tattha hatthisālāyaṃ gīvāya bandhitvā ṭhapitassa gīvābandhanaṅca cattāro ca pādāti pañca ṭhānāni honti. Gīvāya ca ekasmiṅca pāde ayasaṅkhalikāya baddhassa cha ṭhānāni. Gīvāya ca dvīsu ca pādesu baddhassa satta ṭhānāni. Tesāṃ vasena phandāpanaṭhānācāvanāni veditabbāni. Abaddhassa sakalā hatthisālā ṭhānaṃ. Tato atikkamanaṃ pārājikaṃ. Antovatthumhi ṭhitassa sakalaṃ antovatthumeva ṭhānaṃ. Tassa vatthudvārātikkamanaṃ pārājikaṃ. Rājaṅgaṇe ṭhitassa sakalanagaraṃ ṭhānaṃ. Tassa nagaradvārātikkamanaṃ pārājikaṃ. Bahinagare ṭhitassa ṭhitaṭṭhānameva ṭhānaṃ. Taṃ haranto padavārena kāretabbo. Nipannassa ekameva ṭhānaṃ, taṃ theyyacittena uṭṭhāpentassa uṭṭhitamatte pārājikaṃ. Assepi ayameva vinicchayo. Sace pana so catūsu pādesu baddho hoti, aṭṭha ṭhānāni veditabbāni. Esa nayo oṭṭhepi.

Goṇopi koci gehe bandhitvā ṭhapito hoti, koci abaddhova tiṭṭhati, koci pana vaje bandhitvā ṭhapito hoti, koci abaddhova tiṭṭhati. Tattha gehe bandhitvā ṭhapitassa cattāro pādā, bandhanaṅcāti pañca ṭhānāni. Abaddhassa sakalaṃ gehaṃ. Vajepi baddhassa pañca ṭhānāni, abaddhassa sakalo vajo. Taṃ vajadvāraṃ atikkāmeti, pārājikaṃ. Vajam bhinditvā haranto khaṇḍadvāraṃ atikkāmeti, pārājikaṃ. Dvāraṃ vā vivaritvā, vajam vā bhinditvā bahi ṭhito nāmena pakkosivā nikkhāmeti, pārājikaṃ. Sākhābhaṅgaṃ dassetvā pakkosantassāpi eseva nayo. Dvāraṃ avivaritvā vajam abhinditvā sākhābhaṅgaṃ cāletvā pakkosati, goṇo chātātāya vajam laṅghetvā nikkhamati, pārājikameva. Sace pana dvāre vivarite, vaje vā bhinne sayameva nikkhamati, bhaṇḍadeyyaṃ. Dvāraṃ vivaritvā vā avivaritvā vā vajampi bhinditvā vā abhinditvā vā kevalaṃ sākhābhaṅgaṃ cāleti na pakkosati, goṇo chātātāya padasā vā laṅghetvā vā nikkhamati, bhaṇḍadeyyameva. Eko majjhegāme baddho ṭhito, eko nipanno. Ṭhitagoṇassa pañca ṭhānāni honti, nipannassa dve ṭhānāni. Tesāṃ vasena phandāpanaṭhānācāvanāni veditabbāni.

Yo pana nipannaṃ anuṭṭhāpetvā tattheva ghāṭeti, bhaṇḍadeyyaṃ.
 Suparikkhitte pana dvārayutte gāme ṭhitagoṇassa sakalagāmo ṭhānaṃ.
 Aparikkhitte ṭhitassa vā carantassa vā pādehi akkantaṭṭhānameva ṭhānaṃ.
 Gadrabhapasukāsopi ayameva vinicchayoti.

Catuppadakathā niṭṭhitā.

Bahuppadakathā

117. Bahuppadesu sace ekāya satapadiyā vatthu pūراتi. Tam padasā
 nentassa navanavuti thullaccayāni, ekaṃ pārājikaṃ. Sesam vuttanayamevāti.

Bahuppadakathā niṭṭhitā.

Ocarakathā

118. Ocaratīti **ocarako**, tattha tattha anto anupavisatīti vuttaṃ hoti.
Ocaritvāti sallakkhetvā, upadhāretvāti attho. **Ācikkhatīti** parakulesu vā
 vihārādīsu vā duṭṭhapitaṃ asaṃvihitārakkhaṃ bhaṇḍaṃ aññassa
 corakammaṃ kātuṃ paṭibalassa ārociti. **Āpatti ubhinnaṃ pārājikassāti**
 avassaṃ hāriye bhaṇḍe ocarakassa āṇattikkhaṇe, itarassa ṭhānācāvaneti
 evaṃ āpatti ubhinnaṃ pārājikassa. Yo pana “puriso gehe natthi, bhaṇḍaṃ
 asukasmim nāma padese ṭhapitaṃ asaṃvihitārakkhaṃ, dvāraṃ asaṃvutaṃ,
 gatamatteneva sakkā harituṃ, natthi nāma koci purisakārūpajīvī, yo taṃ
 gantvā hareyyā”ti-ādinā nayena pariyāyakathaṃ karoti, taṃ sutvā añño
 “ahaṃ dāni harissāmi”ti gantvā harati. Tassa ṭhānācāvane pārājikaṃ,
 itarassa pana anāpatti. Pariyāyena hi adinnādānato muccatīti.

Ocarakathā niṭṭhitā.

Oṇirakkhakathā

Oṇim rakkhatīti **oṇirakkho**, yo parena attano vasanaṭṭhāne ābhaṭaṃ bhaṇḍaṃ “idaṃ tāva bhante muhuttaṃ oloketha, yāvāhaṃ idaṃ nāma kiccaṃ katvā āgacchāmi”ti vutto rakkhati, tassetāṃ adhivacanāṃ. Tenevāha “**oṇirakkho nāma āhaṭaṃ bhaṇḍaṃ gopento**”ti. Tattha oṇirakkho yebhuyyena bandhitvā laggetvā¹ ṭhapitabhaṇḍaṃ amocetvāva heṭṭhā pasibbakaṃ vā puṭakaṃ vā chinditvā kiñcimattaṃ gahetvā sibbanādiṃ puna pākatiṃ karoti, “evaṃ gaṇhissāmi”ti āmasanādīni karontassa anurupā āpattiyo veditabbāti.

Oṇirakkhakathā niṭṭhitā.

Samvidāvahāarakathā

Samvidhāya avahāro **samvidāvahāro**, aññamaññasaññattiyā katāvahāroti vuttaṃ hoti. **Samvidahitvā**ti ekacchandatāya ekajjhāsayatāya sammantayitvāti attho. Tatrāyaṃ vinicchayo—sambahulā bhikkhū “asukāṃ nāma gehaṃ gantvā chadanāṃ vā bhinditvā, sandhiṃ vā chinditvā bhaṇḍaṃ harissāmā”ti samvidahitvā gacchanti. Tesu eko bhaṇḍaṃ avaharati, tassuddhāre sabbesaṃ pārājikaṃ. **Parivārepi** cetāṃ vuttaṃ—

“Caturō janā samvidhāya, garubhaṇḍaṃ avāharuṃ.

Tayo pārājikā, eko na pārājiko.

Pañhā mesā kusalehi cintitā”ti².

Tassāyaṃ attho—cattāro janā ācariyantevāsikā chamāsakaṃ garubhaṇḍaṃ āharitukāmā jātā. Tattha ācariyo “tvaṃ ekaṃ māsakaṃ hara, tvaṃ ekaṃ, tvaṃ ekaṃ, ahaṃ tayo harissāmi”ti āha. Antevāsikesu pana paṭhamo “tumhe bhante tayo haratha, tvaṃ ekaṃ hara, tvaṃ ekaṃ, ahaṃ ekaṃ harissāmi”ti āha. Itarepi dve evameva āhaṃsu. Tattha antevāsikesu ekamekassa ekeko māsako sāhatthiko

1. Lañcetvā (Syā), lañjetvā (Ka)

2. Vi 5. 374 piṭṭhe.

hoti, tena nesam dukkaṭāpattiyo, pañca āṇattikā, tehi tiṇṇampi pārājikam. Ācariyassa pana tayo sāhatthikā, tehissa thullaccayam. Tayo āṇattikā, tehipi thullaccayameva. Imasmiñhi adinnādānasikkhāpade sāhatthikam vā āṇattikassa, āṇattikam vā sāhatthikassa aṅgam na hoti. Sāhatthikam pana sāhatthikeneva kāretabbam, āṇattikam āṇattikeneva. Tena vuttam “caturo janā samvidhāya -pa- pañhā mesā kusalehi cintitā”ti.

Apica samvidāvahāre asammohattham ekabhaṇḍam ekaṭṭhānam, ekabhaṇḍam nānāṭhānam, nānābhaṇḍam ekaṭṭhānam, nānābhaṇḍam nānāṭhānanti idampi catukkam atthato sallakkhetabbam. Tattha **ekabhaṇḍam ekaṭṭhānanti** ekakulassa āpaṇaphalake pañcamāsakam bhaṇḍam duṭṭhapitam disvā sambahulā bhikkhū ekam āṇāpentī “gacchetam āharā”ti, tassuddhāre sabbesam pārājikam. **Ekabhaṇḍam nānāṭhānanti** ekakulassa pañcasu āpaṇaphalakesu ekecamāsakam duṭṭhapitam disvā sambahulā ekam āṇāpentī “gacchete āharā”ti, pañcamassa māsakassa uddhāre sabbesam pārājikam. **Nānābhaṇḍam ekaṭṭhānanti** bahūnam santakam pañcamāsakam vā atirekapañcamāsakam vā agghanakam bhaṇḍam ekasmim ṭhāne duṭṭhapitam disvā sambahulā ekam āṇāpentī “gacchetam āharā”ti, tassuddhāre sabbesam pārājikam. **Nānābhaṇḍam nānāṭhānanti** pañcannam kulānam pañcasu āpaṇaphalakesu ekecamāsakam duṭṭhapitam disvā sambahulā ekam āṇāpentī “gacchete āharā”ti, pañcamassa māsakassa uddhāre sabbesam pārājikanti.

Samvidāvahārakathā niṭṭhitā.

Saṅketakammakathā

119. **Saṅketakammanti** sañjānanakammam, kālaparicchavedavasena saññāṇakaraṇanti attho. Ettha ca “purebhattam avaharā”ti vutte ajja vā purebhattam avaharatu, sve vā, anāgate vā samvacchare, natthi visaṅketo, ubhinampi ocarake vuttanayeneva pārājikam. Sace pana “ajja purebhattam avaharā”ti vutte sve purebhattam avaharati, “ajjā”ti niyāmitam tam

saṅketam atikkamma pacchā avahaṭam hoti. Sace “sve purebhattam avaharā”ti vutte ajja purebhattam avaharati, “sve”ti niyāmitam tam saṅketam appatvā pure avahaṭam hoti, evam avaharantassa avahārasseva pārājikam, mūlaṭṭhassa anāpatti. “Sve purebhattan”ti vutte tadaheva vā sve pacchābhattam vā harantopi tam saṅketam pure ca pacchā ca haratīti veditabbo. Esa nayo pacchābhattarattindivesupi. Purimayāma majjihimayāmapacchimayāma kāḷajunha māsa utu samvaccharādivasenāpi cettha saṅketavisāṅketatā veditabbā. “Purebhattam harā”ti vutte “purebhattameva harissāmī”ti vāyamantassa pacchābhattam hoti, ettha kathanti. **Mahāsumatthero** tāva āha “purebhattapayogova eso, tasmā mūlaṭṭho na muccatī”ti. **Mahāpadumatthero** panāha “kālaparicchedam atikkantattā visaṅketam, tasmā mūlaṭṭho muccatī”ti.

Saṅketakammakathā niṭṭhitā.

Nimittakammakathā

120. **Nimittakammanti** saññuppādanattham kassaci nimittassa karaṇam, tam “**akkhim vā nikhaṇissāmī**”ti-ādinā nayena tidhā vuttam. Aññampi panettha hatthalaṅghana paṇippahāra aṅguliphoṭana gīvunnāmana ukkāsanādi-aneppakāram saṅghetabham. Sesamettha saṅketakamme vuttanayamevāti.

Nimittakammakathā niṭṭhitā.

Āññatikathā

121. Idāni etesveva saṅketakammanimittakammesu asammohattham “**bhikkhu bhikkhum āṇāpetī**”ti-ādimāha. Tattha **so tam maññamāno tanti** so avahārako yaṁ āṇāpakena nimittasaññam katvā vuttam, tam etanti maññamāno tameva avaharati, ubhinnaṁ pārājikam. **So tam maññamāno aññanti** yaṁ avaharāti vuttam, tam etanti maññamāno aññam tasmimyeva ṭhāne ṭhapitam avaharati, mūlaṭṭhassa anāpatti. **Aññam maññamāno tanti** āṇāpakena nimittasaññam katvā vuttabhāṇam appaggham, idam

aññaṃ tasseva samīpe ṭhapitaṃ sārabaṇḍanti evaṃ aññaṃ maññaṃaṃo tameva avaharati, ubhinnampi pārājikaṃ. **Aññaṃ maññaṃaṃo aññaṃti** purimanayeneva idaṃ aññaṃ tasseva samīpe ṭhapitaṃ sārabaṇḍanti maññaṃti, tañce aññaṃeva hoti, tasseva pārājikaṃ.

Itthannāmassa pāvadaṃti-ādīsu eko ācariyo tayo Buddharakkhita Dhammarakkhita Saṃgharakkhitanāmakā antevāsikā daṭṭhabbā. Tattha **bhikkhu bhikkhum āṇāpetīti** ācariyo kiñci bhaṇḍam katthaci sallakkhetvā tassa haraṇatthāya Buddharakkhitaṃ āṇāpeti. **Itthannāmassa pāvadaṃti** gaccha tvaṃ Buddharakkhita etamatthaṃ Dhammarakkhitassa pāvada. **Itthannāmo itthannāmassa pāvadaṃti** Dhammarakkhitopi Saṃgharakkhitassa pāvadaṃti. **Itthannāmo itthannāmaṃ bhaṇḍam avaharatīti** evaṃ tayā āṇattena Dhammarakkhitena āṇatto Saṃgharakkhito itthannāmaṃ bhaṇḍam avaharatu, so hi amhesu vīrajātiko paṭibalo imasmiṃ kammeti. **Āpatti dukkaṭassāti** evaṃ āṇāpentassa ācariyassa tāva dukkaṭam. Sace pana sā āṇatti yathādhippāyaṃ gacchati, yaṃ parato thullaccayaṃ vuttaṃ, āṇattikkhaṇe tadeva hoti. Atha taṃ bhaṇḍam avassaṃ hāriyaṃ hoti, yaṃ parato “sabbesaṃ āpatti pārājikassā”ti vuttaṃ, tato imassa taṅkhaṇeyeva pārājikaṃ hotīti ayaṃ yutti sabbattha veditabbā.

So itarassa ārocetīti Buddharakkhito Dhammarakkhitassa, Dhammarakkhito ca Saṃgharakkhitassa “amhākaṃ ācariyo evaṃ vadati ‘itthannāmaṃ kira bhaṇḍam avahara, tvaṃ kira amhesu ca vīrapuriso’ti” āroceti, evaṃ tesampi dukkaṭam. **Avahārako paṭiggaṇhātīti** “sādhu harissāmi”ti Saṃgharakkhito sampaṭicchati. **Mūlaṭṭhassa āpatti thullaccayassāti** Saṃgharakkhitena paṭiggahitamatte ācariyassa thullaccayaṃ, mahājano hi tena pāpe niyojitoti. **So taṃ bhaṇḍanti** so ce Saṃgharakkhito taṃ bhaṇḍam avaharati, sabbesaṃ catunnampi janānaṃ pārājikaṃ. Na kevalaṅca catunnaṃ, etena upāyena visaṅketaṃ akatvā paramparāya āṇāpentaṃ samaṇasataṃ, samaṇasahassaṃ vā hotu, sabbesaṃ pārājikameva.

Dutiyavāre **so aññaṃ āṇāpetīti** so ācariyena āṇatto Buddharakkhito Dhammarakkhitaṃ adisvā vā avattukāmo vā hutvā Saṃgharakkhitameva upasaṅkamitvā amhākaṃ ācariyo evamāha

‘itthannāmaṃ kira bhaṇḍaṃ avaharā’ti” āṇāpeti. **Āpatti dukkaṭassāti** āṇattiyā tāva Buddharakkhitassa dukkaṭaṃ. **Paṭiggaṇhāti, āpatti dukkaṭassāti** Saṃgharakkhitena sampaṭicchite mulaṭṭhasseva dukkaṭanti veditabbaṃ. Sace pana so taṃ bhaṇḍaṃ avaharati, āṇāpakassa ca Buddharakkhitassa, avahārakassa ca Saṃgharakkhitassāti ubhinnaṃpi pārājikaṃ, mulaṭṭhassa pana ācariyassa visaṅketattā pārājikena anāpatti. Dhammarakkhitassa ajānanatāya sabbena sabbaṃ anāpatti. Buddharakkhito pana dvinnaṃ sotthibhāvaṃ katvā attanā naṭṭho.

Ito paresu catūsu āṇattivāresu paṭhame tāva **so gantvā puna paccāgacchatīti** bhaṇḍaṭṭhānaṃ gantvā anto ca bahi ca ārakkhaṃ disvā avaharituṃ asakkonto āgacchati. **Yadā sakkosi, tadāti** kaṃ ajjeva avahaṭaṃ hoti, gaccha yadā sakkosi, tadā naṃ avaharāti. **Āpatti dukkaṭassāti** evaṃ puna āṇattiyāpi dukkaṭameva hoti. Sace pana taṃ bhaṇḍaṃ avassaṃ hāriyaṃ hoti, atthasādhakacetanā nāma maggānantaraphalasadisā, tasmā ayaṃ āṇattikkhaṇeyeva pārājiko. Sacepi avahārako saṭṭhivassātikkamena taṃ bhaṇḍaṃ avaharati, āṇāpako ca antarāyeva kālaṃ vā karoti, hīnāya vā āvattati, assamaṇova hutvā kālaṃ vā karissati, hīnāya vā āvattissati, avahārakassa pana avahārakkhaṇeyeva pārājikaṃ.

Dutiyavāre yasmā taṃ saṅikaṃ vā bhaṇanto, tassa vā badhiraṭāya “mā avaharī’ti etaṃ vacanaṃ **na sāveti**, tasmā mulaṭṭho na mutto. Tatiyavāre pana sāvitattā mutto. Catutthavāre tena ca sāvitattā, itarena ca “sādhū’ti sampaṭicchitvā oratattā ubhopi muttāti.

Āṇattikathā niṭṭhitā.

Āpattibheda

122. Idāni tattha tattha ṭhānācāvanavasena vuttassa adinnādānassa aṅgaṃ, vatthubhedena ca āpattibhedanaṃ dassento “**pañcahi ākārehi**”ti-ādimāha. Tattha **pañcahi ākārehi**ti pañcahi kāraṇehi, pañcahi

aṅgehīti vuttaṃ hoti. Tatrāyaṃ saṅkhepattho, adinnaṃ ādiyantassa “**parapariggahitañca hoti**”ti-ādinā nayena vuttehi pañcahākārehi pārājikaṃ hoti, na tato ūnehīti. Tatrime pañca ākāra parapariggahitaṃ, parapariggahitasaññitā, parikkhārassa garukabhāvo, theyyacittaṃ, ṭhānācāvananti. Ito parehi pana dvīti vārehi lahuke parikkhāre vatthubhedena thullaccayañca dukkaṭaṅca dassitaṃ.

125. “**Chahākārehi**”ti-ādinā nayena vuttavārattaye pana na sakasaññitā na vissāsaggāhitā na tāvakālikatā parikkhārassa garukabhāvo theyyacittaṃ ṭhānācāvananti evaṃ cha ākāra viditabbā. Vatthubhedena panetthāpi paṭhamavāre pārājikaṃ. Dutiyaṭtiyeyu thullaccayadukkaṭāni vuttāni. Tato paresu pana tīsu vāresu vijjāmānēpi vatthubhede vatthussa parehi apariggahitattā dukkaṭameva vuttaṃ. Tatra yadetāṃ “**na ca parapariggahitaṃ**”ti vuttaṃ, taṃ anajjhāvutthakaṃ vā hotu chaḍḍitaṃ chinnamūlakaṃ assāmikavatthu, attano santakaṃ vā, ubhayampi “na ca parapariggahitaṃ”tveva saṅkhyāṃ gacchati. Yasmā panettha parapariggahitasaññā ca atthi, theyyacittena ca gahitaṃ, tasmā anāpatti na vuttāti.

Anāpattibheda

131. Evaṃ vatthivasena ca cittavasena ca āpattibhedāṃ dassetvā idāni anāpattibhedāṃ dassento “**anāpattisasaññissā**”ti-ādimāha. Tattha **sasaññissā**ti sakasaññissa, “mayhaṃ santakaṃ idaṃ bhaṇḍaṃ”ti evaṃ sasaññissa parabhaṇḍampi gaṇhato gahaṇe anāpatti, gahitaṃ pana puna dātabbāṃ. Sace sāmikehi “dehī”ti vutto na deti, tesaṃ dhuranikkhepe pārājikaṃ.

Vissāsaggāheti vissāsaggahaṇēpi anāpatti. Vissāsaggāhalakkhaṇaṃ pana iminā suttēna jānitabbāṃ—“**anujānāmi bhikkhave pañcahaṅgehi samannāgatassa vissāsaṃ gahetuṃ, sandiṭṭho ca hoti, sambhatto ca, ālapito ca, jīvati ca, gahite ca attamaṇo**”ti¹. Tattha **sandiṭṭhoti** diṭṭhamattakamitto. **Sambhattoti** daḷhamitto. **Ālapitoti**

1. Vi 3. 411 piṭṭhe.

“mama santakaṃ yaṃ icchasi, taṃ gaṇheyyāsi, āpucchitvā gahaṇe kāraṇaṃ natthī”ti vutto. **Jīvatīti** anuṭṭhānaseyyāya sayitopi yāva jīvitindriyupacchedaṃ na pāpuṇāti. **Gahite ca attamanoti** gahite tuṭṭhacitto hoti, evarūpassa santakaṃ “gahite me attamano bhavissatī”ti jānantena gahetuṃ vaṭṭati. Anavasesapariyādānavasena cetāni pañcaṅgāni vuttāni. Vissāsaggāho pana tīhaṅgehi ruhati—sandiṭṭho, jīvati, gahite attamano, sambhatto, jīvati, gahite attamano, ālapito, jīvati, gahite attamanoti.

Yo pana na jīvati, na ca gahite attamano hoti, tassa santakaṃ vissāsaggāhena gahitampi puna dātabbaṃ. Dadamānena ca matakadhanaṃ tāva ye tassa dhane issarā gahaṭṭhā vā pabbajitā vā, tesam dātabbaṃ. Anattamanassa santakaṃ tasseva dātabbaṃ. Yo pana paṭhamānyeva “suṭṭhu kataṃ tayā mama santakaṃ gaṇhantena”ti vacībhedena vā cittuppādamattena vā anumoditvā pacchā kenaci kāraṇena kupito, paccāharāpetuṃ¹ na labhati. Yopi adātukāmo cittaena pana adhivāseti, na kiñci vadati, sopi puna paccāharāpetuṃ na labhati. Yo pana “mayā tumhākaṃ santakaṃ gahitaṃ vā paribhuttaṃ vā”ti vutte “gahitaṃ vā hotu paribhuttaṃ vā, mayā pana taṃ kenacideva karaṇīyena ṭhapitaṃ, pākatikaṃ kātuṃ vaṭṭatī”ti vadati, ayaṃ paccāharāpetuṃ labhati.

Tāvakāliketi “paṭidassāmi paṭikarissāmi”ti evaṃ gaṇhantassa tāvakālikepi gahaṇe anāpatti. Gahitaṃ pana sace bhaṇḍasāmiko puggalo vā gaṇo vā “tuyhevetam hotū”ti anujānāti, iccetaṃ kusalaṃ. No ce anujānāti, āharāpente dātabbaṃ. Saṃghasantakaṃ pana paṭidātumeva vaṭṭati.

Petapariggaheti ettha pana pettivisaye upapannāpi kālaṃ katvā tasmīnyeva attabhāve nibbattāpi Cātumahārājikādayo devāpi sabbe “petā”tveva saṅkhyāṃ gatā, tesam pariggahe anāpatti. Sacepi hi Sakko devarājā āpaṇaṃ pasāretvā nisinno hoti, dibbacakkhuko ca bhikkhu taṃ ñatvā attano cīvaratthāya satasahassagghanakampi sātakaṃ

1. So paccāharāpetuṃ (?)

tassa “mā gaṇha mā gaṇhā”ti vadantassāpi gahetvā gacchati, vaṭṭati. Devatā pana uddissa balikammaṃ karontehi rukkhādīsu laggitasātake vattabbameva natthi.

Tiracchānagatapariggaheti tiracchānagatānampi pariggahe anāpatti. Sacepi hi nāgarājā vā supaṇṇamāṇavako vā manussarūpena āpaṇaṃ pasāreti, tato cassa santakaṃ koci bhikkhu purimanayeneva gahetvā gacchati, vaṭṭati. Siho vā byaggho vā migamahimsādayo vadhitvā khādanto jighacchāpīḷito āditova na vāretabbo, anattampi hi kareyya. Yadi pana thoke khāyite vāretuṃ sakkoti, vāretvā gahetuṃ vaṭṭati. Senādayopi āmisaṃ gahetvā gacchante pātāpetvā gaṇhituṃ vaṭṭati.

Paṃsukūlasaṅghissāti assāmikaṃ “idaṃ paṃsukūlan”ti evaṃsaṅghissāpi gahaṇe anāpatti. Sace pana taṃ sassāmikaṃ hoti, āharāpente dātabbam. **Ummattakassāti** pubbe vuttappakārassa ummattakassāpi anāpatti. **Ādikammikassāti** idha Dhaniyo ādikammiko, tassa anāpatti. Avasesānaṃ pana rajakabhaṇḍikādicorānaṃ chabbaggiyādīnaṃ āpattiyevāti.

Padabhājanīyavaṇṇanā niṭṭhitā.

Pakiṇṇakakathā

Samuṭṭhānaṅca kiriyā, atho saṅghā sacittakaṃ.

Lokavajjaṅca kammaṅca, kusalaṃ vedanāya cāti—

Imasmim pana pakiṇṇake idaṃ sikkhāpadaṃ tisamuṭṭhānaṃ—
sāhatthikaṃ kāyato ca cittato ca samuṭṭhāti, āṇattikaṃ vācato ca cittato ca samuṭṭhāti, sāhatthikāṇattikaṃ kāyato ca vācato ca cittato ca samuṭṭhāti, kiriyāsamuṭṭhānaṅca, karontoyeva hi etaṃ āpajjati, na akaronto, “adinnaṃ ādiyāmī”ti saṅghāya abhāvena muccanato saṅghāvimokkhaṃ, sacittakaṃ, lokavajjaṃ, kāyakammaṃ vacīkammaṃ akusalacittaṃ, tuṭṭho vā bhīto vā majjhatto vā taṃ āpajjatīti tivedananti sabbaṃ paṭhamasikkhāpade vuttanayeneva veditabbam.

Vinītavatthuvaṇṇanā

132. Vinītavatthukathāsu Chabbaggiyavatthu anupaññattiyam vuttameva.

Dutiyavatthumhi cittaṃ nāma puthujjanānaṃ rāgādivasena pakatiṃ vijahitvā dhāvati sandhāvati vidhāvati. Sace Bhagavā kāyavacīdvārabhedam vināpi cittuppādamattena āpattiṃ paññapeyya, ko sakkuṇeyya anāpattikam attānaṃ kātum. Tenāha “**anāpatti bhikkhu cittuppāde**”ti. Cittavasikena pana na bhavitabbaṃ, paṭisaṅkhānabalena cittaṃ nivāretabbamevāti.

133-4. Āmasanaphandāpanaṭhānācāvanavatthūni uttānatthāneva. Tato parāni ca **theyyacitto bhūmito aggahesīti** vatthupariyosānāni.

135. Niruttipathavatthusmiṃ **ādiyīti** gaṇhi, “corosi tvan”ti parāmasi. Itaro pana “kena avahaṭan”ti vutte “mayā avahaṭan”ti pucchāsabhāgena paṭiññam adāsi. Yadi hi itarena “kena gahitaṃ, kena apanītaṃ, kena ṭhapitaṃ”ti vuttam abhaviṣṣa, atha¹ ayampi “mayā gahitaṃ, apanītaṃ, ṭhapitaṃ”ti vā vadeyya. Mukham nāma bhujjanatthāya ca kathanatthāya ca kataṃ, theyyacittam pana vinā avahāro natthi. Tenāha Bhagavā “**anāpatti bhikkhu niruttipathe**”ti, vohāravacanamatte anāpattīti attho. Tato param Veṭhanavatthupariyosānaṃ sabbaṃ uttānatthameva.

137. Abhinnasarīravatthusmiṃ **adhivatthoti** sāṭakataṇhāya tasmimyeva sarīre nibbato. **Anādiyantoti** tassa vacanaṃ agaṇhanto, ādaraṃ vā akaronto. **Tam sarīraṃ uṭṭhahitvāti** peto attano ānubhāvena tam sarīraṃ uṭṭhāpesi. Tena vuttam “tam sarīraṃ uṭṭhahitvā”ti. **Dvāraṃ thakesīti** bhikkhussa susānasamīpeyeva vihāro, tasmā bhīrukajātiko bhikkhu khippameva tattha pavisitvā dvāraṃ thakesi. **Tattheva paripatīti** dvāre thakite peto sāṭake nirālayo hutvā tam sarīraṃ pahāya yathākammaṃ gato, tasmā tam sarīraṃ tattheva paripati, patitanti vuttam hoti.

Abhinne sarīreti abbhūṇhe allasarīre paṃsukūlam na gahetabbaṃ, gaṇhantassa evarūpā upaddavā honti, dukkaṭaṇca āpajjati. Bhinne pana

gahetum vaṭṭati. Kittāvataṅga pana bhinnam hoti? Kāka kulala soṇasiṅgālādīhi mukhatuṅḍakena vā dāṭhāya vā īsakam phālitamattenāpi. Yassa pana patato ghaṃsanena chavimattam chinnaṃ hoti, cammam acchinnam, etaṃ abhinnameva, camme pana chinne bhinnam. Yassāpi sajjivakāleyeva pabhinnā gaṇḍakuṭṭhapiḷakā vā vaṇo vā hoti, idampi bhinnam. Tatiyadivasato pabhuti uddhumātakādibhāvena kuṇapabhāvaṃ upagatampi bhinnameva. Sabbena sabbam pana abhinnepi susānagopakehi vā aññehi vā manussehi gāhāpetum vaṭṭati. No ce aññaṃ labhati, satthakena vā kenaci vā vaṇam katvā gahetabbaṃ. Visabhāgasarīre pana satim upaṭṭhapetvā samaṇasaññaṃ uppādetvā sīse vā hatthapādapiṭṭhiyam vā vaṇam katvā gahetum vaṭṭati.

Kusasaṅkāmanavatthukathā

138. Tadanantare vatthusmim **kusam saṅkāmatvā cīvaram aggaheṣīti** pubbe “ādiyeyyā”ti imassa padassa atthavaṇṇanāyam nāmamattena dassitesu theyyāvahāra pasayhāvahāra parikappāvahāra paṭicchannāvahāra kusāvahāresu kusāvahārena avaharīti attho.

Imesam pana avahārānam evam nānattam veditabbaṃ—yo hi koci sassāmikam bhaṇḍam rattibhāge vā divasabhāge vā sandhicchedādīni katvā adissamāno avaharati, kūṭamāna kūṭakahāpaṇādīhi vā vañcetvā gaṇhāti, tassevam gaṇhato avahāro “**theyyāvahāro**”ti veditabbo.

Yo pana pare pasayha balasā abhibhuyya, atha vā pana santajjetvā bhayam dassetvā tesam santakam gaṇhāti, panthaghātagāmaghātādīni karontā dāmarikacorā viya kodhavasena paragaravilopam karontā attano pattabalito ca adhikam balakkārena gaṇhantā rājarājamahāmatṭādayo viya. Tassevam gaṇhato avahāro “**pasayhāvahāro**”ti veditabbo.

Parikappetvā gaṇhato pana avahāro “**parikappāvahāro**”ti vuccati, so bhaṇḍaparikappa-okāsaparikappavasena duvidho. Tatrāyam **bhaṇḍaparikappo**—idhekacco sātakatthiko antogabbham pavisitvā “sace sātako bhavissati, gaṇhissāmi, sace suttaṃ, na gaṇhissāmi”ti

parikappetvā andhakāre pasibbakaṃ gaṇhāti, sāṭako ce tatra hoti, uddhāreyeva pārājikaṃ. Suttaṃ ce hoti, rakkhati. Bahi nīharitvā muñcitvā “suttan”ti ñatvā puna āharitvā yathāṭhāne ṭhapeti, rakkhatiyeva. “Suttan”ti ñatvāpi “yaṃ laddhaṃ, taṃ gahetabban”ti gacchati, padavārena kāretabbo. Bhūmiyaṃ ṭhapetvā gaṇhāti, uddhāre pārājikaṃ. “Coro coro”ti sāmikehi pariyaṭṭhito chaḍḍetvā palāyati, rakkhati. Sāmikā taṃ disvā gaṇhanti, iccetaṃ kusalaṃ. Añño ce koci gaṇhāti, bhaṇḍadeyyaṃ. Atha nivattesu sāmikesu sayameva taṃ disvā “pagevetam mayā nīhaṃ, mama dāni santakan”ti gaṇhāti, rakkhati, bhaṇḍadeyyaṃ pana hoti. “Sace suttaṃ bhavissati, gaṇhissāmi, sace sāṭako, na gaṇhissāmi. Sace sappi bhavissati, gaṇhissāmi, sace telaṃ, na gaṇhissāmi”ti-ādinā nayena parikappetvā gaṇhantassāpi eseva nayo.

Mahāpaccariyādisu pana “sāṭakatthikopi sāṭakapasibbakameva gahetvā nikkhanto bahi ṭhatvā muñcitvā ‘sāṭako ayan’ti disvā gacchanto paduddhāreneva kāretabbo”ti vuttaṃ. Ettha pana “sace sāṭako bhavissati, gaṇhissāmi”ti parikappitattā parikappo dissati, disvā haṭattā parikappāvahāro na dissati. **Mahā-aṭṭhakathāyaṃ** pana yaṃ parikappitaṃ, taṃ adiṭṭhaṃ parikappitabhāve ṭhitāmyeva uddharantassa avahāro vutto, tasmā tattha parikappāvahāro dissati, “taṃ maññamāno taṃ avaharī”ti Pāḷiyā ca sametīti. Tattha yvāyaṃ “sace sāṭako bhavissati, gaṇhissāmi”ti-ādinā nayena pavatto parikappo, ayaṃ bhaṇḍaparikappo nāma.

Okāsaparikappo pana evaṃ veditabbo—idhekacco lolabhikkhu parapariveṇaṃ vā kulagharaṃ vā araññe kammantasālaṃ vā pavisitvā tattha kathāsallāpena nisinno kiñci lobhaneyyaṃ parikkhāraṃ oloketi, olokento ca pana disvā dvārapamukha heṭṭhāpāsāda pariveṇadvāraakoṭṭhakarukkhamūlādivasena paricchedaṃ katvā “sace maṃ etthantare passissanti, daṭṭhukāmatāya gahetvā vicaranto viya etesaṃyeva dassāmi, no ce passissanti, harissāmi”ti parikappeti. Tassa taṃ ādāya parikappitaparicchedaṃ atikkantamatte pārājikaṃ. Sace upacārasīmaṃ parikappeti, tadabhimukhova gacchanto kammaṭṭhānādīni manasi karonto vā

aññavihito vā asatiyā upacārasīmaṃ atikkamati, bhaṇḍadeyyaṃ. Athāpissa taṃ ṭhānaṃ pattassa coro vā hatthī vā vāḷamigo vā mahāmegho vā vuṭṭhahati, so ca tamhā upaddavā muccitukamyatāya sahasā taṃ ṭhānaṃ atikkamati, bhaṇḍadeyyameva. Keci panettha “yasmā mūleva theyyacittena gahitaṃ, tasmā na rakkhati, avahāro yevā”ti vadanti. Ayaṃ tāva **Mahā-aṭṭhakathā** nayo. **Mahāpaccariyaṃ** pana “sacepi so antoparicchede hatthiṃ vā assaṃ vā abhiruhitvā taṃ neva pājeti na pājāpeti, paricchede atikkante pi pārājikaṃ natthi, bhaṇḍadeyyamevā”ti vuttaṃ. Tatra yvāyaṃ “sace maṃ etthantare passissanti, daṭṭhukāmatāya gahetvā vicaranto viya etesaṃyeva dassāmi”ti pavatto parikappo, ayaṃ okāsaparikappo nāma.

Evamimesaṃ dvinnampi parikappānaṃ vasena parikappetvā gaṇhato avahāro “parikappāvahāro”ti veditabbo.

Paṭicchādetvā pana avaharaṇaṃ **paṭicchannāvahāro**. So evaṃ veditabbo—yo bhikkhu manussānaṃ uyyānādīsu kīlāntānaṃ vā pavisaṅtānaṃ vā omuñcitvā ṭhapitaṃ alaṅkārabhaṇḍaṃ disvā “sace onamitvā gahessāmi, kiṃ samaṇo gaṇhātīti maṃ jānitvā viheṭtheyyūn”ti paṃsunā vā paṇṇena vā paṭicchādeti “pacchā gaṇhissāmi”ti, tassa ettāvata uddhāro natthīti na tāva avahāro hoti. Yadā pana te manussā antogāmaṃ pavisitukāmā taṃ bhaṇḍakaṃ vicinantāpi apassitvā “idāni andhakāro, sve jānissāma”ti sālāyā eva gatā honti, athassa taṃ uddharato uddhāre pārājikaṃ. “Paṭicchannakāleyeva taṃ mama santakan”ti sakasaññāya vā “gatā dāni te, chadditabhaṇḍaṃ idan”ti paṃsukūlasaññāya vā gaṇhantassa pana bhaṇḍadeyyaṃ. Tesu dutiyadivase āgantvā vicinitvā adisvā dhuranikkhepaṃ katvā gatesupi gahitaṃ bhaṇḍadeyyameva. Kasmā? Yasmā tassa payogena tehi na diṭṭhaṃ. Yo pana tathārūpaṃ bhaṇḍaṃ disvā yathāṭṭhāne ṭhitaṃyeva appaṭicchādetvā theyyacitto pādena akkamitvā kaddame vā vālikāya vā paveseti, tassa pavesitamatteyeva pārājikaṃ.

Kusaṃ saṅkāmetvā pana avaharaṇaṃ “**kusāvahāro**”ti vuccati. Sopi evaṃ veditabbo—yo bhikkhu kusaṃ pātetvā cīvare bhājjiyamāne

attano koṭṭhāsassa samīpe ṭhitaṃ¹ appagghataraṃ vā² mahagghataraṃ vā samasamaṃ vā agghena parassa koṭṭhāsaṃ¹ haritukāmo attano koṭṭhāse patitaṃ kusadaṇḍakaṃ parassa koṭṭhāse pātetukāmo uddharati, rakkhati tāva. Parassa koṭṭhāse pātetī, rakkhateva. Yadā pana tasmim patite parassa koṭṭhāsato parassa kusadaṇḍakaṃ uddharati, uddhaṭamatte pārājiko hoti. Sace paṭhamataraṃ parakoṭṭhāsato kusadaṇḍakaṃ uddharati, attano koṭṭhāse pātetukāmatāya uddhāre rakkhati, pātane rakkhati, attano koṭṭhāsato pana attano kusadaṇḍakaṃ uddharati, uddhāreyeva rakkhati. Taṃ uddharitvā parakoṭṭhāse pātentassa hatthato muttamatte pārājikaṃ.

Sace pana dvīsupi koṭṭhāsesu patitadaṇḍake adassanaṃ gameti, tato avasesabhikkhūsu gatesu itaro “mayhaṃ bhante daṇḍako na paññāyatī”^{ti}, mayhampi āvuso na paññāyatīti. Katamo pana bhante mayhaṃ bhāgoti. “Ayaṃ tuyhaṃ bhāgo”^{ti} attano bhāgaṃ dasseti. Tasmim vivaditvā vā avivaditvā vā taṃ gaṇhitvā gate itaro tassa bhāgaṃ uddharati, uddhāre pārājikaṃ. Sacepi tena “ahaṃ mama bhāgaṃ tuyhaṃ na demi, tvaṃ pana attano bhāgaṃ ñatvā gaṇhā”^{ti} vutte “nāyaṃ mamā”^{ti} jānantopi tasseva bhāgaṃ gaṇhāti, uddhāre pārājikaṃ. Sace pana itaro “ayaṃ tuyhaṃ bhāgo, ayaṃ mayhaṃ bhāgoti kim iminā vivādenā”^{ti} cintetvā “mayhaṃ vā patto hotu, tumhākaṃ vā, yo varabhāgo, taṃ tumhe gaṇhathā”^{ti} vadati, dinnakaṃ nāma gahitaṃ hoti, natthetthāvahāro. Sacepi so vivādabhīruko bhikkhu “yaṃ tuyhaṃ rucati, taṃ gaṇhā”^{ti} vutto attano pattaṃ varabhāgaṃ ṭhapetvā lāmakāmyeva gahetvā gacchati, tato itarassa vicinitāvesaṃ³ gaṇhantassāpi avahāro natthevāti.

Aṭṭhakathāsu pana vuttaṃ “imasmim ṭhāne kusasaṅkāmanavasena cīvarabhājanīyameva ekaṃ āgataṃ, catunnampi pana paccayānaṃ uppattiṅca bhājanīyaṅca nīharitvā dassetabban”^{ti} evaṅca vatvā **Cīvarakkhandhake** “aṭṭiggaṇhātu me bhante Bhagavā siveyyakaṃ dussayugaṃ, bhikkhusaṃghassa ca gahapaticīvaraṃ anujānātū”^{ti}⁴ idaṃ Jīvaka vatthum ādim katvā **uppannacīvarakathā**,

1-1. Mahagghataraṃ parassa koṭṭhāsaṃ (Syā)

2. Samagghataraṃ vā (Sārattha)

3. Vicitāvesaṃ (Sī, Syā)

4. Vi 3. 392 piṭṭhe.

Senāsanakkhandhake “tena kho pana samayena Rājagahaṃ dubbhikkhaṃ hoti, manussā na sakkonti saṃghabhattaṃ kātum, icchanti uddesabhattaṃ nimantanāṃ salākabhattaṃ pakkhikaṃ uposathikaṃ pāṭipadikaṃ kātun”¹ idaṃ suttaṃ ādimkatvā **piṇḍapātākathā**, Senāsanakkhandhakeyeva “tena kho pana samayena sattarasavaggiyā bhikkhū aññataraṃ paccantimaṃ Mahāvihāraṃ paṭisaṅkharonti ‘idha mayaṃ vassaṃ vasissāma’²ti. Addasaṃsu kho chabbaggiyā bhikkhū sattarasavaggiye bhikkhū vihāraṃ paṭisaṅkharonte”² idaṃ chabbaggiyavatthum ādimkatvā **āgatasenāsanakathā**, tadavasāne³ ca **sappi-ādibhesajjakathā** vitthārena kathitā. Mayaṃ pana taṃ sabbaṃ āgatāgataṭṭhāneyeva kathayissāma, evaṃ kathane kāraṇaṃ pubbe vuttameva.

Kusasaṅkāmanavatthukathā niṭṭhitā.

139. Ito paraṃ Jantāgharavatthu uttānatthameva.

140. Pañcasu Vighāsavatthūsu te bhikkhū anupasampanna kappiyaṃ kārapetvā paribhuñjīsu. Vighāsaṃ pana gaṇhantena khādītāvasesaṃ chaḍḍitaṃ gahetabbaṃ. Yadi sakkoti khādante chaḍḍapetvā gaṇhitum, etampi vaṭṭati. Attaguttatthāya, pana parānuddayatāya ca na gahetabbaṃ.

141. Odana khādanīya pūva ucchu timbarūsaka bhājanīyavatthūsu **aparassa bhāgaṃ dehīti** asantaṃ puggalaṃ āha. ()⁴ **Amūlakaṃ aggahasīti** sāmikesu dentesu evaṃ aggahesi. **Anāpatti bhikkhu pārājikassāti** sāmikehi dinnāṃ aggahesi, tenassa anāpatti vuttā. **Āpatti sampajānamusāvāde pācittiyassāti** yo panānena sampajānamusāvādo vutto, tasmim pācittiyaṃ āha parato tekaṭulayāguvatthumhi viya. Gahaṇe pana ayaṃ vinicchayo— saṃghassa santakaṃ sammatena vā āṇattehi vā ārāmikādīhi diyyamānaṃ, gihīnaṅca santakaṃ sāmikena vā āṇattena vā diyyamānaṃ “aparassa bhāgaṃ dehī”²ti vatvā gaṇhato bhaṇḍadeyyaṃ. Aññena diyyamānaṃ gaṇhanto bhaṇḍagghena kāretabbo. Asammattena vā anāṇattena vā diyyamāne “aparampi bhāgaṃ dehī”²ti

1. Vi 4. 329 piṭṭhe.

2. Vi 4. 316 piṭṭhe.

3. Tadavasesā (Sī, Syā)

4. () Imasmim abbhantare bahu saṃvaṇṇanāvācanakkamo dissati Syāma-potthake.

vatvā vā kūṭavassāni gaṇetvā vā gaṇhanto pattacatuṅke viya tassuddhāreyeva bhaṇḍagghena kāretabbo. Itarehi diyyamānaṃ evaṃ gaṇhato bhaṇḍadeyyaṃ. Sāmikena pana “imassa dehi”ti dāpitaṃ vā sayam dinnam vā sudinnanti ayamettha **sabba-aṭṭhakathā**vinicchayato sāro.

142-3. Odaniyagharādivatthūsu **odaniyagharam** nāma vikkāyikabhattapacanagharam. **Sūnagharam**¹ nāma vikkāyikamaṃsapacanagharam. **Pūvagharam** nāma vikkāyikakhajjakapacanagharam. Sesamettha, parikkhāravatthūsu ca pākaṭameva.

144. Piṭhavatthusmiṃ so bhikkhu parikappetvā “etaṃ ṭhānaṃ sampattaṃ gaṇhissāmi”ti saṅkāmesi, tenassa saṅkāmane avahāro natthi. Saṅkāmetvā pana parikappitokāsato gahaṇe pārājikaṃ vuttaṃ. Evaṃ haranto ca yadi piṭhake theyyacittaṃ natthi, thavikaṃ agghāpetvā kāretabbo. Atha piṭhakepi atthi, ubho agghāpetvā kāretabboti. Bhisī-ādīni tīṇi vatthūni pākaṭāneva.

146. Vissāsagāhādīsu tīsu vatthūsu gahaṇe anāpatti, āharāpentesu bhaṇḍadeyyaṃ. Piṇḍāya pavitṭhassa paṭiviso² anto upacārasīmāyaṃ ṭhitasseva gahetuṃ vaṭṭati. Yadi pana dāyakā “bahi-upacāraṭṭhānampi bhante bhāgaṃ gaṇhatha, āgantvā paribhuñjissanti”ti vadanti, evaṃ antogāmaṭṭhānampi gahetuṃ vaṭṭati. Sesamettha uttānatthameva.

148-9. Sattasu ambacorakādivatthūsu paṃsukūlasaññāya gahaṇe anāpatti, āharāpentesu bhaṇḍadeyyaṃ, theyyacittena paribhoge pārājikaṃ. Tatrāyaṃ vinicchayo—sāmikāpi sālayā, corāpi sālayā, paṃsukūlasaññāya khādantassa bhaṇḍadeyyaṃ, theyyacittena gaṇhato uddhāreyeva avahāro, bhaṇḍam agghāpetvā kāretabbo. Sāmikā sālayā, corā nirālayā, eseva nayo. Sāmikā nirālayā, corā sālayā, “puna gaṇhissāmā”ti kismiñcīdeva ghaṇaṭṭhāne khipitvā gatā, eseva nayo. Ubhopi nirālayā, paṃsukūlasaññāya khādato anāpatti, theyyacittena dukkaṭam.

1. Sūnāgharam (Sī, Syā)

2. Paṭivimso (Sī) Paṭi + vi + amso = Paṭivimso.

Samghassa ambādīsu pana samghārāme jātaṃ vā hotu, ānetvā dinnam vā, pañcamāsakam vā atirekapañcamāsakam vā agghanakam avaharantassa pārājikam. Paccante corupaddavena gāmesu vuṭṭhahantesu bhikkhūpi vihāre chaḍḍetvā “puna āvasante janapade āgamiṣṣāmā”ti sa-ussāhāva gacchanti. Bhikkhū tādisam vihāram patvā ambapakkādīni “chaḍḍitakānī”ti paṃsukūlasaññāya paribhuñjanti, anāpatti, theyyacittena paribhuñjato avahāro hoti, bhaṇḍam agghāpetvā kāretabbo.

Mahāpaccariyam, pana **Saṅkhepaṭṭhakathāyañca** avisesena vuttam “chaḍḍitavihāre pana phalāphalam theyyacittena paribhuñjato pārājikam. Kasmā? Āgatānāgatānam santakattā”ti. Gaṇasantake, pana puggalike ca sa-ussāhamattameva pamāṇam. Sace pana tato ambapakkādīm kulasaṅgahaṇatthāya deti, kuladūsakadukkaṭam. Theyyacittena dento agghena kāretabbo. Samghikepi eseva nayo. Senāsanatthāya niyamitam kulasaṅgahaṇatthāya dadato dukkaṭam, issaravatāya thullaccayam, theyyacittena pārājikam, no ce vatthu pahoti, agghena kāretabbo. Bahi upacārasīmāya nisīditvā issaravatāya paribhuñjato gīvā. Ghaṇṭim¹ paharivā kālam ghoṣetvā “mayham pāpuṇātī”ti khāditam sukhāditam. Ghaṇṭim apaharivā kālameva ghoṣetvā, ghaṇṭimeva paharivā kālam aghoṣetvā, ghaṇṭimpi apaharivā kālampi aghoṣetvā aññesam natthibhāvaṃ ñatvā “mayham pāpuṇātī”ti khāditam pi sukhāditemeva. Pupphārāma vatthudvayam pākaṭameva.

150. Vuttavādakavattuttaye **vutto vajjemī**ti tayā vutto hutvā tava vacanena vadāmīti attho. **Anāpatti bhikkhu pārājikassā**ti sāmikehi dinnattā anāpatti. **Na ca bhikkhave “vutto vajjemī”ti vattabboti** aham tayā vutto hutvā tava vacanena vadāmīti evam añño bhikkhu aññena bhikkhunā na vattabboti attho. Paricchedam pana katvā “itthannāmam tava vacanena gaṇhissāmī”ti vattum vaṭṭati. **Vutto vajjehī**ti mayā vutto hutvā mama vacanena vadehīti attho. Sesam vuttanayameva. Imesupi ca dvīsu vatthūsu paricchedam katvā vattum vaṭṭati. Ettāvatā hi upārambhā mutto hotīti.

1. Gaṇḍim (Sī, Syā), Ghaṇḍim (Ka)

151-2. Maṇivatthuttayassa majjhime vatthusmiṃ **nāhaṃ akallakoti** nāhaṃ gilānoti attho. Sesam̐ pākaṭameva.

153. Sūkaravatthudvaye kiñcāpi paṭhamassa bhikkhuno chātajjhattam̐ disvā kāruṅṅena mocitattā anāpatti, sāmikesu pana asampaṭicchantesu bhaṇḍadeyyam̐, tāva mahanto vā matasūkaro āharitvā dātabbo, tadagghanakam̐ vā bhaṇḍam̐. Sace pāsasāmike kuhiñcīpi na passati, pāsasāmantā tadagghanakam̐ sāṭakam̐ vā kāsāvam̐ vā thālakam̐ vā yathā te āgatā passanti, īdise ṭhāne ṭhapetvāva gantabbam̐, theyyacittena pana mocentassa pārājikameva. Ettha ca koci sūkaro pāsam̐ pādena kaḍḍhitvā chinnamatte pāse ṭhānācāvanadhammena ṭhānena ṭhito hoti caṇḍasote baddhanāvā viya, koci attano dhammatāya ṭhito, koci nipanno, koci kūṭapāsena baddho hoti, **kūṭapāso** nāma yassa ante dhanukam̐ vā añkusako vā añño vā koci daṇḍako baddho hoti, yo tattha tattha rukkhādīsu laggitvā sūkarassa gamanam̐ nivāreti. Tatra pāsam̐ kaḍḍhitvā ṭhitassa ekameva ṭhānam̐ pāsabandhanam̐, so hi pāse muttamatte vā chinnamatte vā palāyati. Attano dhammatāya ṭhitassa bandhanañca cattāro ca pādāti pañca ṭhānāni. Nipannassa bandhanañca sayanañcāti dve ṭhānāni. Kūṭapāsabaddhassa yattha yattha gacchati, tam̐ tadeva ṭhānam̐. Tasmā tam̐ tato tato mocentā dasapi vīsati pi satampi bhikkhū pārājikam̐ āpajjanti, tattha tattha āgatam̐ disvā ekameva dāsam̐ palāpentā viya.

Purimānam̐ pana tiṇṇam̐ catuppadakathāyam̐ vuttanayena phandāpanaṭhānācāvanāni veditabbāni. Sunakhadaṭṭham̐ sūkaram̐ vissajjāpentassāpi kāruṅṅādhippāyena bhaṇḍadeyyam̐, theyyacittena pārājikam̐. Pāsāṭṭhānam̐ pana sunakhasamīpam̐ vā asampattam̐ paṭipatham̐ gantvā paṭhamameva palāpentassa avahāro natthi. Yopi baddhasūkarassa ghāsañca pānīyañca datvā balam̐ gāhāpetvā ukkuṭṭhim̐ karoti “utrasto palāyissatī”ti. So ce palāyati, pārājikam̐. Pāsam̐ dubbalam̐ katvā ukkuṭṭhisaddena palāpentassāpi ese va nayo.

Yo pana ghāsañca pānīyañca datvā gacchati “balam̐ gahetvā palāyissatī”ti. So ce palāyati, bhaṇḍadeyyam̐. Pāsam̐ dubbalam̐ katvā gacchantassāpi ese va nayo. Pāsasantike sattham̐ vā aggim̐ vā ṭhabeti

“chinne vā daḍḍhe vā palāyissatī”ti. Sūkarō pāsāṃ cāleno chinne vā daḍḍhe vā palāyati, bhaṇḍadeyyameva. Pāsāṃ yaṭṭhiyā saha pāṭeti, pacchā sūkarō taṃ maddanto gacchati, bhaṇḍadeyyaṃ. Sūkarō adūhalapāsāṇehi¹ akkanto hoti, taṃ palāpetukāmassa adūhalaṃ kāruṇṇena ukkhipato bhaṇḍadeyyaṃ, theyyacittena pārājikaṃ. Sace ukkhittamatte agantvā pacchā gacchati, bhaṇḍadeyyameva. Ukkhipitvā ṭhapitaṃ adūhalaṃ pāṭeti, pacchā sūkarō taṃ maddanto gacchati, bhaṇḍadeyyaṃ. Opāte patitasūkarampi kāruṇṇena uddharato bhaṇḍadeyyaṃ, theyyacittena pārājikaṃ. Opātaṃ pūretvā nāseti, pacchā sūkarō taṃ maddanto gacchati, bhaṇḍadeyyaṃ. Sūle viddhaṃ kāruṇṇena uddharati, bhaṇḍadeyyaṃ, theyyacittena pārājikaṃ. Sūlaṃ uddharitvā chaḍḍeti, bhaṇḍadeyyaṃ.

Vihārabhūmiyaṃ pana pāse vā adūhalaṃ vā oḍḍentā vāretabbā “migarūpānaṃ paṭisaraṇaṭṭhānametaṃ, mā idha evaṃ karoṭhā”ti. Sace “harāpetha bhante”ti vadanti, harāpetuṃ vaṭṭati. Atha sayāṃ haranti, sundarameva. Atha neva haranti na harituṃ denti, rakkhaṃ yācitvā harāpetuṃ vaṭṭati. Manussā sassarakkhaṇakāle khettesu pāse ca adūhalapāsāṇādīni² ca karonti “maṃsaṃ khādantā sassāni rakkhissāmā”ti. Vītivatte sassakāle tesu anālayesu pakkantesu tattha baddhaṃ vā patitaṃ vā mocetuṃ vaṭṭatīti.

Migavatthudvayepi sūkaravatthūsu vuttasadisoyeva vinicchayo.

Macchavatthudvayepi eseva nayo. Ayaṃ pana viseso, kumīnamukhaṃ vivaritvā vā pacchāpuṭakaṃ muñcitvā vā passena chiddaṃ katvā vā kumīnato macche pothetvā palāpentassa pārājikaṃ. Bhattasitthāni dassetvā evaṃ palāpentassāpi pārājikaṃ. Saha kumīnena uddharatopi pārājikaṃ. Kevalaṃ kumīnamukhaṃ vivarati, pacchāpuṭakaṃ muñcati, chiddaṃ vā karoti, macchā pana attano dhammatāya palāyanti, bhaṇḍadeyyaṃ. Evaṃ katvā bhattasitthāni dasseti, macchā gocarathāya nikkhamitvā palāyanti, bhaṇḍadeyyameva. Mukhaṃ avivaritvā pacchāpuṭakaṃ amuñcitvā passena chiddaṃ akatvā kevalaṃ

1. Addūhalapāsāṇehi (Syā), adūhalapāsāṇehi (Ka)

2. Adūhalapāsāṇāni (Sī), addūhalādīni (Syā)

bhattasitthāni dasseti, macchā pana chātajjhattā sīsena paharivā okāsaṃ katvā gocarattāya nikkhamitvā palāyanti, bhaṇḍadeyyameva. Tucchakumīnassa mukhaṃ vā vivarati, pacchāpuṭakaṃ vā muñcati, chiddaṃ vā karoti, āgatāgatā macchā dvārappattā puṭakachiddehi palāyanti, bhaṇḍadeyyameva. Tucchakumīnaṃ gahetvā gumbe khipati, bhaṇḍadeyyamevāti. Yāne bhaṇḍaṃ pīthe thavikāya sadisaṃ.

Maṃsapesivatthumhi sace ākāse gaṇhāti, gahitaṭṭhānameva ṭhānaṃ. Taṃ chahākārehi paricchinditvā ṭhānācāvanaṃ veditabbaṃ. Sesamettha dārugopālaka rajaka sātākavatthūsu ca ambacorakādivatthūsu vuttanayena vinicchinitabbaṃ.

155. **Kumbhivatthusmiṃ** yo sappitelādīni apādagghanakāni gahetvā “na puna evaṃ karissāmī”ti saṃvare ṭhatvā dutiyadivasādīsipi puna citte uppanne evameva dhuranikkhepaṃ katvā paribhuñjanto sabbampi taṃ paribhuñjati, nevatthi pārājikaṃ. Dukkaṭaṃ vā thullaccayaṃ vā āpajjati, bhaṇḍadeyyaṃ pana hoti. Ayampi bhikkhu evamevamaḥāsi. Tena vuttaṃ “anāpatti bhikkhu pārājikassa”ti. Dhuranikkhepaṃ pana akatvā “divase divase paribhuñjissāmī”ti thokaṃ thokampi paribhuñjato yasmim divase pādagghanakaṃ pūrati, tasmim pārājikaṃ.

Samvidāvahāravatthūni samvidāvahāre, muṭṭhivatthūni odaniyagharādivatthūsu, dve vighāsavatthūni ambacorakādivatthūsu vuttavinicchayanayena veditabbāni. Dve tiṇavatthūni uttānatthāneva.

156. **Ambabhājāpanādivatthūsu** te bhikkhū ekaṃ gāmakāvāsaṃ paricchinnabhikkhukaṃ agamaṃsu, tattha bhikkhū phalāphalaṃ paribhuñjamānāpi tesu āgatesu “therānaṃ phalāni dethā”ti kappiyakārake na avocum, atha te bhikkhū “kiṃ saṃghikaṃ amhākaṃ na pāpuṇāti”ti ghaṇṭim paharivā bhājāpetvā tesampi vassaggena bhāgaṃ datvā attanāpi paribhuñjimsu. Tena nesaṃ Bhagavā “**anāpatti bhikkhave paribhogatthāyā**”ti āha. Tasmā idānipi yattha āvāsikā āgantukānaṃ na denti, phalavāre ca

sampatte aññesaṃ atthibhāvaṃ¹ disvā corikāya attanāva khādanti, tattha āgantukehi ghaṇṭim paharivā bhājetvā paribhuñjitum vaṭṭati.

Yattha panāvāsikā rukkhe rakkhitvā phalavāre sampatte bhājetvā khādanti, catūsu paccayesu sammā upanenti, anissarā tattha āgantukā. Yepi rukkḥā cīvaratthāya niyametvā dinnā, tesupi āgantukā anissarā. Eseva nayo sesapaccayatthāya niyametvā dinnesupi.

Ye pana tathā aniyamitā, āvāsikā ca te rakkhitvā gopetvā corikāya paribhuñjanti, na tesu āvāsikānaṃ katikāya ṭhātabbaṃ. Ye phalaparibhogatthāya dinnā, āvāsikāpi ne rakkhitvā gopetvā sammā upanenti, tesueva tesāṃ katikāya ṭhātabbaṃ. **Mahāpaccariyaṃ** pana vuttaṃ “catunnaṃ paccayānaṃ niyametvā dinnāṃ theyyacittena paribhuñjanto bhaṇḍaṃ agghāpetvā kāretabbo. Paribhogavaseneva taṃ bhājetvā paribhuñjantassa bhaṇḍadeyyaṃ. Yaṃ panettha senāsanatthāya niyamitaṃ, taṃ paribhogavaseneva bhājetvā paribhuñjantassa thullaccayañca bhaṇḍadeyyañcā”ti.

Odissa cīvaratthāya dinnāṃ cīvarayeva upanetabbaṃ. Sace dubbhikkhaṃ hoti, bhikkhū piṇḍapātena kilamanti, cīvaraṃ pana sulabbaṃ. Saṃghasuṭṭhūyā apalokanakammaṃ katvā piṇḍapātepi upanetum vaṭṭati. Senāsanena, gilānapaccayena vā kilamantesu saṃghasuṭṭhūyā apalokanakammaṃ katvā tadatthāyapi upanetum vaṭṭati. Odissa piṇḍapātathāya, gilānapaccayatthāya ca dinnepi eseva nayo. Odissa senāsanatthāya dinnāṃ pana garubhaṇḍaṃ hoti, taṃ rakkhitvā gopetvā tadatthameva upanetabbaṃ. Sace pana dubbhikkhaṃ hoti, bhikkhū piṇḍapātena na yāpenti, ettha rājarogacorabhayādīhi aññattha gacchantānaṃ vihārā palujjanti, tālanāḷikerādike vināsenti, senāsanapaccayaṃ pana nissāya yāpetum sakkā hoti. Evarūpe kāle senāsanāṃ vissajjetvāpi senāsanajagganatthāya paribhogo Bhagavatā anuññāto, tasmā ekaṃ vā dve vā varasenāsanāni ṭhapetvā itarāni lāmakakoṭiyā piṇḍapātathāya vissajjetum vaṭṭati. Mūlavatthucchedaṃ pana katvā na upanetabbaṃ.

1. Abhāvaṃ (Sī, Syā)

Yo pana ārāmo catuppaccatthāya niyametvā dinno, tattha apalokanakammaṃ na kātabbāṃ. Yena pana paccayena ūnaṃ, tadattham upanetuṃ vaṭṭati. Ārāmo jaggitabbo, vetanaṃ datvāpi jaggāpetuṃ vaṭṭati. Ye pana vetanaṃ labhitvā ārāmeveva gehaṃ katvā vasantā rakkhanti, te ce āgatānaṃ bhikkhūnaṃ nāḷikeraṃ vā tālapakkaṃ vā denti, yaṃ tesāṃ saṃghena anuññātaṃ hoti “divase divase ettakaṃ nāma khādathā”ti tadeva te dātuṃ labhanti, tato uttari tesāṃ dadantānampi gahetuṃ na vaṭṭati.

Yo pana ārāmaṃ keṇiyā gahetvā saṃghassa catuppaccayatthāya kappiyabhaṇḍameva deti, ayaṃ bahukampi dātuṃ labhati. Cetiyaṃ paḍīpatthāya vā khaṇḍaphullaṭṭhapaṭisaṅkharaṇatthāya vā dinno ārāmopi paṭijaggitabbo, vetanaṃ datvāpi jaggāpetabbo. Vetanañca panettha cetiyasantakampi saṃghasantakampi dātuṃ vaṭṭati. Etampi ārāmaṃ vetanena tattheva vasitvā rakkhantānañca keṇiyā gahetvā kappiyabhaṇḍadāyakañca tatthajātakaphaladānaṃ vuttanayeneva veditabbanti.

Ambapālakādivatthūsu **anāpatti bhikkhave gopakassa dāneti** ettha katarāṃ pana gopakadānaṃ vaṭṭati, katarāṃ na vaṭṭatīti? **Mahāsumatthero** tāva āha “yaṃ gopakassa paricchinditvā dinnam hoti ‘ettakaṃ divase divase gaṇhā’ti, tadeva vaṭṭati, tato uttari na vaṭṭatī”ti. **Mahāpadumatthero** panāha “kiṃ gopakānaṃ paṇṇaṃ āropetvā nimittasaññaṃ vā katvā dinnam atthi, etesaṃ hatthe vissaṭṭhakassa ete issarā, tasmā yaṃ te denti, taṃ bahukampi vaṭṭatī”ti. **Kurundaṭṭhakathāyaṃ** pana vuttam “manussānaṃ ārāmaṃ vā aññaṃ vā phalāphalaṃ dāraḷā rakkhanti, tehi dinnam vaṭṭati, āharāpetvā pana na gahetabbāṃ. Saṃghike, pana cetiyasantake ca keṇiyā gahetvā rakkhantasseva dānaṃ vaṭṭati, vetanena rakkhantassa attano bhāgamattaṃ vaṭṭatī”ti. **Mahāpaccariyaṃ** pana “yaṃ gihīnaṃ ārāmarakkhakaḷā bhikkhūnaṃ denti, etaṃ vaṭṭati. Bhikkhusaṃghassa pana ārāmagopakā yaṃ attano bhatiyā khaṇḍetvā denti, etaṃ vaṭṭati. Yopi upaḍḍhārāmaṃ vā kecideva rukkhe vā bhatim labhitvā rakkhati, tassāpi attano pattarukkhatoyeva dātuṃ vaṭṭati. Keṇiyā gahetvā

rakkhantassa pana sabbampi vaṭṭatī”ti vuttam. Etam pana sabbam byañjanato nānam, atthato ekameva, tasmā adhippāyam ñatvā gahetabbam.

Dāruvatthumhi **tāvakāliko aham Bhagavāti** tāvakālikacitto aham Bhagavāti vattukāmena vuttam, **tāvakālikacittoti** “puna āharitvā dassāmī”ti evamcitto ahanti vuttam hoti. Bhagavā “**tāvakālike anāpatti**”ti āha.

Ayam panettha **Pālimuttakavinicchayo**—sace saṅgho saṅghikam kammaṃ kāreti uposathāgāram vā bhojanasālam vā, tato āpucchitvā tāvakālikam haritabbam. Yo pana saṅghiko dabbasambhāro agutto deve vassante temeti, ātapena sukkhati, tam sabbampi āharitvā attano āvāse kātuṃ vaṭṭati. Saṅgho āharāpento aññena vā dabbasambhārena, mūlena vā saññāpetabbo. Na sakkā ce hoti saññāpetum, “saṅghikena bhante kataṃ saṅghikaparibhogena vaḷañjathā”ti vattabbam. Senāsanassa pana ayameva bhikkhu issaro. Sace pāsānatthambho vā rukkhatthambho vā kavāṭam vā vātapānam vā nappahoti, saṅghikam tāvakālikam āharitvā pākatikam kātuṃ vaṭṭati. Esa nayo aññesupi dabbasambhāresūti.

Udakavattusmiṃ yadā udakam dullabham hoti, yojanatopi adḍhayojanatopi āharīyati, evarūpe pariggahita-udake avahāro. Yatopi āharimato vā pokkharāṇī-ādīsu ṭhitato vā kevalam yāgubhattam sampādentī, pānīyaparibhogañca karontī, na aññam mahāparibhogam, tampi theyyacittena gaṇhato avahāro. Yato pana ekam vā dve vā ghaṭe gahetvā āsanam dhovituṃ, Bodhirukkhe siñcituṃ, udakapūjam kātuṃ, rajanam pacituṃ labbhati, tattha saṅghassa katikavaseneva paṭipajjitabbam, atirekam gaṇhanto, mattikādīni vā theyyacittena pakkhipanto bhaṇḍam agghāpetvā kāretabbo.

Sace āvāsikā katikavattam daḷham karontī, aññesam bhaṇḍakam dhovituṃ vā rajituṃ vā na denti, attanā pana aññesam apassantānam gahetvā sabbam karontī, tesam katikāya na ṭhātabbam, yattakam te dhovanti, tattakam dhovitabbam. Sace saṅghassa dve tisso pokkharāṇīyo

vā udakasoṇḍiyo vā honti, katikā ca katā “ettha nhāyitabbaṃ, ito pāṇīyaṃ gahetabbaṃ, idha sabbaparibhogo kātabbo”ti. Katikavatteneva sabbam kātabbam. Yattha katikā natthi, tattha sabbaparibhogo vaṭṭatīti.

Mattikāvattusmiṃ yattha mattikā dullabhā hoti, nānappakārā vā vaṇṇamattikā āharitvā ṭhapitā, tattha thokāpi pañcamāsakaṃ agghati, tasmā pārājikaṃ. Saṃghike pana kamme, cetiyakamme ca niṭṭhite saṃgham āpucchitvā vā tāvakālikaṃ vā gahetuṃ vaṭṭati. Sudhāyapi cittakammavaṇṇesupi eseva nayo.

Tiṇavatthūsu jhāpitaṭṭhe ṭhānācāvanassa abhāvā dukkaṭam, bhaṇḍadeyyam pana hoti. Saṃgho tiṇavatthum jaggitvā saṃghikaṃ āvāsam chādeti, puna kadāci jaggituṃ na sakkoti, athañño eko bhikkhu vattasīsenā jaggati, saṃghassevetam. No ce jaggati, saṃgheneko bhikkhu vattabbo “jaggitvā dehī”ti. So ce bhāgaṃ icchati, bhāgaṃ datvāpi jaggāpetabbaṃ. Sace bhāgaṃ vaḍḍhenti, dātabbameva. Vaḍḍhetyeva, “gaccha jaggitvā sabbam gahetvā attano santakaṃ senāsanam chādehī”ti vattabbo. Kasmā? Natṭhe attho natthi. Dadantehi pana savatthukaṃ na dātabbam, garubhaṇḍam hoti, tiṇamattam pana dātabbam, tasmim ce jaggitvā attano senāsanam chādente puna saṃgho jaggituṃ pahoti, “tvaṃ mā jaggi, saṃgho jaggissatī”ti vattabboti.

Mañcādīni satta vatthūni pākaṭāneva. Pāḷiyam pana anāgatampi pāsāṇatthambham vā rukkhathambham vā aññaṃ vā kiñci pādagghanakaṃ harantassa pārājikameva. Padhānagharādīsū chaḍḍitapatitānam pariveṇḍīnam kuṭṭampi pākārampi bhinditvā iṭṭhakādīni avaharantassāpi eseva nayo. Kasmā? Saṃghikaṃ nāma kadāci ajjhāvasanti, kadāci na ajjhāvasanti. Paccante corabhayena janapade vuṭṭahante chaḍḍitavihārādīsū kiñci parikkhāram harantassāpi eseva nayo. Ye pana tato tāvakālikaṃ haranti, puna āvasitesu ca vihāresu bhikkhū āharāpentī, dātabbam. Sacepi tato āharitvā senāsanam kataṃ hoti, tam vā tadagghanakaṃ vā dātabbameva. “Puna

āvasissāmā”ti¹ ālayam acchinditvā vuṭṭhitesu janapadesu gaṇasantakam vā puggalikam vā gahitaṃ hoti, te ce anujānanti, paṭikamma kiccaṃ natthi. Saṃghikam pana garubhaṇḍam, tasmā paṭikammaṃ kattabbameva.

157. Vihāraparibhogavatthu uttānatthameva.

Anujānāmi bhikkhave tāvakālikam haritunti ettha yo bhikkhu saṃghikam mañcam vā pīṭham vā tāvakālikam haritvā attano phāsukaṭṭhāne ekampi dvepi māse saṃghikaparibhogena paribhuñjati, āgatāgatānam vuḍḍhatarānam deti nappaṭibāhati, tassa tasmim natṭhepi jinṇepi corāvahaṭepi² gīvā na hoti. Vasitvā pana gacchantena yathāṭhāne ṭhapetabbam. Yo pana puggalikaparibhogena paribhuñjati, āgatāgatānam vuḍḍhatarānam na deti, tasmim natṭhe tassa gīvā hoti. Aññam pana āvāsam haritvā paribhuñjantena sace tattha vuḍḍhataro āgantvā vuṭṭhāpeti, “mayā idaṃ asukāvāsato nāma āhaṭam, gacchāmi, nam pākatikam karomī”ti vattabbam. Sace so bhikkhu “aham pākatikam karissāmi”ti vadati, tassa bhāram katvāpi gantum vaṭṭatīti **Saṅkhepaṭṭhakathāyam** vuttam.

Campāvatthumhi **tekaṭulayāgūti** tilataṇḍulamuggehi vā tilataṇḍulamāsehi vā tilataṇḍulakulatthehi vā tilataṇḍulehi saddhim yamkiñci ekam aparāṇam pakkhipitvā tīhi katā, etaṃ kira imehi tīhi catubhāga-udakasambhinne khīre sappimadhusakkarādīhi yojetvā karonti.

Rājagahavatthumhi **madhugolakoti** atirasakapūvo vuccati, madhusīsakantipi vadanti. Sesamettha vatthudvayepi odanabhājanīyavatthusmim vuttanayeneva veditabbam.

158. Ajjukavatthusmim **etadavocāti** gilāno hutvā avoca. **Āyasmā Upālī āyasmato Ajjukassa pakkhoti** na agatigamanavasena pakkho, apica kho anāpattisaññitāya lajjī-anuggahena, vinayānuggahena ca thero pakkhoti veditabbo. Sesamettha uttānameva.

1. Āgamissāmāti (Ka)

2. Theyyāvahaṭepi (Sī, Syā)

159. Bārāṇasīvatthusmiṃ **corehi upaddutanti** corehi viluttam. **Iddhiyā ānetvā pāsāde ṭhapesīti** thero kira tam kulam sokasallasamappitam āvaṭṭantam vivaṭṭantam disvā tassa kulassa anukampāya pasādānurakkhaṇatthāya dhammānuggahena attano iddhiyā “tesamyeva pāsadam dārakānam samīpe hotū”ti adhiṭṭhāsi. Dārakā “amhākam pāsādo”ti sañjānitvā abhiruhimsu. Tato thero iddhiṃ paṭisaṃhari, pāsādopi sakaṭṭhāneyeva aṭṭhāsi. Vohāravasena pana vuttam **“te dārake iddhiyā ānetvā pāsāde ṭhapesī”ti**. **Iddhivisayeti** īdisāya adhiṭṭhānidhiyā anāpatti. Vikubbaniddhi pana na vaṭṭati.

160-1. Avasāne vatthudvayam uttānatthamevāti.

Samantapāsādikāya Vinayasamvaṇṇanāya

Dutiyapājikavaṇṇanā niṭṭhitā.

Tatrāyaṃ anusāsani—

Dutiyaṃ adutiyena, yaṃ Jinena pakāsitaṃ.
 Parājitakilesena, pārājikamidaṃ idha.
 Sikkhāpadaṃ samaṃ tena, aññaṃ kiñci na vijjati.
 Anekanayavokiṇṇaṃ, gambhīratthavinicchayaṃ.
 Tasmā vatthumhi otiṇṇe, bhikkhunā vinayaññunā.
 Vinayānuggahenettha, karontena vinicchayaṃ.
 Pāliṃ Aṭṭhakathañceva, sādhippāyamasesato.
 Ogayha appamattena, karaṇīyo vinicchayo.
 Āpattidassanussāho, na kattabbo kudācanaṃ.
 Passissāmi anāpatti-miti kayirātha mānasam.
 Passitvāpi ca āpattiṃ, avatvāva punappunaṃ.
 Vīmaṃsitvātha viññūhi, samsanditvā ca taṃ vade.
 Kappiyepi ca vatthusmiṃ, cittassa lahuvattino.
 Vasena sāmaññaḡaṇā, cavantīdha puthujjanā.
 Tasmā paraparikkhāraṃ, āsīvisamivoragaṃ.
 Aggiṃ viya ca sampassaṃ, nā'maseyya vicakkhaṇoti.

Pārājikakaṇḍa-aṭṭhakathāya paṭhamo bhāgo niṭṭhito.

Pārājīkakaṇḍa-atthakathāya paṭhamabhāge

Samvaṇṇitapadānaṃ anukkamaṇikā

| Padānukkamo | Piṭṭhaṅko | Padānukkamo | Piṭṭhaṅko |
|--------------------|-----------|-----------------|-----------|
| [A] | | [A] | |
| Akappiyaṃ | 185 | Atiharāpesuṃ | 178 |
| Akaraṇīyaṃ | 185 | Atthaṅgamā | 123 |
| Akāmakā | 171 | Atthavase | 189 |
| Akiriyaṃvādo | 105 | Atthasādhako | 264 |
| Akilāsuno | 156 | Atthasañhitam | 148 |
| Akuppēna | 208 | Atthi nāma | 175 |
| Akusalehi | 113 | Atthi me | 183 |
| Akkhadassā | 268 | Atha khvetam | 184 |
| Agāram | 170 | Adinnam | 261 |
| Aggho | 267 | Adukkhamasukham | 124 |
| Aṅgārakāsuyā | 186 | Addhagate | 102 |
| Aciravuṭṭhitāya | 170 | Addhaniyaṃ | 159 |
| Acirūpasampanno | 173 | Adhivattho | 329 |
| Acchādetvā | 170 | Adhivāsetu | 142 |
| Acchādesi | 167 | Adhivāsesi | 142 |
| Ajinakkhipam | 237 | Adhisayitāni | 108 |
| Ajjatagge | 142 | Adhisīlasikkhā | 209 |
| Ajjhattam | 117 | Anagāriyaṃ | 170 |
| Ajjhāvasatā | 169 | Anaṅgaṇe | 127 |
| Aññathattāya | 183 | Ananulomikaṃ | 185 |
| Aññassa haraṇakam | 304 | Anantarahitāya | 172 |
| Aṭṭiyamāno | 212 | Anabhāvaṃkatā | 104 |
| Aṭṭhānametaṃ | 195 | Anabhirato | 182, 212 |
| Aḍḍhā | 173 | Anavakāso | 195 |
| Aṇḍabhūtāya | 109 | Anavayo | 249 |
| Atikkantamānusakam | 133 | Anādiyanto | 329 |

| Padānukkamo | Piṭṭhaṅko | Padānukkamo | Piṭṭhaṅko |
|-----------------|--------------------|-----------------------|---------------|
| [A] | | [A] | |
| Anādīnavadasso | 179 | Aparaṇṇaṃ | 296 |
| Anāpatti | 334, 336, 339, 341 | Aparassa bhāgaṃ dehi | 334 |
| Anāvikatvā | 211 | Apariccattaṃ | 261 |
| Anissaṭṭhaṃ | 261 | Aparibhogāṃ vā karoti | 279 |
| Anīlakaṃ | 150 | Apalokessāma | 165 |
| Anukampā | 250 | Apāyaṃ | 135 |
| Anucchavikaṃ | 185 | Aputtakaṃ | 178 |
| Anujānāmi | 344 | Appaccakkhāya | 211 |
| Anuttaraṃ | 109 | Appatirūpaṃ | 185 |
| Anuttaro | 92 | Appapuññā | 194 |
| Anuddayā | 250 | Appamattassa | 131 |
| Anupādāya | 156 | Abbhuggacchi | 181 |
| Anupādānāya | 183 | Abhikkantaṃ | 139 |
| Anuppādadhama | 104 | Abhiññā | 98 |
| Anuyuttā | 194 | Abhinisīdenti | 227 |
| Anusaññāyamāno | 255 | Abhininnāmesim | 128, 132, 136 |
| Anussarāmi | 128 | Abhinne | 329 |
| Anekapariyāyena | 183 | Abhirūpā | 250 |
| Anekavihitaṃ | 128 | Abhivādeti | 102 |
| Anejamasokaṃ | 141 | Abhiviññāpesi | 179 |
| Antamaso | 193, 223 | Abhisambuddho | 110 |
| Antaradhānena | 155 | Abhiharimsu | 174 |
| Antaradhāpesuṃ | 156 | Amanusso | 259 |
| Antarabhogikā | 268 | Amutrāsiraṃ | 129 |
| Antomano | 182 | Amma | 171 |
| Andhakāre | 140 | Araññaṃ | 298 |
| Apagatakāḷako | 162 | Arasarūpo | 103 |
| Apagabbho | 107 | Arahaṃ | 84-87 |
| Apacayo | 188 | Ariyakena | 221 |
| Apaññatte | 179 | Ariyā | 122 |

| Padānukkamo | Piṭṭhaṅko | Padānukkamo | Piṭṭhaṅko |
|-----------------|---------------|---------------------|-----------|
| [A] | | [Ā] | |
| Ariyānaṃ | 134 | Ācikkheyya | 140 |
| Alaṃ | 151, 183, 215 | Āciṇṇaṃ | 163 |
| Alakkhikā | 194 | Āṇattiko | 264 |
| Allako | 337 | Ātāpino | 131 |
| Avanṇaṃ | 187 | Ādikammikassa | 328 |
| Avicāraṃ | 118 | Ādikammiko | 234 |
| Avijjaṇḍakosaṃ | 109 | Ādittāya | 186 |
| Avijjā | 109, 136, 138 | Ādiyi | 329 |
| Aviññussa | 221 | Ādiyeyya | 262 |
| Avitakkaṃ | 118 | Āneñjappatte | 127 |
| Avinipātadhammo | 163 | Āpatti pārājikassa | 226 |
| Avihesā | 250 | Āpatti dukkaṭassa | 324 |
| Avoca | 101 | Āpadatthāya | 255 |
| Asaṅgahitattā | 156 | Ābhidosikaṃ | 174 |
| Asaddhammaṃ | 186 | Āmantesi | 163 |
| Asaddhammo | 221 | Āyatim | 104 |
| Asammuṭṭhā | 111 | Āyasmā | 150 |
| Asallīnaṃ | 111 | Āyasmā -pa- pakkho | 344 |
| Asāraddho | 112 | Āyāma | 165 |
| Asekho | 208 | Ārakkho | 177 |
| Assāmaṇakaṃ | 185 | Āraddhaṃ kho pana | 111 |
| Assosi | 83, 148 | Ārammaṇūpaniyyhānaṃ | 116 |
| Ahi | 317 | Ārāmavatthu | 298 |
| Ahudeva | 182 | Ārocesuṃ | 184 |
| [Ā] | | Ālapito | 326 |
| Ākārehi | 148, 325 | Ālayasamugghāto | 183 |
| Āgamehi | 159 | Āloko | 131 |
| Ācariyake | 249 | Āsavaṭṭhānīyā | 159 |
| Ācikkhati | 320 | Āsavānaṃ | 190 |
| Ācikkhanti | 122 | Āsīvisassa | 185 |

| Padānukkamo | Piṭṭhaṅko | Padānukkamo | Piṭṭhaṅko |
|----------------------|-----------|-------------------------|---------------|
| [Ā-I] | | [U] | |
| Āhaṭam | 321 | Upapajjamāne | 133 |
| Āharitvā | 146 | Upapannā | 136 |
| Ingaha | 256 | Upalāpetvā | 192 |
| Iti | 130 | Upavādakā | 134 |
| Itthattāya | 137 | Upasaṅkami | 100 |
| Itthannāmassa pāvada | 324 | Upasaṅkamtivā | 100 |
| Itthannāmo | 324 | Upasampajja | 117, 156 |
| Itthikāya | 177 | Upasampanno | 208 |
| Itthilingam | 237 | Upahatindriyo | 243 |
| Idam | 156 | Upekkhako | 120 |
| Iddhiyā -pa- ṭhapesi | 345 | Upekkhāsati pārisuddhim | 125 |
| Iddhivisaye | 345 | Uppaṇḍuppaṇḍukajāto | 182 |
| Idha | 212 | Uppalagandhapaccatthikā | 232 |
| Idhūpapanno | 130 | Uppalavaṇṇā | 237 |
| Indakhīle | 259 | Uppādeti | 295 |
| Isigilipasse | 248 | Ummaṭṭham | 278 |
| [U] | | Ummattakassa | 328 |
| Ukkaṇṭhito | 212 | Ummattako | 234 |
| Ukkujjeyya | 139 | Ulūkapakkhikam | 237 |
| Ucchinnamūlā | 104 | Ussahāmi | 177, 213 |
| Ucchedavādo | 105 | [E] | |
| Ujjhāyanti | 256 | Ekakammaṃ | 225 |
| Uñchena | 144 | Ekakova | 109 |
| Uttarāpathakā | 144 | Ekaggaṃ | 112 |
| Udaggo | 172 | Ekantapari puṇṇam | 170 |
| Udukkhalasaddam | 148 | Ekantaparisuddham | 170 |
| Uddiseyyātha | 191 | Ekaputtako | 171 |
| Uddharati | 272 | Ekabhaṇḍam ekaṭṭhānam | 321 |
| Upaṭṭhitā | 111 | Ekamantam | 101, 170, 192 |
| Upaddutam | 345 | Ekuddeso | 225 |

| Padānukkamo | Piṭṭhaṅko | Padānukkamo | Piṭṭhaṅko |
|----------------------------------|-----------|-------------------------------|-----------|
| [E] | | [Ka] | |
| Ekodi | 118 | Kaṭṭhaṃ vā lataṃ vā | 271 |
| Ekodibhāvaṃ | 118 | Kaṇhasappa | 186 |
| Etadavoca | 150, 344 | Kataṃ | 137 |
| Evaṃ | 126, 165 | Katipāhaṃ | 172 |
| Evaṃgotto | 129, 130 | Kathaṃ | 212 |
| Evaṃnāmo | 129 | Kathaṃ hi nāma | 185 |
| Evaṃvaṇṇo | 129 | Kathaṃ hi nāma -pa- karissati | 250 |
| Evaṃsukhadukkhappaṭi- saṃvedī | 129 | Kammaṇiye | 126 |
| Evaṃyupariyanto | 129 | Karaṇīyaṃ | 137 |
| Evaṃāhāro | 129 | Karaṇīyena | 169 |
| Evameva kho | 156 | Kalyāṇo | 84 |
| Evaṃupim vācaṃ bhāsitaṃ | 256 | Kāmapariḷāhānaṃ | 184 |
| Evaṃupe | 173 | Kāmapipāsānaṃ | 184 |
| Esāhaṃ | 140 | Kāmānaṃ | 184 |
| [O] | | Kāmāsavā | 136 |
| Okāsaparikappo | 331 | Kāme | 172 |
| Ocarako | 320 | Kāyaduccaritaṃ | 105, 134 |
| Ocaritvā | 320 | Kāyaduccaritena | 106, 134 |
| Oḍḍi | 192 | Kāyassa bhedaṃ | 135 |
| Oṇirakkho | 321 | Kāyo | 111 |
| Odakantikaṃ | 186, 222 | Kālo | 266 |
| Odaniyagharaṃ | 335 | Kāsāyāni | 170 |
| Onītapattapaṇim | 167 | Kim | 171, 215 |
| Opuṅjāpetvā | 176 | Kiṅkaṇikasaddo | 250 |
| Omaṭṭhaṃ | 278 | Kiccā | 255 |
| Olambako | 293 | Kiñci | 170 |
| [Ka] | | Kittisaddo | 84 |
| Kacci no | 182 | Kilāsuno | 153 |
| Kaṭibhāro | 293 | | |

| Padānukkamo | Piṭṭhaṅko | Padānukkamo | Piṭṭhaṅko |
|--------------------|-----------|--------------------|-----------|
| [Ka] | | [Ga] | |
| Kilinnam | 243 | Gabbhaseyyā | 107 |
| Kiso | 182 | Gahite ca attamano | 327 |
| Kukkuccam | 182 | Gāmadhammam | 186 |
| Kukkuṭacchāpakānam | 109 | Gāmadhammo | 222 |
| Kukkuṭiyā | 108 | Gāmūpacāro | 259 |
| Kutettha | 166 | Gāmo | 259 |
| Kumbhakāraputto | 249 | Gāhetvā | 172 |
| Kummāsam | 174 | Gijjhakūṭe | 247-8 |
| Kusam saṅkāmetvā | 330 | Gihiliṅgena | 236 |
| Kusacīram | 236 | Gotamo | 84 |
| Kusāvahāro | 332 | Gonisādiniviṭṭho | 259 |
| Kūṭapāso | 337 | Gopakassa | 341 |
| Kevalaparipuṇṇam | 99 | Gopitam | 261 |
| Kesakambalo | 237 | | |
| Ko | 153 | [Gha] | |
| [Kha] | | Gharam | 260 |
| Khaṇena | 181 | Gharūpacāro | 259 |
| Khaṇḍākhaṇḍikam | 255 | Ghāto | 148 |
| Khandhabhāro | 293 | Ghoravisassa | 185 |
| Khayañāṇāya | 136 | [Ca] | |
| Khalu | 84 | Ca | 191 |
| Khittacitto | 234 | Cakkhu | 132 |
| Khiyyanti | 256 | Catuttham | 125 |
| Khuddamadhurim | 150 | Caraṇam | 88 |
| Khettam | 213 | Cavamāne | 133 |
| Kho | 83 | Cavitukāmo | 212 |
| [Ga] | | Cittam | 131, 136 |
| Gacchāmi | 141 | Ciraṭṭhitikam | 152 |
| Gaṇako | 255 | Cīvaravamse vā | 283 |

| Padānukkamo | Piṭṭhaṅko | Padānukkamo | Piṭṭhaṅko |
|-------------------|---------------------|-------------------------|-----------|
| [Ca] | | [Ta] | |
| Cutūpapātañāṇāya | 132 | Taṃ | 122, 131 |
| Cetessati | 183 | Taṃ kissa hetu | 186 |
| [Cha] | | Taṃ kho pana | 84 |
| Chaḍḍanīyadhammaṃ | 174 | Tvaṃ | 186 |
| Chaḍḍeti vā | 279 | Tacaṃ | 294 |
| Chambhitattam | 177 | Tañca kho no asantaṃ | 165 |
| Cheppam | 192 | Tatāyaṃ | 176 |
| [Ja] | | Tatiyaṃ | 122 |
| Janatā | 250 | Tato | 130 |
| Janapadacārikam | 249 | Tatonidānam | 177 |
| Jātim | 128 | Tattha | 159 |
| Jātiyāvanam | 243 | Tatthajātakam | 271 |
| Jānato | 137 | Tatra | 157, 314 |
| Jigucchamāno | 212 | Tatrāpāsīm | 130 |
| Jiṇṇe | 101-2 | Tathārūpānam Arahatam | 100 |
| Jīvati | 327 | Tadanucchavikam | 188 |
| Je | 175 | Tadavasari | 168 |
| Jegucchī | 106 | Tapassī | 106 |
| Jeṭṭho | 111 | Tamo | 131 |
| Jeṭṭhotissa | 109 | Tassa | 192 |
| [Jha-Ñā-Tha] | | Tāta | 171 |
| Jhānam | 116, 119, 122, 125, | Tānassu | 108 |
| Ñānam | 128, 137 | Tālāvatthukatā | 104 |
| Ñātibyanenapi | 194 | Tāvakālike | 327, 342 |
| Ṭhānā cāveti | 274, 314 | Tāvakāliko | 342 |
| Ṭhānārahena | 208 | Tiṇam vā | 299 |
| Ṭhite | 127 | Tiṇakuṭiyo karitvā | 248 |
| | | Tiṇakuṭiyo bhinditvā | 248 |
| | | Tiracchānagatapariggahe | 328 |
| | | Tirokaraṇiyam | 176 |

| Padānukkamo | Piṭṭhaṅko | Padānukkamo | Piṭṭhaṅko |
|------------------|------------|---------------------------|-----------|
| [Ta] | | [Da] | |
| Tuṇhī | 172 | Dabbalyāvīkammañca | 212 |
| Tuṇhībhāvena | 142 | Dubbharatā | 187 |
| Te | 155 | Dubbhikkhā | 143 |
| Tekaṭulayāgu | 344 | Dummaṅkūnaṃ | 189 |
| Tena | 76, 176 | Dummano | 182 |
| Tena hi | 176, 177-8 | Dussayugena | 167 |
| [Tha] | | Dūsesi | 237 |
| Thale nikkhattaṃ | 279 | Devagahadārūni | 255 |
| Theyyacitto | 314 | Devamanussānaṃ | 94 |
| Theyyasaṅkhātaṃ | 262 | Deseti | 98 |
| Theyyāvahāro | 330 | Desessāma | 148 |
| [Da] | | Deso | 266 |
| Dakāro | 101 | Dvayaṃdvayasamāpattim | 186 |
| Davāya | 221 | Dvayaṃdvayasamāpatti | 222 |
| Dassanaṃ hoti | 100 | Dvīhitikā | 143 |
| Dāni | 182 | [Dha] | |
| Dāruḡahe | 255 | Dhammaṃ | 148 |
| Dārudhītalikā | 241 | Dhammaṃ caranto parajjati | 295 |
| Dibbaṃ | 132 | Dhamanisanthatagatto | 182 |
| Dukkaraṃ | 213 | Dhammañca | 141 |
| Dukkassa ca | 122 | Dhammamasāṅkhataṃ | 141 |
| Dukkhī | 182 | Dhutagaṇe | 173 |
| Duggati | 135 | Dhuto | 187 |
| Duggate | 133 | [Na] | |
| Duṭṭhullaṃ | 186, 222 | Nagarapaṭisaṅkhārikāni | 255 |
| Dutiyam | 119 | Nanu | 183 |
| Dubbaṇe | 133 | Naḷeru | 81 |
| Dubbalyam | 211 | Nātikaddheyyāsi | 177 |
| | | Nānākulā | 155 |

| Padānukkamo | Piṭṭhaṅko | Padānukkamo | Piṭṭhaṅko |
|------------------------|-----------|--------------------|-----------|
| [Na] | | [Pa] | |
| Nānāgottā | 155 | Paccayo | 153 |
| Nānājaccā | 155 | Paccassosi | 165 |
| Nānānāmā | 155 | Paccāgacchati | 325 |
| Nānābhaṇḍaṃ ekaṭṭhānaṃ | 322 | Pajā | 97 |
| Nāparaṃ | 137 | Pajāya | 109 |
| Nāma | 175 | Pajjhāyi | 182 |
| Nāvā | 289 | Pañcamattehi | 83 |
| Nāhaṃ gaṇhāmi | 306 | Pañcamāsako | 258 |
| Nāhaṃ taṃ | 102 | Paññattaṃ | 146 |
| Nikkujjitaṃ | 140 | Paññapessāma | 148 |
| Nikhātaṃ | 269 | Paṭiggaṇhāti | 325 |
| Nidāne | 184 | Paṭighātāya | 190 |
| Nimittaṃ | 175 | Paṭicca | 189 |
| Nimittakammaṃ | 323 | Paṭicchannaṃ | 140, 269 |
| Niyato | 163 | Paṭicchannāvahāro | 332 |
| Nirabbudo | 162 | Paṭiññāya | 205 |
| Nirayo | 135 | Paṭibaddhacitto | 237 |
| Nirādīnavo | 162 | Paṭilabheyyuṃ | 151 |
| Niruttipathe | 329 | Paṭisallīnassa | 152 |
| Nilīyimsu | 192 | Paṭisallīyantena | 243 |
| Nivāsetvā | 146 | Paṭisallīyituṃ | 243 |
| Nisīdi | 101 | Paṭisāmetvā | 249 |
| Nissaggiyo | 264 | Paṭisevati | 192 |
| No | 182 | Paṭhamaṃ | 116 |
| [Pa] | | Paṭhamābhisitto | 256 |
| Paṃsukūlasaṅṅissa | 328 | Paṇīte | 133 |
| Pakāseti | 99 | Paṇītena | 167 |
| Pakkamiṃsu | 249 | Pattacīvaramādāya | 146 |
| Pakkhajātā | 318 | Pattādhārakepi | 285 |
| Pageva | 223 | Patthapattapulakaṃ | 145 |

| Padānukkamo | Piṭṭhaṅko | Padānukkamo | Piṭṭhaṅko |
|--------------------|-----------|-----------------------|-----------|
| [Pa] | | [Pa] | |
| Pathabyā rājā | 268 | Pariseditāni | 108 |
| Padasā nessāmi | 316 | Pavattesi | 243 |
| Padāletvā | 109 | Pavedeti | 98 |
| Padesarājā | 268 | Pasayhāvahāro | 330 |
| Pana | 203 | Pasukā | 318 |
| Papatā | 178 | Passato | 137 |
| Pabbajeyyam | 170 | Passaddho | 111 |
| Pabbājeti vā | 258 | Passāmi | 132 |
| Pabbājeyyum | 269 | Pahitattassa | 131 |
| Pamattam | 228 | Pahīnā | 104 |
| Param maraṇā | 135 | Pahūtajātarūparajatā | 174 |
| Parapariggahitam | 261 | Pahūtadhanadhaññā | 174 |
| Parapariggahitaṇca | 326 | Pahūtavittūpakaraṇā | 174 |
| Parājeti | 295 | Pāṇupetaṃ | 142 |
| Parikappāvahāro | 330 | Pātabyataṃ | 250 |
| Parikkhitto | 259 | Pātāpeti | 305 |
| Paricārehi | 172 | Pātimokkham | 154 |
| Paricca | 156 | Pādam vā pādāraham vā | |
| Pariññā | 184 | atirekapādam vā | 268 |
| Paripati | 329 | Pādesu | 178 |
| Paribhāvitāni | 108 | Pādo | 258 |
| Paribhuñjanto | 172 | Pārājikassa | 226 |
| Paribhogo | 267 | Pārājiko | 224 |
| Pariyāyo | 103 | Pāsādikā | 250 |
| Pariyodātasippo | 249 | Pāsādiko | 188 |
| Pariyodāte | 127 | Pi | 108, 212 |
| Pariyonaddhāya | 109 | Pitāmahaṃ | 177 |
| Parivatteyyum | 151 | Pipāsavinayo | 183 |
| Parisuddham | 99 | Piyo | 171 |
| Parisuddhe | 127 | Piṇḍriyo | 182 |

| Padānukkamo | Piṭṭhaṅko | Padānukkamo | Piṭṭhaṅko |
|-----------------------|-----------|------------------------|--------------|
| [Pa] | | [Ba] | |
| Pītisukhaṃ | 115 | Bandhaṃ | 255 |
| Pucimando | 81 | Balaṃ | 172 |
| Puññāni | 172 | Bahisuṅkaghātaṃ pātetī | 314 |
| Punabbhavābhiniḅbatti | 107 | Bāhusaccamahattaṃ | 162 |
| Pupphaṃ | 179, 294 | Buddhappamukhaṃ | 167 |
| Pupphārāmo | 294 | Buddhavevacanāni | 216 |
| Pubbaṅgamo | 186 | Buddhānubuddhānaṃ | 155 |
| Pubbaṅgaṃ | 296 | Buddho | 94 |
| Pubbaṅhasamayaṃ | 146 | Bodhipakkhikānaṃ | 194 |
| Pubbapayogaḅkaṭaṃ | 271 | Byūhati vā | 271 |
| Pubbapayogo | 264 | Brahmacariyaṃ | 99, 137, 182 |
| Pubbarattāpararattaṃ | 194 | Brahmacāriṇo | 257 |
| Pubbenivāsaṃ | 128 | Brahmaññaṃ | 257 |
| Pubbenivāsānussati | 128 | Brāhmaṇo | 83, 101 |
| Pubbenivāso | 128 | [Bha] | |
| Purāṇadutiyaikāya | 179 | Bhagavā | 49 |
| Purāṇavohāriko | 257 | Bhaṇḅadeyyaṃ | 278 |
| Purāhaṃ haññāmi | 256 | Bhaṇḅaparikkappo | 330 |
| Purisadammasārathi | 93 | Bhattābhiihāraṃ | 174 |
| Pūvagharaṃ | 335 | Bhadro | 207 |
| Petapariggahe | 327 | Bhante | 165 |
| Pettikaṃ | 177 | Bhavissāma | 171 |
| Pesalānaṃ | 189 | Bhājanagataṃ | 300 |
| [Pha] | | Bhāraṭṭhaṃ | 293 |
| Phandāpeti | 275, 304 | Bhāvanānuyogaṃ | 194 |
| Phalaṃ | 294 | Bhiiṃsanakatasmiṃ | 157 |
| Phalakacīraṃ | 236 | Bhiiṃsanake | 156 |
| Phalārāmo | 294 | Bhikkhako | 204 |
| Phuṭṭhā | 194 | Bhikkhu | 204 |

| Padānukkamo | Piṭṭhaṅko | Padānukkamo | Piṭṭhaṅko |
|--------------------|-----------|---------------------------|-------------------------|
| [Bha] | | [Ma] | |
| Bhikkhupaccatthikā | 226 | Mahāmoggallāno | 150 |
| Bhikkhubhāvaṃ | 212 | Mahicchata | 187 |
| Bhikkhu bhikkhuṃ | 323-4 | Māgadho | 258 |
| Bhikkhusaṃghaṇca | 141 | Mātu | 176 |
| Bhikkhusaṃghena | 83 | Micchādiṭṭhikammasamādānā | 135 |
| Bhikkhusatehi | 83 | Micchādiṭṭhikā | 135 |
| Bhittikhīlo | 284 | Milakkhakaṃ | 221 |
| Bhindati vā | 279 | Mudubhūte | 127 |
| Bhinnapaṭadharo | 205 | Mūlaṃ | 81, 294 |
| Bhiyyobhāvāya | 190 | Mūlaṭṭhassa | 324 |
| Bhuttāvirin | 167 | Mūlḥassa | 140 |
| Bho | 84 | Me | 111, 131, 137, 142, 182 |
| [Ma] | | [Ya] | |
| Magadhamahāmatto | 255 | Yaṃ | 122, 186, 195 |
| Majjhimassa | 259 | Yannūna | 169, 212 |
| Maṇḍalikā | 268 | Yagghe | 175 |
| Mattikaṃ | 177 | Yato | 160 |
| Madanimmadanaṃ | 183 | Yathā | 131 |
| Madhugoḷako | 344 | Yathākammūpage | 133 |
| Manasā kattha | 156 | Yathājacco | 204 |
| Manāpo | 171 | Yathābhirantaṃ | 168 |
| Manoduccaritaṃ | 105 | Yathāyutto | 204 |
| Mamāyitaṃ | 261 | Yathārūpaṃ | 268 |
| Mariyādaṃ vā | 297 | Yadā sakkosi, tadā | 325 |
| Mahatā | 83 | Yānaṃ nāma vayhaṃ | 290 |
| Mahaddhanā | 173 | Yāvatatiyakaṃ | 249 |
| Mahallake | 102 | Yena | 100 |
| Mahābhogā | 173 | Yo | 203 |
| Mahāmattā | 268 | | |

| Padānukkamo | Piṭṭhaṅko | Padānukkamo | Piṭṭhaṅko |
|---------------------|-----------|------------------|----------------|
| [Ra] | | [Va] | |
| Rakkhitaṁ | 261 | Vajjemi | 336 |
| Rajakattharaṇaṁ | 258 | Vaṭṭupacchedo | 183 |
| Rajakabhaṇḍikaṁ | 258 | Vatiṁ vā | 297 |
| Rattaññumahattaṁ | 161 | Vattati | 173 |
| Ravāya | 221 | Vatthu nāma | 298 |
| Rahassaṁ | 186, 222 | Vatthuṁ | 213, 264 |
| Rahogatassa | 152 | Vanappati | 303 |
| Rāgavirāgo | 141, 183 | Vayo-anuppatte | 102 |
| Rājaggaṁ | 314 | Vasaladhammaṁ | 186 |
| Rājagahe | 247 | Vasaladhammo | 222 |
| Rājapaccatthikā | 232 | Vassaṁvutthā | 249 |
| Rukkhe vā laggitaṁ | 285 | Vākacīraṁ | 236 |
| Rogabyasanena | 194 | Vālakambalo | 237 |
| [La] | | Vikirati | 156 |
| Lakkhaṇūpanijjhānaṁ | 116 | Vigatūpakkilese | 127 |
| Lataṁ vā | 298 | Vigarahi | 185 |
| Lābhaggaṁahattaṁ | 161 | Vijāyi | 181 |
| Līnamano | 182 | Vijjā | 88, 131, 136-8 |
| Leḍḍupāto | 259 | Viññussa | 221 |
| Lokavidū | 89 | Vitakkavicārānaṁ | 117 |
| Loke | 109 | Vitakketha | 156 |
| Loko | 136 | Viddhamseti | 156 |
| Lomahaṁso | 177 | Vidhamati | 156 |
| Lomena | 256 | Vinayānuggahāya | 191 |
| Lohitikā | 250 | Vinā | 171 |
| [Va] | | Vinipāto | 135 |
| Vacaniyo | 109 | Vipallāsampi | 151 |
| Vacīduccaritaṁ | 105 | Vipācenti | 256 |
| Vajjigāmaṁ | 173 | Vimatim | 295 |
| | | Vimuccittha | 137 |

| Padānukkamo | Piṭṭhaṅko | Padānukkamo | Piṭṭhaṅko |
|-----------------|-----------|----------------|-----------|
| | [Va] | | [Sa] |
| Virāgāya | 183 | Samvarāya | 190 |
| Virāgo | 120 | Samvaritvā | 243 |
| Vivareyya | 140 | Samvāso | 225 |
| Vivicca | 113 | Samvidahitvā | 321 |
| Vivicceva | 112 | Samvidāvahāro | 321 |
| Vivekajaṃ | 115 | Samsāmetvā | 174 |
| Visamyogāya | 183 | Sa-uddesaṃ | 130 |
| Visahāmi | 177 | Sa-upādānāya | 183 |
| Vissajjetvā | 174 | Sake | 249 |
| Vissāsaggāhe | 326 | Sakyaputto | 84 |
| Viharati | 81 | Saggo | 136 |
| Viharitvā | 168 | Sankaḍḍhitvā | 249 |
| Vihāravatthu | 298 | Sanketakammaṃ | 322 |
| Vihāsim | 117 | Sankhalikhitaṃ | 170 |
| Vītisāretvā | 101 | Sanḅaṇikā | 187 |
| Vīriyaṃ | 111 | Sanḅamitum | 238 |
| Vīriyārambho | 188 | Sacchikatvā | 98 |
| Vuḍḍhe | 102 | Sajotibhūtāya | 186 |
| Vusitaṃ | 137 | Sato | 121 |
| Vūpasamā | 117 | Satthā | 93 |
| Veṭhanaṃ | 275 | Sattho | 259 |
| Venayiko | 106 | Sadevakam | 97 |
| Vepullamahattam | 161 | Sadevamanussaṃ | 97 |
| Vemaṭṭham | 278 | Saddhim | 83, 169 |
| Verañjā | 81 | Santappetvā | 167 |
| Verañjo | 83 | Santhatāya | 231 |
| Vesālikā | 194 | Sandamānikā | 291 |
| | [Sa] | Sandassetvā | 166 |
| Samghaphāsutāya | 189 | Sandiṭṭhā | 248 |
| Samvatṭakappe | 128 | Sandiṭṭho | 326 |

| Padānukkamo | Piṭṭhaṅko | Padānukkamo | Piṭṭhaṅko |
|-------------------|-----------|--------------------|-----------|
| [Sa] | | [Sa] | |
| Sapadānacāriko | 173 | Sammāsambodhiṁ | 109 |
| Sabbamattikāmayam | 249 | Sammodaniyam | 100 |
| Sabyañjanam | 99 | Sayam | 98 |
| Sabrahmakam | 97 | Saraṇam | 140 |
| Samaññā | 212 | Sarāgāya | 183 |
| Samaññāya | 205 | Salākāvuttā | 144 |
| Samaṇo | 83 | Sallekho | 187 |
| Samannāgatā | 134 | Savicāram | 114 |
| Samayena | 79 | Savitakkam | 114 |
| Samasikkhatā | 225 | Sasaññissa | 326 |
| Samādapetvā | 166 | Sassamaṇabrāhmaṇim | 97 |
| Samādāya | 173 | Sahatthā | 167 |
| Samārakam | 97-8 | Sahapayogo | 264 |
| Samāhitam | 112 | Sahabhaṇḍahārakam | 304 |
| Samāhite | 126 | Sahasā | 243 |
| Samuttejetvā | 166 | Sahāyakehi | 169 |
| Samudācarati | 178 | Sākāram | 130 |
| Sampajāno | 121 | Sājīvam | 210 |
| Sampajjalitāya | 186 | Sāttham | 99 |
| Sampannam | 150 | Sādhāham | 151 |
| Sampavāretvā | 167 | Sādhu kho pana | 100 |
| Sampasādanam | 118 | Sāmaññaṁ | 257 |
| Sampahamsetvā | 166 | Sāmikam | 295 |
| Sambahulā | 248 | Sāmikassa | 294 |
| Sambahulehi | 169 | Sāraṇiyam | 100 |
| Sambodhiparāyaṇo | 163 | Sāre | 162 |
| Sambhattā | 248 | Sāveti | 221 |
| Sambhatto | 326 | Sāhatthiko | 264 |
| Sammā | 108 | Sikkhā | 209 |
| Sammāsambuddho | 87 | | |

| Padānukkamo | Piṭṭhaṅko | Padānukkamo | Piṭṭhaṅko |
|-------------------|-----------|-------------------------|--------------------|
| [Sa] | | [Sa] | |
| Sikkhāpadam | 154, 188 | Seyyathidam | 128 |
| Sippam | 213 | Sevanacittam | 226 |
| Sisabhāro | 293 | So | 126, 128, 130, 132 |
| Su | 157 | So aññam | 324 |
| Sukaram | 213 | So itarassa | 324 |
| Sukhapharihato | 171 | So imam lokam | 97 |
| Sukhassa ca | 122 | So tam bhaṇḍam | 324 |
| Sukhedhito | 171 | So tam maññamāno aññam | 323 |
| Sugati | 136 | So tam maññamāno tam | 323 |
| Sugate | 133 | Sotāpanno | 163 |
| Sugato | 88-9 | So dhammam deseti | 98 |
| Suṅkam pariharati | 316 | Somanassadomanassānam | 123 |
| Suṅkaghātam | 314 | Svassa | 109 |
| Sutam metam | 101 | Svātanāya | 166 |
| Suttārūlam | 275 | Svāham | 111 |
| Sudam | 157 | [Ha] | |
| Suddho | 162 | Haṁsanti | 157 |
| Subharatāya | 187 | Haṭṭho | 172 |
| Suvaṇṇe | 133 | Hatthe bhāram | 294 |
| Sūnagharam | 335 | Haneyyum | 269 |
| Sekho | 207 | Harāyamāno | 212 |
| Seṭṭho | 111 | Hareyya | 262 |
| Setattikā | 144 | Hiraññam | 176 |
| Setaṭṭhikā | 143 | Hiraññam vā suvaṇṇam vā | 282 |
| Setu | 148 | Hīnāyāvattitvā | 177 |
| Seniyo | 258 | Hīne | 133 |
| Seyyathā | 108 | Heṭṭhimatalam | 150 |
| Seyyathāpi | 156 | Hetu | 153 |

Pārājīkakaṇḍa-aṭṭhakathāya paṭhamabhāge

Lakkhitabbānaṃ anukkamaṇikā

| Padānukkamo | Piṭṭhaṅko | Padānukkamo | Piṭṭhaṅko |
|--------------------------------|-----------|----------------------------|-----------|
| [A] | | [A] | |
| Āṅgavasena navavidhaṃ | 22 | Ariyupavāde atibhāriyaṃ | |
| Āṅguttaranikāyo | 22 | kammaṃ, tassa ca vatthu | 134 |
| Acalo pasādo | 184 | Alagaddūpamā | 19 |
| Aṭṭha taruṇabodhirukkhā, tesam | | Avahārānaṃ evaṃ nānattaṃ | |
| ropanaṭṭhānaṃ | 74 | veditabbaṃ | 330 |
| Āṇḍānaṃ apūtibhāvo viya | | Avahārā pañcavīsati | 263 |
| ñāṇassa aparihāni | 110 | [Ā] | |
| Atthasādhakacetanā nāma | | Ācariyaparamparā | 46 |
| maggānantaraphalasadisā | 325 | Āciṇṇaṃ duvidhaṃ | 163 |
| Attho | 18 | Āṇādesanā | 17 |
| Adinnādānaṃ nāma pariyāyena | | Ārāmavatthuvihāravatthūnaṃ | |
| muccati | 317 | vinicchayo | 298 |
| Adhiṭṭhānāni pañca | 68 | [I-U-E-O] | |
| Anāgate pacchimā janatā | | Itivuttakaṃ | 22 |
| sālīmaṃsodanaṃ | | Upasampadā nāma aṭṭhavidhā | 206 |
| atimaññissati | 149 | Upāsakavidhikosallatthaṃ | 141 |
| Anuḷā devī | 67 | Ehibhikkhugaṇanaparicchedo | 206 |
| Antarāyo kātum | 147 | Ovādapātīmokkhagāthāyo | |
| Abbhutadhammaṃ | 22 | tissova | 154 |
| Abhidhammapiṭakaṃ | 15 | [Ka] | |
| Ambaṅgaṇaṭṭhānaṃ | 75 | Kathā tividhā | 18 |
| Araññe ārakkhaṭṭhānaṃ nāma | | Kantāra | 93 |
| suṅkaghātatopi | | Kappā cattāro, tesam | |
| garukataraṃ -pa- tasmā ettha | | sīmā | 128-9 |
| appamattena bhavitabbaṃ | 300 | Kalyāṇā tayo | 98 |
| Ariyaddhaṃ pabbajitaṅgaṃ | 177 | | |

| Padānukkamo | Piṭṭhaṅko |
|--|-----------|
| [Ka-Kha] | |
| Kālena nāma nāgaraññā nimmitaṃ Buddharūpaṃ | 33 |
| Khuddakanikāyo | 22 |
| [Ga-Ca] | |
| Gabbhaggahaṇakāraṇaṃ | 179 |
| Gambhīrabhāvo catubbidho | 18 |
| Garahitabbaṃ garahati | 185 |
| Gāmo nāma duvidho | 260 |
| Catunnaṃ jhānaṃ kiccāni | 126 |
| Caturāṅgatamo | 140 |
| Caraṇadhammā pannarasa | 88 |
| Cārikaṃ caranti Buddhā | 164 |
| Cittavasikena pana na bhavitabbaṃ, paṭisaṅkhānabalena cittaṃ nivāretabbaṃ | 329 |
| [Ja-Jha] | |
| Jaṅgappamāṇaṃ thūpaṃ kāresi | 65 |
| Jhānaṃ duvidhaṃ | 116 |
| [Ta-Tha-Da] | |
| Tatiyaśāṅgīti navahi māsehi niṭṭhitā | 46 |
| Tambapaṇṇidīpaṃ tikkhattuṃ agamāsi Bhagavā | 66 |
| Titthiyāpi pubbenivāsaṃ saranti | 130 |
| Tīsu saraṇagamanesu kosallatthaṃ | 141 |
| Tīhi saṃvaccharehi vihāraḥkammaṃ niṭṭhāpesi | 37 |
| Thūpārāmo vihārāsisaḍiso | 65 |
| Dakkhiṇakkhakadhātu Tambapaṇṇidīpe | 66 |

| Padānukkamo | Piṭṭhaṅko |
|---|-----------|
| [Da] | |
| Dakkhiṇadāṭhā devaloke | 63 |
| Dakkhiṇasākhā | 70 |
| Dasabalassa dhātu yamaka- pāṭihāriyadassanaṃ | 66 |
| Diṭṭhivinivēṭhanakathā | 18 |
| Dīghanikāyo | 21 |
| Dukkaṭaṃ aṭṭhavidhaṃ | 271 |
| Dutiyaśāṅgīti aṭṭhahi māsehi niṭṭhitā | 27 |
| Desanā tividhā | 17 |
| [Dha] | |
| Dhammavinayavasena duvidhaṃ | 13 |
| Dhammo | 13, 18 |
| Dhātuyo doṇamattā | 69 |
| Dhātuharaṇatthāya pesesi Sumanasāmaṇeraṃ | 62 |
| [Na] | |
| Natthi loke raho nāma | 181 |
| Navasu raṭṭhesu sāsanaṃ patiṭṭhāpesuṃ | 48 |
| Nikāyavasena pañcavidhaṃ | 21 |
| Nigrodhasāmaṇeravatthu | 34 |
| Nigrodhasamāpattiṭṭhānaṃ | 66 |
| Nisajjadosā cha | 101 |
| Nissaraṇatthā | 20 |
| [Pa] | |
| Pakkhā tividhā | 318 |
| Paccantepe Sammāsambuddhassa dhātu patiṭṭhahissati | 63 |

| Padānukkamo | Piṭṭhaṅko |
|--|-----------|
| [Pa] | |
| Pacchimabuddhavacanaṃ | 14 |
| Pañcaṅgadasaṅgasīlaṃ Buddhe uppannepi anuppannepi loke pavattati | 209 |
| Pañca nikāyā | 13 |
| Pañca mahā-adhiṭṭhānāni | 68 |
| Paṭivedho | 18 |
| Paṭhamabodhiyaṃ nibaddhupaṭṭhāko nāma natthi | 146 |
| Paṭhamamajjhimapacchima- vasena tividhaṃ | 14 |
| Pathavī nāma anagghā | 297 |
| Paramatthadesanā | 17 |
| Parikappo duvidho | 330 |
| Parikkhārā aṭṭha | 205 |
| Pariyattibhedo tividho | 19 |
| Pahānāni tīṇi | 18 |
| Pāṭihāriyadassanaṃ | 44 |
| Piṭakavasena tividhaṃ | 14 |
| Pittaṃ duvidhaṃ | 234 |
| [Ba] | |
| Buddhakhettaṃ nāma tividhaṃ | 128 |
| Buddhānaṃ jīvitassa na sakkā kenaci antarāyo kātuṃ | 147 |
| Buddhā pana samakeneva ussāhena dhammaṃ desenti | 153 |
| [Bha] | |
| Bhaṇḍāgārikapariyatti | 20 |

| Padānukkamo | Piṭṭhaṅko |
|---|-----------|
| [Ma] | |
| Majjhimanikāyo | 21 |
| Maṅḍalāni tīṇi | 164 |
| Maṅḍūkadevaputtavatthu | 94 |
| Mahācetiyaṭṭhānaṃ | 75 |
| Mātugāmassa pupphaṃ nāma | 179 |
| Micchādiṭṭhito mahāsāvajja- taraṃ nāma aññaṃ natthi | 135 |
| Mukhaṃ nāma bhuñjanatthāya ca kathanatthāya ca kataṃ | 329 |
| Muttā aṭṭha | 56 |
| [Ya] | |
| Yathādhammasāsanam | 17 |
| Yathānulomasāsanam | 17 |
| Yo yo Aṭṭhakathāvādo vā theravādo vā pacchā vuccati | 260 |
| [Ra-La] | |
| Rasavasena ekavidhaṃ | 13 |
| Rājakakudhabhaṇḍāni pañca | 56 |
| Rājiddhiyo evaṃ veditabbā Asokassa | 32 |
| Liṅgaviseso | 238 |
| Lokā tayo | 90 |
| Lohapāsādaṭṭhānaṃ | 74 |
| [Va] | |
| Vinayadharassa lakkhaṇāni tīṇi | 199 |
| Vinayadharena pañca ṭhānāni oloketabbāni | 265 |

| Padānukkamo | Piṭṭhaṅko |
|--|-----------|
| [Va] | |
| Vinayapariyattiyā ānisaṃso | 77 |
| Vinayaṭṭakam | 14 |
| Vinayavinicchaye hi āgate garuke ṭhātabbam, esā vinayadhammā | 275 |
| Vinayo catubbidho | 191, 195 |
| Vippaṭṭisāro | 182 |
| Vedisanagaraṃ nāma Mahindattherassa mātu nivesanaṭṭhānaṃ | 53 |
| Vedallaṃ | 22 |
| Veyyākaraṇaṃ | 22 |
| Veḷuyaṭṭhiyo tisso | 55 |
| Vohāradesanā | 17 |
| [Sa] | |
| Saṃyuttanikāyo | 21 |
| Samvarāsamvarakathā | 18 |
| Saddhammo tividho | 190 |

| Padānukkamo | Piṭṭhaṅko |
|--|-----------|
| [Sa] | |
| Sabbaguṇasampattiṃ deti Buddhānaṃ pana arahattamaggo | 110 |
| Salākāya jīvikaṃ pavattenti | 144 |
| Sāsaṇaṃ tividhaṃ | 17 |
| Sāsaṇassa mūlāni otiṇṇāni nāma | 75 |
| Sikkhāpadaṃ duvidhaṃ | 193 |
| Suttantaṭṭakam | 15 |
| Sudinnassa putto ca bhariyā ca arahatte patiṭṭhahiṃsu | 181 |
| Sudinno pana Bhagavato dvādasame vasse pabbajito | 175 |
| Sumanasāmaṇerassa dhammasavanatthāya ghosanakālo | 58 |
| Sūro vata re esa vinayadharo | 229 |

Pārājīkakaṇḍa-aṭṭhakathāya paṭhamabhāge

Nāmānaṃ anukkamaṇīkā

| Padānukkamo | Piṭṭhaṅko | Padānukkamo | Piṭṭhaṅko |
|----------------------|------------------|---------------------------|--|
| [A] | | [A] | |
| Aggibrahmā (kumāra) | 38, 42 | Amaravatī (rājadhānī) | 37 |
| Aggisikha (nāgarājā) | 93 | Ambaṅgaṇaṭṭhāna | 75 |
| Aṅkura | 210 | Ambaṭṭha (māṇavaka) | 93 |
| Aṅgulimālatthera | 206 | Ambatthala | 55 |
| Aṅguliveṭṭhakamuttā | 56 | Ambalaṭṭhika (uyyāna) | 13 |
| Aciravatī (nadī) | 230 | Aravāḷa (daha) | 48 |
| Ajātasattu (rājā) | 9, 13, 54, 75 | Aravāḷa (nāgarājā) | 48 |
| Ajjukatthera | 344 | Ariṭṭha (amacca) | 61, 72, 74 |
| Aṭṭhakathāsu | 278, 333 | Ariṭṭha (kumāra) | 67 |
| Aḍḍhakāsi | 206 | Ariṭṭhatthera | 47 |
| Anurādha (pura) | 53, 59, 73, 256 | Avīci (mahāniraya) | 92, 136 |
| Anuruddha | 54, 132 | Asandhimittā (aggamaheṣī) | 32 |
| Anuruddhatthera | 7, 8, 27 | Asurabhavana | 92 |
| Anuḷā (devī) | 59, 67-8, 74 | Asoka (kumāra) | 32 |
| Anotatta (daha) | 32 | Asoka (rājā) | 33, 35, 39, 52, 54, 57, 62, 63 ādipiṭṭhesu |
| Antarasamudda | 266 | Asokārāma (vihāra) | 36, 37, 40, 41, 45, 52 |
| Aparagoyāna (dīpa) | 92 | Assakaṇṇa (pabbata) | 91 |
| Aparantaka | 48, 50 | Aḷakadevatthera | 51 |
| Apalāḷa (nāgarājā) | 93 | [Ā] | |
| Abhaya (rājā) | 54 | Ānanda | 148 |
| Abhayatthera | 47 | Ānandatthera | 5, 13, 22, 27, 146, 163, 165 ādipiṭṭhesu |
| Abhaya (pura) | 64 | | |
| Abhaya (rājā) | 64 | | |
| Abhaya (rājakumāra) | 66 | | |
| Abhayavāpī | 65 | | |

| Padānukkamo | Piṭṭhaṅko |
|---------------------------|---|
| [Ā] | |
| Ābhassarā | 129 |
| Ābhidhammikagodattatthera | 267 |
| Āmalakamuttā | 56 |
| Āyupālīttherī | 39 |
| Āḷavaka (yakkha) | 93 |
| [I-Ī] | |
| Iṭṭiyatthera | 46, 48, 52, 54 |
| Indaguttatthera | 37 |
| Isigili (pabbata) | 248 |
| Issaranimmāna (vihāra) | 74 |
| Īsadhara (pabbata) | 91 |
| [U] | |
| Ujjenī (raṭṭha) | 34, 52 |
| Uttarakuru | 92, 147, 151 |
| Uttaratthera | 48, 51, 52 |
| Uttarāpathakā | 144 |
| Uttiyatthera | 46, 48, 53 |
| Udayabhadda (kumāra) | 54 |
| Udāyitthera | 180 |
| Udumbara (Bodhirukkha) | 33 |
| Upatissatthera | 47, 228 |
| Upavāṇatthera | 146 |
| Upasena (Vaṅgantaputta) | 161 |
| Upālītthera | 4, 11, 14, 24, 25, 46, 47, 82, 152, 200 ādipiṭṭhesu |
| Uppalavaṇṇā | 237 |

| Padānukkamo | Piṭṭhaṅko |
|--------------------------|-----------------------|
| [O] | |
| Ojadīpa | 64 |
| [Ka] | |
| Kakudhaphalamuttā | 56 |
| Kakusandha (Buddha) | 64, 73, 158 |
| Kaṇḍamba (rukkha) | 66 |
| Karavīka (pabbata) | 91 |
| Kalanda (gāma) | 169 |
| Kalyāṇiyacetiyaṭṭhāna | 66 |
| Kasmīragandhāra (raṭṭha) | 48, 50 |
| Kassapa | 206 |
| Kassapagottatthera | 51 |
| Kassapa (Buddha) | 64, 65, 73, 158 |
| Kājaragāma (Kācaragāma) | 74 |
| Kāsi (raṭṭha) | 248 |
| Kāḷa (nāgarājā) | 33 |
| Kāḷasumanatthera | 47, 77 |
| Kāḷāsoka (rājā) | 26, 54 |
| Kurundaṭṭhakathā | 260, 273, 316, 341 |
| Kurundī | 2, 278, 302, 307 |
| Kurundīsāṅkhepaṭṭhakathā | 314 |
| Kusināra (nagara) | 4, 5 |
| Kūṭadanta (brāhmaṇa) | 93 |
| Koṇāgamana (Buddha) | 64, 73, 158 |
| Kontaputtatissatthera | 39 |
| Kosala (raṭṭha) | 248 |
| Kosala (rājā) | 87 |

| Padānukkamo | Piṭṭhaṅko | Padānukkamo | Piṭṭhaṅko |
|---|-------------|---------------------|--|
| [Kha] | | [Cha] | |
| Kharaloma (yakkha) | 93 | Chabbaggī (bhikkhū) | 230, 334 |
| Khujjasobhita | 27 | Chāta (pabbata) | 55, 56 |
| Khematthera | 47 | [Ja] | |
| Khemamigadāya (uyyāna) | 154 | Jambukola (paṭṭana) | 67, 72, 74 |
| [Ga] | | Jambudīpa | 24, 25, 37, 46, 54, 57, 62, 87, 92 ādipiṭṭhesu |
| Gaṅgā (nadī) | 168 | Jayanta (rājā) | 64 |
| Gajamuttā | 56 | Jātiyāvana | 243 |
| Gotama (Buddha) 8, 84, 101, 102, 105, 106, 109, 130, 139, 140 ādipiṭṭhesu | | Jīvakambavana | 13 |
| Godattatthera | 267 | Jīvakavatthu | 333 |
| [Ca-Cha] | | Jetavana (vihāra) | 8 |
| Caṇḍapajjota (rājā) | 180 | Jotipāla | 129 |
| Caṇḍavajjitthera | 28, 31, 200 | Jotivana | 61 |
| Caṇḍagutta (rājā) | 54 | [Ta] | |
| Candana (gāma) | 74 | Tambapaṇṇi (dīpa) | 46, 48, 52, 56, 59, 62, 63, 66, 68 ādipiṭṭhesu |
| Campā (nagara) | 147 | Tavakka (brāhmaṇa) | 74 |
| Cūḷadevatthera | 47 | Tāmalitti | 72 |
| Cūḷanāgatthera | 47 | Tāvatiṃsabhavana | 92 |
| Cūḷābhayatthera | 47 | Tidasapura | 147 |
| Cūḷasumanatthera | 265 | Tissa | 130 |
| Cūḷodara (nāgarājā) | 93 | Tissa (kumāra) | 32, 38, 39, 41 |
| Cetakatthera | 8 | Tissatthera | 41, 42, 47 |
| Cetaratṭha (gāma) | 66 | Tissadattatthera | 47, 77 |
| Cetiya (pabbata) | 53, 64, 74 | Tissa (mahābrahmā) | 27, 29 |
| Chattamāṇavaka (vimāna) | 141 | Tissa (rājā) | 55 |
| Chaddanta (daha) | 33 | | |

| Padānukkamo | Piṭṭhaṅko |
|---------------------------|-------------------------------------|
| [Ta-Tha-Da] | |
| Tissa (sāmaṇera) | 31, 32 |
| Tusitabhavana | 130 |
| Thūpārāma | 64-66, 68, 74, 76 |
| Dakkhiṇāgiri (janapada) | 52 |
| Dakkhiṇāpathamanussa | 145 |
| Datta | 130 |
| Damiḷa | 221 |
| Dāsakatthera | 24, 46, 200 |
| Dīghatthera | 47 |
| Dīghavāpicetiyaṭṭhāna | 66 |
| Dīghasumanatthera | 47, 77 |
| Dukūla (paṇḍita) | 180 |
| Duṭṭhagāmaṇī | 75 |
| Dundubhissaratthera | 51 |
| Devakūṭa (pabbata) | 64 |
| Devatthera | 47 |
| Devadatta | 194 |
| Devānāpiyatissa (rājā) | 52, 55, 62, 67, 72, 75 |
| Dvāramaṇḍala (gāmaka) | 66 |
| [Dha] | |
| Dhammapālitatthera | 47 |
| Dhammapālittherī | 39 |
| Dhammasenāpati | 95, 163 |
| Dhammāsoka (rājā) | 27 |
| Dhūmasikha (nāgarājā) | 93 |
| Dhanapāla (hatthi) | 93 |
| Dhaniya (kumbhakāraputta) | 79, 248, 249, 250, 251, 255, 258 |

| Padānukkamo | Piṭṭhaṅko |
|------------------------------|-----------------------------------|
| [Na] | |
| Nandanavana (uyyāna) | 60, 61, 133 |
| Nava nandā | 54 |
| Naḷerupucimanda | 152 |
| Naḷeru (yakkha) | 81 |
| Nāgatthera | 47 |
| Nāgadāsaka (rājā) | 54 |
| Nāgasamālatthera | 146 |
| Nāgitatthera | 146 |
| Nāḷanda (nagara) | 13 |
| Nigrodha (kumāra) | 34, 35 |
| Nigrodhatthera | 36, 39 |
| Nigrodha (Bodhirukkha) | 34, 73 |
| Nigrodha (sāmaṇera) | 34, 35 |
| Nimba (rukkha) | 81 |
| Nemindhara (pabbata) | 91 |
| [Pa] | |
| Pakuṇḍakābhaya (dāmarika) | 54 |
| Pañcavaggiyattherā (bhikkhū) | 206 |
| Paṭiyārāma | 64 |
| Paṭhamaka (cetī) | 59 |
| Paṭhamacetiyaṭṭhāna | 74 |
| Paṇḍuvāsudeva (kumāra) | 54 |
| Payāga (patiṭṭhāna) | 168 |
| Pākatikamuttā | 56 |
| Pāḷaliputta (nagara) | 27, 39, 43, 48, 62, 67, 69, 71 |
| Pārāyanika (brāhmaṇa) | 206 |
| Pāvā (nagara) | 5 |

| Padānukkamo | Piṭṭhaṅko | Padānukkamo | Piṭṭhaṅko |
|-------------------------|--------------|--------------------------|-------------------------------|
| [Pa] | | [Bha-Ma] | |
| Pucimanda (rukkha) | 81 | Bhaddāli | 80 |
| Pupphatthera | 47 | Bhaddiya (nagara) | 243 |
| Pupphayaṭṭhi | 55, 56 | Bhātiya (rājā) | 265, 267 |
| Pubbavideha | 92 | Majjhantikatthera | 39, 48 |
| Pubbārāma | 155, 207 | Majjhimaṭṭhakathā | 142 |
| Pokkharasāti (brāhmaṇa) | 93 | Majjhimatthera | 48, 51 |
| [Pha-Ba] | | Maṇḍadīpa | 64, 65 |
| Phārusakavana (uyyāna) | 133 | Maṇḍabya (kumāra) | 180 |
| Phussadevatthera | 47, 228 | Maṇḍūkadevaputta | 94 |
| Bandhumatī (nagara) | 154 | Mattābhayatthera | 76 |
| Bārāṇasī (nagara) | 168 | Malaya (janapada) | 259 |
| Bindusāra (rājā) | 32, 34, 54 | Malla (rājā) | 4 |
| Bimbisāra (rājā) | 87, 257, 268 | Mallikārāma | 80 |
| Bijaka (kumāra) | 181 | Mahā-aṭṭhakathā | 2, 250, 251, 260, 270, 276 |
| Bījakamātā | 181 | Mahā-ariṭṭhatthera | 76, 77 |
| Buddharakkhitatthera | 47 | Mahā-ariṭṭha (bhikkhu) | 75 |
| Buddhasiritthera | 2 | Mahākappina | 206 |
| Buddhasirī | 2 | Mahākassapatthera | 4, 8, 11, 23, 27, 46 |
| Bodhimaṇḍa | 129 | Mahācetiyaṭṭhāna | 66, 75 |
| Bodhirukkha | 65, 126 | Mahācetiya | 267 |
| Bodhirukkhaṭṭhāna | 65 | Mahāṭṭhakathā | 270, 277 |
| Brahmadatta (māṇavaka) | 13 | Mahādevatthera | 39, 48, 50, 51, 64 |
| [Bha] | | Mahādhammarakkhita | 50 |
| Bhaṇḍuka (upāsaka) | 52 | Mahādhammarakkhitatthera | 48 |
| Bhaṇḍukatthera | 53 | Mahānāgatthera | 47 |
| Bhaddanāmatthera | 46 | Mahānāgavana (uyyāna) | 62, 63 |
| Bhaddavaggī (kumārā) | 206 | Mahānāmatthera | 88 |
| Bhaddasālatthera | 48, 53 | | |

| Padānukkamo | Piṭṭhaṅko |
|--------------------------|-------------------------------|
| [Ma] | |
| Mahāpaccari-aṭṭhakathā | 2, 270, 275, 277, 286, 331 |
| Mahāpaccariyaṃ | 2, 260, 270, 336, 340-1 |
| Mahāpaccariyādi | 276, 277, 286, 331 |
| Mahāpajāpati | 207 |
| Mahāpadumatthera | 152, 228, 246, 323, 341 |
| Mahābodhiyaṅgaṇa | 245 |
| Mahābodhi (rukkha) | 68, 69, 71, 73 |
| Mahāmāyā (devī) | 95, 130 |
| Mahāmeghavana (uyyāna) | 73 |
| Mahāmoggallānatthera | 150, 151 |
| Mahārakkhitatthera | 48, 51 |
| Mahāraṭṭha | 48, 50 |
| Mahāvana | 192 |
| Mahāvaruṇatthera | 34 |
| Mahāvihāra | 8, 61, 265, 267 |
| Mahāsiriṣa (Bodhirukkha) | 73 |
| Mahāsivatthera | 47 |
| Mahāsumatthera | 228, 323, 341 |
| Mahāsumanatthera | 64 |
| Mahimsakamaṇḍala | 48, 50 |
| Mahinda (kumāra) | 38, 52 |
| Mahindatthera | 53, 55, 58, 59, 62, 64 |
| Mahiyaṅgaṇacetiyatṭhāna | 66 |
| Mahejavatthu | 64 |
| Mahodara (nāgarājā) | 93 |

| Padānukkamo | Piṭṭhaṅko |
|--------------------------|---------------------------------------|
| [Ma] | |
| Māra (devaputta) | 37, 38, 147, 166 |
| Migasiṅga (tāpasa) | 180 |
| Migāramātupāsāda | 155 |
| Missaka (pabbata) | 53, 55, 60 |
| Missakavana (uyyāna) | 133 |
| Muṭasiva (rājā) | 52-54 |
| Muṇḍo | 54 |
| Mutiyaṅgaṇacetiyatṭhāna | 66 |
| Meghavaṇṇābhaya (amacca) | |
| Meghavana (uyyāna) | 60 |
| Meghiyatthera | 146 |
| Moggallāna | 155 |
| Moggaliputtatissatthera | 24, 25, 32, 38, 39, 40, 42, 46, 48 |
| Moggalibrāhmaṇa | 28, 29 |
| [Ya] | |
| Yasa (kulaputta) | 206 |
| Yasatthera | 26, 27, 46 |
| Yugandhara (pabbata) | 91 |
| Yonakamahādhammarakkhita | |
| tthera | 41, 42, 48, 50 |
| Yonaka (raṭṭha) | 51 |
| Yonakaloka | 48 |
| [Ra] | |
| Rakkhitatthera | 48, 50 |
| Raṭṭhapāla | 175 |
| Rathamuttā | 56 |

| | |
|-------------|-----------|
| Padānukkamo | Piṭṭhaṅko |
|-------------|-----------|

[Ra]

| | |
|-------------------|-------------------------------|
| Rājagaha (nagara) | 7, 8, 13, 52, 79, 147, 334 |
| Rāhula (kumāra) | 171 |
| Rudradāmaka | 258 |
| Revatatthera | 26, 27 |
| Rohaṇa (raṭṭha) | 47, 74 |

[La]

| | |
|-------------------|----------------|
| Laṅkāḍīpa | 53, 59, 68, 70 |
| Latāyaṭṭhi | 55, 56 |
| Licchavi (kumāra) | 246 |
| Licchavi (rājā) | 178 |
| Lohapāsādaṅgaṇa | 245 |
| Lohapāsādaṭṭhāna | 74, 247 |

[Va]

| | |
|----------------------|---------------|
| Vajjiputtaka | 224 |
| Vajji (gāma) | 172 |
| Vajji (raṭṭha) | 26, 194 |
| Vaḍḍhamāna (nagara) | 64 |
| Vanavāsi | 48, 50 |
| Varadīpa | 64 |
| Valayamuttā | 56 |
| Vassakāra (brāhmaṇa) | 255 |
| Vālikārāma (vihāra) | 27 |
| Vāsabhagāmitthera | 27 |
| Vijayakumāra | 54 |
| Viñjhāṭavī | 72 |
| Vinataka (pabbata) | 91 |
| Vipassī (Buddha) | 153, 154, 157 |

| | |
|-------------|-----------|
| Padānukkamo | Piṭṭhaṅko |
|-------------|-----------|

[Va]

| | |
|-------------------------|--|
| Visāla (nagara) | 64 |
| Vedisaka (pabbata) | 53 |
| Vedisagiri (pabbata) | 54 |
| Vedisagiri (mahāvihāra) | 53 |
| Vedisa (nagara) | 52, 53 |
| Vebhāra (pabbata) | 9 |
| Verañjā (nagara) | 4, 24, 25, 81, 82, 142, 144, 147 |
| Verañja (brāhmaṇa) | 83, 100, 101, 138, 143, 147, 165, 167 |
| Velāma | 210 |
| Vesālī (nagara) | 11, 26, 27, 168, 194 |
| Vessantara (rājā) | 129, 210 |
| Vessabhū (Buddha) | 158 |
| Vehapphalā | 129 |

[Sa]

| | |
|------------------------------|------------------|
| Samghamittattherī | 67, 72, 74 |
| Samghamittā (rājadhītā) | 38, 39, 42 |
| Sakuṇayaṭṭhi | 55, 56 |
| Sakka (devarājā) | 62, 63 |
| Saṅkhepaṭṭhakathā | 270, 336, 344 |
| Saṅkhepamahāpaccariṭṭhakathā | 276 |
| Saccaka (Nigaṇṭhaputta) | 93 |
| Sattapaṇṇi (guhā) | 9 |
| Sattarasavaggī (bhikkhū) | 334 |
| Sabbakāmitthera | 26, 28 |
| Sabbanandatthera | 65 |

| Padānukkamo | Piṭṭhaṅko |
|------------------------|------------------------------------|
| [Sa] | |
| Sameṇḍī (rājā) | 64 |
| Sambalatthera | 46, 48, 53 |
| Sahampati (brahmā) | 87 |
| Sāgatatthera | 146 |
| Sāṇasambhūtatthera | 27 |
| Sāma (tāpasa) | 180 |
| Sāriputtatthera | 79, 83, 135, 152, 156, 163 |
| Sālavana | 4 |
| Sāvatti (nagara) | 7, 8, 66, 147 |
| Sāḷhatthera | 27 |
| Sikhī (Buddha) | 158 |
| Siggavatthera | 24, 25, 28, 29, 31, 46, 200 |
| Sineru (pabbata) | 91, 237 |
| Sivatthera | 47 |
| Sīhakumāra | 54 |
| Sīhaḷadīpa | 2 |
| Sīhaḷa (rājā) | 268 |
| Sudassana (pabbata) | 91 |
| Sudinna (Kalandaputta) | 11, 79, 170, 176, 177, 182, 188 |
| Sudinnatthera | 234 |
| Suddhodana (mahārājā) | 95 |
| Sunakkhattatthera | 146 |
| Sundara (kuladāraka) | 241 |
| Suppiya (paribbājaka) | 13 |
| Subhakiṇhā | 129 |

| Padānukkamo | Piṭṭhaṅko |
|------------------------|-----------------------------------|
| [Sa] | |
| Subhakūṭa (pabbata) | 64 |
| Subhadda (paribbājaka) | 4 |
| Subha (māṇavaka) | 8 |
| Sumanatthera | 27, 47 |
| Sumana (rājakumāra) | 34 |
| Sumana (sāmaṇera) | 52, 53, 58, 62, 63, 68, 71, 73 |
| Sumanā (devī) | 34 |
| Suvaṇṇakūṭa (pabbata) | 64 |
| Suvaṇṇabhūmi | 48 |
| Suvaṇṇabhūmi (nagara) | 51 |
| Susunāga (rājā) | 54 |
| Sūciloma (yakkha) | 93 |
| Setaketu (devaputta) | 130 |
| Sela (brāhmaṇa) | 206 |
| Soṇakatthera | 24, 25, 46, 200 |
| Soṇatthera | 48, 51, 52 |
| Soṇadaṇḍa (brāhmaṇa) | 93 |
| Sopāka (sāmaṇera) | 207 |
| Soreyya (nagara) | 168 |
| [Ha] | |
| Hayamuttā | 56 |
| Himavanta | 51 |
| Himavantadesabhāga | 48 |
| Himavanta (pabbata) | 92 |
| Himavanta (vana) | 32, 48 |

Pārājīkakaṇḍa-aṭṭhakathāya paṭhamabhāge

Nānāpāṭhā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ, Kaṃ = Kambojapotthakaṃ, I = Iṅgalisapotthakaṃ, Ka = kesuci Marammapotthakesu dissamānapāṭho, Ka-Sī = kesuci Sīhaḷapotthakesu dissamānapāṭho, Ṭṭha = Aṭṭhakathā.

Pārājīkakaṇḍa-aṭṭhakathāya

Nānāpāṭhā

Piṭṭhāṅkā

[A]

| | |
|---|-----|
| Aṃsabaddhakena = Aṃsavaddhakena (Sī, Syā) | 306 |
| Agghiyagayamuggarādīni = Agghiyagadāmuggarādīni (Sī) | 252 |
| Añño apadesāraho hoti = Añño apadesāraho na hoti (Sī, Syā) | |
| Nāñño apadesāraho hoti (Ka) | 116 |
| Aṭṭhakathāyaṃ = Mahā-aṭṭhakathāyaṃ (Ka) | 279 |
| Atināmeti = Vītināmeti (Syā) | 146 |
| Atisamagghepi = Anatimahagghepi (Ka-Sī) | 143 |
| Atha = Addhā (Syā) | 329 |
| Atthināmasadde = Atthisadde (Syā) | 176 |
| Atthibhāvaṃ = Abhāvaṃ (Sī, Syā) | 340 |
| Adūhalapāsāṇādīni = Adūhalapāsāṇāni (Sī) Addūhalādīni (Syā) | 338 |
| Adūhalapāsāṇehi = Addūhalapāsāṇehi (Syā) Aduhalapāsāṇehi (Ka) | 338 |
| Andhakāraṃ = Andhakāro (Ka) | 237 |
| Anacchariyaṃ vā = Anacchariyaṃ ca (Sī) | 102 |
| Anadhippetāṃ = Na adhippetāṃ (?) | 209 |

Nānāpāṭhā

Piṭṭhaṅkā

[A]

| | |
|---|-----|
| Ananuññātukāmopi = Ananujānātukāmopi (Ka) | 151 |
| Anācārena = Anādarena (Ka) | 246 |
| Anuññātāya = Anuññātā (sabbattha) | 207 |
| Anupubbikathā = Ānupubbikathā (Sī) | 34 |
| Anokappanāmarisanatthavasena = Anokappanāparisahanatthavasena (Ka) | 176 |
| Apatamāne = Apatamāne katvā (Sī) | 141 |
| Appagghataram vā = Samagghataram vā (Sārattha) | 333 |
| Appagghataram vā -pa- koṭṭhāsam = Mahagghataram parassa koṭṭhāsam (Syā) | 333 |
| Apubbavinicchayo = Anupubbavinicchayo (Syā, Ka) | 293 |
| Abhinibbattakkhandhaggaṇe = Abhinibbattakkhandhaggaṇā (Syā) | 135 |
| Aravālo = Āravālo (Syā, Yojanā) | 48 |
| Arogam = Abhedam (Ka) | 203 |
| Ahituṇḍikādīhi = Ahiguṇṭhikādīhi (Sī) | 317 |
| Aḷakadevattherena = Aḷakarevattherena (Ka) | 51 |

[Ā]

| | |
|---|-----|
| Āṇaṇyam = Āṇanyam (Sī) Āṇaṇyam (Syā) | 5 |
| Āvasissāmā”ti = Āgamissāmāti (Ka) | 344 |
| Āvijji = Āvijjhi (Sī, Syā) | 66 |
| Āviñchetvā = Āvaṭṭetvā (Sī, Syā) Āviñjetvā (Ka) | 277 |
| Āvijjhitvā = Āviñjitvā (Sī) | 304 |
| Āsīviso = Āsiviso (Ka) | 185 |

[U]

| | |
|--|-----|
| Ukkocam = Ukkoṭam (Ka) | 295 |
| Uccanīca-uḷāruḷāra = Uḷārānuḷāra (Syā) | 155 |
| Uccinī”ti = Tam na uccini (Sī, Syā) | 7 |
| Uddāpento = Uṭṭhāpento (Sī, Syā, Ka) | 259 |
| Udakatṭhāne vā = Udakatṭhāne (?) | 286 |

Nānāpāṭhā

Piṭṭhaṅkā

[U]

| | |
|---|-----|
| Upayogagamanūpaṅgaṃ = Upayogagamanakaṃ (Syā) | 294 |
| Upādinnaphassādīsu = Upādinnakaphassādīsu (Dī-Ṭṭha 1. 22 piṭṭhe.) | 20 |
| Uppilaṃ = Ubbillāvitāṃ (Sī), Ubbillaṃ (Syā), Uppilavaṃ (Ka) | 132 |
| Upekkhekaggatameva = Upekkhāvedanameva (sabbattha) | 125 |
| Umaṅgena = Ummaggena (Sī) Ummaṅgena (Syā) | 311 |

[E]

| | |
|---|-----|
| Ehibhikkhu nāma = Ehibhikkhūti bhikkhu nāma (Sī, Syā) | 205 |
|---|-----|

[O]

| | |
|---|-----|
| Okallako = Otallako (Sī) Ogallako (Syā) | 218 |
|---|-----|

[Ka]

| | |
|---|-----|
| Kaññaṃ = Kājaṃ (Syā, Ka, Dīpavaṃsa) | 56 |
| Kājaragāme = Gocaragāme (Ka) | 74 |
| Kālusiyassa = Kālussiyassa (Ka) | 119 |
| Kiṅkaṇikasaddoti = Kiṅkiṇikasaddoti (Sī, Syā) | 250 |
| Kiṅca bhiyyo = Kiṅci bhiyyo (Syā) | 121 |
| Kiṅci = Kaṅci (Sī) | 3 |
| Kuṭṭamūlanti = Kuḍḍamūlanti (Sī, Syā) | 175 |
| Kudālaṃ = Kuddālaṃ (Sī) | 270 |
| Kumīnena = Kuminena (Sī) Kumminena (Syā) | 287 |
| Koṇṭhāti = Koṇḍoti (Sī, Syā) | 219 |
| Konta = Kunta (Sī) | 39 |

[Kha]

| | |
|-------------------------------------|-----|
| Khalibaddhaṃ = Khalitthaddhaṃ (Syā) | 282 |
|-------------------------------------|-----|

[Ga]

| | |
|---|-----|
| Gaṇanānupubbato = Gaṇanānupubbatā (Ka) | 116 |
| Gabbhitena = Gabbitena (Sī) Tabbhitena (Syā) | 223 |
| Garuḷapakkhakanayena = Garuḷapakkhanayena (Syā) | 291 |

Nānāpāṭhā

Piṭṭhaṅkā

[Gha]

Ghaṇṭim̐ = Gaṇḍim̐ (Sī, Syā) Ghaṇḍim̐ (Ka) 336

[Ca]

Camaravālehi = Cāmarivālehi (Syā) Cāmarivālehi (Ka) 237

Corāvahaṭepi = Theyyāvavahaṭepi (Sī, Syā) 344

[Cha]

Chabbaṇṇaramsiyo ca = Himañca ramsiyo ca (Sī, Syā) 71

[Ja]

Jaṅghappamāṇam̐ = Gajappamāṇam̐ (?) 65

Jambudīpā te = Jambudīpāto (Sī, Syā, Dīpavaṁsa) 54

Jīvikam̐ = Jīvitam̐ (Ka) 144

Jīvikakappanam̐ = Jīvitakappanam̐ (Ka) 204

[Ña]

Ñatvā ca = Ñatvāva (Sī, Ka) 17

[Ta]

Tathā = Tathāyam̐ (Sī) 107

Tadavasāne = Tadavasesā (Sī, Syā) 334

Tassa = Tassa me (Sī, Syā) 5

Tātā = Hatā (Ka) 140

Tepi = Yepi (Ka) 28

Tam̐ dhuram̐ = Tam̐ (Sī, Syā) 291

[Da]

Dippati = Dibbati (Ka) 6

Duṭṭham̐ = Duṭṭhum̐ (Ka) 134

Dundubhissarattherena = Dundabhiyattherena (Ka) 51

Nānāpāṭhā

Piṭṭhānkā

[Da-Na]

| | |
|---|-----|
| Dvāraṃdado = Dvāradado (Syā) | 187 |
| Dvāsīti = Dvāsītim (Sī) | 23 |
| Namassaneyyaṃ = Namassanīyaṃ (Sī) | 1 |
| Navakammiko = Vanakammiko (Syā) | 215 |
| Na sarasīti vuttaṃ hoti = Idāni sarasīti vuttaṃ hoti (Ka) | 256 |
| Nānāratana-cittitā = Nānāratana-avicittā (Ka) | 91 |
| Nibbikosassa = Nimbakosassa (Sī, Syā) | 259 |
| Nibbāyimsu = Parinibbimsu (Sī, Syā) | 76 |
| Nirumbhitvā = Nirappitvā (Syā) Nirambitvā (Ka) | |
| Nidampitvā (Saddanīti) | 296 |
| Nūnimassa = Nūnamassa (Sī) Nanvimassa (Ka) | 112 |

[Pa]

| | |
|--|-----|
| Pakkāmi = Pakkami (Ka) | 7 |
| Pakkhantā = Pakkhandā (Ka) | 72 |
| Paggaḷitapubbakuṇapabhāvena = Paggharitampubbaṃ kuṇapabhāvena (Sī) | |
| Gaḷitampubbaṃ kuṇapabhāvena (Ka) | 230 |
| Paccakkhampi = Paccakkhamasi (Ka) | 176 |
| Paccāharāpetum = So paccāharāpetum (?) | 327 |
| Pajjotaṃ dhārentena = Pajjotadhāraṇena (Ka) | 140 |
| Paṭibāhiyyati = Paṭibāhīyati (Sī, Syā) | 6 |
| Paṭiviso = Paṭivimso (Sī) | 335 |
| Pataṅgamukhamaṇḍūkā = Baraṅkamukhamaṇḍūkā (Sī) | |
| Kharakamukhamaṇḍūkā (Syā) | 224 |
| Patthaṭabaddhasāṭake = Patiṭṭhitatthaddasāṭake (Syā) | |
| Patiṭṭhitabaddhasāṭake (Ka) | 290 |
| Patthapatthapulakaṃ = Patthapatthamūlakaṃ (Ka) | 145 |
| Patthapatthapulakanti = Patthapatthamūlakanti (Ka) | 145 |
| Pabbajitāto = Pabbajjato (Sī, Syā) | 171 |
| Parikkhakajanappasādakanti = Sarikkhakajanappasādakanti (Ka) | 99 |
| Pariyattibbhājanatthato = Pariyattibhājanatthato (Sī, Syā) | 16 |

Nānāpāṭhā

Piṭṭhāṅkā

[Pa]

| | |
|---|-----|
| Parisati = Parisatiṃ (Sī) | 256 |
| Pavutta = Pamutta (Sī) Pamuttam (Syā) | 103 |
| Plavantā = Pilavantā (Sī) | 288 |
| Paharivā = Āharivā (Syā) Harivā (Ka) | 316 |
| Pākavattatthāya = Pākavaṭṭatthāya (Sī, Syā) | 313 |
| Pācanena = Pājanena (Ka) | 291 |
| Pāsānata = Pāsādātala (Sī, Syā) | 280 |
| Piḷakam = Tilakam (Sī) | 223 |
| Pulakam = Mūlakam (Ka) | 145 |
| Pupphulaḷakā = Bubbulakā (Sī) Pubbulakā (Syā) | 70 |

[Ba]

| | |
|--|-----|
| Bandham = Baddham (Sī) | 255 |
| Bījanim = Vījanim (Sī, Syā) | 11 |
| Buddhavisayova = Buddhavisayo (Sī, Syā) | 159 |
| Bodhimaṇḍo = Bodhimaṇḍā (sabbattha) | 89 |
| Brahmajālamadesisunti = Brahmajālam adesyunti (Sī) | 52 |

[Bha]

| | |
|--|-----|
| Bhāgyavā = Bhagyavā (Ka) | 95 |
| Bhāgyamassa = Bhagyamassa (Ka) | 95 |
| Bhaṇḍassāmikopi = Bhaṇḍassāmiko (Sī, Syā) | 306 |
| Bhāsitamattam = Bhāsitamattam (Sī, Syā, Ka) | 105 |
| Bhiṅgāram = Bhiṅkāram (Sī) | 56 |
| Bhindivālam = Bhiṅdivālam (Sī) Bhiṅḍim vā vālam vā (Syā) | 284 |
| Bhūmimatto = Bhūmibhāgamatto (Syā) Bhūmimatte (Ka) | 298 |

[Ma]

| | |
|--|-----|
| Manussamaṃsacakkhunā = Manusso maṃsacakkhunā (Sī, Syā) | |
| Manussā maṃsacakkhunā (?) | 133 |
| Marisayāmīti = Parisahāmīti (Ka) | 176 |

Nānāpāṭhā

Piṭṭhaṅkā

[Ma]

| | |
|--|-----|
| Mahākathī = Mahākavi (Sī, Syā) | 47 |
| Mahādevattherena = Mahārevattherena (Ka) Sahassadevattherena (Syā) | 51 |
| Mahādevattheraṃ = Mahārevattheraṃ (Ka) | 48 |
| Mahābodhi-āsanaṭṭhāne = Mahābodhi-āsanaṭṭhāne (Sī, Ka) | |
| Mahā-āsanaṭṭhāne (Ṭīkā) | 74 |
| Mahāmoggallāno = Mahāmoggalāno (Ka) | 150 |
| Mahāmoggallānoti = Mahāmoggalānoti (Ka) | 150 |
| Mahāsummatthero = Mahāsummatthero (Sī) | 228 |
| Māgasiramāsassa = Migasirassa (Syā) | 72 |
| Migasiṅgatāpasassa = Isisiṅgatāpasassa (?) Khu 6. 31 Niḷinikājātakam passitabbam. | 180 |
| Migasiṅgam = Isisiṅgam (?) | 180 |
| Micchādiṭṭhika-tivedī = Micchādiṭṭhiko katavedī (Ka) | 190 |
| Moggallāno = Moggalāno (Ka) | 150 |
| Moḷigallo = Monigallo (Sī) Moṇigallo (Syā) Moḷikatto (Ka) | 219 |

[Ya]

| | |
|--|-----|
| Yāvade = Yāvadeva (Sī, Syā, Saṃ 1. 412 piṭṭhe) | 5 |
| Yena kenaci sibbitum = Yamkiñci sibbitum (Syā, Ka) | 253 |
| Yo yokoci nāma, so = Yo so yokoci nāmeso (Sī, Syā) | 203 |

[Ra]

| | |
|--|-----|
| Rakkhanti = Rakkhati (Sī) | 296 |
| Rājakakudhabhaṇḍāni = Rājakakudabhaṇḍāni (Ka) | 56 |
| Rājapaṭṭiggaḥitabhūtāni = Rājapariggahabhūtāni (Sī, Syā) | 255 |
| Rukkhamūle = Maṇḍape ca rukkhamūle ca (Syā) | 312 |
| Rudradāmakādīnaṃ = Dudradāmakādīnaṃ (Ka) | 258 |

Nānāpāṭhā

Piṭṭhānkā

[La]

| | |
|---|-----|
| Lānkārasadisam̐ = Lakārasadisam̐ (Sī) | 290 |
| Lakkhaṇīyattā = Sallakkhaṇīyattā (Sī, Syā) | 16 |
| Lakkhaṇe = Salakkhaṇe (sabbattha) | 16 |
| Laggetvā = Lañcetvā (Syā) Lañjetvā (Ka) | 321 |
| Labhāmi = Alabhāmi (Ka) | 295 |
| Lohapiṇḍiguḷapiṇḍitelamadhughaṭṭhādi = Lohapiṇḍaguḷapiṇḍa- telamadhughaṭṭhādi (Sī) | 280 |

[Va]

| | |
|--|-----|
| Vajesu viya = Vajesu (Syā, Ka) | 244 |
| Vamati vā passāvaṃ vā = Vaccam̐ vā passāvaṃ vā (Sī) Vamanam̐ vā uccāram̐ vā passāvaṃ vā (Syā) | 280 |
| Vavatthapetabbo = Vavatthapetabbo ko so vinayoti (Syā) | 4 |
| Vasanti = Vassanti (Sī, Syā) | 186 |
| Vasatūti = Vasitunti (Ka) | 238 |
| Vase = Vasīvasena (Ka) | 127 |
| Vālikārāme = Vālukārāme (Sī) | 27 |
| Vāsam̐ = Vassāvāsam̐ (Sī, Syā) | 142 |
| Vicinitāvasesam̐ = Vicitāvasesam̐ (Sī, Syā) | 333 |
| Vinicchinitum̐ = Vinicchitum̐ (Ka) | 152 |
| Vippanaṭṭhā nāvā = Vippanaṭṭhanāvā (Ka) Vippanaṭṭhanavā (Sī, Ka) | 289 |
| Vissatthā = Visatṭhā (Ka) | 9 |
| Vissakammunā = Visukammunā (Ka) | 9 |
| Visākhapuṇṇamādivase = Visākhapuṇṇamādivase (Syā) | 4 |
| Vedisanagaraṃ = Veṭisanagaraṃ (Ka) Vediyanagaraṃ (Ka-Sī) | 52 |
| Vuḍḍhilakkhaṇa = Vuḍḍhisalakkhaṇa (sabbattha) | 16 |
| Vuttā = Vuttattā (Sī, Ka) | 205 |

[Sa]

| | |
|---|-----|
| Saṅkarīyati = Saṅkiyati (Ka) | 261 |
| Sakissariyanissitā = Sakavīriyanissitā (Ka) | 269 |

Nānāpāṭhā

Piṭṭhāṅkā

[Sa]

| | |
|--|-----|
| Saṅkhatattā = Saṅkhaṭattā (Sī) | 2 |
| Saṅkhātasāṅghātena = Saṅghātasāṅkhātena (Dī-Ṭṭha 1. 36 piṭṭhe) | 83 |
| Saṅgamitum̐ = Saṅkamitum̐ (Sī, Syā, Ka) | 238 |
| Saṅgamituntī = Saṅkamituntī (Sī, Syā, Ka) | 238 |
| Saccameva = Sabbametam̐ (Sī) Sabbameva (Syā) | 260 |
| Saṭṭhivassikatthero = Vassasatikatthero (Sī, Syā) | |
| Vassasatṭhikatthero (Ka) | 206 |
| Sattatisahassādhikassa = Sattatimsasahassādhikassa (Sī, Syā) | 51 |
| Sattapaṇṇi = Sattapaṇṇa (Syā) | 9 |
| Sadā = Yadā (Sī) | 301 |
| Sandiṭṭhamānā = Sandihamānā (?) | 189 |
| Sabahumāno = Sambahumāno (Syā, Ka) | 35 |
| Sabbapaliguṇṭhimam̐ vā = Sabbapariguṇṭhimam̐ vā (Syā) | 290 |
| Sabbāyatanāni = Sabbāyatanāni upaṭṭhahantam̐ (Sī) | 227 |
| Samanubaddho = Samanubandho (Ka) | 315 |
| Samavalokanam̐ = Samolokanam̐ (Sī, Syā) | 164 |
| Samudāyo = Samūho (Sī) Samudayo (Syā) | 25 |
| Sammutidevehi = Sammatidevehi (Syā) | 97 |
| Sahoḍḍhaggahito = Sabhaṇḍagahito (Sī) Sahoḍḍhaggahito | |
| (Syā, Sakkatānulomam̐) Sahoḍḍagahito (Ka) | 193 |
| Sāraṇeneva = Haraṇeneva (Ka) | 283 |
| Sārathi = Sārathī (Ka) | 59 |
| Sārentassa = Osārentassa (Syā) Harantassa (Ka) | 283 |
| Sīlakūṭamhi = Silakūṭamhi (Sī) Pīlakūṭamhi (Syā) | 54 |
| Sukhasamphassopi = Atisukhumasamphassopi (Ka) | 205 |
| Suttanti = Suttam̐ suttanti (Sī, Syā) | 15 |
| Suvakāhaṭam̐ = Sukamāhaṭam̐ (Dīpavam̐se) | 56 |
| Sūdāti cetam̐ = Sūdāti ca (Syā) | 15 |
| Sūnāgharam̐ = Sūnāgharam̐ (Sī, Syā) | 335 |

Nānāpāṭhā

Piṭṭhaṅkā

[Sa]

| | |
|--|-----|
| So dāne nirussāho = Tasmim dāne nirussāhe (Sī) | |
| Tasmim dāne nirussāho (Syā) | 306 |
| So vatāyam = Suvaco vatāyam (Syā) | 32 |

[Ha]

| | |
|---|-----|
| Hatthavārehi vā padavārehi vā = Hatthapādehi vā (Sī, Syā) | 286 |
| Hanatha = Bandhatha (Sī) | 49 |
| Hoti, sippikāyapi = Hoti sappi-ādi, yamhi (Ka) | 277 |

Pārājīkakaṇḍa-aṭṭhakathāya paṭhamabhāge

Gāthāsūci

| Paṭhamapādā | Piṭṭhāṅkā | Paṭhamapādā | Piṭṭhāṅkā |
|---------------------------------|-----------|------------------------------|-----------|
| [A] | | [E] | |
| Aṭṭhasaṭṭhi mahātherā | 76 | Ete nāgā mahāpaññā | 46, 47 |
| Atthasataṃ dhammasataṃ | 190 | Ete satta mahāselā | 91 |
| Atthānaṃ sūcanato | 15 | Evaṃ acintiyā Buddhā | 66 |
| Anupavādo anupaghāto | 155 | Evaṃ aniccaṃ jammaṃ | 29 |
| Anekajātisaṃsāraṃ | 14 | Evaṃ anupabbajito | 42 |
| Anotattādaḱaṃ kaññaṃ | 56 | [Ka] | |
| Apadānaṃ ahimacchā | 224 | Katā bhikkhusahassena | 46 |
| Aparantaṃ vigāhitvāna | 50 | Kappiyepi ca vatthusmiṃ | 345 |
| Abhiññeyyaṃ abhiññātaṃ | 87 | Kāmañca pubbācariyāsabhehi | 2 |
| Asambudhaṃ Buddhanisevitaṃ | | Ko me vandati pādāni | 94, 139 |
| yaṃ | 1 | [Kha-Ga] | |
| Ahaṃ Buddhañca dhammañca | | Khantī paramaṃ tapo titikkhā | 154 |
| (Dīpavaṃsa) | 56 | Khīṇāsavā jutimanto | 26 |
| [Ā] | | Khīṇāsavā vasippattā | 29, 76 |
| Ācariyaparamparato | 168, 247 | Gantvā Kasmīragandhāraṃ | 50 |
| Āpattidassanussāho | 346 | Gantvāna Majjhimatthero | 51 |
| Ārakattā hatattā ca | 87 | Gantvāna Rakkhitatthero | 50 |
| Ālokaṃ dassayitvāna | 76 | Gantvāna raṭṭhaṃ Mahimsaṃ | 50 |
| Āvudhaṃ nikkhipitvāna | 57 | Gamanena na pattabbo | 90 |
| [I] | | Gahakāraka diṭṭhosi | 14 |
| Icevamaccantanamassaneyyaṃ | 1 | Guṇehi yo silasamādhipaññā | 1 |
| Imesu tīsu vatthūsu (Dīpavaṃsa) | 57 | [Ca] | |
| [U] | | Catuttimseva suttantā | 21 |
| Upayogena bhummēna | 81 | Catubbidhaṃ hi vinayaṃ | 195 |
| Upāli dāsako ceva | 24, 46 | | |

| Paṭhamapādā | Piṭṭhaṅkā |
|----------------------------|-----------|
| [Ca] | |
| Caturāsīti sahasāni | 91 |
| Caturāsīsahasāni | 92 |
| Caturō janā saṁvidhāya | 321 |
| Cattāri satahasāni | 91 |
| Cūḷadevo ca medhāvī | 47 |
| Cūḷābhayo ca medhāvī | 47 |
| [Cha-Ñā-Ṭha] | |
| Chātabbatapādāmi | |
| (Dīpavaṁsa) | 56 |
| Ñātako no nisinnoti | 45 |
| Ṭhapetvā caturopete | 22 |
| [Ta] | |
| Taṁ me nisāmentu | 3 |
| Tato upaḍḍhupaḍḍhena | 91 |
| Tato ca bhāsantameva | 3 |
| Tato Mahindo Itṭiyo | 46 |
| Tasmā imaṁ Pāḷinayānurūpaṁ | 2 |
| Tasmā paraparikkhāraṁ | 345 |
| Tasmā vatthumhi otiṇṇe | 345 |
| Tasmā have lokavidū | 90 |
| Tasmā hi yaṁ Aṭṭhakathāsu | 3 |
| Tassa sisso mahāpaṇṇo | 47 |
| Ticīvaraṅca patto ca | 205 |
| Tipaṅcayojanakkhandha | 92 |
| Tīṇi sataṁ sahasāna | 206 |
| Tenāti-ādipāṭhassa | 4, 79 |
| Telaṁ madhum phāṇitaṅcāpi | 240 |
| Tevijjā iddhipattā ca | 57 |

| Paṭhamapādā | Piṭṭhaṅkā |
|---------------------------|------------|
| [Tha-Da-Dha] | |
| Thullaccayanti yaṁ vuttam | 273 |
| Diṭṭhe dhamme ca yo attho | 80 |
| Diyāḍḍhasatasuttantā | 21 |
| Dīpe tārakarājāva | 47 |
| Dukkaṭam iti yaṁ vuttam | 273 |
| Dutiyaṁ adutiya | 247, 345 |
| Dutiyaṁ saṅgamaṁ katvā | 28 |
| Dutiyo pana saṅgīto | 27 |
| Duve satahasāni | 91 |
| Desanāsānakathā | 17 |
| Dvāsīti Buddhato gaṇḥim | 23 |
| Dve asīti sahasāni | 92 |
| Dhammapāḷitanāmo ca | 47 |
| [Na] | |
| Na paṭicca kammaṁ phusati | 45 |
| Navasatasahasāni | 91 |
| Nava suttasahasāni | 22 |
| Nikāye paṅca vācesum | 47 |
| Nīlādi yādisaṁ pupphaṁ | 56 |
| Neva me sakkucceyyāsi | 49 |
| [Pa] | |
| Paṇṇāsa yojanakkhandha | 92 |
| Paramparāya vinayaṁ | 24, 26 |
| Pariyattibhedam | |
| sappattim | 17, 19, 21 |
| Passivāpi ca āpattim | 345 |
| Paḷinā Jambudīpā te | 54 |
| Pārājikanti yaṁ vuttam | 225 |
| Pāḷim aṭṭhakathānceva | 345 |
| Piṭakam piṭakatthavidū | 16 |

Paṭhamapādā Piṭṭhaṅkā

[Pa]

| | |
|-------------------------|----|
| Puṇṇamāyaṃ mahāvīro | 63 |
| Punadeva Abhayo medhāvī | 47 |
| Punadeva Upāli medhāvī | 47 |
| Punadeva Kālasumano | 47 |
| Punadeva Sumano medhāvī | 47 |
| Pubbe vasannivāsena | 35 |
| Purato purasetṭhassa | 54 |

[Ba-Bha]

| | |
|------------------------------|----------|
| Buddhena dhammo vinayo | 3 |
| Byañjanaparīsodhanato | 168, 247 |
| Bhagavāti vacanaṃ seṭṭhaṃ | 95 |
| Bhagī bhajī bhāgī vibhattavā | 95 |
| Bhaggarāgo bhaggadoso | 96 |
| Bhaye kodhe pasamsāyaṃ | 139 |
| Bhāgyavā Bhaggavā yutto | 95 |
| Bhovādī nāma so hoti | 84 |

[Ma-Ya]

| | |
|--------------------------------|-----|
| Maṇḍūkohaṃ pure āsim | 94 |
| Mahāraṭṭhaṃ isi gantvā | 50 |
| Mahindo nāma nāmena | 53 |
| Mā dāni kodhaṃ janayittha | 49 |
| Yaṃ ettha vuḍḍhimanto | 16 |
| Yaṃ manusso kare pāpaṃ | 273 |
| Yattha ca | |
| dinnamahapphalamāhu | 141 |
| Yaso ca Sāṇasambhūto | 27 |
| Yasmā tasmā suviññeyyaṃ | 247 |
| Yasmiṃ ṭhite sāsanaṃatṭhitassa | 2 |
| Yāvata candimasūriyā | 90 |

Paṭhamapādā Piṭṭhaṅkā

[Ya-Ra]

| | |
|-------------------------|-----|
| Yugandharo Īsadharo | 91 |
| Yehi therehi saṅgītā | 27 |
| Yo kappakoṭhipi | 1 |
| Yojanānaṃ satānucco | 92 |
| Yonaraṭṭhaṃ tadā gantvā | 51 |
| Rāgavirāgamanejamasokaṃ | 141 |

[Va]

| | |
|-------------------------------|-------|
| Vatthum kālaṅca desaṅca | 265 |
| Vāri pokkharapatteva | 237 |
| Vālabījanimuṅhisaṃ | 56 |
| Vinicchayo Aṭṭhakathāsu vutto | 2 |
| Vividhavisesanayattā | 15 |
| Visārado Kālasumano | 47 |
| Vuttaṃ yena yadā yasmā | 4, 78 |
| Vedisagirimhi Rājagahe | 54 |

[Sa]

| | |
|---------------------------|----------|
| Samvaṇṇanaṃ taṅca | |
| samārabhanto | 2 |
| Samvaṇṇanā pavattā | 168, 247 |
| Samvaṇṇanā Sihaḷadīpakena | 2 |
| Saṅgāyitvāna saddhammaṃ | 25 |
| Sacepi tvaṃ mahiṃ sabbaṃ | 49 |
| Satayojanavitthiṇṇā | 92 |
| Satehi pañcahi katā | 23 |
| Satehi sattahi katā | 27 |
| Sattavīsa sahasāni | 206 |
| Satta suttasahasāni | 21 |
| Sadevakopi ce loko | 49 |
| Sabbaṃ satahasāni | 91 |
| Sabbakāmiṃpabhutayo | 28 |

| Paṭhamapādā | Piṭṭhaṅkā | Paṭhamapādā | Piṭṭhaṅkā |
|----------------------------|-----------|-------------------------------|-----------|
| [Sa] | | [Sa] | |
| Sabbapāpassa akaraṇaṃ | 154 | Sikkhāpadaṃ samaṃ tena | 345 |
| Samaṇā mayaṃ mahārāja | 55 | Sivikaṃ saṅkhaṃ vaṭaṃsaṅca | 56 |
| Samavāye khaṇe kāle | 79 | Suttantikānaṃ vacanānamatthaṃ | 3 |
| Samuṭṭhānaṅca kiriyā | 235, 328 | Sumano Vāsabhaḡāmī ca | 27 |
| Sampassataṃ na dissati | 168, 247 | Suvaṇṇabhūmiṃ gantvāna | 52 |
| Sallekhiye nosulabhūpamehi | 2 | [Ha] | |
| Sāmaṇero ca Sumano | 53 | Harītaḡaṃ āmalakaṃ | 56 |